

8.54. B. 18

NAZIONALE



8

CENTRALE V. E. II

54 3

18

ROMA



Ex Bibliotheca  
majori Coll. Rom.  
Societ. Jesu

48.4.29.

48

D

36



8.54.13.18



**TRACTATVS**  
**DE**  
**VISIONE**  
**BEATIFICA:**

1

CHILDRON

THE

CHILDREN

OF

THE

CHILDREN

OF

THE

CHILDREN

OF

THE

TRACTATUS

*Bibb.* DE *sec.*

VISIONE

BEATIFICA.

*coll.* AUCTORE *Dom.*

ADMODVM REV. P.

FR. PETRO DE COMITIBVS

R O M A N O

Ord. Erem. S. August. Artium, & Sac. Theol.

Doct. & Mag. in Conuentu S. Stephani

Venetiarum Regente, & Sancti

*loc.* Officij Consultore. *seu*

DICATVS

*Reuerendiss. atque integerrimo Patri*

FR. IOANNI THOMÆ

R O V E T T Æ

D E B R I X I A ,

Ord. Præd. Sac. Theol. Mag. Venetiarum,

totiusque eius Dominij Inquisitori

à S. Sede in hereticam pestem

specialiter deputato.



V E N E T I I S , M. DC. LXXIX.

Apud Dominicum Milochum.

*Superiorum Permissu, & Privilegijs.*





REVERENDISSIME

Atque integerrime Pater.



Vm meas ad manus  
imprimenda per-  
uenerint Opera  
theologica ad.R.P.

Fr. Petri de Comitibus Roma-  
ni de Republica litteraria tam  
bene meriti, ob tot omnis ge-  
neris euulgata volumina, illi-  
cò animum applicui, vt  
meam operam alicui viro vn-  
dequaque conspicuo nuncu-  
parem. Nec diù dubitare de-  
bui cui potissimum hunc pri-

a 3 mum

mum de Visione Dei , mole-  
quidem exiguum tomum ,  
operis tamen maiestate subli-  
mem , tamquam Patrono  
omnium maximo consecra-  
rem . Siquidem *Tu, Reueren-*  
*dissime Pater* , longè ante alios  
primus occurristi , non solum  
ob tuam insignem benignita-  
tem , qua me , aliosque ty-  
pographos amoris vinculis  
deuinxisti , sed etiam quia  
tuorum morum iucunda sua-  
uitas , vsque adeo Venetis  
omnibus arrides , vt nemo sit ,  
qui tantæ comitati , tam-  
quam de Coelo delapsæ , suos  
animos non fecerit vectiga-  
les . His accedit Authoris  
iudicium , qui tam frequen-  
ter



ter mecum erupit in tua encomia , vt mihi amabilissimum præ se tulerit quod innata cordis propensione tacitus venerabar . Et quoniam in illo beneuolentiæ tuæ col-  
lucent insignia , qua tantum Virum in Consultorem Sancti Officij, & librorum Censore euexisti , puto, tibi non futuram iniucundam eius operum nuncupationem , vt videlicet assiduò præ oculis habeas monumentum ære ipso perennius , quo amicissimi hominis frequentissima subeat recordatio . Accipe igitur quod Tibi tot titulis debetur ; & quod mihi defuit ad audendum , suppleat

pretiũm operis tam eximij,  
vnde quod ex mei parte vilif-  
simum foret , fiat aliquod  
æstimabile , dignumque mu-  
nus , quo obsequentiſſimus  
tuus Typographus, tuam præ-  
cæteris adorandam proſequi-  
tur humanitatem. Vale, diu-  
que viue Venetorum felici-  
tati.

Venetijs, Nonis Martij. 1679.

*Humilimus Seruus*

Dominicus Milochus,  
Ad



A D

# LECTOREM.



*Resolutis, Deo fauente,  
materijs philosophi-  
cis, cursum incipimus  
theologicum. Ut au-  
tem omnes intelligant, me omnia  
dirigere ad honorem, & gloriam  
Domini Dei mei Iesu Christi, ini-  
tium sumo ex Tractatu de Visio-  
ne Dei, quam vnice appeto,  
tamquam omnium laborum meo-  
rum vltimum finem, & ad quam  
dirigo totum meum studium, vt  
videlicet illo mediane, omnes  
possint facilius cognoscere vlti-*

a

s

mum

munum finem , & ad illum solum  
totius suae vitae cursum ordinare .  
Ut autem omnes percipiant me-  
thodum, quam servabo , in pro-  
sequendo cursu theologico , sciant  
me non servaturum eundem sty-  
lum in theologicis , quem serva-  
ui in summa philosophica , sed  
aliū laxiorem , & multò magis  
accommodatum ad captum audi-  
torum . Et hoc duplici de causa .  
Altera est , quia cū materiae  
theologicae sint multò profundio-  
res philosophicis , non possunt la-  
conicè pertractari, sed debent mi-  
nutatim concidi , ut intimae dif-  
ficultatum fibrae enucleentur .  
Aliter studiosi difficultate per-  
territi retrahuntur a studio theo-  
logiae , vel si improbo labore ad-  
huc velint ad illud incumbere ,  
inci-

incidunt in errores, ob malam  
intelligentiam questionum. Et  
hac est ratio, cur vsque adeo  
percrebuerint haereses, ut visa  
fuerint catholica veritatis in-  
fuscare candorem, quia hare-  
tici verum scriptorum sensum  
non perciperunt. Quod est adeo  
verum, ut ex ipso Augustino,  
(quem iure veritatis catholicae  
Solem nuncupaueris) multae pro-  
dierint haereses, non quod Au-  
gustinus errauerit, hoc enim es-  
set perinde, ac ipsam veritatem  
falsitatis insimulare, sed quod  
non omnes illum perciperint.  
Immo ex ipsa sacrorum codicum  
obscuritate, ansam arripuerunt  
haeretici, suis technis fulcrum  
subtexere, perperam interpre-  
tantes quod ad suos errores de-

flectere meditabantur : Altera  
est, quia ingraescente iam eta-  
te, morbisque exagitatus non  
paucis, sperare non possum, me  
ad finem usque ducturum sum-  
mam theologicam, quam fortasse  
paucorum annorum curriculo nu-  
meris omnibus absoluerem, si pos-  
sem laborum leuamentum percipe-  
re, manusque habere liberaliter  
auxiliatrices. Atque adeo cor-  
pus aliquod informare non pos-  
sum, nunquam formandum.  
Demum quia cum habeam in  
theologicis cursum philosophicæ  
summæ consentaneum, subtilita-  
tibus metaphysicis refertissimum,  
priusquam vniuersam materiam  
omnibus exponam, opportunum  
duxi circa vnam tantum prolude-  
re materiam, in eaque in eorum  
prin-

principiorum iactis fundamentis,  
ad singulare certamen lectores  
prouocare, vt vel mecum sentiant  
multa moliente in lucem de nouo  
promere, vel me secum trahant v-  
nius fumidæ antiquitatis adora-  
torem. Nullo ergo seruato ordi-  
ne, tractatus theologicos, ceu sco-  
pas dissolutas, in medium afferam  
singillatim, prout genius, tempus,  
occafio persuaferint. Quicumque  
ergo sibi aliquem ex meis tracta-  
tibus comparauerit, sistat in illo,  
tamquam vltimo meorum ope-  
rum, neque aliud subsecuturum  
speret. Aliter aliorum deside-  
rio, vt omnia simul habeat,  
presens negliget, & alia fortassis  
in lucem prodire non poterunt.  
Unum sanctè polliceor, nempe si  
per vitam licuerit, me totum pro-  
secu-

*secuturum theologicum cursum,  
in quo nihil erit, quod S. R. Ec-  
clesiae dogmatibus non nitatur,  
sacrarum scripturarum praesidio  
non fulciatur, Patrum, & docto-  
rum auctoritatibus non habeat, &  
rationibus solidissimis non probe-  
tur, nullius tamen arbitrio eman-  
cipatum. Vale.*

IN-





# INDEX

## DISPUTATIONVM, ET ARTICVLORVM.

*Qui continentur in Tractatu de  
Visione Dei.*



### DISPUTATIO I. De Existentia Dei.

- Ar. 1. **A**N possit demonstrari existentia Dei? Re-  
feruntur opiniones authorum. pag. 1  
Ar. 2. Resolvitur status questionis, & ostenditur quid  
sit dicendum de hac materia. pag. 3  
Ar. 3. An possit pure philosophicè clare, & evidenter  
probari ab effectibus existentia Dei: Vbi an possit  
via naturali cognosci Trinitas Personarum? 6  
Ar. 4. An possit saltem à priori pure philosophicè eui-  
denter probari diuina existentia? 8

### DISPUTATIO II. De Visibilitate Dei.

- Ar. 1. **A**N possit simpliciter videri Deus per essen-  
tiam, seu cognitione intuitiva? 11  
Ar. 2. An possit videri per essentiam etiam naturali-  
ter? Præmittuntur errores hæreticorum. 15  
Ar. 3. Examinantur rationes nonnullorum Recentio-  
rum,

rum, quibus, saltem negativè, videntur favere  
nuper impugnatis. 17.

Ar. 4. Resolvitur status questionis, an videlicet possit  
Deus videri naturaliter per essentiam. 18

Ar. 5. Solvuntur argumenta contraria. 23

Ar. 6. Solvuntur alia argumenta contraria. 28

### DISPUTATIO III.

#### De Ente supernaturali.

Ar. 1. **E**xplicantur Doctorum opiniones.

Ar. 2. **Q**uid sit ens supernaturale quoad substan-  
tiam. 34

Ar. 3. An Deus sit intrinsecè supernaturalis? Vbi an  
possit dari substantia supernaturalis? 39

Ar. 4. An, & quomodo intellectus eleuetur ad ordi-  
nem supernaturalem? 43

### DISPUTATIO IIII.

#### De cognoscibilitate visionis Dei.

Ar. 1. **A**n possit naturaliter cognosci ut possibilis  
ordo supernaturalis? 44

Ar. 2. An possit physicè cognosci possibilitas visionis  
Dei? 49

### DISPUTATIO V.

#### De Appetitu visionis Dei.

Ar. 1. **A**n possit naturaliter dari appetitus elic-  
tus, tam conditionatus, quam absolutus  
alicuius supernaturalis? 52

Ar. 2. An possit natura viribus excitari in nobis ap-  
petitus elicitus visionis Dei, tam conditiona-  
tus, quam absolutus? 53

Ar. 3. An possit natura viribus dari in nobis appeti-  
tus innatus alicuius supernaturalis. 56

Ar. 4.

Ar. 4. *An possit naturaliter admitti appetitus innatus inefficax visionis Dei?* 58

Ar. 5. *Soluntur fundamenta contraria.* 61

## DISPUTATIO VI.

De causa meritoria visionis Dei.

Ar. 1. **A**N possit aliqua substantia intellectualis creata, absque auxilio supernaturali, mereri visionem Dei? 68

Ar. 2. *An possit dari aliqua creatura, cui sit connaturaliter debita visio Dei?* 70

Ar. 3. *An intellectus concurrat ad visionem ut causa principalis?* 194

Ar. 4. *Soluntur Obiecta.* 156

## DISPUTATIO VII.

De Subiecto proprio Visionis.

Ar. 1. **A**N possit Deus videri ab hominibus viatoribus? 74

Ar. 2. *An potentia naturalis videndi Deum fundetur in connexionem essentiali cum possibilitate visionis?* 77

Ar. 3. *An omne ens contingens dicat essentialem connexionem cum possibilitate omnium rerum?* 78

Ar. 4. *An Deus essentialiter connectatur cum possibilitate adaequata cuiuscunque obiecti possibilis extra se.* 81

## DISPUTATIO VIII.

De Subiecto extraneo visionis Dei.

Ar. 1. **A**N possit aliqua potentia extendi ad operandum extra suum obiectum formale. 86

Ar. 2. *An color sit obiectum formale potentia visiva?* 87

Ar. 3. *An possit potentia naturalis elevari ad operandum*

*num extra suum obiectum materiale ad aqua-  
tum?* 89

*Ar. 4. Soluuntur argumenta contraria.* 92

*Ar. 5. An oculus corporeus possit eleuari ad viden-  
dum Deum?* 95

*Ar. 6. Soluuntur fundamenta contraria.* 99

## DISPUTATIO IX.

### De specie impressa Dei.

*Ar. 1. AN sit necessaria species impressa ad visio-  
nem Dei per essentiam?* 104

*Ar. 2. An diuina essentia per se ipsam immediatè  
præbeat concursum obiectiuum ad visionem sui?* 106

*Ar. 3. An sit possibilis species impressa Dei?* 108

*Ar. 4. Soluuntur argumenta contraria.* 112

*Ar. 5. Examinatur alia ratio ad probandam possibi-  
litatem speciei impressæ diuinæ essentia, Vbi ex-  
actius perpenditur hac materia.* 115

*Ar. 6. An possit dari aliquis intellectus, cui sit connat-  
uraliter debita species impressa Dei?* 119

*Ar. 7. An possit in via natura dari species abstracti-  
ua, quæ distinctè, & euidenter representet di-  
uinam essentiam?* 120

*Ar. 8. An species impressa realiter differat ab intel-  
lectione?* 123

## DISPUTATIO X.

### De specie expressa Dei.

*Ar. 1. Quid intelligatur nomine verbi? Et an di-  
stinguatur à specie expressa?* 125

*Ar. 2. An detur verbum mentis?* 126

*Ar. 3. An verbum distinguatur ab intellectione.* 130.

*Ar. 4. Soluuntur fundamenta contraria.* 132

*Ar. 5. An posita distinctione reali inter verbum, &  
intellectionem posset per illud videri diuina es-  
sentia.*

*sentia?*

134

Ar. 6. *An Beati per visionem beatificam forment verbum? Et an hoc ab ipsa visione distinguatur.*

136

## DISPUTATIO XI.

De Lumine gloriæ.

Ar. 1. **A**n lumen gloria sit simpliciter necessarium ad visionem Dei per essentiam? 139

Ar. 2. *An lumen sit necessarium ut virtus formalis?* 140

Ar. 3. *An lumen sit necessarium per modum qualitatis intrinsecè inhaerentis?* 142

Ar. 4. *Soluuntur argumenta Thomistarum.* 143

Ar. 5. *An possit Deus supplere defectum luminis, infundendo intellectui Beati actum visionis beatificæ, absque concursu activo ipsius Beati.* 145

Ar. 6. *Soluuntur Obiecta.* 148

Ar. 7. *An lumen gloria, ut datur de facto, sit tota virtus, seu ratio videndi Deum?* 151

Ar. 8. *An lumen gloria sit species impressa, vel expressa Dei?* 158

Ar. 9. *An sit possibilis aliquis intellectus, cui sit con- naturale lumen gloria?* 163

## DISPUTATIO XII.

De ipso Actu Visionis beatificæ, ut est in se.

Ar. 1. **A**nomnes visiones Dei sint æquales secundum intensiorem. 166

Ar. 2. *An inæqualitas intensiva visionum habeatur adequatè ab inæqualitate intellectuum naturalium.* 169

Ar. 3. *Soluuntur alia argumenta contraria.* 171

Ar. 4. *An inæqualitas intensiva visionum habeatur adequatè à lumine gloria?* 174

Ar. 5.

Ar. 5.	An inaequalitas luminum gloria habentur ab inaequalitate charitatis?	177
Ar. 6.	An omnes visiones Dei sint aequales quoad perfectionem extensivam?	178
Ar. 7.	An omnes visiones Dei sint eiusdem speciei atomae?	180
Ar. 8.	An visio beata sit comprehensiva Dei?	184
Ar. 9.	An saltem sit possibilis visio creata comprehensiva Dei?	187
Ar. 10.	Soluntur obiecta.	190

## DISPUTATIO XIII.

### De Obiecto terminatiuo visionis beatificae.

Ar. 1.	<b>A</b> N omnis visio cuiuscunque Beati videat de facto omnia, quae sunt formaliter in Deo?	193
Ar. 2.	An videns Deum videat in illo omnes creaturas actu existentes.	196
Ar. 3.	An Beati videant in Deo omnes creaturas possibiles.	200
Ar. 4.	Soluntur obiecta.	204
Ar. 5.	An Beati videant in Deo omnes eius actus liberis?	206
Ar. 6.	An videns Deum videat in illo suae visionis perpetuitatem.	209
Ar. 7.	An possit Deus videri, nulla visa creatura in particulari.	211
Ar. 8.	An possit videri divina essentia sine Personis.	214
Ar. 9.	An possit dari visio, quae terminetur ad Personas, & non ad essentiam.	217
Ar. 10.	An possit videri una Persona, non visis alijs?	219
	Ar. 11.	

- Ar. 11. *An possit videri essentia sine attributis, & vi-*  
*ceversa.* 226
- Ar. 12. *An visio Dei, & amor beatificus impediunt*  
*exercitium aliorum alium.* 254
- Ar. 13. *An Visio Dei mensuretur aternitate.* 225

## DISPUTATIO XIV.

De actu Visionis comparato cum vidente.

- Ar. 1. **A**N visio beatifica sit connaturalis viden-  
*ti?* 228
- Ar. 2. *An sit connaturalior visio Dei facta per speciem*  
*impressam?* 229

## DISPUTATIO XV.

De Sensuum abalienationibus.

- Ar. 1. **A**N somnia proueniant aliquando à Deo,  
*vel Damone.* 233
- Ar. 2. *An sit licita somniorum observatio, & inter-*  
*pretatio.* 234
- Ar. 3. *An sit licita somniorum credulitas.* 235
- Ar. 4. *Quid senserint veteres de somnijs. Et an om-*  
*nia sint fallacia.* 237
- Ar. 5. *Quid sit extasis. Et in quo distinguatur à Ra-*  
*ptu.* 239
- Ar. 6. *An omnis extasis fiat per excessum amo-*  
*ris.* 240
- Ar. 7. *An somnus, & alienationes magis disponant*  
*ad*

*ad divinas revelationes, & praevisiones futuro-  
rum?*

242

*Ar. 8. Solvuntur aliae Scoti objectiones, & statuitur  
doctrina divi Thomae.*

243



*M A.*



**MAGISTER FR. DOMINICVS**  
*Valuasorius Mediolanensis totius Ord.*  
*S. P. Augustini Vicarius Genera-*  
*lis Apostolicus.*

**C**VM Opus Theologicum complectens  
Tractatus de Visione Beatifica à R. P.  
Magistro Fr. Petro de Comitibus Anconi-  
tano, & Gymnasij nostri S. Stephani Vene-  
tiarum Regente compositum duo nostri  
Ordinis Theologi à Nobis Deputati re-  
cognouerint, & in lucem non sine Autho-  
ris laude, & Augustiniani Nominis gloria  
in lucem edi posse putauerint Nos tenore  
præsentium facultatem concedimus, vt  
Typis mandetur si ita ijs, ad quos reli-  
quum Spectat, videbitur. In quorum fi-  
dem has litteras nostri muneris sigillo  
munitas dedimus. Romæ in Conuentu  
nostro S. Augustini die 20. Aprilis 1678.

*Fr. Dominicus Valuasorius.*

**Mag. Fr. Camillus Canalius Vicinensis.**  
**Secretarius Ord.**

**NOI**

# NOI RIFORMATORI Dello Studio di Padoua.

**H**Auendo veduto per Fede del Padre Inquisitore, nel Libro Intitolato Tractatus de Visione Beatifica, del Padre Pietro Conti, non esser cosa alcuna contro la Santa Fede Cattolica, ò buoni costumi, come parimente per attestato del Segretario nostro niente contro Principi, concediamo licenza à Domenico Miloco di poterlo stampare, offeruando gl'ordini, &c.

Dat. dal Mag. li 20. Luglio 1678.

( Battista Nani Kau. Proc. Refor.

( Leonardo Pefaro. Proc. Refor.

( Pietro Mocenigo Kau. Refor.

Lodouico Franceschi Segr

1679. 24. Marzo  
Registrato nel Magist.  
Eccell. della Bestemmia  
Carl' Ant. Grad. Nod.



D E

# VISIONE BEATIFICA.



**M**ALTA hic reuocabimus  
in quæstionem, quæ sunt  
pulcherrima scitu, & simul  
difficillima determinatu.  
Quia tamen philosophico  
cursu viam in speculando  
liberrimam ingressi sumus, ideò tractantes  
theologica, non possumus cæcorū instar,  
alienius vestigijs inhærere, præsertim cum  
de hac materia non egerit ex professo no-  
ster fundatissimus doctor Ægidius Co-  
lumna. Sequemur igitur potissimum ra-  
tiones theologicas nostro Marte adinuen-  
tas, faciem nobis præbentibus Augustino,  
Thoma, Durando, Gregorio, Ægidio Lusi-  
tano, alijsq; permultis, quos in ipsa rerum  
disputandarum serie, appositis eorum prin-  
cipijs, & rationibus, eo quo par est obse-  
quio, ac dignitate, assiduò nominabimus.  
Nè tamen incasum, ac temerè tam vasto  
pelago ratem committamus, primò loco  
statuendam duximus diuinam existēciam,  
de cuius hic visione disputabimus.

A

DIS.

## DISPUTATIO. I.

## De existentia Dei.

**Q**uamvis de hac materia multa dixerimus in 3. physicorum disp. 2. ar. 12. tamen hic, tamquam in proprio loco, placet eadem ad trutinam reuocare. Frustrà enim quæreremus de visione primæ causæ, de cuius posset existentia dubitari. Quæremus ergo primò an possit demonstrari diuina existentia? Deindè an, & quomodo possit philosophico lumine deprehendi? Et demum, huius occasione, philosophicam de Trinitate notitiam indagabimus.

## ARTICVLVS I.

*An possit demonstrari existentia Dei?*

*Referuntur opiniones Authorum.*

**D**eum esse indemonstrabilem demonstratione propter quid, est in confesso apud omnes Theologos. Solum ergo dubitatur, an verè possit per effectus creatos fieri hæc demonstratio, quæ proindè dicitur demonstratio quia? perinde quasi demonstraret causam, quia patet effectus.

D. Thomas 1. p. q. 2. ar. 1. Apertè respondet affirmatiuè. Eius fundamentum est, quia nobis clarè innotescunt effectus creati. Sed ex cognitione effectus procedimus ad cognitionem causæ. Ergo per cognitionem rerum creatarum procedimus ad cognitionem D. i. Cum ergo demonstratio

*quia*

quia fiat per effectum ad causam, infert, illam fieri posse de diuina existentia. Quod confirmat ex 1. ad Rom. c. 1. *inuisibilia enim ipsius à creatura mundi per ea, quæ facta sunt, intellecta conspiciuntur.*

Quòd si illi opponas, causa nō potest demonstrari, nisi per effectum sibi proportionatum in essendo. Cū ergo nullum creatum sit proportionatum Deo, propter infinitum excessum perfectionis, ideò per nullum creatum potest demonstrari; in responsione ad 3. ait, huiusmodi improporcionem posse quidem impedire, saltem non fundare visionem, seu cognitionem claram Dei, non tamen cognitionem obscuram, & imperfectam, per quam appareat, illum esse talium effectuum causam, & de facto existere. Sicut enim ex voce Petri ego clarè cognosco, illum esse talem hominem, quamuis non cognoscam esse Petrum; atque adeò non habeam cognitionem quidditatiuam ipsius, sed solum obscuram, & abstractiuam; ita ex effectibus creatis cognosco quidem clarè, illos à Deo deriuasse, atque adeò Deum existere, non tamen clarè cognosco quid sit Deus, & quid eius essentia.

Idem asseritur ab Ægidio nostro in 1. d. 3. p. 1. princ. 1. q. 1. ubi hæc habet, *non igitur scimus de Deo quid est, sed quòd est scire possumus, & asserit rationem, nam omnis effectus ducit in cognitionem causæ.* Ad argumentum de improporcionem respondet eodem modo, *sed si est proportionatus, du-*

## De Existentia Dei

4. *cit ad cognitionem quid est causa ; si non, ducit in cognitionem quia.* Vnde concludit, & quia effectus non sunt proportionati Deo, de ipso scire possumus quia, non quid. Hoc idem confirmat ex Damasceno lib. 1. cap. 4. ubi ait, quoniam igitur est Deus, manifestum est; quid est verò incomprehensibile est, & omnino ignotum. Et eodem loco art. 3. conatur demonstrare existentiam Dei, primò per excellentiam potentiz; secundò per perfectionem ; tertio per bonitatem; quartò per pulchritudinē; quito per causalitatem &c. Demonstrationes autem sunt hæ.

Prima ducta ex Damasceno lib. 1. c. 3. Omne vertibile, seu mobile præsupponit immobile. Sed datur mobile. Ergo datur immobile, iuxta illud, *quidquid movetur ab alio movetur.* Sed hoc est Deus. Ergo datur Deus.

Secunda, omne creatum est ab aliquo. Cum ergo non sit abire in infinitum, nec possit admitti causarum circulatio, est devenire ad causam non causatam, quæ est Deus.

3. Partes uniuersi sunt contrariæ, & connexæ. Ergo debet dari illas connectens, quod est Deus.

4. Natura ordinatè agit, & semper propter bonum. Ergo datur aliquod illam dirigens ad bonum. Sed hoc est Deus. Ergo &c.

5. Per remotionem imperfectionis, debet dari aliquid, in quo nulla imperfectio. Ergo Deus.

6. Per inclusionem perfectionis, debet dari aliquid, in quo sit omnis perfectio. Sed hoc est Deus. Ergo &c.

Sed quia hæc argumenta supponunt primò, non posse dari processum infinitum in causis. Deindè esse verū illud principium, *quidquid mouetur, ab alio mouetur*. Et terciò valere consequentiam à sensu distributivo ad collectivum, ideò non pluris valent, quàm alia. Demum non concludunt vniuersaliter, & in *Barbara*, sed vel in *Darii*; vel alio ex modis particularibus, ideò quamuis possint esse bonæ probationes, non tamen sunt demonstrationes.

Cardinalis Sfortia Pallauicinus lib. 8. assert. theol. qui est de Deo, n. 123. Ita demonstrare conatur existentiam Dei, quælibet causa adequata habet tantam perfectionem, quantam habet effectus. Sed complexum ex se, & effectu est effectus, quia est aliquid de nouo, quod antea non erat. Ergo causa adequata habet tantam perfectionem, quantam habet hoc complexum. Sed hoc non esset verum, nisi causa adequata haberet perfectionem infinitam, quæ solum perfectionis additamento non augeatur. Ergo quælibet causa adequata cuiuslibet effectus continet aliquod habens perfectionem infinitam, quod est Deus. Quo argumento vsus lib. 5. de incarnat. n. 1. arguit, quòd nisi Deus esset infinitus, nihil posset producere; alioquin haberet perfectionem minorem illa, quæ resultaret in complexo ex se, & effectu. Et hoc eodem præterea ar-

guit, idèò nullum creatum posse esse causam adequatam alterius, quia non potest habere perfectionem infinitam, qualis esset perfectio complexi ex se, & effectu.

Sed hoc argumētū, quāvis ingeniosū, facillimè soluitur distinctione maioris videlicet causā adequatā habere quidē tātā perfectionē, quāta est in effectu, si sermo sit de eo, quod est adequatè effect⁹, nō autē si sermo sit de eo, quod solūm inadæquatè est effect⁹, cuiusmodi est illud cōplexū. Vel .n. illud cōplexū cōsideratur obiectiue, & materialiter, vel formaliter, & intēcionaliter? Si primū, nihil est præter causam, & effectum; adeòque non est purè effectus. Si secūdū, est sola cognitio complexa coniungens intēcionaliter vnum cum alio; & idèò complexum non datur à parte rei. Hæc autem cognitio non probat infinitatem in causa adequata illius complexi, primò quia non est effectus efficientis, sed cognoscentis simul efficiens cum effectu. Deinde quia quamvis effectus ipsius efficientis, seu causæ adequatæ, cum illud complexum sit aliquod creatum, & limitatum in esse, non potest arguere infinitam perfectionem in causa. Quòd si loqueris de causa adequata non solius effectus, sed totius complexi, tunc etiam ipsa causa est effectus, eiusque causa debet habere maiorem perfectionem, quàm habeat illud complexum, non tamen infinitam, quia perfectio talis complexi est solūm finita; neque omnis excessus perfectionis finitæ est simpliciter infinitus.

Neque



Neque obstat, quod ille subdit, videlicet imputari artifice, non solum perfectionem effectus adæquatè à se producti, videlicet meram vlicationem ( nihil enim tandem producunt artifices, quàm nouam materiz vlicationem ) sed præterea totam pulchritudinem, quæ resultat ex illa, & ex rebus præexistentibus. Nam de hoc etiam redit argumentum. Vel enim hæc pulchritudo consideratur in abstracto, vel in concreto? Si primum, quamuis tribuatur artifice, cum sit aliquid finitum, & contingens, nempe relatio illa prædicamentalis resultans ex talibus extremis, non tamen potest arguere infinitatem in artifice, vt patet. Si secundum, cum hæc non sit tota adæquatè facta à tali artifice, licèt importaret aliquam infinitatem, ratione alicuius extremi infiniti, non posset ex illa transiri ad artificis infinitatem, qui tale extremum non effecisset. Nunquam igitur ratione talis complexi, probatur infinitas in causa adæquata, vt contendebat Pallauicinus.

Præterea quamuis absolutè concedatur maior, non tamen video, quomodo sequatur infinitas in causa adæquata, quæ semper ad summum esset tota sua perfectio, & tota perfectio effectus. Cum ergo hæc sit finita, & perfectio ipsius causæ supponatur finita, donec eius probetur infinitas, nunquam sequitur dari infinitatem in tali complexo, in quo non datur alia perfectio, quàm partium, quæ semper est finita, siue consideretur vt est perfectio effectus,

sive ut est perfectio ipsius causæ, sive ut est perfectio complexionis vnius cum alio, quæ etiam est finita, & limitata.

Demum quia causa adæquata effectus, vel consideratur in ordine ad primum effectum, vel in ordine ad secundum, qui est cōplexū ex se, & effectū? Si primum, habet quidem maiorem perfectionem illo, non tamen infinitam, quia non debet superare, nisi finitam. Si secundum, cum hoc complexum non habeat rationem effectus respectu causæ in illo inclusæ, sed solum in ordine ad aliam tertiam causam superiorem ipsius causæ inclusæ, quamuis aliqua in illa sequeretur infinitas, nihil tamen probaretur pro Pallauicino, eo quia illa non esset causa adæquata secundi complexi ex se, & primo complexo, sed solum ipsius primi complexi, quod resultabat ex causa subordinata, & eius effectū. Quod si vrgeas, etiam secundum complexum esse effectum huius tertie causæ. Respondeo ad rationem causæ adæquatæ sufficere, quod tantūdem contineat perfectionis, quantum est in effectū adæquato. Cum ergo in tali complexo non contineatur perfectio, nisi finita, nunquam ex illo arguitur infinitas in sui causa adæquata. Aliòquin omnis causa finita per hoc quod produceret vnum gradum perfectionis, esset infinita, quod est absurdum.

Eandem doctrinam, sed diuersis probationibus, & principijs, omnes alij communiter amplexantur; & nihil est tritius penes theologos, quam posse quidem demon-  
strari

strati, dari Deum demonstratione *quia*, non tamen demonstratione *propter quid*.

Verum ( vt ingenuè fatear ) multum temporis, & laboris impendi, vt apud aliquem authorem, huiusmodi demonstrationem inuenirem, & nunquam inueni. Quare bona omnium pace, nouum tentabo callem aperire; alijsque in hoc contradicam, vt vni veritati satisfaciam.

## ARTICVLVS II.

*Resoluitur status quæstionis, & ostenditur quid sit dicendum in hac materia.*

1. Conclusio. *Non potest demonstrari demonstratione propter quid existentia Dei.*

Probatur primò, quid quid assignetur, quod habeat vtcumque rationem causæ, siue formalis, siue constitutiue, totum id applicatum Deo concludit particulariter. Ergo non demonstratiue, quia non scientificè, vt infra probabimus.

2. Hæc demonstratio procedit per medium simpliciter prius, id est quod habeat veram prioritatem. Cum ergo nihil sit simpliciter prius Deo, nec potest fieri hæc demonstratio.

Dices, principium definitur a Philosopho 1. phys. *principium est id, unde aliquid est, aut fit, aut cognoscitur.* Ergo non solum datur principium essendi, sed etiam principium cognoscendi; atque adeo cum detur aliquid, quod prius Deo cognosca-

tur, potest per illud existentia Dei demonstrari.

Nego Consequentiam. Et ratio est, quia quod aliam non habet prioritatem, quam in cognosci, non est simpliciter prius respectu cogniti; adeoque non potest esse medium demonstrationis *propter quid*, quod debet esse simpliciter prius vera prioritate, quæ non potest haberi, nisi per veram causalitatem, vel aliam connexionem à priori, denotentem, seu inferentem prioritatem in essendo, tamquam radicem, unde resultet prioritas in cognoscendo. Quod si oppositum accadat, nempe quod aliquod simpliciter posterius in essendo, prius tamen alio cognoscatur, hoc non potest esse medium, nisi demonstrationis *quia*, quæ fundatur in hoc, quod effectus sit medium ad cognoscendam causam.

2. Conclusio. *Neque potest demonstrari, dari Deum demonstratione quia.*

Probatur 1. Talis demonstratio est syllogism<sup>us</sup> scientialis, ex 1. post. c. 2. Sed hic non potest habere conclusionem particularem, ut fuisse nos probauimus in Logica l. 1. disp. 3. art. 2. eo quia debeat esse scientia, adeoque vniuersalis. Ergo non potest dari de obiecto particulari, sicut est Deus, qui non solum in se est formaliter singularis, sed neque potest reduci sub proprio conceptu ad rationem aliquam vniuersalem, eo quia non sit sub genere, ut admittunt etiam aduersarij.

Neque obstat, quod Deus contineat in se

se em' nenter omnem perfectionem, adeo-  
que sit veluti perfectionum vniuersitas, &  
quodammodo vniuersale à parte rei, vt vo-  
catur à multis; quandoquidem hoc non  
sufficit, ad hoc vt Deus possit terminare  
in rigore scholastico, tamquam obiectum,  
propositionem vniuersalem, quæ solum est  
de obiecto formaliter vniuersali, seu de  
termino communi. Quare perfectior syllo-  
gismus, per quem possit cognosci diuina  
existentia est *Darj*, qui nunquam potest  
esse scientificus, saltem rigorose loquendo,  
vt probauimus in logicis loco citato.

Probatur 2. ex supradictis, quòd videli-  
cet nullus sit effectus Deo proportionatus,  
& ita illi proprius, vt euidenter appareat, ab  
alio prouenire non posse. Ergo cum de-  
monstratiua conclusio debeat esse euidentis,  
vt probauimus in logica loco citato, non  
potest existentia Dei per vllum effectum  
demonstratiue concludi. Et ideo ipsimet  
aduersarij cum D. Thoma scholarum An-  
gelo aperte fatentur ( vt dictum est supra )  
argumentum ab effectibus posse quidem  
manuducere, ad cognitionem obscuram,  
& imperfectam diuinæ existentie, non ta-  
men ad euidentem, quod non sufficit ad  
demonstrationem.

Obijcies 1. Hæc propositio, *Deus existit*  
est per se nota. Ergo est demonstratiua di-  
uinæ existentie.

Nego consequentiam, & dico, hanc pro-  
positionem esse per se notam quoad se,  
quia prædicatum est de intrinseca, & es-

sentiali ratione subiecti, non autem quoad nos, quibus non patet huiusmodi essentialis connexio terminorum.

Dices, notitia diuinæ existentiae est nobis insita à natura. Ergo huiusmodi terminorum connexio omnibus patet.

Distinguo antecedens cum D. Thom. 1. p. q. 2. ar. 1. ad 1. Esse nobis insitam a natura notitiam Dei *in aliquo communi* ( ut ipse ait ) *sub quadam confusione, in quantum scilicet Deus est hominis beatitudo &c. Sed hoc non est simpliciter Deum cognoscere, sicut cognoscere venientem non est cognoscere Petrum, quamvis Petrus sit veniens. Multi enim perfectum hominis bonum, quod est beatitudo, existimant diuitias, quidam voluptates &c. non autem sub conceptu particulari, & proprio ipsius Dei.*

Obiicies 2. Nō potest admitti processus infinitus in causis subordinatis. Ergo quāvis ex vno effectu non possit immediate argui existentia primæ causæ, potest tamen mediatē ex pluribus, post varias consequentias vnius ad alium. Ergo potest à posteriori demonstrari existentia Dei, licet Deus sit terminus singularis.

R. quamvis hoc principium concedatur, nihil tamen sequi contra conclusionem; adeoque nego postremam consequentiam. Et ratio est, quia cum principium demonstrationis debeat esse immediate, & per se notum, vel reducibile ad aliquod tale, ex huiusmodi illationibus mediatis, non potest formari rigorosa demonstratio. Præter-

quam

quamquod non est ita clarum, & certum, præscindendo à lumine fidei, non posse dari huiusmodi causarum processum, ut supponitur. Videantur ea, quæ diximus in 7. phyl. ubi probauimus cōtra Peripateticos, falsitatem huius principii. Quare negatur antecedens. Quod si alicui hoc videatur mirū, reuocet in memoriā doctrinā Peripateticā de mundi æternitate à parte ante, quæ admissa, cōvincitur etiā admissus infinitus causarū processus à parte ante, quidquid verbis reluctet Aristot., ut positū tueatur.

Dices, potest dari demonstratio ex principiis tantum mediātē notis, ut conceditur in logicis loco citato. Quamuis ergo ex nullo effectu in particulari possit immediātē deduci existentia primæ causæ, non tamen sequitur, hāc esse indemonstrabilem.

Nego consequentiam. Et ratio est, quia in loco citato nostræ logicę dictum est, demonstrationem posse fieri ex principiis tantum mediātē notis, loquendo de principiis, quæ quamuis immediātē non sint per se nota, possunt tū reduci ad alia, quæ sint per se nota. In ordine autem ad demonstrandam existentiam Dei, nullum potest assignari principium, vnde deducatur, quod sit per se notum, & per consequens principia proxima ipsius neq; sūt nota immediātē, neq; mediātē. Et ratio est, quia effectus creati vel accipiuntur seorsim, & singuli semper agnoscūt suam causam creatam immediatam, & proximam; vel simul, & de hoc eodem redit argumentum, an videlicet possit

fit demonstrari, totam hanc rerum collectionem esse à Deo! Neque obstat quòd singuli sint creati; nam etiam singulæ partes totius sunt imperfectæ, totum autem nō est imperfectum. Ita omnes partes Cœli mouentur, totum autem non mouetur, cō quòd à sensu distributio non valeat consequentia ad collectiuum.

Urgebis, ipsa rerum vniuersitas, seu cōplexum omnium apparet factum. Sed hoc superat vires totius creati, & creabilis. Ergo ex illo apparet connexio necessaria à posteriori cum Deo, tamquàm cū prima causa.

R. vel prò rerum vniuersitate intelligi cōplexum includens omninò omnia; & hoc factum apparere non potest, aliòquin etiam prima causa appareret facta; vel solum vt includens sublunaria; & hoc potest cognosci vt factum à creaturis ordinis superioris; vel vt etiam includens cœlestia; & hoc in primis non apparet fuisse factum, quia potest cognosci vt æternum à parte ante. Deinde quia cū non valet argumentari (vt diximus) à sensu distributio ad collectiuum, ex eo quòd aliquæ, immò & omnes partes mundi seorsim sumptæ sint factæ, non sequitur quòd totum sit factum. Quod est adeo verum in philosophia, vt veteres putarent tamquam principium certum, & infallibile, *ex nihilo nihil*. Atque adeò admittebant aliqui materiam primam ingenerabilem, & incorruptibilem; alii atomos; alii vniuersalia; alii elementa, & alii alia, ex quibus tamquàm  
æter-



æternis, fierent deinde mista temporalia, ut innuimus in 1. phys. Quare purè philosophicè non potest ex effectibus demonstrari existentia primæ causæ, sed potius illa supposita, eius deinde necessitas probatur.

Obiicies 3. Intantum demonstratio debet esse de obiecto creato vniuersali, in quantum debet verificari illud principium, quod sit de obiecto non contingente aliter se habere, & nullum creatum singulare est necessarium in essendo, eò quia omnia præter Deum sint contingentia. Sed Deus est necessarius in essendo. Ergo quamuis concludatur particulariter, adhuc tamen demonstratiue probatur eius existentia.

Nego maiorem, si assignet rationem formalem adæquatam, primò, quia materia prima, penes philosophos æthnicos est necessaria in essendo (quod multi etiam asserunt de Cælo, & astris) & tamen nullus vnquam asseruit, posse de illa dari demonstrationem particulariter concludentem. Deinde regulæ syllogismi demonstratiui sunt scientificæ. Ergo debent procedere vniuersaliter, aliòquin si in aliquo deficerent, non essent vniuersaliter veræ; & per consequens non essent scientificæ. 3. Si hoc esset verum, omnes syllogismi de Deo in quolibet modo, cuiuscumque figuræ essent veræ demonstrationes, quia sunt de obiecto necessario, quod est contra omnes philosophos, & theologos, qui omnes vnanimiter dicunt, veram demonstrationem solum posse fieri in primis duobus modis directis

primæ

primæ figuræ. Demum, potissimum principium, seu medium demonstrationis est definitio, ut probant ex Platone Peripatetici. Hæc autem non potest fieri, nisi reducendo obiectum demonstrabile ad aliquod genus, sub quo proximè contineatur, quod contractum per ultimam differentiam, patefaciat quidditatem definiti. Cum ergo Deus ad nullum genus reducatur sub conceptu proprio, neque habeat ultimam differentiam, ratione suæ infinitatis, & illimitationis in esse, ideo non potest positivè definiri, adeoque neque demonstrari. Vnde communiter asseritur cum Augustino, potius à nobis cognosci quid non sit Deus, per remotionem imperfectionis, quàm quid sit per positionem perfectionis propriæ, & differentialis ipsius.

### ARTICULVS III.

*An possit purè philosophicè clarè, & evidenter probari ab effectibus existentia Dei? Vbi an possit via naturali cognosci Trinitas Personarum?*

**O**Mnes illi, qui aiunt, posse à posteriori demonstrari existentiam Dei, ut congruenter loquantur, dicunt etiam, & à fortiori, posse illam purè philosophicè evidenter probari, non quidem à priori, sed à posteriori. Quare quæstio hæc non habet locum, nisi penès illos, qui nobiscum sentientes, quòd non possit à posteriori demonstrari,

strari, dari Deum, probare tamen conantur  
divinam existentiam.

I. Conclusio, *non potest via naturali a  
posteriori cognosci clarè, & positiuè quiddi-  
tas Dei*. Est Egidii nostri, diui Thomæ,  
aliorumque communiter, quos supra ci-  
taui.

Probatur, non possumus per effectus co-  
gnosce quidditatiuè causam, nisi effe-  
ctus adæquent totam virtutem causæ, &  
cognoscantur vt illam adæquantes. Sed  
nullus effectus adæquat virtutem infini-  
tam Dei. Ergo per nullum effectum co-  
gnoscutur Deus quidditatiuè. Maior admit-  
titur à Caietano, Fonseca, & ab aliis com-  
muniter, vt asserit, & probat noster erudi-  
tissimus Egidius Lusitanus lib. 6. q. 1. ar. 4. §.  
7. pag. 48. col. 2. & pag. 56. col. 1. sub med.  
Minor probatur cum eodem ibidem, tunc  
effectus adæquat virtutem causæ, cum at-  
tingit vltimum terminum perfectionis il-  
lius, ita vt illa alium effectum nobiliorem  
producere non possit, vt esset e. g. Filius  
respectu patris in creatis; neque enim pater  
in ratione patris potest producere effectū  
nobiliorem filio quoad substantiam: & ca-  
lor vt 8. respectu ignis, qui non potest pro-  
ducere in ratione caloris, effectū nobiliore  
calore vt 8. Atqui quolibet producte, po-  
test Deus semper producere effectum nobi-  
liorem, vt fusè probauimus in 3. phys. disp.  
2. ar. 5. Ergo nullus effectus adæquat poten-  
tiam Dei.

Confirmatur, non potest causa in effectū  
co-

cognosci, nisi quatenus in illo relucet eius perfectio. Ergo ad hoc ut in effectu clarè cognoscatur quidditas causæ, debet in illo elucere tota eius perfectio essentialis. Sed in nullo creato quantumvis perfecto, potest elucescere tota perfectio Dei. Ergo neque potest in illo clarè cognosci, sicut esset necessarium ad cognitionem quidditativam ipsius Dei.

2. *Conclusio, neque potest via naturali evidenter probari à posteriori existentia Dei.*

Probatur, nullus est effectus, in quo appareat connexio necessaria cum Deo, tamquam cum prima causa, seu dependentia essentialis ab illo. Ergo nullus effectus potest esse medium in via philosophica, ad clarè probandam diuinam existentiam. Consequens est evidens, eò quia probatio per effectum acquirat vim ex cōnexionē essentiali huius cum causa. Antecedens probatur, quia nullus est effectus in rerum natura, qui perat concursum superantem vires totius creati. Ergo nullus est effectus, qui non possit tribui alicui causæ secundæ creatæ; adeoque qui possit certò, & infallibiliter manuducere ad existentiā Creatoris, præsertim cum admittatur ut simpliciter possibilis infinitus processus causarum, etiam subordinatarum, ut probauimus ex mundi æternitate, admissa per errorem ab Aristotele.

3. *Conclusio, non potest evidenter probari purè philosophicè Deum esse trinum in*  
Per.

*Personis.* Est nostri Egidii in 1. d. 3. p. p. q. 3. D. Th. 1. p. q. 32. ar. 1. & aliorū communiter.

Probatur, non potest purè philosophicè cognosci Deus, nisi vel ratione bonitatis absolutæ in se, vel causalitatis in creaturas. Sed neutro modo potest cognosci vt trinus. Ergo neque potest probari vt talis. Maior quoad secundam partem admittitur ab omnibus, & quoad primam probabitur in ar. sequenti. Probatur minor quoad primam partem, sanctissima Personarum Trias ratione sui formaliter, seu vt præcisa virtualiter intrinsecè ab essentia, non est cumulus perfectionum absolutarum, sed solum relatiuarum, quæ ratione sui formaliter non sunt perfectiones simpliciter simplices oppositæ imperfectionibus, sed solum perfectiones simplices oppositæ aliis perfectionibus simplicibus, ad quas referuntur. Ergo ratione sui formaliter nullam includit bonitatem, seu perfectionem absolutam simpliciter simplicem, per quam cognoscatur, vt fusè probauimus in disp. met. lib. 1. disp. 2. ar. 3. vbi ex professo egimus de hac materia. Probatur quoad secundam, per causalitatem. Deus non potest cognosci, nisi vt apparet in creaturis. In creaturis autè nullo modo apparet, Deū esse trinū, cū personarū trinitas nō inuoluatur formaliter in esse causam. Ergo potest quidē probari per causalitatem, Deū esse primam causam, non tamen esse trinū.

Neque obstat, quòd multi ex veteribus  
Phi.

Philosophis, & precipuè Plato multa dixerint, ex quibus videtur posse deduci, fuisse ab illis cognitam Trinitatem. Nam (vt optimè obseruat D. Thomas loco cit. in resp. ad 1.) huiusmodi Philosophi non cognouerunt explicitè, & per propria diuinas personas, sed solum per aliquas perfectiones, quæ materialiter conueniunt Trinitati; atque adeo illam cognouerunt solum sub aliqua ratione communi, & consequenter implicitè, & confusè, ex qua cognitione non poterant certò deducere actualement illius existentiam positivè, sed solum coniecturaliter, & negatiuè, quatenus videlicet nullam in illa explicitam implicantiā inueniebant. Vnde ad summum poterant aliquo modo inferre eius probabilitatem, & possibilitatem negatiuam, siue logicam consistentem in non repugnantia.

Dices, in Deo non distinguitur esse, & posse. Ergo si physicè poterant cognoscere Trinitatem vt possibilem, poterant etiam illam cognoscere vt existentem.

Distinguo consequens, si potuissent illam cognoscere vt certò, & positivè possibilem, cognouissēt etiam illam vt existētē, cōcedo: si cognouissēt solū coniecturaliter, & negatiuè vt possibile, cognouissēt etiā certò, & infallibiliter vt existētē, nego cōsequentiam. Et ratio à priori est, quia conclusio certa, & euidens, non potest inferri ex principiis obscuris, & incertis. Cum ergo cognitio possibilitatis Trinitatis fuerit in illis solum incerta, & confusa, non poterat

rat habere rationē ātecedētis necessarij ad cōclusionē certā, & evidētē de illi<sup>o</sup> existētia. Verū de hoc agemus ex professo in tractatu de Sanctissima Trinitate.

A R T I C V L V S IV.


*An possit saltem à priori purè philosophicè probari euidenter Diuina existentia?*

**V**ldetur non posse, vt satis communiter asseritur ab authoribus. Primò quia si posset à priori euidenter probari diuina existentia, daretur aliquod prius Deo. Ergo posset per illud à priori demonstrari. Præterea posset etiam probari Personarum Trinitas, quod vtrumque negatum fuit.

2. Non potest probari diuina existentia nisi per causalitatem, vel bonitatem, vt dictum est ar. 2. Sed neutra fundat probationem à priori. Non prima, quia supponit existentiam primæ causæ. Neque secunda, quia non est prior Deo. Ergo nullo modo potest à priori probari, Deum existere.

3. Omnis probatio à priori procedit per causas. Deus autem nullas habet causas. Non extrinsecas, quia dependeret ab alio, quod illi repugnat. Neque intrinsecas, quia ab illis componeretur, quod est illi impossibile. Ergo non potest à priori probari.

Sed contra est, nam Egidius noster in 1. d. 3. p. p. q. 3. ar. 3. pag. 22. ait, *secundus modus qui sumitur ex plenitudine perfectionis, innuitur 5. metaph. ubi dicitur, quod est dare aliquod perfectum simpliciter, in quo congregantur perfectiones omnium generum, & hoc est Deus, secundum Commentatorem.* Et  
infe-



inferius subdit, *est dare aliquid, in quo nulla imperfectio, adeoque sit perfectissimum. Sed hoc est Deus. Ergo &c.* Cum ergo diuine perfectiones non sint Deo posteriores, ut patet, inferitur, probari Deum per non posterius.

*Conclusio. Potest euidenter probari purè, philosophicè à priori dari Deum. Elicitur ex Ægidio nostro, in loco citato.*

Priusquàm probem conclusionem, aduertendum est, me de industria dixisse *probari, & non demonstrari*, quia sufficit mihi si possit aliquo syllogismo perfectò, in forma concludi euidenter diuina existentia. Præterea dixi *à priori*, denotando non solum causam efficientem, verùm etiam formalem, & constitutiuiam intrinsecam. Cum enim hæ sint priores constituto, saltem prioritate rationis, & subsistendi consequentia, ideò si per has probatur existentia Dei, dicitur illa *à priori* probari.

Probo igitur Conclusionem in *Festino* tali pacto. Nullum impossibile est bonum. Sed carere omni defectu est bonum. Ergo carere omni defectu non est impossibile. Sed illud, quod non est impossibile, est simpliciter possibile. Ergo possibilis est carentia omnis defectus. Sed carentia omnis defectus est formalis inclusio omnis perfectionis, quia defectus cum sit aliquid negatiuum, non potest excludi, nisi à perfectione positiua opposita. Ergo possibile est aliquid, quod excludat à se omnem defectum, & includat omnem perfectionem.

Sed



Sed hoc est Deus, ut omnes fatentur. Ergo possibilis est Deus. Tum sic, est possibilis. Ergo datur de facto; aliòquin nō excluderet à se defectum existentiae, neque includeret in se omnem perfectionem, quod repugnaret probatis. Hoc argumentum cum alijs spectantibus ad hanc materiam relege in 3. phis. disp. 2. ar. 12. ubi fusè probavi puro ductu naturalis philosophiae, diuinam existentiam.

Obijcies 1. Per hoc argumentum non probatur existentia Dei per existentiam omnium perfectionum, sed è conuerso probatur existentia omnium perfectionum per existentiam Dei. Ergo non est probatio à priori. Probatur antecedens, quia argumentum probat existere omnes perfectiones Dei, ex eo quòd probat esse bonum, adeòq; possibile, & per consequens existens aliquod includens omnes perfectiones, per hoc quòd excludit omnes imperfectiones. Prius ergo probatur includens quod est Deus, & deindè probantur inclusa, quæ sunt diuinæ perfectiones.

Nego antecedens. Ad cuius probationem dico, argumentum non procedere ex carente omni defectu in concreto, sed ex carentia omnis defectus, seu imperfectionis in abstracto, quæ carentia taliter considerata est formaliter perfectio. Ergo probatur existentia includens omnem perfectionem, ex ipsa formali bonitate perfectionis.

Dices, argumentum procedit ex bonitate absoluta carentiae omnis defectus. Ergo  
supponit

supponit quod est probandum.

Nego antecedens, siquidem probat, bonitatem absolutam carentiæ omnis defectus, ex bonitate illius conditionalis. Ex eo enim quod esset bonum, si daretur hæc carentia, inferitur, illam esse possibilem, adeoque dari de facto; & ex admissione carentiæ in abstracto, inferitur dari carens in concreto. Nā eo ipso quod cōcedatur, carēs ōni defectu in statu obiectiuo esse bonū, sequitur illud esse bonū in statu possibilitatis; alioquin non esset bonum in statu obiectiuo, quia esset chimæra. Et si sit bonum in statu possibilitatis realis, inferitur, illud esse bonum in statu existentiaæ actualis; alioquin in statu possibilitatis non careret omni defectu, quia non careret defectu existentiaæ.

Obijcies 2. Hoc argumentum procedit ex perfectione Dei ad eius existentiam. Ergo probat existentiam per existentiam, quia perfectio Dei est eius existentia; adeoque petit principium.

Distinguo antecedens, procedit ex perfectione Dei ut Dei formaliter, & reduplicative, nego: ex perfectione Dei considerata secundum genus perfectionis ut sic, cū præcisione à ratione creati, vel increati, concedo antecedens, & nego consequentiam. Sicut enim benè probatur existentia hominis per existentiam animalis rationalis, quia quamvis hoc sit realiter idem cum illo, tamen distinguitur ab illo formaliter; ita benè probatur existentia Dei per eius perfectionem, consideratam sub conceptu  
forma-

formaliter præscīdēte à ratione diuini. Ex eo igitur quòd sit possibile aliquid, quod includat omnem perfectionem, inferitur, esse possibilem Deum, qui talis est; & ex huiusmodi inclusione inferitur eius existentia. Quia quamuis hæc sint realitèr idem, tamen formalitèr distinguuntur.

Ad 1. distinguo antecedens, daretur aliquid simpliciter prius Deo, nego: prius improprie, & per nostrum modum concipiendi, concedo antecedens, & nego consequentiam. Et ratio est, quia ad veram demonstrationem non sufficit quodlibet prius, vt probauimus art. 3. Deindè admissio, & non concessio antecedenti, nego consequentiam; quia licèt verè daretur aliquid simpliciter prius Deo (quod nos numquam concedimus) non tamen per illud posset demonstrari, quia Deus non est sub genere, adeòque non posset concludi eius existentia, conclusione scientifica, nempe vniuersali. Ad instantiam de Trinitate, nego sequelam. Et ratio est illa, quam fusè persecuti sumus in disp. met. lib. 1. disp. 2. art. 3. quia videlicèt Trinitas, vt formaliter talis, & vt virtualiter intrinsecè distincta ab essentia, nullam ex se dicit perfectionem simpliciter simplicem. Ergo quamuis per nostrum argumentum euidenter probetur cumulus omnium perfectionum simpliciter simplicium, non tamen exindè probatur existere Trinitatem, sicut probatur existere Deitatem.

Ad 2. Nego minorem. Ad cuius probationem vltro admitto, diuinam bonitatem

non esse Deo priorem prioritate causalitatis, siue quocumque alio genere veræ prioritatis, dico tamen esse priorem secundum rationem, in genere causæ formalis, ut dictum est. Cum enim constitutum resultet formaliter ex constitutivis, prius intelligimus existere constitutiva, tamquam fundamentum formale, quàm constitutū, quod habet rationem posterioris, saltem ratione, & secundum subsistendi consequentiam, nam ex eo quod detur constitutum, inferitur dari eius constitutiva, & non è conuerso.

Ad 3. Distinguo minorem, Deus nullas habet veras causas, concedo: causas secundum rationem, & nostrum modum concipiendi, subdistinguo, extrinsecas, concedo, intrinsecas, nego. Et dico, compositionem resultare ex causa formali informante, non autem ex constituyente, & non informante, sicut sunt perfectiones absolutæ. Præterquamquod compositio vera solum sequitur ex causis physicis, non autem ex metaphysicis, quæ ad summum possunt fundare compositionem metaphysicam, consistentem formaliter in multiplicitate prædicatorum. Cum ergo perfectiones absolutæ non sint causæ physice in Deo, non possunt fundare veram compositionem illi repugnantem, sed ut quasi causæ formales metaphysice, solum fundant compositionem metaphysicam, per quam essentia nō multiplicatur in se intrinsecè, sed solum admittit multiplicitatem prædicatorum, per quam à nobis cognoscitur multiplici conceptu in-  
adæquato

adæquato. Hæc autem Deo non repugnat, immò fundat eius perfectionis infinitatem, & ideo falsa est consequentia.

## DISPUTATIO II.

### *De Visibilitate Dei.*

**S**tatuta diuina existentia, agendū est de eius visibilitate. Et quia hæc quæstio potest agitari tam in ordine naturali, quàm in supernaturali, ideò ut clariùs procedamus, priùs quæremus, an Deus sit supernaturaliter visibilis? Et deindè an sit visibilis naturaliter?

### ARTICVLVS I.

*An possit simpliciter videri Deus per essentiam, seu cognitione intuitiua?*

**V**idetur non posse. Primò ex multis locis Sacræ Scripturæ, ut Ioannis 1. 4. Deum nemo vidit umquam: 1. ad Timotheum 6. Regi sæculorum immortalis, & invisibilis: & infinitis aliis, quæ passim occurrunt. Ergo nullo modo Deus est visibilis creaturæ.

2. Si Deus esset simpliciter visibilis, posset etiam videri à bruto. Hoc autem negatur ab omnibus. Ergo à nulla creatura videri potest.

3. Modus operandi sequitur modum essendi. Cum ergo modus essendi intellectus creati sit compositus ex esse, & potentia, numquam poterit eius operatio attingere

gere nisi composita , vel simplicia ad modum compositorum , & potentialium . Sed Deus est actus purissimus , & simplicissimus . Ergo non potest cognosci ab intellectu creato, nisi ad modum rerum compositarum , adeoque obscure , & abstractivè . Probatur antecedens, quia potentia intelligendi est proprietas consequens, ad ipsius esse substantiæ immaterialis . Ergo modus operandi huius potentiæ debet esse proportionatus modo essendi ipsius substantiæ immaterialis.

Confirmatur , species intelligibiles, quæ sunt principia proxima intelligendi, non possunt esse connaturales, nisi illi potentiæ, in qua recipiuntur, iuxta modum illius. Ergo non possunt illam determinare ad operandum, nisi iuxta modum essendi potentiæ intellectivæ.

4. Nullus intellectus potest efficere visionem obiecti , nisi vel illud in se realiter habeat , vel saltem intentionaliter per sui speciem, in qua illud virtualiter , vel eminenter contineatur . Sed nullus intellectus creatus habet Deum in se præsentem realiter, in ratione obiecti , neque aliquid, quod Deum virtualiter , vel eminenter contineat, cò quod De<sup>9</sup> in nullo creato possit vllaten<sup>9</sup> contineri : Ergo nullus intellectus potest simpliciter efficere visionem Dei.

5. Quò est perfectius obiectum (cæteris paribus) eò est perfectior cognitio. Sed obiectum visionis Dei esset infinitum . Ergo visio esset infinitè perfectæ, quia contineret  
per-

perfectiorem æquivalentem infinitis perfectionibus dispersis in infinitis cognitionibus, quatum singulæ cognoscerent objecta perfectiora, & perfectiora in infinitum. Sed est impossibile, dari creaturam infinitè perfectam. Ergo neque est possibilis creaturæ visio Dei per essentiam.

6. Inter intellectum creatum, & Deum nulla est proportio, utpote finiti ad infinitum. Sed inter cognoscens, & cognitum debet esse aliqua proportio. Ergo intellectus creatus non potest eleuari ad videndum Deum. Maior supponitur ab omnibus ut certa; nullus tamen usque adhuc assignavit in quo formaliter consistat hæc impropor- tio, quam solum explicant per infinitam distantiam, quæ est inter Deum, & creaturam. Idem dico de minori. Omnes enim suppo- nunt ut necessariam aliqualem proportionem, nullus tamen explicat quid illa sit.

Sed contra est, nam dicitur ep. 1. Io. c. 3. *Videbimus eum sicuti est*: Apoc. 22. *Servi eius servient illi, & videbunt faciem eius*. Math. 18. *Angeli eorum semper vident faciem Patris*. 1. ad Cor. 13. *Videmus nunc per speculum in enigmate, tunc autem facie ad faciem*. Et huiusmodi sacrarum Scripturarum loca passim inveniuntur. Ergo Deus est simpliciter visibilis.

Conclusio. *Potest supernaturaliter videri Deus per essentiam ab intellectu creato*. Est de fide. Videatur D. Thomas 1. p. q. 12. art. 1.

Probatur 1. *Potest homo consequi beatitu-*

titudinem. Sed hæc, saltem in æquatione, consistit formaliter in visione Dei per essentiam. Ergo talis visio est simpliciter possibilis. Maior est de fide, quæ aliòquin esset vana, si non possemus cōsequi beatitudinē; & probatur ex eò, quia homo habet naturale desiderium, & appetitum beatitudinis, ut egregiè probat D. Th. loco cit. & 1. p. q. 5. art. 8. Hoc autem desiderium vel esset inane, si Deus per essentiam videri non posset, vel in alio quàm in Deo cōsisteret beatitudo, quæ sunt absurda. Ergo debet esse possibilis visio Dei, quæ est ipsius obiectum. Probatur minor cum eodem hic, hominis beatitudo consistit in altissima eius operatione. Altissima autem hominis operatio est cognitio clara suæ primæ causæ, ut patebit in tract. de beat. Ergo beatitudo hominis vel aliud non est, quàm Dei visio, vel illam saltem formaliter includit.

2. A pari, potest oculus corporeus supernaturaliter videre coloratum infinitum, quod naturaliter videre non potest. Ergo etiam intellectus potest supernaturaliter videre Deum, quem naturaliter non potest. Consequentia est euidens, nam ita se habet oculus finitus ad coloratum infinitum, sicut intellectus finitus ad intelligibile infinitum. Probatur antecedens, quia potest Deus ita oculum confortare, ut acquirat vires, quibus possit extendi ad coloratum maius, & maius, ita ut simul habeat infinitas visiones, tendentes ad infinitas partes eiusdem colorati infiniti, quas naturaliter  
seorsim;



seorsim, & successivè habere potest. In tali casu videret simul coloratum infinitum. Ergo hoc est factibile.

3. Ita se habet nux parva ad recipiendum totum mare, sicut intellectus creatus ad Deum intelligendum. Sed illa vel per additionem capacitatis, vel per adaptationem obiecti (quæ posset fieri partium penetratione, vel alio modo nobis incognito) potest recipere totum mare. Ergo & intellectus totum Deum. Neque obstat, quòd Deus sit infinitus; nam etiam mare, quantum in se simpliciter finitum, comparatum cum nuce censetur infinitum, & solum ab illa supernaturaliter exhaustibile. Et ideo D. Augustino cogitanti de Trinitate apparuit Angelus ad littus maris, qui nucleum præ manibus gerens dixit illi. *Tunc Trinitatem capies, quando maris immensitas hoc nucleo exhaurietur*, ut videlicet inde rudimentum sumeret, diuinam Triadem à finito intellectu capi non posse, nisi supernaturaliter, ut maris occupatio à paruo nucleo.

Ad primum dico, tripliciter posse exponi loca sacræ scripturæ allata contra diuinam visibilitatem. Primò cum D. Thoma in locis citatis, illa esse intelligenda in ordine ad comprehensionem Dei, quam omnes asserimus impossibilem creaturæ. 2. cum Epiphanio, Ambrosio, alijsque exponenda esse in ordine ad visionem factibilem solis naturæ viribus. 3. possunt intelligi de visione facta, seu factibili ab anima, ut alligata corpori, per phantasmata materialia, quam sæ:

pe vt impossibilem propugnauimus . De-  
 mum(vt alij dicunt)possunt intelligi de  
 visione permanenti, & per modum habitus  
 elicienda in via, non autem de visione per  
 modum actus transeuntis, vt multi con-  
 cedunt Moyfi, & D. Paulo; vel de perma-  
 nenti in patria, de qua nunc loquimur.

Ad 2. Nego maiorem. Disparitas est, quia  
 homo habet velleitatem naturalem, & desi-  
 derium visionis Dei, cum æstimatiua, &  
 maxima inclinatione ad illam, quæ suppo-  
 nunt in illo capacitatem remotam visionis,  
 quam non habet brutum. Præterea natura  
 intellectualis, cum sit volitiua, & libera,  
 potest mereri, adeòque fieri digna visione  
 Dei, quæ illi correspondeat in præmium  
 virtutis, quod nullo modo bruto, vtpote in-  
 tellectus, & volitionis experti, competere  
 potest.

Ad 3. Respondeo cum Scoto in 2.d.49.  
 q. 11. quodlib. 14. art. 2. in primis argumen-  
 tum nimis probare; aliòquin neque Ange-  
 lus superior esset cognoscibilis ab inferiori,  
 neque Deus ab intellectu informato lumi-  
 ne gloriæ, qui semper remanet cum modo  
 essendi infinitè imperfectiori, quàm esse  
 diuinum. Secundò argumentum proce-  
 dere de intellectu operante solis proprijs  
 viribus, non autem de operante per  
 auxilia supernaturalia. Sicut enim potest  
 Deus ex nihilo condere intellectum, ita  
 posset illi addere aliquod principium  
 supernaturale, cum quo possit aliquam o-  
 perationem elicere, vt est visio Dei, quam  
 fe

se solo non posset , vt egregiè probat Suarez disp. 30. met. sect. 11. n. 15. & seq.

Demum hoc principium debet exponi , in ordine ad id, quod plerumque contingit, non autem in ordine ad id, quod necessariò contingit, & semper. Siquidem falsificatur in ordine ad cognitiones factibiles per species infusas , vt in Angelis inferioribus ad superiores, vel in ordine ad cognitiones supernaturaliter factibiles .

Dices, intellectus noster intelligit discurrendo. Sed Deus non potest intelligi per discursum. Ergo neque videri. R. Hoc esse verum cumlatiuè , non priuatiuè , hoc est , quod ita cognoscat discurrendo, vt tali modo non circumscribatur. Et ideo dico cum nostro Ægidio Lusitano to. 2. lib. 12. q. 1. ar. 1. §. 3. non esse adæquatum modum intellectus nostri intelligere per discursum, saltem extensiuè , cum possit habere notitias simplices, & incomplexas, vt circa prima principia, & per nostrum Ægidium Columnam quodl. 4. q. 16. possit etiam cognoscere, sine discursu veritates scientificas , saltem in esse, & vsu acquisito. Quare falsa est postrema consequentia.

Vnde patet responsio ad cōfirmationem, quæ solum procedit in ordine naturali , & nihil probat aduersus visionem supernaturaliter factibilem.

Ad 4. Nego maiorem cum Suarez. loc. cit. n. 26. Sicut enim nullus intellectus habet in se obiectum præsens per physicam realitatem ipsius obiecti ; ita nullum obiectum est

in intellectu per aliquod, in quo eminenter contineatur, cum satis sit, quod virtualiter in specie, tamquam in semine, seu virtute instrumentali contineatur. Non repugnat autem, Deum in ratione obiecti esse in intellectu creato, mediante aliqua specie, ut loquitur Suarius. Ergo neque repugnat ex isto capite, illum videri. Cum ergo essentia Dei ratione suae immensitatis, & intimitatis cum intellectu, sit sui species, potest illum determinare ad visionem sui.

Ad 5. Primò retorqueo argumentum in cognitionem abstractiuam Dei, quæ proinde non est infinita. Et ratio est, quia perfectio cognitionis non desumitur ex obiecto materiali, cum circa idem possint versari diuersæ cognitiones, sed ex modo tendendi, qui potest esse perfectior, & perfectior in infinitum. Deinde si supponamus, cætera esse paria, dico, huiusmodi perfectiones non crescere in infinitum per partes æquales non communicantes; sed solum per partes proportionales, vel communicantes; adeoque non facere in visione Dei perfectionem cathegorematicè, sed solum sincathegorematicè infinitam, quæ nullatenus repugnat creaturæ. Probatur assumptum, nam cognitio e. g. trium obiectorum non continet in se formaliter triplicem perfectionem, sicut continetur in tribus cognitionibus inter se distinctis eorundem obiectorum, sed vnâ tantum illis æquivalentem, æquivalentia ætherogenea, eo modo quo homo continet in se per huiusmodi æ-

qui.

quiualentiam infinitas perfectiones, dispersas in infinitis indiuiduis se inferioribus, tam actu existentibus, quam possibilibus. Sicut ergo homo non est proinde in perfectione cathegorematicè infinitus, ita neque illa cognitio. Et ratio à priori est, quia sicut perfectio hominis vt æquiualentis equo, e. g. non est adæquatè distincta à perfectione eiusdem hominis, vt æquiualentis leoni, sed vtraque perfectio communicat in hoc, quòd sit semper perfectio eiusdem animalis rationalis, quod est fundamentum aliorum additamentorum; ita in illa cognitione, æquiualentia cognitionis de equo, qui videtur in Deo, non est perfectio adæquatè distincta ab æquiualentia cognitionis de leone in Deo viso, sed est perfectio communicans in hoc, quòd sit visio Dei, ratione cuius prædicari habet, vt æquiualeat tot alijs cognitionibus. Deinde sicut posset eidem quantitati fieri infinita additio per partes proportionales e. g. modò vni<sup>9</sup> palmi, modò dimidij, modò dimidij dimidii, &c. quin additamentum crescat in infinitum, in ratione extensionis, ita potest fieri eidem cognitioni additamentum per partes proportionales numero infinitas, absque eo quòd crescat additamentum in infinitum, in ratione cognitionis. Quare semper est falsa illa consequentia.

Ad 6. Solet communiter responderi cum distinctione maioris, illam videlicet admit- tendo vt veram, quoad proportionem arithmeticam, & reiiciendo vt falsam quoad

proportionem geometricam. Sed huius distinctionis falsitas patebit infra. Distinguo igitur aliter maiorem, nulla est proportio arithmetica, seu geometrica concedo: nulla est proportio ordinis, nego maiorem. Et admissa proportione ordinis inter intellectum, & Deum, nego consequentiam. Excluditur igitur utraque proportio, tam arithmetica, quam geometrica, inter Deum, & creaturam, quia huiusmodi proportionibus fundantur in quantitate, siue continua, siue discreta, ut optimè probat Euclides lib. 5. elem. Et ratio est clara, nam proportio arithmetica debet esse intra duos terminos quantitativos, eò quia cõstet formaliter ex habitudine vnius ad aliud, in ratione similitudinis, vel dissimilitudinis secundum quantitatem: & proportio geometrica debet esse intra 4. terminos quantitativos, eò quia consistat in habitudine, quam habet vnum ad aliud in quantitate, tamquam per consequentiam deductam ex alia simili habitudine, quam habet aliud ad aliud. E.g. 5. proportionatur arithmetice ad 10. quia habent rationem dimidij, & 50. proportionantur geometricè ad 100. quia 5. proportionantur ad 10. Possum enim formare hoc argumentum, ita se habent 50. ad 100. sicut 5. ad 10. Sed hæc proportionatur cū illis ut dimidium. Ergo & illa. Hoc posito, quia Deus nullam habet quantitatem, non potest esse terminus talium proportionum. Proportio autem ordinis consistit in hoc, quòd vnum dicat habitudinem ad aliud, vel in ratione  
actus,

actus, & potentia, vel in ratione potentia, & obiecti. Cum igitur detur ordo inter Deum ut obiectum, & intellectum creatum ut potentiam, ideo datur proportio sufficiens ad illum cognoscendum intuitiue, ut videre est penes diuum Thomam 1. p. q. 2. ar. 1. ad 4.

Dices 1. Deus habet quantitatem virtutis. Ergo potest esse terminus vtriusque proportionis.

Nego antecedens, eo quia quantitas virtutis fundetur in multitudine partium perfectiuarum, seu perfectionum formalium, quas Deus non habet, eo quia non habeat perfectibilitatem, sicut habet creatura. Continet ergo solum eminenter perfectionem omnium entium, quae continentia neque formaliter, neque virtualiter est quantitatiua.

Dices 2. Quando quaeritur, an intellectus possit videre Deum, quaeritur an habeat habitudinem potentiae ad illum, ut ad obiectum. Ergo petitur principium, dicendo quod possit, quia habet proportionem ordinis.

Nego consequentiam. Quia cum asserimus, hominem habere proportionem ordinis ad visionem, non asserimus pro ratione ipsam proportionem assertam, sed probamus ex eo, quod habeat velleitatem, ac naturale desiderium videndi Deum, quae fundantur in potentia obedientiali actiua ad eius visionem, quam non habent bruta. Ergo non probamus idem per idem.

Dices

Dices 3. Hæc proportio datur etiam inter intellectum creatum non eleuatum, & Deum. Ergo vel non sufficit, vel facit Deum etiam naturaliter cognoscibilem per essentiam.

Distinguo consequens, hæc proportio facit Deum naturaliter cognoscibilem remotè, concedo: proximè, nego consequentiam. Sicut enim oculus noctuæ habet proportionem ordinis ad solem, quia naturaliter habet visibilitatem remotam ad illum; ita & intellectus creatus respectu Dei.

Dices 4. Frustra est potentia, quæ non potest reduci ad actum secundum. Ergo si intellectus creatus habet naturaliter potentiâ remotam ad videndum Deum, poterit illum etiam proximè naturaliter videre.

Nego consequentiam, propter rationem afferendam ar. sequenti.

## ARTICVLVS II.

*An possit Deus videri per essentiam, etiâ naturaliter? Præmittuntur errores hæreticorum, & opiniones Catholicorum.*

**A**liqui hæretici dicti Begardi, & Beguine, quibus consonant antropomorphitæ dixere, non solum posse Deum naturaliter ab homine videri, sed illum de facto visum iri, etiam oculis corporeis, supponentes, Deum esse corporeum. Sed horum dictum damnatum fuit ab Ecclesia, non solum propter errorem quem continet inexcusabilem, sed etiam propter falsitatē prin-



principij, vnde illum deduxere. Videatur Suarius disp. 30. met. sect. 11. n. 5. vbi illos confutat, & vt hæreticos damnat; & ideo in eorum confutatione non est immorandum.

Inter Catholicos verò Lodouicus Molina 1. p. q. 10. ar. 5. disp. 2. putat probabile, posse dari intellectum creatum, qui sua naturali actiuitate æquiualeat complexo ex intellectu, & lumine gloriæ, adeoque qui possit naturaliter Deum videre intuitiue. Idem asserit Martinus Becanus 1. p. tract. 1. c. 9. q. 5. Et Ioannes Maior in 4. d. 49. q. 4. nō solum putat, hoc esse possibile, sed est dubius, an detur de facto aliquis Angelus, qui suis naturalibus viribus videat Deum per essentiam?

Sed hæc opinio sustineri non potest, primò quia huiusmodi intellectus fieret eiusdem ordinis cum tali complexo, adeoque esset intrinsecè supernaturalis, quod suo loco probabimus repugnare. Deinde quia si semel aperiatur via ad tales æquiualencias, posset etiam admitti vt possibilis creatura, quæ æquiualeat complexo ex natura humana, & vnione hypostatica, adeoque per se ipsam intrinsecè, & essentialiter petat vniti hypostaticè cum Verbo, & alia quæ æquiualeat complexo ex intellectu, & actu visionis beatificæ, adeoque per se ipsam intrinsecè, & per suam substantiam videat Deum intuitiue; & alia quæ æquiualeat complexo ex corpore Beati, & dotibus gloriosis, adeoque per se ipsam intrinsecè & essentialiter.

sententialiter petat habere corpus gloriosum, & alia quę equiualeat complexo ex anima; & gratia sanctificante, adedque per se ipsam substantialiter sit sancta, quę meritò offenderent aures theologorum, eò quia tribuerentur creaturis, quę sunt propria Creatoris.

Durandus in 4. d. 49. q. 2. n. 24. putat, quęlibet intellectū creatum esse aptum ex natura sua, vt ei fiat præsens Deus per claram visionem, absque vlla infusione doni supernaturalis, sed solum per remotionem impedimenti, his verbis, *ad videndū Deum non requiritur species aliqua repræsentans diuinam essentiam, nec lumen aliquod creatum eleuant intellectum, sed sufficit, quòd diuina essentia immediate repræsentetur intellectui creato. Quod utique non potest fieri secundum ordinem naturæ, secundum quem intellectus nihil intelligit, nisi ex sensatis, & imaginatis, sed potest hoc fieri secundum ordinem diuinę gratiæ, quatenus scilicet gratis, & non ex debito ab intellectu aufertur impedimentum naturale, quatenus non potest Deum intelligere, nisi mediantibus sensatis. Et deinde concludit, hoc ergo excluso, & præsentedi diuina essentia intellectui, secundum se, & immediatè, sequitur cognitio clara, & manifesta, qualis possibilis est intellectui nostro. Vnde patet, stante naturali impedimento dependentiæ à phantasmatibus, nō posse à nostro intellectu videri suis viribus Deum, posse autem illo supernaturaliter ablato,*

Sed

Sed hæc opinio vt erronea rejicitur ab Egidio Lusitano tom. 2. lib. 7. q. 3. §. 1. & à Suario dis. 30. met. sect. 11. n. 40. vocatur absurda in theologia, & in metaphysica, nihil concludens. Et meritò quidem; Primò quia vel Deum fieri præsentem per visionem creatam, est quòd Deus sua sola virtute efficiat visionem in intellectu creato, exclusa omni actiuitate ipsius intellectus; vel quòd illam efficiat, concurrente sola actiuitate naturali ipsius intellectus? Primum est falsum philosophicè, quòd videlicet videat intellectus per purum pati, nihil planè de sua actiuitate conferens, concurrente Deo, per purum concursum generalem, vt prima causa, quòd vt absurdum reiecinus in 2. de anima disp. 2. ar. 6. ; Et secundum est erroneum theologicè, quòd videlicet intellectus creatus solis suis viribus possit elicere visionem claram Dei, per solam remotionem allati impedimenti, vt fusè inferius probabimus. Et ideo est damnatum ab Ecclesiis, vt patebit. Deinde eum dicit, sufficere representationem immediatam diuinæ essentia, quid intelligit per talem representationem? Vel intelligit intimitatem, & hæc non sufficit, licet ab omnibus vt necessaria admittatur, quia non tollit ex parte intellectus, naturalem illius improprietatem. Vel intelligit dispositionem aliquam supernaturalem præuiam ex parte intellectus ad visionem, & nihil dicit, quia hoc admissio, iam visio procederet ex intellectu, vt supernaturaliter eleuato. Demum si per solam

remo;

remotionem dependentiæ à phantasmatis-  
bus, & per intimitatem diuinæ essentiæ,  
potentia naturalis remaneret sufficienter  
disposita, ad eliciendam suis viribus natu-  
ralibus visionem Dei, de facto animæ sepa-  
ratæ, & omnes Angeli, utpote operantes  
absque tali dependentia, viderent Deum,  
quod est hæreticum. Ergo à primo ad vl-  
timum, vel hæc opinio se ipsam destruit, vel  
est erronea.

Scotus in 2.d.3.q.9. ait, de facto in intel-  
lectu Angelico esse speciem connaturalem,  
qua naturaliter cognoscitur diuina essentia  
cognitione distincta, quam multi explicant  
pro cognitione intuitiua, quamuis littera  
explicitè id non determinet.

Sed hæc opinio taliter explicata, non vi-  
detur dissentire ab opinione Durandi, nisi  
in voce; & ideo contra illam militant argu-  
menta nuper allata. Quod si cum plerisque  
Scotistis explicetur pro cognitione distin-  
cta quidem, sed non intuitiua (quam proin-  
de vocant abstractiuam) eò quia non repre-  
sentet Deum ut præsentem, sed ut absentem  
Contra est primò, quia omnis absentia ha-  
betur per distantiam loci, siuè temporis.  
Sed Deus clarè cognitus neque potest re-  
præsentari ut loco distans, neque ut distans  
tempore. Ergo cognitio distincta, seu clara  
Dei non potest esse abstractiua, sed est ne-  
cessariò intuitiua. Consequentia est eui-  
dens. Maior patet, cum alia absentia excogi-  
tari non possit. Minor probatur, quia co-  
gnitio clara Dei necessariò repræsentat  
Deum

Deū vt innēsū, & ſempiternū, aliter eſſet cōfuſa, & nō diſtincta. Sed Deus vt innēſus eſt vbique, & vt ſempiternus correfpondet cuicumque tempore. Ergo ſi repræſentetur diſtinctè, neceſſariò repræſentatur vt nunc exiſtens, & vt exiſtens etiam hic, adeòque vt præſens, & non abſens loco, & tempore, quod erat probandū. Deinde, quia admiſſa in intellectu Angeli ſpecie diſtinctè repræſentante diuinam eſſentiam, licèt admiſſatur alietas inter illam, & aliam repræſentantem intuitiuè, neceſſariò eſſet admiſſenda etiam intuitiua. Probo ſequelam, hæc non poſſet negari, niſi vel quia repugnet quicumque cognitionem intuitiuam fieri per ſpeciē, vel quia ſaltem repugnet fieri per ſpeciem ſolam cognitionem intuitiuā Dei. Primum non poteſt aſſeri à Scoto, admiſſente in Angelis ſpecies, per quas vnus cognoſcat alium intuitiuè. Admiſſo primo nulla ſuper eſt ſpecialis repugnantia præ ſecundo, vt patet. Ergo fieri non poteſt, vt admiſſatur prima ſpecies, quin admiſſatur etiam ſecunda; qua admiſſa, prolabimur in errorem impugnātū, niſi Dicamus, eſſe intrinſecè ſupernaturalem, quod deſtruit hypotheſim Scoti.

## ARTICVLVS III.

*Examinantur rationes nonnullorum Recentiorum, quibus, ſaltem negativè, videntur fauere nuper impugnatis.*

**P**RIUSQUÀM proferam meam opinionem, placet hic in examen vocare nonnullorū

Re-

Recentiorum doctrinam , quæ licet directè aduerfetur quoad finem , impugnatis opinionibus , tamen quia multum illis reipfa , faltem negatiuè , videtur fauere , ob deficièntiam rationum , ideo meretur ad earum cèfum reuocari , nè anſam præbeamus aliter ſentientibus ſuſpicandi , catholicam veritatem , vel falſo niti fundamento , vel faltem ruinoſo .

Cardinalis Pallauicinus in aſſert. theol. l. 8. n. 177. vt probet non eſſe poſſibilem in ordine naturali cognitionem intuitiuam Dei , ita argumentatur , cognitio intuitiua debet adæquatè coeſiſtere obiecto cognito . Sed nulla cognitio creata naturalis poteſt adæquatè coeſiſtere Deo cognito . Ergo nulla cognitio creata naturalis eſt intuitiua Dei . Maiorem ſupponit veriſſimam ex ipſa definitione cognitionis intuitiue . Minorem probat , quia nulla creatura poſſidet totum ſuum eſſe , ſed ſemper habet multum de nihilo , & ideo nunc non habet , niſi eſſe nunc , & diſtinguitur à ſua duratione futura , tamquam à noua participatione ſummi entis . Ergo non poteſt cognoscere durationem Dei , vt ſibi adæquatè commèſuratam , ſed debet illam cognoscere vt infinitè anteriorem , & poſteriorem , hoc eſt vt vtrinquæ æternam . Vnde infert , quòd non poſſit illam cognoscere intuitiue , niſi ſupernaturaliter eleuetur .

Sed hæc ratio vel nihil probat , vel retorquetur euidenter contra cognitionem intuitiuam ſupernaturalem , quod ſic probo .

Vel

Vel requiritur necessario ad cognitionem intuitivam, quod adæquatè coexistat obiecto cognito, vel non? Si primum, ergo neque supernaturaliter potest Deus videri intuitivè à creatura, quia neque cognitio supernaturalis potest adæquatè coexistere toti divinæ æternitati, quoad durationem extensivam. Probatur consequentia, quia etiam hæc cognitio licet supernaturalis, esset aliquod creatum, adeoque non habens de suo esse, nisi esse nunc. Ergo non posset in obiecto videre fuisse, & esse futurum, quod est indivisibiliter proprium divinæ æternitatis. Si uerò dicatur secundum, ergo hæc ratio non obstat, quò minus possit etiam naturaliter, dari cognitio intuitiva Dei.

Martinus de Esparza q. 10. de Deo ar. 2. pag. 103. ita philosophatur, nulli substantiæ intellectivæ debetur cognitio perfectior, quàm comprehensio sui. Sed visio Dei est cognitio perfectior, quàm comprehensio cuiuslibet substantiæ intellectivæ creatæ. Ergo nulli substantiæ intellectivæ creatæ debetur visio Dei. Quòd si non debetur, neque potest illam naturaliter elicere. Probat maiorem, primò quia Deo non convenit cognitio perfectior, quàm comprehensio sui. Ergo neque creaturæ. Deinde quia cognoscibilitas passiva sequitur ad rationem entitatis. Ergo eò est perfectior, quò est perfectior entitas; & ideo perfectiora difficilius comprehenduntur. Ergo est impossibile, quòd alicui substantiæ cognoscitivæ,  
fit

fit maior uirtus cognoscitiua, quàm eiusdem passiuæ cognoscibilitas; aliòquin esset in illa aliqua perfectio, ultra totam eius perfectionem, quod repugnat.

Hoc autem argumentum si quid probat, probaret, non posse ab homine ullo modo cognosci Angelum, neque Angelum superiorem ab inferiori, quia hæ cognitiones essent perfectiores comprehensione ipsorum cognoscentium. Neque quidquam probat, quòd Deus non possit habere cognitionem perfectiorem sui comprehensione, quia cum hæc sit simpliciter infinita, est simpliciter omnium perfectissima, quod non ualet de comprehensione creata creaturæ. Quamuis ergo aliqua creatura cognitione perfectiori comprehensione sui plura cognosceret, non tamen proinde eius uirtus cognoscitiua excederet eiusdem cognoscibilitatem passiuam. Probo sequelam, illa plura non cognosceret perfectiori modo, quàm seipsam, cò quia uidendo Deum intuitiue naturaliter, eum non comprehenderet, sicut seipsam. Ergo per talem cognitionem intuitiuam Dei, eius uirtus cognoscitiua perficeretur quidem extensiue, & purè terminatiue, ad obiectum extrinsecum, non autem formaliter, & intensiue. Semper ergo comprehensio sui, quamuis extensiue imperfectior, esset perfectior intensiue, adeoque formaliter, & simpliciter uisione Dei.

Alij aliter argumentantur tali pacto, finitum ad infinitum nulla est proportio. Sed Deus est infinitus, & intellectus creatus est finitus



finitus. Ergo inter illos nulla est proportio. Vnde inferunt, non posse Deum ab illo naturaliter uideri, tamquam obiectum illi improporcionatum.

Sed hoc quoque argumentum nullius est ponderis, aduersus admittētes, posse Deum naturaliter uideri. Primò quia habet eundem responsionem, petitam ex distinctione proportionis in quantitativam, & ordinis, ut uidimus ar. 1. huius disputat. Deinde euidenter potest retorqueri cōtra uisionem supernaturalem. Posita enim quacumque eleuatione, semper remanet eadem improporcionio, eò quia per lumen gloriæ, quod est creatum, non tollatur infinita distantia inter Deum, & intellectum, qui tantumdem distat à Deo post eleuationem, quantum prius distabat.

Alij demum ex eo quòd Deum supponāt esse intrinsecè supernaturalem, inferunt, illum non posse uideri naturaliter. Sed quia hæc ratio nititur falso fundamento, ut suo loco probabimus, ideo & ipsa potius negatiuè prodest, quàm obsit naturalizantibus.

#### A R T I C V L V S IV.

*Resoluitur Status quæstionis, an uidelicet possit Deus uideri naturaliter per essentiam?*

**C**onclusio est negatiua, tam respectu hominis uiatoris, quàm respectu comprehensoris, & cuiuscumque substantiæ creatæ separatae, cum D. Th. 1. p. q. 12. ar. 4. alijsque com-

communiter, inter quos Gregorius de Valentia to. 1. d. 1. q. 12. pun. 3. Putat, hanc conclusionem esse de fide, quidquid in oppositum dixerint auctores supra impugnati.

Probatum quoad primam partem, omnis cognitio naturalis, quam potest habere homo in via, initium ducit à sensibus, & phantasmatibus materialibus, ut alibi saepe probauimus. Ergo nihil potest naturaliter cognosci cognitione intuitiva ab homine uiuatore, quod non sit sensibile, & materiale, cuiusmodi non est Deus. Et ratio à priori affertur à diuo Thoma 1. p. q. 12. ar. 11. quia modus cognitionis est conformis modo essendi naturæ cognoscentis. Sed anima nostra in hac vita habet esse in materia. Ergo non potest suis viribus cognoscere, nisi ea, quæ habent esse in materia, vel cum illa connectuntur. Sed essentia Dei neque est in materia, neque cum illa connectitur. Ergo non potest videri ab anima taliter cognoscente. Præterea corpus propter suam materialitatem, impedit cognitionem substantiæ immaterialis; & ideo tantò aliquis est magis dispositus ad percipiendam diuinam, quantò eius animus est magis solutus, & expeditus à corpore. Sed homo dum est in via, non est, neque potest esse solutus à corpore. Ergo non potest extendi ad claram visionem Dei. Ex quibus infert diuus Thomas, per somnia, & alienationes à sensibus magis contingere reuelationes, & prouisiones futurorum, ut infra uidebimus.

Confirmatur paritate animæ rationalis,  
quæ

quæ licet naturaliter sit in homine coniuncta corpori, ut eius actus intrinsecus, non tamen potest ab illo videri, propter suam immaterialitatem. Ergo multò minus poterit videri Deus, qui per infinitum excessum est immaterialior anima rationali.

Probatur quoad secundam partem, primò quia visio Dei per essentiam est ipsum actuale exercitium amicitiae in actu secundo. Sed amicitia est inter æquales. Ergo non potest convenire creaturæ, nisi per gratiam eleuetur ad statum adoptionis indebitum, ratione cuius per speciale beneficium, ut filius adoptivus Dei, fiat aliquo modo illi æqualis. Probatur maior, quia per talem visionem liberè Deus reuelat videnti totum seipsum, non tamen per modum locutionis, sed per modum detectionis obiectivæ, sicut esset remotio veli ad videndam imaginem. Hoc autem est signum specialis amoris, sicut in creatis non fit secretorum detectio, nisi amicis. Quòd autem amicitia sit inter æquales, patet evidenter, ex philosophia in libris ethicorum, in quibus probatur posse quidem inter inæquales dari concupiscentiam, non autem amicitiam veram.

2. Visio Dei per essentiam est visio totius quod est Deus. Ergo est visio etiam Trinitatis. Sed hæc non potest esse naturalis, ut probat D. Thomas 1. p. q. 32. ar. 1. & nos probauimus in disput. met. lib. 1. disp. 2. ar. 3. & hic disp. 1. ar. 2. Ergo ne-

C que

que visio Dei per essentiam . Probatur maior, est impossibile, videri clarè essentiam Dei, quin videatur triplex substantia, cum illa realiter identificata, vt probabimus infra contra Scotum. Ergo cum cognitio intuitiva sit clara, debet videre in Deo totum id quod est Deus, adeòque etiam Trinitatem .

3. Quicumque videt Deum per essentiam, videt infinitum bonum. Ergo debet illud summe amare per charitatem perfectissimam, cum voluntas sit naturaliter inclinata ad bonum, ad quod intrinsecè ordinatur. Sed est impossibile, haberi naturaliter charitatem perfectissimam, alioquin possent etiam haberi fides, & spes, in quibus illa fundatur, & quæ sunt necessariò de obiecto reuelato, adeòque supernaturali . Ergo est impossibile haberi naturaliter visionem Dei per essentiam . Neque obstat, quòd Christus Dominus habuerit charitatem sine fide formali, primò quia ratione diuini suppositi, non erat principium purè naturale. Et deindè quia verè habuit fidem, & spem radicaliter, per quas fuit ita dispositus, vt nisi videret illa obiecta in Verbo, ex vi vnionis hypostaticæ, illa crederet per fidem, & per spem speraret.

4. Si daretur naturaliter visio Dei per essentiam, illa esset infinita in modo cognoscendi, adeòque comprehensua Dei, quam cognosceret quantum cognoscibilis est. Sed est impossibilis visio creata,

com-

comprehensua Dei. Ergo est impossibile dari naturaliter visionem Dei per essentiam. Minor, & consequentia sunt evidentes. Maior probatur, omnis visio, seu cognitio intuitiva determinatur ad esse tantam, & non plus, vel ex obiecto, vel ex subiecto. Sed visio naturalis Dei neutram haberet determinationem; non ex obiecto, quod est infinitum; neque ex subiecto quod cum habeat infinitam docibilitatem passivam, potest in se recipere cuiuscunque perfectionis visionem, per quam formaliter semper plura, & plura à Deo doceatur. Ergo hæc visio nullum haberet limitem. Atque adeo in modo cognoscendi esset simpliciter infinita, & per consequens comprehensua Dei.

Dices 1. Si obiecti infinitas refunderet infinitatem in visionem, neque supernaturaliter posset Deus videri. Consequens est absurdum, quod reiecimus ar. 1. Ergo falsum est antecedens.

Nego sequelam maioris. Siquidem visio Dei supernaturaliter facta dupliciter limitatur, primò per lumen gloriæ, ex parte subiecti videntis, cuius proprium est determinare ad tantam visionem, & non maiorem. Et deinde ex parte ipsius obiecti visi, quod cum sit Deus essentialiter liber, potest ex arbitrio se manifestare, modò clariùs, & modò obscuriùs, ut ipse viderit expedire, ad hoc ut tantæ intentionis visio subsequatur, & non maioris. Quod facillè potest efficere, vel positivè

per aliquod decretum ponendo obicem, vel negatiuè per subtractionem concursus, eo modo quo facit Angelus, qui per applicationem sui liberi consensus, modò se manifestat alteri Angelo secundum vnum secretum, modò secundum aliud, vel plura, prout ipse vult.

Dices 2. Hoc etiam posset fieri naturaliter. Ergo &c. Nego antecedens. Et ratio à priori est, quia obiectum motuum intentionale, naturaliter loquendo, cum sit aliquod necessarium, mouet quantum mouere potest. Non potest ergo limitari, nisi contra exigentiam talis obiecti, adeoque supernaturaliter.

Dices 3. Sol easdem immittit sui species ad oculos Aquilæ, atq; ad oculos noctuæ, & tamen perfectiùs videtur ab Aquila, quàm à noctua, propter diuersam perfectionis habitudinem vtriusque. Ergo etiam quamuis Deus sit semper æquè cognoscibilis respectu omnium intellectuum, adhuc tamen diuersimodè cognoscitur, iuxta proportionem perfectionum singulorum, ex quarum diuersitate potest sumi determinatio, & limitatio visionum.

Distinguo antecedens, perfectiùs videtur intensiùè, concedo: extensiùè, nego antecedens. Et eodem modo distingo cōsequens, potest Deus diuersimodè cognosci intensiùè à diuersis intellectibus inæqualibus secundum perfectionē physicā, & materialem, concedo: extensiùè, nego  
con-

consequentiam. Quamuis enim intellectus creatus perfectior, excedat alium, intellectum in modo intelligendi, non tamen perfectius cognoscit terminatiue, quia non extenditur ad plura. Cum ergo omnis intellectus, propter formam ipsius vniuersalem, habeat infinitam capacitatem passiuam, seu docibilitatem, potest terminari ad infinita. Atque adeo sicut eadem Aquila eodem modo Soli applicata, non potest modò perfectius, & modò imperfectius illū videre, ita & intellectus creatus, si terminaretur ex se ad visionem Dei, semper in illo cognosceret eandem infinitatem, quia semper Deo eodem modo applicaretur. Neque quidquam obstarēt intellectuum diuersitas physica quoad hoc, quia in ordine ad obiectum infinitum, tam distaret vnus, quàm alius, posito quòd non detur vnum infinitum, maius alio, vt probauimus in 3. Phys. Neque enim magis distat à Deo intellectus perfectus vt duo, quàm perfectus vt tria, seu vt quatuor, cum semper respectu horum omnium sit à Deo infinita distantia.

Dices 4. Ergo videntes Deum per essentiam supernaturaliter, omnes vident omnia in Deo, adeoque sunt æquales in beatitudine, quod repugnat Diuo Thomæ hic ar. 8. & à nobis infra dicendis, & quoad postremam partem, includit errorem in fide.

Nego consequentiam, & propter tradi-

tam rationem limitationis provenientis ex lumine gloriæ, & ex diuino arbitrio, & propter aliam infra afferendam. Præterquamquod vel est sermo de prædicatis essentialibus Dei, eiusque perfectionibus constitutivis, vel de terminationibus liberis? Si primum, concedo utique ab omnibus omnia cognosci, aliòquin Beati non viderent Deum per essentiam, quæ est cumulus omnium perfectionum excogitabilium. Si secundum, nego sequelam, nam actus liberi Dei non sunt ratione sui formaliter perfectiones, adeoque non constituunt formaliter diuinam essentiam.

Probatur 5. Non potest videri Deus per essentiam, nisi ipsa diuina essentia fiat forma intelligibilis intellectus, ut egregiè probat Diuus Thomas 1. p. q. 12. ar. 3. Sed est impossibile, quod essentia diuina fiat forma intelligibilis intellectus creati, & quod hic fiat Deiformis (ut loquitur Angelicus) seu quodammodo Deus, (ut superaddit Caietanus in talem locum) per solas suas vires. Ergo est impossibile, quod intellectus creatus per solas suas vires naturales videat Deum. Maior probatur, quia obiectum debet connecti cum potentia. Non potest autem connecti, nisi fiat ipsius forma in eo genere, in quo attingitur à potentia, E.g. ut fiat forma visibilis respectu oculi, audibilis respectu auris &c. Ergo non potest cognosci, nisi fiat forma intelligibilis



lis intellectus. Et ideo ait Caietanus loco citato, oportet videntem Deum esse Deum quodammodo, diuinæque naturæ consortem. Constitutum autem intellectus creati, in esse diuino, est ipsum gloriæ lumen. Et propterea merito similitudo hæc à Sanctis exaltatur, atque repetitur. Probatur minor, quia non potest forma infinita correspondere potentia finitæ. Et ideo oculus non potest videre corpus infinitum, neque auris attingere sonum infinitum &c.

Dices primò, hoc argumentum probat, quòd neque supernaturaliter possit Deus videri per essentiam. Ergo nimis probat.

Nego antecedens. Disparitas est clara, quia (vt infra probabimus) cum Deus sit supremus omnium Dominus, debet posse conferre aliquid seruo per fauorem, quod illi ex se nullatenus debeatur. Potest ergo Deus supernaturaliter eleuare intellectum, augendo eius virtutem per lumen gloriæ, ad talè statum, in quo fiat capax per fauorem, & speciale beneficium illius, cuius ceterò qui ex se esset omnino incapax. Eo modo quo potest oculus corporeus, beneficio perspicillorum, seu tubi optici, fieri capax videndi Stellæ, quas ex se videre non posset, propter enormem distantiam. Lumen ergo gloriæ est instar tubi optici, quod quodammodo tollit distantiam excedentem obiecti, in ratione intelligibilis, illudque mentis oculo vnit, ad hoc vt videatur.

Dices 2. Perspicilla, & tubus opticus

ideo possunt adiuuare oculum corporeum, quia vniunt species visibiles, & faciunt virtutem fortiolem. At lumen gloriæ non potest vnire species intelligibiles Dei, quas intellectus non habet. Præterea possunt illa instrumenta vitrea vnire Stellas cum oculo, quia sunt illi proportionata, in modo essendi creato. Lumen autem gloriæ, cum etiam ipsum sit creatum, adeoque Deo improporcionatum, non potest illum vnire cum intellectu creato.

¶ In exemplis non requiri paritatem adæquatam, aliòquin non dicerent similitudinem, sed identitatem. Satis ergo mihi est, quòd sicut illa instrumenta possunt aptare oculum ad videndum obiectum, omnino potentiæ indebitum, ita & lumen gloriæ aptare intellectum ad intelligendum Deum. Cæterum esse creatum non tollit, quòd lumen gloriæ non possit esse virtus intellectus creati, ad aliquam operationem supernaturalem. Nam etiam vnio hypostatica est creata, & tamen facit humanitatem Christi potentem elicere operationes theantricas. Id ergo quod facit vnio hypostatica per filiationem naturalem, facit lumen gloriæ per filiationem adoptiuam. Ergo lumen gloriæ est veluti adoptio, per quam intelligens eleuatur ad statum filij Dei, cui per gratiam debeatur visio Dei, sicut Christo debetur per naturam.

Dices 3. Intellectus habet ex se infinitam

tam capacitatem passiuam , vt supra dictum est . Ergo potest ex se recipere formam infinitam.

Distinguo antecedens , habet ex se infinitam capacitatem passiuam radicalem, & remotam, concedo : formalem, & proximam, nego antecedens. Et eodem modo distinguo consequens , potest radicaliter recipere, concedo : potest proximè, & formaliter, nego consequentiam. Sicut etiam materia prima quamuis habeat infinitam capacitatem remotam ad recipiendas formas , non tamen potest illas formaliter, & proximè recipere, nisi disponatur per aliquod superadditum; ita, & intellectus non potest proximè recipere formam intelligibilem infinitam , nisi ad illam per aliquod superadditum disponatur . Cum hoc tamen discrimine, quò dispositio materiæ supponit in illa potentiam receptiuam completam, adeoque est pura qualitas dispositiua ; at dispositio intellectus ad formam infinitam , non potest esse pura dispositio , sed debet esse formaliter virtus , vt probabimus infra, cum agemus de lumine gloriæ, eò quia non supponat in intellectu virtutem sufficientem, & completam, quæ se um indigeat adaptari obiecto. Vnde patet, quare hoc superadditum intellectui non possit esse aliquod naturale , eò quia nullum naturale possit augere virtutem potentiæ naturalis ad actus sibi indebitos , & quodammodo illam infinitare .

Ergo debet esse aliquod supernaturale, cuiusmodi est lumen gloriæ, quod quamvis sit quid creatum, disponit tamen potentiam per modum principij, seu virtutis effectricis, ad visionem Dei, quam potentia sola elicere non posset. Eo modo quo calamus disponit manum de se, solum remotè sufficientem, illamque proximè complet ad descriptionem: & speculum adiuuat oculum ad visionem sui, quam sine illo elicere non posset.

Dices 4. Hoc lumen vt creatum non tollit infinitam distantiam, quæ est inter Deum, & intellectum. Ergo non potest applicare, seu adiuuare intellectum ad videndum Deum.

Aliqui respondent, intellectum creatum per lumen gloriæ eleuari intrinsecè ad ordinem supernaturalem, adeoque proportionari Deo viso. Sed quia hæc responsio nititur falso fundamento, vt mox patebit, ideo concesso antecedenti, nego consequentiam. Quamvis enim lumen gloriæ non tollat ab intellectu creato esse finitum, & limitatum, adeoque relinquat infinitam distantiam inter illum, & Deum, adhuc tamen potest intellectum disponere, augendo eius virtutem per modum principij, seu adiutorij extrinsecus aduenientis, vt videbimus.

Dice 5. Vel intellectus habet ex se sufficientem ordinem ad videndum Deum, tamquam potentia ad obiectum, vel non? Si primò, ergo etià se solo poterit Deum

videre. Si secundum, ergo neq; adiutus lumine gloriæ.

R. Intellectum habere quidem ex se talē ordinem ad videndum Deum, non, tamen sicut potētię proximæ, & sufficientis. Debet ergo eius insufficientia cōpleri, & applicari per aliquod auxilium supernaturale. Eo modo quo licet puer habeat virtutē ex se ad eleuandum ingens pondus, non tamen potest illud proximē, suisque solis viribus eleuare, nisi eius virtus compleatur in ratione sufficientis, coadiutorio, seu coniunctione virium gigantis.

Dices 6. ideo intellectus ex se non est proximē proportionatus ad visionem Dei, quia hęc est illi indebita, propter infinitam distantiam à Deo. Sed etiam posito lumine, remaneret eadem infinita distantia, vt concessum est. Ergo adhuc erit illi indebita visio; atque adeo erit ad illam improporcionatus.

Distinguo minorem, remanet eadem infinita distantia quoad entitatem materiale, & perfectionem physicam terminorum, cōcedo: quoad cognoscibilitatē obiecti, nego minorem. Si quidem dico, per lumen gloriæ Deum fieri quodammodo præsensem, & applicatum intellectui creato, cui secundum naturalia esset quodammodo absens. Eo modo quo obiectum coloratum longē absens, applicatur, & fit præsens oculo perspicillis, modo supra explicato. Sicut ergo oculo

adiuto perspicillis debetur concursus ad visionem colorati distantis, ita & intellectui informato lumine gloriæ debetur concursus ad visionem Dei. Quare proportio remota fundatur in dignitate naturæ rationalis eleuatæ ad potentiam obedientialē actiuam, & proxima in receptione comprincipij supernaturalis. Aliud exemplum ad hoc roborandum potest peti ex moralibus. Petrus e.g. ex se non meretur obsequium, & cultum aliorum, quos meretur ut affectus, & insignitus dignitate Papali, unde illi resultat meritum, seu ius exigendi talem cultum, qui proinde est illi solum debitus moraliter. Ita & intellectui informato lumine gloriæ resultat meritum, seu ius, aut exigentia physica ad visionem Dei, quæ proinde est illi ut tali connaturaliter debita.

Probatur 6. Visio Dei est formalis hominis beatitudo, ut suo loco probabimus. Ergo si posset homo naturaliter videre Deum, posset naturaliter consequi beatitudinem, quod est erroneum.

Demum, cognitio contingit secundum quod cognitum est in cognoscente, ut innuimus in 5. argumento. Sed cognitum est in cognoscente secundum modum naturæ cognoscentis. Ergo cognitio cuiuslibet cognoscentis est secundum modum suæ naturæ. Atque adeo si modus essendi alicuius rei cognite excedat modum nature, cognitio talis rei est supra naturam ipsius cognoscentis. Cui igitur modus es-

fendi

fendi Dei excedat modum intellectus creati cognoscentis, est supra naturam illius, adeòq; non potest ab illo percipi. Vt autè hoc bene percipiatur, aduerto, triplicem dari modum essendi. Primus est corporalium, quorum natura non habet esse, nisi in hac materia individuali. Secundus est Angelorum, & aliarum substantiarum spiritualium creatarum, quarum natura per se subsistit, & non in materia. Tertius est solius Dei, cuius natura est suum esse subsistens, quod non conuenit Angelis, qui non subsistunt per suum esse, sed per distinctum. Hoc posito, cum anima nostra sit forma in materia, est illi connaturale cognoscere materialia. Quia verò est forma spiritualis, habet duas potentias, nempe sensum, & intellectum, ita vt per sensum cognoscat sola singularia, & per intellectum etiam vniuersalia, hoc est prout formæ abstrahuntur à materijs singularibus, sub qua abstractione cognoscit etiam spiritualia, quæ proinde dicuntur cognosci ab illa abstractiue, hoc est per species corporalium. Intellectui angelico est connaturale cognoscere naturas non existètes in materia, subsistètes tamen per esse distinctum; & hoc est supra naturam intellectus humani existentis in materia, non tamè est supra naturam intellectus ab illa abstracti. Cognoscere autem tertium modum essendi per suum esse non erit, connaturale nisi Deo, qui solus habet talem modum essendi, cum omnis crea-

creatura habeat esse participatum. Ergo nulli creaturæ potest esse connaturalis videre Deum.

## ARTICVLVS V.

*Soluantur Argumenta contraria.*

**O**bjicies primò, intellectus creatus habet naturalem potentiam remotam ad videndum Deum. Ergo potest illum naturaliter videre, etiam proximè; aliter esset illi frustranea potentia remota, quam non posset suis viribus reducere ad proximam.

Nego consequentiam, ad cuius probationem dico, non semper valere consequentiam ex potentia remota ad proximam eiusdem ordinis. Nam E. g. Homo cæcus habet physicè potentiam remotam ad videndum, non tamen potest habere potentiam proximam, nisi supernaturaliter, cum physicè loquendo, ex priuatione ad habitum non detur regressus. Quod idem dico de oculo noctuæ, qui nisi supernaturaliter confortetur, nunquam poterit transire ex potentia remota ad proximam videndi Solem. Nè igitur potentia remota sit superflua, satis est, quòd possit quomodocūque simpliciter reduci ad actum secundum. Cum ergo intellectus creatus possit per lumen gloriæ ita confortari, vt transeat ex potentia remota videndi Deum, ad proximam, immò ad ipsum actum secundum visionis, ideo



ideo non est superflua in illo potentia remota, seu obediencialis actiua ad Deum videndum.

Dices, non potest intellectus naturaliter transire ex tali potentia remota ad proximam. Ergo est illi naturaliter superflua, adeoque simpliciter impossibilis talis potentia.

Distinguo primum consequens, est illi naturaliter superflua terminatiue, concedo: formaliter, nego consequentiam. Explico distinctionem, verum quid est, quod si attendatur precise ad illud, quod potest habere rationem termini naturalis respectu talis potentiae, hoc non potest esse essentia Dei, adeoque respectu illius, non potest intellectui esse utilis terminatiue naturaliter talis potentia. Est tamen illi utilis formaliter, quatenus videlicet si illam naturaliter non haberet, neque posset supernaturaliter eleuari ad Deum videndum, sicut non potest eleuari brutum, vel inanimatum. Et ratio a priori est, quia eleuabilitas supponit potentiam remotam ad actum supernaturalem, qui habeat rationem termini talis eleuabilitatis, ut fuse probabimus infra, cum agemus de oculo corporeo. Cum igitur talis potentia remota, faciat intellectum simpliciter capace m huiusmodi eleuabilitatis, ideo est illi utilis, & non superflua; eo modo quo anima rationali est utilis potentia obediencialis passiva, quam habet, ad hoc ut possit iterum cum corpore uniri, licet hac reunitio non possit

possit naturaliter fieri.

Obijcies 2. Vel Deus est intra obiectū materiale adæquatum intellectus creati, vel non? Si primum, ergo etiam naturaliter posset attingi, eò quia omnis potentia poterit naturaliter extēdi ad totum suum obiectum adæquatum. E. g. oculus ad omne coloratum, auris ad omne sonorum &c. Si secundum, ergo neque supernaturaliter poterit ab illo attingi, vt probatum est exemplo Bruti, & inaninis.

R. primò, Deum esse quidem intra rationem obiecti adæquati intellectus creati, eò quia sit aliquod intelligibile, non, tamen posse ab illo naturaliter videri, quia non est intra rationem obiecti sibi proximè proportionati, ex defectu applicationis, quæ fit per lumen, eo modo quo anima rationalis separata, licet sit intra rationē obiecti adæquati potētiae receptivæ materie, seu corporis organici, non tamen potest naturaliter iterum ab illa recipi, non ex defectu potentiae remotæ, seu obedientialis ex parte ipsius materiæ, sed ex alio capite, videlicet ex defectu agentis naturalis. Et ratio à priori est, quia, cum neque materia, neque anima actiue concurrant ad mutuam vnionem, sed vniantur ab efficiente extrinseco, si physicè inueniretur aliquod agens tantæ virtutis, vt suis solis viribus posset iterum reunire hæc extrema, vtique posset materia organica animam iterum naturaliter recipere, à qua semel fuit separata. Miraculum

Iam ergo in tali reuisione non fit ex parte receptionis ipsius animæ in materia, quæ ad summum esset miraculosa quoad modum, sed ex parte applicationis illius ad materiam, quæ applicatio est actus ipsius agentis, saltem natura prior ad ipsam receptionem materiæ, seu animæ informationem.

R. Secundo, Deum esse intra rationem obiecti adequati adæquatione metaphysica, seu extensiuâ, non autem adæquatione physica, seu intensiuâ, ut loquitur noster Lusitanus; adeoq; posse ab intellectu creato, non physice, sed metaphysice videri. Explico distinctionem. Potest intellectus noster considerari in ordine ad actus, suis solis viribus factibiles, & ut talis respicit tamquam obiectum adæquatum sola obiecta finita, quibus physice circumscribitur. Et potest considerari in ordine ad omnes actus utcumque ab illo factibiles, etiam per vires sibi supernaturaliter additas, & ut talis respicit tamquam obiectum adæquatum, omnia simpliciter intelligibilia, per quemcumque cōcursum, siue physice, siue metaphysice sibi possibilem. Hoc posito, Deus est intra rationem obiecti adequati metaphysice considerati, non autem intra rationem obiecti adequati physice considerati. Verum de hoc fusius infra.

Dices, totum obiectum materiale adæquatum quomodocumque consideretur, imbibitur ratione obiecti formalis illius,

Ergo

**E**rgo proportionatur potentiæ, aliòquin non esset specificatum illius, quia ordo ad illud non esset essentialis. Ergo si Deus est intra rationē obiecti adequati adæquatione metaphysica, est etiā intra rationē obiecti adequati adæquatione physica, & per consequens poterit illum intellectus videre, etiam naturaliter, vt obiectum sibi simpliciter proportionatum.

**N**ego consequentiā, primò quia etiam Sol imbibitur ratione obiecti formalis potentiæ visuæ noctuæ, & tamē nō est intra rationē obiecti sibi proportionati. Deinde quia proportio ordinis alia est proxima, & alia remota. Obiectum autem formale supponit quidem essentialiter in obiecto materiali, à quo imbibitur, proportionem remotam, nō tamen proximam. Ergo potest Deus ratione intelligibilitatis passivæ esse intra obiectum formale intellectus creati, adeòque intra obiectum remotè proportionatum, quin sit intra obiectum proximè proportionatum, quod solū sequeretur, si esset intra rationem obiecti physicè adæquati.

**V**rgebis, Deus est essentialiter veritas. Ergo cū hæc sit proprietas entis, quod est obiectum potentiæ intellectivæ naturalis, etiam Deus est obiectum naturale illius, adeòque est naturaliter visibilis.

**N**ego consequentiam. Ex eo enim quòd Deus sit ens, veritas, intelligibilis &c. sequitur quidem, quòd possit naturaliter abstractivè cognosci, vt verus, bo-

nus,

nus, causa prima &c. non tamen intuitiue, vt est in se.

Obijcies 3. Intantum non posset naturaliter vide i Deus, inquantum intellectus creatus debet ad eius visionē supernaturaliter disponi. Sed hoc est impossibile, quia ipsa dispositio supernaturalis est forma illi indebita. Ergo vel deberet ad illam disponi per aliam dispositionem, & ad illam per aliam in infinitum, vel dicendum est, posse intellectum creatum, absque vlla prauia dispositione, recipere formam supernaturalem.

Nego minorem. Sicut enim in naturalibus non datur dispositio ad dispositionem, quæ est forma in via, sed solum ad formam, quæ est terminus generationis; ita & in supernaturalibus, quæ quoad hoc, seruāt eundē procedendi modum. Cum ergo generationis supernaturalis terminus sit visio Dei, ad illam solam datur dispositio, vt sit status in illa, non autem ad lumen gloriæ, quod est veluti forma intellectus, in via ad visionem.

Obijcies 4. Homo habet potentiam ad videndum Deum. Sed hæc potentia est naturalis. Ergo habet naturalem potentiam ad videndum Deum.

Primò nego consequentiam, in qua est fallacia compositionis, sicut est in hoc syllogismo, mulus est filius. Mulus est tuus. Ergo mulus est filius tuus. Et ratio est, quia in maiori intellectus accipitur terminatiue, & in minori entitatiue. Ex

eo igitur quòd potentia intellectus sit entitatiuè naturalis, nō bene sequitur, quòd sit etiam terminatiuè, quod cōceditur in maiori, discretè ab eius entitatiua naturalitate. Deinde distinguo maiorem, intellectus habet potentiam sufficientem ad visionem, nego : insufficientem, & solūm supernaturaliter complebilem, concedo. Et distincta minori, quòd videlicet potentia insufficientis sit naturalis, & nō sufficientis, distinguo eodem modo cōsequēs, nempe intellectum habere quidem potētiā naturalē inadæquatā ( quā suprà diximus esse remotam) non autē adæquatam.

Obijcies 5. supposita eleuatione, naturaliter intellectus videt Deum . Ergo etiā potest illum videre, nō posita eleuatione.

Nego consequentiam . Sicut enim ex eo quòd possim scribere per calamū, non sequitur quòd possim scribere sine illo ; & ex eo quòd si Petrus eleuaretur ad cōuexa Cēli empyrei, possēt per illa naturaliter ambulare , non sequitur quòd possit per illa ambulare , non posita eleuatione ; ita non valet consequētia ex complexo potentię cum lumine, ad solam potentiam, quia committitur fallacia compositionis, & accidentis .

Obijcies 6. potest in angelo dari cōnaturaliter species aliqua impressā , quæ distinctè representet diuinam essentiam, vt absentem, sicut docet Scotus in 2. d. 3. q. 9. Ergo etiam poterit alia dari, quæ illum representet vt praesentem, adeoque determinet

minet ad cognitionem naturalem intuitivam.

Nego antecedens. Cum enim Deus sit essentialiter æternus, & immensus, non potest clarè representari, nisi representetur ut existens hic, & ubique, ut supra dictum est. Ergo implicat in terminis, Deum clarè ut absentem representari.

Obijcies 7. homo naturaliter desiderat videre Deum. Ergo potest illum naturaliter videre, aliòquin hoc desiderium esset inexplabile.

Nego consequentiam, ad cuius probationem dico, hoc desiderium non esse, inexplabile, quia simpliciter, & metaphysicè expleri potest; sicut non est inexplabile desiderium perpetuitatis, fugæ omnis mali, prosecutionis omnis boni utilis, quod naturaliter expleri non potest.

Obijcies 8. possumus naturaliter cognoscere quæ sunt in anima, secundum suam essentiam. Sed Deus est in nostra anima secundum suam essentiam, ut docet Augustinus 12. de Genesi ad litt. c. 25. Ergo potest naturaliter videri.

Primò distinguo maiorem, possunt naturaliter cognosci quæ sunt in anima per essentiam actuantem, & informantem, cuiusmodi sunt species, & habitus, concedo: per essentiam non actuantem, neque informantem, nego maiorem. Et concessa minori in secundo sensu, nego illam in primo, cum consequentia. Deinde subdistinguo eandem maiorem, quæ  
infor-

informant animam vt actus illi connaturalis, & debiti, concedo : vt actus indebiti, & supernaturales, nego. Nam gratia & alij habitus supernaturales, quamuis informant animam, non tamen possunt ab illa cognosci naturaliter, nisi coniecturaliter, & arguitiue. Et ratio est, quia si anima posset clarè cognoscere suis proprijs viribus actus supernaturales, vt formaliter tales, posset etiam clarè cognoscere, se elicuisse actum supernaturalem charitatis; atque adeo posset certò affirmare, se habere gratiam sanctificantem, quod nō solum repugnat Tridentino, sed Diuo Paulo dicenti, *nescit homo, an amore, vel odio dignus sit.* Ergo non potest illos cognoscere.

Obijcies 9. De facto philosophi gentiles ex effectibus naturalibus Deum cognouerunt, absque vllō auxilio supernaturali. Ergo etiam naturaliter cognosci potest à posteriori.

Distinguo antecedens, cognouerunt Deum per propria, & euidenter, nego: secundum aliquas perfectiones, quæ materialiter illi conueniunt, & solum probabiliter, seu potius arguitiue, concedo antecedens, & nego consequentiam. Dico igitur, Philosophos non cognouisse Deum per propria, & ideo aliqui illum dixerunt esse causam necessariam: alij non prauidere futura: alij operatum esse ab æterno: & alij alia. Præterea eorum probationes potissimū nitebantur principijs



pījs fallibilibus, & incertis, quòd videlicet non possit dari processus infinitus in causis: quòd omne motum ab alio moueatur, &c. Sed ex principijs fallibilibus non potest deduci euidēs conclusio. Ergo non potuerunt euidenter Deum cognoscere. Neque obstat quòd in prima disputatione statuerimus, posse purè philosophicè euidenter probari dari Deum; Nam ibi locuti sumus de quæstione *an sit*, non autem de quæstione *quid sit*. Quare non potest inde inferri cognitio intuitiua Dei, quæ de sua ratione formali intrinseca habet cognoscere quidditatem Dei, nec sistit in eius existentia, vt videbimus.

Obijcies. 10. Cognitio intuitiua ideo dicitur quidditatiua, quia cognoscit in obiecto aliquod prædicatum illius quidditatum, vt docet Scotus loco supra cit. Sed potest naturaliter cognosci, immò de facto cognoscitur existentia Dei, vt patet ex dictis. Ergo cum hæc sit prædicatum Dei quidditatiuum, potest naturaliter terminare cognitionem intuitiuam.

Nego maiorem. Et dico, cognitionem intuitiuam dici quidditatiuam, non quia terminetur ad vnum ex prædicatis essentialibus, sed quia terminatur ad omnia, vsque ad ultimam differentiam constitutiuam essentiae. Et ratio à priori est, quia debet posse distinguere suum obiectum ab omni alio, quod non posset, si vnum tantum cognosceret ex prædicatis essen-

essentialibus, vt probauimus in *Logica*, cum egimus de vniuersalibus. Nobiscum sentiunt contra Scotum Ægidius Lusitanus to. 2. li. 6. q. 1. art. 4. §. 1. pag. 21. Caiet. de ete, & eff. c. 6. q. 14. init. & 1. p. q. 88. art. 2. Ferrar. 3. con. Gen. c. 45. lauel. in 2. met. q. 3. post init. Fonseca ibid. c. 1. q. 2. sect. 1. Conimb. 1. post. c. 1. q. 3. art. 3. Suar. disp. 35. met. sect. 2. n. 3. & plures alij.

Obijcies II, Si qua esset ratio, quare nō possit naturaliter Deus videri, maximè esset quia eius visio traheret secum necessariò visionem Trinitatis, Sed probatum est in 1. disp. art. 2. posse naturaliter euidente probari, dari Deum, etiam si non, possit naturaliter probari, dari Trinitatem. Ergo visio Dei non est visio Trinitatis; & per consequens nihil obstat, quò minus possit naturaliter Deus videri.

Nego consequentiam, quæ non bene deducitur ex illis premissis, vt patet. Quando autem diximus posse euidenter probari purè philosophicè dari Deum, locuti sumus, non de cognitione Dei intuitiua, & clara, sed solum de abstractiua, & cōfusa, per quā videlicet cognoscamus quidē quòd De⁹ sit, nō autē quid Deus sit. Neq; est nouū, quòd possit aliquādo clarè cognosci existētia obiecti, nō clarè cognita eius essentia. Nam, exempli gratia, viso Petro à longè, ita vt illum ab alijs non distinguam, possum quidem affirmare, quòd ille sit, non tamen quòd ille sit Petrus; atque adeo possum clare cognoscere  
eius

eius existentiam, cognita solum confuse  
eius essentia, seu Petreitate.

Neque obstat, quod existentia in Deo  
realiter non distinguatur ab eius essentia;  
siquidem distinguitur ratione nostra ra-  
tiorcinante, quantum sufficit ad hoc ut vi-  
na possit ab alia formaliter praeiendi, ut  
probauimus in met. Praeicisio autem for-  
malis est cognitio obscura, & abstractiua.  
Vnde obiter infer, non posse intuitiue vi-  
deri essentiam sine Personis, ut infra pro-  
babitur.

Dices, Beati vident clarè diuinam es-  
sentiam, non visis eius actibus liberis, cum  
illa realiter identificatis. Ergo etiam po-  
terit clarè videri essentia, quin videatur  
Trinitas.

Ad hoc argumentum illi qui dicunt, a-  
ctus liberos Dei compleri formaliter per  
extrinseca, respondent negando conse-  
quentiam, assignando disparitatem, ex eo  
quod diuinæ Personæ sint Deus adequatè,  
actus autem liberi solum inadæquatè,  
nempe secundum rectum. Sed hæc respon-  
sio mihi non probatur. Videtur enim  
imperceptibile, aliquod diuinum quod-  
cunque sit, compleri formaliter per aliud  
non diuinum. Posito ergo quod actus  
liberi Dei sint adæquatè Deo intrin-  
seci, adeoque maiorem habeat dif-  
ficultatem instantia, nego consequen-  
tiam. Disparitas est, quia actus liberi non  
necessario Deum denominant, sicut Di-  
uinæ Personæ. Nam ab æterno Deus ha-  
D buit

buit volitionem, qua mundum in tempore creauit, & tamen ab æterno non fuit denominatus volens mundum. Est autem impossibile, cognosci clarè denominatum, non cognita forma denominante. Ergo est impossibile, cognosci clarè diuinam essentiam, non cognitis Personis. Vnde autem habeatur contingens denominatio actuum liberorum in Deo, non est huius loci examinare.

## ARTICVLVS VI.

*Soluntur alia Argumenta contraria.*

**O**bjicies 12. Omne agens est naturaliter proportionatum suo fini, & potest suis viribus illum consequi. Cum ergo Deus sit finis hominis, debet homo habere vires ex se ad illum consequendum, per actum visionis.

Nego consequentiam. Et dico, finem naturalem hominis non esse Deum, vt videndum per essentiam, sed solum vt apparentem per creaturas. Et ratio à priori est, quia cum naturalis felicitas consistat in altissima hominis operatione, seu cognitione, vtique non potest hæc excedere perfectionem sui principij cognoscitiui. Cum ergo principium cognoscitiuum sit potètia intellectiua, vt informata speciebus rerum creaturarum, vt formaliter tale non habet vires se extendendi per actum prosecutionis, nisi ad ea prædicata, quæ sunt communia talibus creaturis, quarum ha-

bet

bet species. Sed in his creaturis non potest apparere perfectio excessus infiniti, quam habet Deus supra illas. Ergo non potest gignere cognitionem, qua illa cognoscatur, eò quia hæc cognitio in modo representandi esset perfectior suo principio. Cum ergo Deus sit solum finis ultimus naturalis, ut naturaliter consequibilis, seu ut apparet in creaturis, non potest naturaliter cognosci, nisi abstractivè.

Obiicies 13. Potest naturaliter cognosci, Deum esse id, quo melius excogitari non potest, ut probant Augustinus lib. 1. doct. christ. c. 7. init. D. Bernard. lib. 5. de consider. sub med. & Ricard. de S. Viêt. l. 1. de Trin. c. 20. Sed melius est id, quod est realiter existens, quàm quod existit solum obiectivè, Ergo cognoscitur naturaliter, Deum realiter existere. Cum ergo hæc cognitio sit clarissima, quoad existentiam Dei, quæ realiter identificatur cum omnibus alijs eius perfectionibus essentialibus, est etiam illius cognitio intuitiva.

Distinguo maiorem, potest hoc cognosci abstractivè, concedo: intuitivè nego maiorem. Et cōcessa minori, distinguo consequens, cognoscitur naturaliter, Deum existere, cognitione abstractiva, concedo: intuitiva, nego consequentiam. Vnde corrui ut falsa minor subsumpta, cum sua consequentia. Relegantur quæ supra diximus ad hanc rem, nam inde appparebit probatio huius distinctionis.

Obijcies 14. Qui potest videre quod est minus intelligibile, potest à fortiori videre quod est magis intelligibile. Sed noster intellectus potest naturaliter videre substantias materiales, quæ sunt in infimo gradu intelligibilium. Ergo & multò magis Deum, qui est in summo.

Nego maiorem, quia oculus potest videre minorem lucem, maximam, vt est Solis, videre non potest; & multò minus potest videre colorem infinitum. Et ratio est quia magis intelligibile potest esse improporcionatum, ratione suæ excedentis intelligibilitatis. Quare tantum abest, quòd Deus per hoc quòd sit summè intelligibilis, sit magis nobis visibilis, vt ex hoc ipso fiat nobis inuisibilis, vt fusè profequitur Lusitanus to. 2. lib. 6. q. 2. art. 1. § 5. ad 9. & 10.

Dices, eadem est improporcio inter intellectum, & lumen gloriæ, quæ est inter intellectum, & visionem Dei, quia licet lumē nō sit infinitum, est tamen intrinsecè supernaturale. Ergo si intellectus, secundū sua naturalia, est proximè proportionatus ad recipiendū lumē, poterit etiā esse proximè proportionatus ad visionem Dei.

Nego antecedēs, quia lumen habet rationem comprincipij, & complementi respectu intellectus; visio verò rationem effectus. Cum ergo perfectio effectus præcontineatur in causa, non autem perfectio comprincipij, ad quod potentia se  
ha-

habet merè passivè, ideo non potest intellectus secundum sua naturalia, esse proximè proportionatus ad visionem, quæ ex hoc ipso esset intrinsecè naturalis, licèt sit proximè proportionatus ad recipiendum lumen. Habemus claram instantiam ex habitu charitatis, seu gratia habituali. Quamvis enim voluntas non sit per se proximè expedita, ad actum supernaturalem charitatis, est tamen ad receptionem habitus. Et ratio est, quia initium meriti non cadit sub meritum. Ergo non potest præsupponere aliam gratiam antecedentem, per quam fuerit dispositum subiectum, ad illam recipiendam, alioquin illa non esset prima. Ex alia parte non potest introduci in subiectum ineptum, & non dispositum. Ergo debet præsupponere dispositionem proximam naturalem, fundatam in sola potentia obedientiali, per quam subiectum est proximè dispositum, ad recipiendum per fauorem virtutem, seu comprincipium sibi necessarium ad operandos actus supernaturales.

Quòd si loquamur de actu visionis a Deo infuso, ad quem intellectus se habet merè passivè, dico quòd si supponatur, a Deo solum suppleri defectum concursus actiui ipsius intellectus, in ordine ad illum actum, quem posset elicere, non posset à Deo infundi, nisi actus cognitionis, qui esset æquè perfectus, & omninò similis illi, quem eliceret naturaliter intellectus suis proprijs viribus; alioquin non

esset illi vitalis, & immanens. Cum ergo nulla cognitio naturaliter elicienda ab intellectu esset visio Dei, Deus illi non infunderet visionem, sed cognitionem abstractiuam Dei. Sin autem supponamus, quod Deus, non solum suppleat defectum concursus actiui intellectus, sed etiam defectum concursus luminis gloriæ, vel quod suppleret concursum intellectus, recto concursu luminis, utique infunderet visionem, sed supernaturalem, nempe illi simillimam, quam eliceret intellectus adiutus lumine gloriæ. Atque adeo quia hec esset illi improporcionata, secundum sua naturalia considerato, non posset illi Deus illam infundere, nisi prius illum disponderet lumine gloriæ, vel alia dispositione supernaturali. Vnde sequitur vel visionem non posse à Deo infundi potentia naturali, remanenti in suis naturalibus, vel per illam Deum a potentia non videri intuitiue.

Obijcies 15. Potest Angelus naturaliter hominem beatum comprehendere, vel saltem illum videre intuitiue. Ergo potest etiam videre visionem, qua ille Deum videt. Non potest autem videre illius visionem, non viso illius termino. Ergo potest etiam naturaliter Deum videre, saltem in visione talis Beati, obiectiue considerata.

Primò nego consequentiam. Et ratio est, quia visio intuitiua, seu comprehensio ut formaliter talis, terminatur



solum ad prædicata essentialia, seu identificata cum quidditate obiecti visi, non, autem ad accidéntalia, cuiusmodi est visio in Beato. Et ideo dicitur communiter, Angelus inferior videri intuituè, immò, & compræhensuè ab Angelo superiori, quamuis hæc non videat eius actus liberos, qui non patefcunt, nisi per liberum voluntatis consensum ipsius inferioris. Et Beati vident intuituè diuinam essentiam, quamuis non videant omnes eius actus, seu terminationes liberas, virtualiter intrinsecè ab illa distinctas.

Deinde concessa minori subsumpta, nego postremam cōsequentiam. Ex eo. n. quod Angelus videret Deū in tali visione Beati, non proindè illum videret naturaliter, sed supernaturaliter, saltem quoad modum. Quicunque enim adhibet medium supernaturale ad operandum, non operatur naturaliter. Sed hic Angelus videretur tali visione Beati obiectiuè sumpta, tamquam medio ad eliciendam visionem Dei quasi reflexam. Ergo non videret naturaliter, quia compleretur in esse proximè potentem videre Deum, per visionem talis Beati, quæ esset obiectum, *quod, & in quo*. Sicut ergo si Angelus videret Deum in visione directa, quam ipse supernaturaliter elicit, non videret reflexè naturaliter Deum; ita nec videt illum naturaliter, in visione Beati à se, comprehensi, tamquam in obiecto cognito, seu connexo.

Tertiò Distinguo minorē subsumptā , non potest videre illius visionem , quin videat eius terminū adæquatè, nego : inadæquatè , concedo . Sicut enim possunt clarè cognoscere relationem transcendē- talem creaturæ ad Deū , quin clarè videā Deum, ita & clarè videre visionem Petri , qua Deum videt, quin clarè videā Deum. Et ratio a priori est, quia visio Beati obiectiue sumpta ab Angelo, non cōsideratur clarè, nisi vt actus, seu effectus immanens intellectus . Ergo non habet de formali repræsentare, nisi dependentiam ab intellectu, tamquam à causa, quæ dependentia est illi intrinseca; obiectum autem vt extrinsecum venit solū de materiali.

Dices, venit de formali ordo essentialis illius visionis ad tale obiectum . Ergo debet cognosci . Sed hic ordo ducit in cognitionem clarā sui termini . Ergo debet clarè cognosci etiam terminus .

Distinguo cōsequens, debet cognosci hic ordo materialiter, & specificatiue, secundū suam entitatē, concedo : formaliter, & reduplicatiue, vt ordo ad tale obiectum, nego consequentiam, quæ solū valeret, si talis ordo cognosceretur vt formaliter talis, qui duceret in cognitionem sui termini .

Vrgebis, cognoscitur formaliter tendentia ad obiectum . Ergo & ordo.

Nego antecedens . Et dico, talem tendentiam cognosci solū identicè, per idētitatem eū ētitate talis actus. Neq; obstat,

stat, quòd actus specificetur per talē tēdē-  
tiam: hoc. n. verificatur de actu, vt est for-  
maliter actio, non autem vt est formaliter  
obiectum alterius actus reflexi.

## DISPUTATIO III.

### *De Ente supernaturali.*

**C**um plures theologi doceant, Deum esse  
intrinsecè supernaturalē; adeòq; nō pos-  
se ab intellectu creato videri per essentiam,  
nisi hic per lumen gloriæ supernaturalizetur;  
ideo necessarium duximus instituire quæstio-  
nē de ente supernaturali. Primò igitur præ-  
mittemus opiniones aliorum. Et deinde sta-  
tuemus in quo formaliter consistat ratio su-  
pernaturalitatis. Tertiò accedendo ad  
quæstionem, decernemus, an Deus sit intrin-  
secè supernaturalis? Et demum, an intelle-  
ctus creatus eleuetur intrinsecè per lumen  
gloriæ ad ordinem supernaturalem?

## ARTICVLVS I.

### *Explicantur Doctorum opiniones.*

**A**liqui dicunt, Deum esse supernatu-  
ralem ex eo, quia putent, id omne  
esse supernaturale, quod est supra totum  
creatum, & creabile. Sed hæc explicatio  
nō potest subsistere. Primò quia ly *supra*  
vel debet intelligi vniuersaliter de omni  
creato, & creabili, etiam supernaturali,  
vel cum sola exceptione ipsius, de quo lo-  
quimur, vel cum restrictione ad sola, na-

turalia? Primum est falsum, primò quia quolibet posito ente creato, potest Deus facere perfectius, & perfectius in infinitum. Ergo de nullo creato pòt verificari quòd sit simpliciter supra totum creatum, & creabile; & per consequens gratia, unio hypostatica, lumen gloriæ, & alia huiusmodi non essent supernaturalia. Deinde quamvis admittatur quòd sit supra omnia, non tamen erit supra seipsum, quod repugnat. Ergo cum etiam ipsum supernaturale, de quo loquimur, sit creatum, non erit supra omnia simpliciter; aliter esset super omnia, & non super aliquod, quod est contradictio.

Etiam secundum est falsum, primò quia omnia simpliciter complectuntur etiam illud, de quo loquimur. Deinde quia hoc admissio, duplex sequeretur absurdum. Alterum, quòd omnia supernaturalia essent æqualia; & alterum, quòd omnia supernaturalia essent creature omnium perfectissime. Probo primò, nam admissio ordine inæqualis perfectionis inter supernaturalia, daretur gradus perfectiorum, & imperfectiorum, imperfectius autem non esset supernaturale, quia non esset supra perfectiora; & sic vel destrueretur hypothesis, vel posita æqualitate unio hypostatica non esset perfectior gratia actuali, que sunt absurda. Probo secundum, quòd non est omnium perfectissimum, non est super omnia. Ergo si omne supernaturale sit super omnia creata, & creabilia, debet esse omnium creabilium perfectissimum

simum, quod cum pluribus convenire non possit, dicit maius absurdum.

Multò minus potest admitti tertium, quod esset manifesta petitio principij. Cum enim sit idem dicere de aliquo, quòd sit supernaturale, & quòd non sit naturale, ad quæsitum *an sit supernaturale*, non benè respondetur quòd *sit super omne naturale*. Si enim hoc ipsum nesciatur, committitur circulus vitiosus, & nunquam explicatur quid requiratur ad hoc, ut aliquod sit supra omne naturale, ut constituatur in ordine supernaturali. Sicut non soluitur quæstio, an aliquod sit spirituale dicendo, quòd sit supra omne corporeum, quia semper remanet explicanda ratio formalis spiritualitatis, quæ fundat talem superioritatem.

Alij explicant supernaturale per hoc quòd super & vires toti<sup>9</sup> naturæ. Sed hæc quoque explicato non subsistit. Vel enim per ly *vires* intelligitur perfectio rerum naturalium, & coincidimus cum nuper impugnatis. Vel intelligitur virtus effectiva earum; & hoc non sufficit ad statuendam Dei supernaturalitatem, vel naturalitatem. Et ratio a priori est, quia comparatio non potest fieri, nisi secundum formam participabilem ab extremis. Cum ergo producibilitas passiva non sit à Deo vllatenus participabilis, non potest secundum illam comparari cum naturalibus, vel cum supernaturalibus. Semper enim poterit responderi, non ideo Deum

excedere virtutem omnium naturalium, quia sit in ordine supernaturali, sed quia cum dicat essentialiter improducibilitatē passiuam metaphysicam, non potest venire in comparisonem cum producibilibus, respectu quorum dicatur naturaliter improducibilis. Aliter etiam materia prima in via Peripatetica, & atomi in via Democritea essent supernaturales, quia superant actiuitatem omnium agentium naturalium, quod est erroneum.

Alijaliter explicant supernaturalitatem. Sed quia vel eorum explicatio nullo solido nititur fundamento, vel recidit in alterutram ex impugnatis, ideo illas nūllas facimus.

Prò resolutione notandum Primum, supernaturale bifariam diuidi, nempe in, supernaturale quoad substantiam, & supernaturale quoad modum. Quoad substantiā est illud, quod intrinsecè, & essentialiter est tale, cuiusmodi sunt vnio hypostatica, gratia sanctificans, lumen gloriæ &c. Quoad modum est illud, quod habet quidem entitatem intrinsecè naturalem, est tamen supra ordinem naturæ secundum aliquod accidens, seu circumstantiam eius productionis, existentie, vel conseruationis, vt esset e.g. actus visionis circa colorem factus à Lazaro rediuitio; talis enim actus haberet entitatē verè, & intrinsecè naturalem, quāuis haberet modum existendi supernaturalem, quatenus videlicet supponeret miraculosā anastasi-

fin

sim sui principij proximi effectiui.

Secundò vtriusq: gen<sup>o</sup> subdiuiditur in alias species, nèpe in supernaturale quoad se, quoad nos, & quoad vtrumque simul. Quoad se est illud, quod licet verè sit tale, non tamen censetur à nobis tale, sed tribuitur alicui causæ secundæ naturali, cuiusmodi esset sanitas derepente à Deo alicui, precibus alicuius viri sancti restituta, quam nos tribuimus virtuti pharmacorū. Quamuis enim verè illam pharmaca non præstiterint, propter morbi proteruiā insanabilis, tamen à nobis huiusmodi pharmacorum defectus non deprehenditur. Quoad nos est illud, quod cum verè sit effectus naturalis, tamen cēsetur miraculosus, ex defectu cognitionis eius principij proximi, cuiusmodi esset recuperatio sanitatis facta per applicationem alicuius pharmaci, cuius virtutem ignoramus, ut accidit Tobia seniori, qui per applicationem fellis piscis, visum recuperavit. Quāuis enim illum recuperauerit, per virtutē naturalem talis fellis, quia tamen illam ignorabat, censuit recuperationem miraculosam, factam ab Angelo Raphaele. Quoad se, & quoad nos coniunctum est illud, quod cū verè sit supernaturale, cēsetur à nobis tale, ut fuit resurrectio Lazari.

Tertiò supernaturale quoad modum, aliud est quoad modū essēdi, aliud quoad modū existēdi, & aliud quoad modū cognoscēdi. Quoad modū essēdi esset e.g. visio Lazari supra relata. Quoad mo-

dom

dū existēdi esset restitutio sanitatis, illicò à Deo immediatè facta, quę ceteroqui tēporis processu, virtute pharmacorū fuisset restituta. Quoad modū cognoscendi esset si Deus nobis reuelet statim, relata[m] victoriam de hostibus longe dissitis, cuius notitia nobis apparere non posset, nisi longo dierū decursu. Hęc .n. victoria esset in se intrinsecè naturalis, supernaturaliter tamē, hoc tempore reuelata. His positis, sit.

## ARTICVLVS II.

*Quid sit ens supernaturalē quoad substantiam.*

**P**rima conclusio, *illud est intrinsecè, & quoad substantiam supernaturalē, quod est omnino indebitum omni naturę particulari, secundum se consideratę.*

Prob. primò ex opposito, omne naturale est debitum alicui nature. Ergo quod nulli naturę particulari est debitum, non est naturale, sed supernaturalē. Consequētia est euidens. Antecedent[er] probatur. Vel enim est substantia, vel accidens? Si accidens, cum sit entis ens, alicui debetur; & ideo non potest esse absque subiecto, quia non potest dari, nisi ad satisfaciēdum debito illius, quod per tale accidens perficitur. Si substantia, vel est completa, vel incompleta? Incompleta, primò siue sit perfectibilis, siue perfectiua, debetur toti, quod intrinsecè constituit per modum partis. Deinde vna pars debetur alteri con.p. rti. Sicut enim forma debetur materie,



teriaz, vt illam actuet; ita & materia debetur formæ, vt illam sustentet, & compleat. Vnio verò debetur vtrique. Non minus enim Deus faceret contra exigentiâ materie, si nullam ei daret formam, quàm cōtra exigentiâ formæ, si in nulla materia illam poneret. Si verò sit substantia completa, vel est spiritualis, vel corporea? Si corporea, cum hæc generetur, & corrumpatur, debetur virtuti efficientis, & generantis. Posita enim generatione viuientis, Deus faceret miraculum, si impediret, quò minus sequeretur substantia genita, quæ est termin⁹ generationis. Quod idem dico de ijs, quæ vel fiunt ex putri, vt vermes, vel per accretionē, seu iuxta positionem partium, vt lapides, & metalla; nam prima debentur principio proximo, siue hoc sint accidentia taliter disposita, vt asserunt Thomistæ, siue corpora cœlestia, vt alij dicunt, siue quodlibet aliud, iuxta varias aliorum opiniones. Semper enim Deus faceret miraculum, si vel impediret generationem vermium, vel productionem lapidum, seu metallorum, posita tali accidentium complexione, tali cœlorum influxu, vel alia quacunque dispositione, quodcumque supponatur principium proximum effectuum, suis viribus influens ad huiusmodi effectus.

Maior difficultas est in substantia completa spirituali, vt sunt Angeli. Hos autem adhuc dico, esse debitos, non quidem per modum actus, quia substantia completa

ta non est in alio, sed per modum termini connexionis necessariae ad rerum vniuersitatem. Explico doctrinam. Hæc rerum vniuersitas obiectiue repræsentata in mente Dei petebat, vt inferiora gubernarentur per subiectionem, & connexionem cum superioribus, vsque ad supremum omnium principem, & Dominum. Hæc autem subordinatio, & connexio non darentur, si non darentur substantiæ completæ spirituales, quæ per motum cœlorum, & planetarum influerent in hæc inferiora. Ergo hæc substantiæ fuerunt aliquo modo debite complexo naturarum particularium, seu rerum vniuersitati, non quidem in genere causæ formalis, seu materialis, sed in genere causæ efficientis. Siquidem Deus vt author naturæ fuit determinatus ad illas ponendas, ab exigentia talis rerum vniuersitatis, obiectiue existentis in sua mente.

Probatur 2. Ens supernaturale neque debetur naturis particularibus, scorsim sumptis, neque illarum collectioni. Probatur, quia illud solum debetur, quod est necessarium ad consecutionem finis, ad quem essentialiter suapte natura naturalis, creditor ordinatur. Nulla autem creatura indiget yllo supernaturali, ad consecutionem finis naturalis, ad quem intrinsecè ordinatur. Ergo iure naturali nullius supernaturalis est creditrix.

2. Conclusio. *Non omne id, quod est superuaturale in operando, est etiam superna-*

*turale in essendo.*

Probatur, potest aliquid intrinsecè naturale per adiutorium extrinsecum, fieri potens elicere actus supernaturales; atque adeo fieri principium supernaturale in operando, ut est voluntas creata, quæ licet in se naturalis, per gratiam habitualem fit potens elicere actum supernaturalem charitatis. Et ratio à priori est, quia modus operandi in aliquo ordine sequitur modum essendi potentiae operatricis, non simpliciter, sed in illo ordine. E.g. modus operandi ignis non sequitur modum essendi quem habet simpliciter ignis, sed solum modum essendi, quem habet in talibus circumstantiis, nempe applicationis debitaë, subiecto capaci &c. Cum ergo possit aliqua potentia diuinitus applicari per adiutorium extrinsecum, ad operandum circa aliquod obiectum, circa quod ex se operari non potest, ideo posset acquirere nouum modum operandi, idest vel extensiuè, vel intensiuè perfectiorem, per solam mutationem accidentalem, absque vlla mutatione entitativa, & essentiali ipsius modi essendi.

Neque obstat, quod modus operandi semper sequatur modum essendi. Nam hoc in primis verificatur de modo operandi sibi connaturali, non autem de indebito, ut dictum est. Et deinde verificatur de modo essendi, secundum quid, idest in talibus circumstantiis, non verò de modo essendi simpliciter,

Dices

Dices, modus operandi debet proportionari modo essendi, in quo fundatur. Ergo non potest variari, nisi varietur etiam modus essendi. Cum ergo hic variari non possit, neque ille.

Distinguo primum consequens, non potest variari, modus operandi, nisi varietur modus essendi essentialiter, & intrinsecè, nego: accidentaliter, & extrinsecè, concedo consequentiam. Nam potest variari vel per acquisitionem virium factibilem ex aliquo comprincipio, siue intrinsecò, ut est lumen gloriæ, siue extrinsecò, ut est coadiutorium gigantis respectu pueri ad eleuationem ponderis, vel per maiorem applicationem potentia, vel alio modo ex supradictis, qui nullam dicunt mutationem essentialem in ipsa potentia.

Obijcies 1. Calor non debetur aquæ, & tamen non est in illa supernaturaliter. Ergo ratione indebiti non probatur supernaturalitas.

Distinguo antecedens, calor non debetur aquæ secundum speciem, concedo: secundum genus, nego antecedens. Et distinguo consequens, non probatur supernaturalitas ratione indebiti, facta comparatione cum aliqua specie determinata, subiecti, concedo: facta comparatione, cum genere subiecti ut sic, nego consequentiam. Explico distinctionem, verum quidem est, quod calor non debeatur aquæ, quatenus aqua est hoc subiectum, debetur

betur tamen alteri subiecto, nempe igni, qui genericè conuenit cum aqua, sub ratione elementi ut sic. Supernatu alias ergo non probatur atione indebiti respectu alicuius subiecti determinatè sumpti, sed respectu subiecti ut sic, seu alicuius subiecti indeterminatè sumpti; hoc est vel huius, vel alterius, ita ut nulli debeatur. Sicut enim ad saluandam naturalitatem sufficit, quod alicui debeatur, siue sit natura particularis in specie, siue hominum naturarum collectio; ita ad statuendam supernaturalitatem requiritur, quod ens neque debeatur naturarum collectioni, neque ulli sub illa contentio, cuiusmodi est lumen gloriæ, quod neque debetur intellectui, in quo est, neque alteri, in quo non est. Et ideo est indebitum toti naturæ. Calor autem licet per accidens sit in aqua, tamen in subiecto extraneo, debetur tamen igni ut subiecto proprio, a quo exigitur ut forma sui perfectiua.

Obijcies 2. Supposita eleuatione intellectus, illi debetur lumen gloriæ, quod est illi simpliciter necessarium ad Deum videndum. Ergo est debitum; atque adeo vel hoc non officit supernaturalitati, vel lumen gloriæ est simpliciter naturale, quod est erroneum.

Nego antecedens, ex falso supposito, quod intellectus eleuetur intrinsecè ad ordinem supernaturalem, ut videbimus infra. Præterquam quod licet hoc admitatur, quia talis eleuatio fieret formaliter,

& in actu secūdo per ipsū lumē, nō posset lumē ex tali hypothēsi esse debitū ipsi eleuationi, quæ habet respectu ipsius rationē effectus cōsequentis, nullū dicentis ius ad ipsum lumen. Est enim impossibile, quòd aliquid debeat effectui à se deriuanti, eò quia debitum debeat fundari in iure antecedenti. Antecedenter autem ad lumen, sicut non datur eleuatio intellectus, ita neque potest intelligi in ipso intellectu vllum ius, seu exigentia talis luminis.

Dices, antecedenter ad eleuationem datur in intellectu potentia obediēcialis actiua, per quā posita diuina ordinatione hominis ad gloriam, potest exigī lumen, vt medium necessarium ad consecutionem talis finis. Ergo potest ab intellectu exigī prò priori eleuatio faciēda per lumen.

Distinguo antecedens, potest exigī lumen vt medium ad consecutionem gloriæ, ad quam homo extrinsecè ordinatur, concedo: ad quam intrinsecè, & suapte natura ordinatur, nego antecedens. Et distingo consequens, potest exigī eleuatio intellectus exigentia impropria, solum extrinsecè, & gratiose à Deo collata, transeat: potest exigī exigentia propria, nempe naturali, seu fundata in iure intrinsecò naturali, nego consequentiam. Et ratio est quia cum homo liberè, & gratiose à Deo ordinetur ad gloriam supernaturalem, secundum suas vires, & sola inspecta conditione suæ naturæ, nullum habet ius, seu  
exi-

exigentia talis eleuationis.

Urgebis, per hoc quòd eleuatio sit gratiosa, non tollitur ratio debiti ex parte luminis. Ergo redit argumentum.

Distinguo antecedens, non tollitur ratio debiti respectu intellectus, considerati vt est potentia naturalis, nego: vt est potentia extrinsecè eleuata, concedo antecedens, & nego consequentiam. Et ratio est, quia cum intellectus vt eleuatus reduplicet ipsam formam eleuantem, si lumen illi vt tali debeatur, debitum non respicit potentiam naturalem, sed formam supernaturalem, à qua afficitur, quod non officit supernaturalitati, vt dictum est, eo quia semper relinquat lumen indebitum omni nature particulari. Præterquamquòd quòd debetur facta suppositione gratiæ, simpliciter non debetur, sed solum secundum quid. E. g. facta suppositione gratiosæ resurrectionis, debetur Lazzaro conseruatio. Quia tamen hæc conseruatio est intrinsecè, & essèntialiter depēdēs à gratia resurrectionis, nō est simpliciter debita, sed est potius complementū gratiæ collatæ. Ita & lumen posita eleuatione intellectus ad visionem Dei, habet potius rationem complementi talis eleuationis gratiosæ, adeoque non est simpliciter debitum. Quis enim dicat, Principem ex debito dare Petro captiuo commoditatem redeundi in patriam, posita gratia liberalis, & spontaneæ redemptionis, quamuis illa sit necessaria, facta suppositione talis redemptionis?

nis ? Et ideo de industria posui in conclusionē, *quod est indebitum naturæ secundum se consideratae*; vt excludantur omnia debita, ex suppositione cuiuscunque doni gratuiti, seu eleuationis miraculosæ.

Dices 3. Omnia naturalia debentur creaturæ, ex suppositione gratiosæ creationis. Ergo ex isto capite vel nihil esset naturale, quia omnia sunt debita solum secundum quid, vel etiam taliter debita sunt naturalia.

Primò distinguo antecedens, omnia naturalia debentur vt dona indistincta à dono creationis, nego: vt distincta, concedo antecedens. Et nego consequentiam. Siquidem dico, omnia naturalia esse debita distincta à dono creationis; nam Deus prius ponit rem cum tali exigentia, & deinde illi satisfacit per supperaddita. Non enim frigus e.g. quod debetur aquæ, constituit formaliter ipsam aquam. Quod idem dico de calore respectu ignis, & de quolibet alio accidente respectu substantiæ. At lumen gloriæ non ita se habet ad intellectum; neque enim supponit eius eleuationem, sed illum formaliter eleuat. Adeoque cum sit donum indistinctum à dono eleuationis, non est propriè debitum, sed mera gratia, & beneficium donatoris, sicut est ipsa eleuatio. Maior difficultas esset de visione, quæ cum consequatur ex eleuatione, est donum ab illa distinctum. Quia tamen debetur solum intellectui vt eleuato (sicut diximus) ideo  
non



non est naturalis, quia est extra rationem crediti, fundati in quocunque iure naturali, quod possit esse in omnibus, & singulis naturis particularibus.

Secundò nego antecedens. Nam vel loquimur de creatione totius naturæ, vel de creatione singularum naturarum particularium? Prima fuit quidem gratiosa in hoc sensu, quòd nulli erat debita, non tamen fuit supernaturalis ex alio capite, quia vt fundamentum totius naturæ, non potuit esse destructiua illius, cuiusmodi fuisset, si fuisset intrinsecè supernaturalis; eò quia ex hoc ipso omnia alia in illa fundata fuissent supernaturalia, saltem quoad modum, & nihil posset esse omnino naturale. Quare fuit quidem liberum exercitium diuinæ libertatis, quod vt nulli debitum potuit non esse, fuit tamen operatio maximè naturalis, quatenus habuit pro obiecto, & termino ipsam naturam, & fundamentum omnium naturalium. Si verò loquamur de alijs creationibus, vt Angelorum, animæ rationalis &c. militat diuersa ratio, quia in his omnibus est inuenire aliquam rationem debiti. Nam creatio animæ rationalis debetur materię organizatæ; creatio Angelorum debetur connexioni necessariæ rerum inferiorum cum superioribus, ad bonum regimen totius rerum vniuersitatis, & sic de alijs. Ex quibus patet, nullum esse naturale, quod debeat ex suppositione creationis supernaturalis, quia siue debeatur ex supposi-

positione creationis totius mundi, sine ex  
 suppositione creationis naturarum infe-  
 riorum, semper supponunt creationem  
 naturalem, adeoque fundantem ius natu-  
 rale, quod non valet de supernatura-  
 libus.

Dices 4. Creatio mundi nulli erat debi-  
 ta, & tamen fuit naturalis. Ergo non om-  
 ne naturale est debitum.

Nego consequentiam; siquidem con-  
 clusio procedit de naturis particularibus,  
 non autem de vniuersali, quæ cum sit fun-  
 damentum cæterarum, nullum potuit sup-  
 ponere ius naturale, cui subesset, & ideo  
 non potuit esse debita, ex defectu credi-  
 torum antecedentium, quod non valet de  
 naturis particularibus.

Dices 5. Creatio superat vires totius  
 naturæ. Ergo non est naturalis. Nego an-  
 tecedens. Quamuis enim superet vires na-  
 turarum particularium, non tamen supe-  
 rat vires naturæ vniuersalis, quâ in secundo  
 phys. statuimus esse Deum, quatenus ope-  
 ratur vt author naturæ.

Ex quibus patet, omnia ea, quæ spectant  
 ad constitutionem intrinsecam rei natu-  
 ralis, vtpote simpliciter debita ipsi rei exi-  
 genti taliter fieri, esse simpliciter natura-  
 lia. Quod idem dico de prædicatis inte-  
 gralibus, & perfectiuis in suo ordine, qua-  
 tenus videlicet reducuntur ad eorum ef-  
 fectus, proprietates, vel conditiones neces-  
 sarias ad operandum, iuxta suas vires. Se-  
 cus dicimus de perfectiuis in alio ordine,  
 quæ

quæ nullatenus ad aliquod ex dictis reduci possint, vt sunt gratia sanctificans, vnio hypostatica, lumen gloriæ &c.

### ARTICVLVS III.

*An Deus sit intrinsecè supernaturalis? Vbi  
an possit dari substantia supernaturalis?*

**V**idetur esse, vt multi propugnant, Primo quia est supra totam naturam. 2. quia est supra totum creatum, & creabile. 3. quia non habet in se naturam, quæ est principiū motus à se distincti, qui Deo est impossibilis. 4. nulli est debitus, aliter esset dependens. Ergo non est naturalis.

Conclusio, *Deus est naturalis in essendo, quamuis aliquando sit supernaturalis in operando.*

Probatur 1. quia quamuis Deus efficiat effectus supernaturales, non proinde intrinsecè immutatur, sed solum extrinsecè, & per denominationem ab ipsis effectibus, qui si sint supernaturales, denominant Deum supernaturalem in operando, & si naturales, naturalem.

2. Cum Deus sit author naturæ, & causa prima omnium effectuum naturalium, immò sit ipsa natura vniuersalis, non potest esse intrinsecè, & quoad substantiam supernaturalis in essendo, alioquin omnia essent supernaturalia. Cum enim modus operandi sequatur modum essendi, etiam eius modus operandi esset intrinsecè talis. Atque adeo semper operaretur effectus

E super-

supernaturales, quod est absurdum. Sicut ergo Princeps non est supra totam Rempublicam ciuilem, cuius ipse est caput, ita & Deus non est extra limites Reipublicæ naturalis, cuius ipse est potissima pars, & summum caput. Et ideo dicitur communiter à Philosophis causa prima, quatenus videlicet in linea causarum naturalium primam tenet sedem, quod esset falsum, si esset extra totam lineam. Ex quo infero cum Cardinali Pallauicino lib. 3. qui est de fide c. 3. n. 38, etiā Personarum Trinitatem, decreta libera; & omnia alia, quæ sunt in Deo, esse intrinsecè, & quoad substantiam naturalissima.

3. Nulla substantia potest esse intrinsecè supernaturalis. Ergo neque Deus. Antecedens probatur primò; nam de ratione entis supernaturalis est, non solum quòd sit indebitum, sed etiam quòd sit in ordine superiori ad totam naturam. Sed omnis substantia vel formaliter, vel virtualiter est natura. Ergo nulla substantia est supernaturalis; alioquin daretur natura, supra omnem naturam, quod esse impossibile probatur à supra laudato Pallauicino lib. 2. qui est de gratia c. 11. n. 53. Et ideo bene Diuus Thomas 1. 2. q. 110. ar. 2. ad 2. ait, supernaturalitatem propriè non conuenire, nisi accidenti, quòd est extra totum conceptum naturæ. 2. huic substantie conueniret proprietas Dei, cuiusmodi est lumen gloriæ. Ergo conueniret natura diuina, sicut conueniret humanitas, cui con-

conueniret risibilitas, quæ est proprietas hominis. Quod autem lumen hoc sit proprietas Dei probatur, nam reddit intellectum proportionatum Deo, quod est proprium intellectus diuini. 3. huic substantiæ conueniret supernaturalitas per naturam, quoad modum operandi. Ergo esset Deus.

Dices, ergo accidens supernaturale est supra totum ordinem substantiæ vt sic. Consequens esse absurdum, patet ex eo, quod accidens esset perfectius substantia. Ergo falsum est antecedens.

Distinguo primum consequens, in ratione entis, nego; in ratione effectus, concedo consequentiam. Neque enim est absurdum, quod accidens supernaturale transcendat omnes effectus causarum naturalium, & petat fieri à causa superante totum hunc ordinem, quamuis sit entitatis imperfectioris, quam sint ea, quæ in tali ordine continentur.

Ad 1. dico, esse quidem Deum supra totam naturam naturatam, non autem supra naturantem; quatenus videlicet est supra omnes naturas inferiores, quarum ipse est causa, non tamen est supra hoc vniuersum, cuius ipse est caput, aliter esset supra seipsum. Cum ergo sit prima natura, ex qua ceteræ aliæ dependent, non est extra ordinem entium naturalium; & ideo dicitur natura naturans, seu natura vniuersalis.

Ad 2. dico, de ratione entis supernaturalis esse quidem quod sit supra totum creatum, & creabile in ratione effectus,

non autē ratione in entis, quatenus videlicet à nullo creato, vel creabili possit effici, non autem quatenus sit omnium creatorum, & creabilium perfectissimum. Quamvis ergo Deus sit omnium existentium, & possibilium perfectissimus, non tamen est supernaturalis, quia cum non cadat in numerum factibilium, non potest esse supra omne creatum, in ratione effectus, sicut est necessarium ad rationē ētis supernaturalis, quod debet superare vires totius naturæ, includendo non solum naturas naturatas, sed etiam naturantem.

Dices, natura naturās est ipse Deus (ut dictū est) Ergo ens supernaturale debet et superare vires ipsi⁹ Dei, quod est absurdū.

Distinguo antecedens, est Deus ut Deus est, nego: ut est prima causa, concedo. Et distinguo consequens, deberet superare vires Dei, ut Deus est, nego: ut est prima causa, seu natura vniuersalis, concedo consequentiam. Dico igitur Deum ut primam causam esse quodammodo certis legibus coarctatum, quas ut talis præterire non potest, non ex defectu potentiæ, vel ex iniecta antecedenti necessitate, ut perperam nonnulli veterum asseruerunt, sed ex fidelitate, hoc est ex merito ipsius beneplacito, quia ita voluit, & ita statuit, sub qua sola consideratione dicitur auctor naturæ, & prima causa. Ut autem Deus est, quia est omnipotens, & ab omnibus independens, nullis legibus circumscribitur, atque adeo potest patrare

mi-

miracula, quæ sunt contra leges naturæ. Ens igitur supernaturale superat quidem consuetum modum operandi ipsius Dei, quatenus hic operatur ad exigentiam rerum naturalium, quarum ipse statum à se conditum vult conseruare, non tamen superat arbitrariâ, & absolutam applicationem ipsius omnipotentia.

Ad 3. dico, Deum non continere naturam formaliter, sed solum virtualiter, & eminenter, quatenus habet virtutem producendi motum in alio, immò ipsas naturas particulares, quod sufficit ad rationem naturalitatis; sicut ad rationem calidi sufficit continentia virtualis caloris, vt patet in vino, & pipere.

Dices, natura est principium motus intrinseci distincti in eo, in quo inest. Sed in Deo non est principium motus intrinseci, quia Deus non habet virtutem producendi motum in se. Ergo neque virtualiter est naturalis.

Distinguo maiorem, natura formaliter sumpta est principium motus intrinseci in eo in quo inest, concedo: natura virtualiter, nego maiorem, & concessa minori, nego consequentiam, propter rationem nuper traditam.

Ad 4. Nego consequentiam. Et ratio est, quia quando diximus, rationem debiti esse de essentia naturalitatis, locuti sumus de naturalitate rerum inferiorum, quæ ratione subiectionis naturalis ad ipsam naturam vniuersalem, possunt recipere sub-

ordinationem vnius ad aliud , ratione , cuius vnum alteri debeat , vel tamquam constitutum , vel tamquam completum , perfectum , effectus , proprietas &c. Ipsa verò natura vniuersalis , quia nulli subest , ideo non potest esse debita . Est tamen naturalis , quatenus est pars præcipua immò caput Reipublicæ naturalis . Quòd si ratio debiti extendatur ad totum id , quod quomodocumque est necessarium , ad constitutionem Reipublicæ naturalis , etiam Deus est illi debitus , vt eius caput .

#### A R T I C V L V S IV.

*An, & quomodo eleuetur intellectus per lumen gloriæ ad ordinem supernaturalem?*

**M**ulti Theologi , vt propugnent , Deum non posse naturaliter videri , dicunt , hoc ideo esse , quia res inferioris ordinis non potest suis viribus attingere rem ordinis superioris . Cum ergo supponant , Deum esse intrinsecè supernaturalem , inferunt , illum videri non posse , nisi potentia intellectiua naturalis fiat eiusdem ordinis cum Deo . Atque adeo , putant , per lumen gloriæ illum intrinsecè eleuari ad ordinem supernaturalem . Postquam ergo statuerimus , Deum esse intrinsecè naturalem , videndum est , an intellectus creatus supernaturalizetur intrinsecè , vt illum videat ?

Con-



Conclusio, *Intellectus informatus lumine gloriæ, non eleuatur intrinsecè, & quoad substantiam ad ordinem supernaturalem, sed extrinsecè, & quoad modum.*

Probat, Deus non potest immutare, essentiam, & quidditatem intrinsecam rerum. Ergo si intellectus est intrinsecè, & quoad substantiam naturalis, non potest per lumen gloriæ fieri intrinsecè supernaturalis; aliter mutaretur de vno ad alium ordinem, quod repugnat. Consequentia, est euidens. Antecedens probatur, non, potest ens intrinsecè supernaturale, per quamcumque qualitatem naturalem superadditam, fieri ordinis naturalis. Ergo neque potest ens intrinsecè naturale fieri ordinis supernaturalis.

Confirmatur, humanitas in Christo Domino per vnionem hypostaticam non acquisiuit modum essendi intrinsecè supernaturalem; aliter non esset eiusdem, speciei atomæ cum alijs hominibus, quod est erroneum. Ergo neque intellectus per lumen supernaturale fit ordinis supernaturalis. Probat, consequentia, quia vnio hypostatica est maxima vnionum, vt docet D. Thomas 3. p. q. 2. art. 9. Ergo si talis vnio cum Persona infinita non refundit infinitatem termini, neque sui supernaturalitatem humanitati, quam vnit, multò minus poterit refunde e sui supernaturalitatem vnio intellectus cum lumine gloriæ. Sicut ergo aqua Baptismi, licet eleuetur ad productionem gratiæ, non immuta-

tur intrinsecè quoad modum essendi, sed solum extrinsecè quoad modum operandi; ita & intellectus. Dixi *extrinsecè*, non quòd forma eleuans sit illi extrinseca, loquendo de lumine gloriæ, quod de facto infunditur per modum qualitatis, sed quòd illi extrinsecus adueniat, absque vlla intrinseca illius exigentia, extrinsechitate principij effectiui, & non formalis.

Neque obstat, quòd per talem qualitatem dicatur communiter eleuari ad ordinem supernaturalem. Hoc enim non est verum, nisi in ordine ad operandum, quòd videlicet per tale lumen, tamquam per comprincipium supernaturale, reddatur potens elicere aliquas operationes superioris ordinis, quas de se non posset; como modo quo potentia organica oculi, per coniunctionem cum anima, redditur potens elicere actum vitalem immanentem visionis, quem de se non posset, & oleum, seu aqua lustralis per qualitates supernaturales, in sententia probabili, produciunt physicè gratiam, quam attenta sola eorum entitate, nullatenus possent. Cæterum per huiusmodi eleuationes numquam hæ potentia mutantur essentialiter, ita vt ex naturalibus fiant supernaturales, quod est impossibile.

Dices, lumen eleuans intellectum est illi intrinsecum. Ergo illum eleuat intrinsecè.

Distinguo consequens, eleuat intrinsecè quoad modum essendi, nego: quoad mo-

modum operandi, concedo consequentiam.

Dices 2. Mod<sup>o</sup> operandi sequitur modum essendi. Ergo si potentia naturalis acquirat nouum modum operandi, acquirat etiam nouum modum essendi.

Distinguo antecedens, modus operandi per suas proprias, & solas vires, concedo: modus operandi per vires gratiose collatas, nego. Cum ergo modus operandi, quem acquirit intellectus per lumen, sit illi indebitus, & ex pura donatoris liberalitate collatus, non sequitur eius modum essendi connaturalem. Neque obstat, quod intellectus per tale lumen eliciat visionem connaturaliter; nam etiam aqua, feruens connaturaliter calefacit, quamuis non sit illi connaturalis calor, sed violentus. Dicitur ergo connaturaliter videre, non quia lumen sit illi connaturale, neque quod illum eleuet ad suum ordinem, sed quia non tollit, sed perficit extensiuè eius virtutem naturalem.

Dices 3. Lumen est forma informans intellectum. Ergo intrinsecè afficit, & modificat eius modum essendi.

Distinguo consequens, modificat in suo genere, concedo: in omni genere, nego consequentiam. Sicut ergo forma substantialis modificat substantialiter, faciendo quod materia transeat ex esse substantiam incompletam ad esse completam; ita forma accidentalis modificat accidentaliter, faciendo quod subiectum fiat alte-

rum, & non aliud. Cum ergo lumen gloriæ sit forma accidentalis, non potest intellectum modificare, nisi secundum modum essendi accidentalem, faciendò quòd ille transeat ex non esse sufficienter illuminato, ad esse sufficienter illuminatum. Ex quo nouo modo essendi accidentali sequitur etiam nouus modus operandi accidentalis.

Dices 4. Causa formalis debet præstare suum effectum formalem. Cum ergo lumen gloriæ sit causa formalis supernaturalis, debet præstare suum effectum formalem supernaturalitatis; adeòq; facere subiectum intrinsecè supernaturale.

Distinguo antecedens, debet præstare effectum formalem, à quo talis forma specificatur, & denominatur, concedo: debet præstare effectum formalem non specificantem, neque denominantem, nego. Sicut ergo anima rationalis non præstat in corpore effectum formalem spiritualitatis, quam illi non communicat, sed solum effectum formalem actualitatis, quam illi communicat; ita neque lumen debet communicare supernaturalitatem. Quia ergo effectus formalis denominans, & specificans lumen gloriæ est illuminatio, sicut effectus formalis denominans, & specificans calorem est calefactio, & albedinis albefactio &c. Ideo sicut calor non debet præstare alium effectum formalem, quàm calefacere, & albedo albefacere, ita lumen non debet, nisi illuminare; atque adeo im-

mu-

mutat quidem intrinsecè intellectum, sed solum accidentaliter, præbendo nouum modum operandi.

Et ratio à priori est, quia causa formalis non debet præstare, nisi illum effectum formalem, qui consequitur ad suum esse formale. Sed esse supernaturale in lumine gloriæ non est suum esse formale, sed potius quodammodo materiale; neque enim est causa formalis illuminatiua, quia est supernaturale, sed quia est lumē. Ergo debet quidem illuminare, non tamen supernaturalizare. Idem valet de anima rationali, quæ quia non est forma viuificans, quatenus est spiritualis, vel rationalis, sed quatenus est anima, idest actus primus corporis organici, ideo debet corpus animare, non autem spiritualizare; siquidem spiritualitas, & rationalitas se habent in anima materialiter, & per accidens, ad esse illius informatiui, & viuificatiui, quod adhuc haberet, licet neq; esset spiritualis, neque rationalis, vt sunt animæ brutorum.

Dices, forma informans debet præstare totum effectum formalem, quem potest. Ergo cum lumen gloriæ possit supernaturalizare, debet hoc facere.

Distinguo antecedens, si sermo sit de illo effectui formali, qui formaliter resultat ex illo prædicato, per quod talis forma constituitur formaliter in esse formam informantem, concedo: si sermo sit etiam de alijs, nego antecedens. Cum igitur sur-

pernaturalitas in lumine , & spiritualitas in anima hominis, non resultent formaliter ex eo, per quod formaliter constituuntur in esse formas informantes , in ordine ad quod se habent potius de materiali , non debent præstari ab huiusmodi formis .

Urgebis , omnis forma habet quòd sit informans, per hoc quòd sit actus . Ergo nulla forma poterit præstare alium effectum formalem, quàm actualitatis; atque adeo albedo non faceret album , neque calor calidum. Consequens est absurdum, quia tolleretur formarum distinctionem , quas omnes faceret eiusdem speciei. Ergo & antecedens.

Nego consequentiam. Et ratio est, quia in forma non solum consideramus rationem genericam actus ut sic , sed etiam rationem specificam taleitatis. Quamvis ergo secundum primam considerationem , formæ non distinguantur in effectu formali , quia omnes habent actuare subiectum, quod est effectus formalis primarius illarum , distinguuntur tamen secundum aliam considerationem , & in ordine ad effectus secundarios. Albedo igitur non solum habebit actuare subiectum , sed etiam albificare , & calor calefacere &c. Et ratio à priori est, quia quælibet forma debet præstare suum effectum formalem in eo genere , in quo habet esse informativum . Cum ergo calor habeat esse informativum, tam in esse actum, quàm in esse

calorem , ideo habet actuare , & calefacere .

Dices 3. Etiam lumen gloriæ potest cōsiderari secundum taleitatem supernaturalitatis . Ergo vt tale debet supernaturalizare.

Nego consequentiam. Et ratio est, quia causa formalis completur formaliter in esse talem, per ordinem ad subiectum capax, & sibi proportionatum, per cuius defectum neque calor in Luna , neque visio in lapide retinet rationem causæ formalis, licet sint tales entitatiuè, & materialiter . Cum ergo potentia naturalis non sit capax recipiendi intrinsecè , per modum actus denominantis, & immutantis ipsam supernaturalitatem , hæc in ordine ad illam , tamquam ad subiectum ineptum, & improportionatum, non retinet formaliter rationem causæ formalis . Atque adeo sicut anima rationalis communicat spiritualitatem homini, & non corpori, quod actuatur, ita & lumen gloriæ communicat intrinsecè supernaturalitatem complexo ex se, & intellectu, quod est principium proximum adæquatum visionis , & solum extrinsecè ipsi intellectui, quatenus videlicet illi communicat, non supernaturalitatem in modo essendi, cuius ille est incapax , sed in modo operandi, cuius est capax, ratione potentiæ obedientialis actiuæ , quam Deus illi dedit ad actus supernaturales.

**Q**uæremus I. in genere, an possit potentia naturalis attingere suis solis viribus possibilitatem alicuius supernaturalis? Et deinde, an possit physice cognosci ut possibilis visio Dei per essentiam?

## ARTICULVS I.

*An possit naturaliter cognosci ut possibilis ordo supernaturalis?*

**A**D exactam intelligentiam huius questionis grauissimæ, & subtilissimæ, aduertendum est, hic non esse sermonem de supernaturali quoad modum, hoc enim non solum cognoscitur ut possibile, sed ut existens, ut patet in tactu, & visione Lazari rediuiui, sed de supernaturali quoad substantiam, quod definitur à Nazianzeno, *impossibile per naturam, & volenti Deo possibile*; & à nobis, *quod est omnino indebitum naturæ, eiusque superat vires.*

**Conclusio.** *Potest naturaliter cognosci ut possibilis ordo supernaturalis.* Probatur primo, potest naturaliter cognosci hic ordo ut non repugnans. Ergo ut possibilis. Consequentia est euidens, quidquid enim non repugnat est possibile. Antecedens probatur, nam potest naturaliter cognosci Deus ut supremus Dominus, eò quia lumine naturali possumus cognoscere seruitutem, & subiectionem, quam habemus à Crea-



Creatore ; quodlibet enim creatum cognoscit, se esse dependens, vel saltem potest ab alio cognosci ut dependens , sicut probauimus in 7. phys. Sed est de ratione domini supremi, ut possit semper donare, seruo per fauorem, quod illi iuxta suam conditionem, non debeatur . Ergo potest naturaliter cognosci ut non repugnans hic fauor . Omnis autem fauor domini supremi increati, utpote indebitus creaturæ, & superans eius vires, & exigentiam, est intrinsecè supernaturalis . Ergo potest solo lumine naturali cognosci possibilitas alicuius supernaturalis.

2. Potest solo lumine naturali cognosci ut possibilis dispensatio legis naturalis, ut obseruat , & propugnat Cardinalis Pallauicinus in assert. theol. lib. 8. c. 17. n. 145. Sed omnis dispensatio legis naturalis est intrinsecè supernaturalis . Ergo &c. Minor patet , quia dispensatio legis naturalis superat vires totius naturæ , quæ est determinata ad hoc, ut finat causas secundas operari, iuxta suam exigentiam, & nihil vlli tribuatur, quod illi non debeatur. Et ideo omnis euidencia physica fundatur in hoc, quod hic, & nunc nullum fiat miraculum , supposita euidencia metaphysica , quod Deus plerumque non dispenset à lege naturali . Quis enim non censet miraculum, ignem Babylonicum non comburere, solem ad Iosue imperium non currere, & alia id genus, quæ aliud non faciunt, nisi metæ legum naturalium

lium dispensationes. Probatur maior, non potest cognosci Deus vt supremus dominus, nisi cognoscatur vt liber; dominium enim consistit in hoc, vt possit seruo per imperium reddere illicitas omnes, & singulas illas actiones, quas dominus voluerit, & quas seruus habeat sub sua physica potestate, non tamen sub morali, ita vt semper pendeat à nutu domini in operando. Hoc autem non esset, si dominus ageret necessario, nam seruus non posset timere, nè sibi aliquid imperetur diuersum ab eo, ad quod ille imperandum, ex iniecta antecedenti necessitate compelleretur, sed semper certò, & euidenter sciret, independentè à nutu domini, quid sibi sit faciendum. Tum sic, potest physicè cognosci Deus vt liberè dominans. Ergo vt supremus legislator. Sed est de ratione supremi legislatoris, vt possit nō solum leges condere, sed etiam conditas abrogare, vel dispensare. Ergo potest physicè cognosci vt possibilis casus abrogationis; & dispensationis legis naturalis.

Obiicies 1. Non potest solo lumine naturali cognosci possibilitas rerum non existentium, nisi per species rerum existentium. Sed per species rerum existentium non possunt innotescere supernaturalia. Ergo neque potest innotescere eorum possibilitas.

Nego maiorem. Sicut enim Deus cognoscitur per species abstractiuas, ita potest cognosci possibilitas rerum supernatu-

turalium. Verum quidem est, quòd clarè non possint cognosci quoad *quid est*, sed solū quoad *an sit*, seu actu, seu potentia, quod sufficit nobis.

Dices, ergo etiam poterit abstractiue cognosci possibilitas Trinitatis. Concedo consequentiam, in qua nullum est absurdum; est enim articulus fidei, quòd detur de facto cum certitudine excludente omnem formidinem de opposito, non autem quòd sit possibilis.

Urgebis, in æternis idē est posse, & esse. Ergo si cognoscitur ut possibilis, cognoscitur ut existens.

Distinguo antecedens, idem est formaliter, & euidenter, nego: idem est consequentiue, & per discursum, concedo. Et distinguo consequens, cognoscitur ut existens arguitiue, & per discursum probabilem, concedo: cognoscitur formaliter ut existens, & per discursum euidentem, nego consequentiam. Sicut ergo quamuis sit idem realiter essentia cum actu libero, ratione distinctionis formalis, potest vnum clarè cognosci sine alio, ita potest cognosci clarè possibilitas Trinitatis, non clarè cognita actuali eius existentia, inter quas datur distinctio formalis. Videatur nostra Metaphysica lib. 1. disp. 2. art. 3. ubi fusè probatur, posse etiam physicè cognosci obscurè existentiam Trinitatis.

Obijcies 2. Non potest Deus naturaliter loqui clarè. Ergo non potest cognosci naturaliter ut potēs dispēsare leges naturę.

Nego

Nego antecedens, quidquid in oppositum contendat Pallauicinius lib. de fide, c. 3. n. 42. Ex eo enim quod possit naturali lumine cognosci Deus ut supremus dominus, & ut potens condere leges, & conditas dispensare, sequitur, illum posse loqui clarè ad extra. Si enim clarè non constet, legem esse Dei, nemo potest obligari ad illam seruandam, ut diuinam, quia semper potest dubitari, an aliquis alius illam condiderit, ad nos decipiendos. Neque obstat quod obligemur ex fide credere Deo reuelanti aliquid obscurè. Nam hæc obligatio est in ordine ad fidem theologicam, non autè ad naturalem. Disparitas est euidens, quia fides theologica, utpote pendens essentialiter ex habitu supernaturali, est intrinsecè supernaturalis, atque adeo non seruat modum proprium, & connaturalem intellectus in operando, & ideo pèdet ex libero arbitrio voluntatis, determinantis intellectum ad assensum, unde habet quod sit meritorius vitæ æternæ. In ordine autem ad fidem naturalem, quia intellectus debet seruare suum modum operandi, proportionatum suæ naturali virtuti, ideo non potest certò, & absque dubitatione assentiri obiecto, quod non sit euidens.

Obijcies 3. Si omnis dispensatio à lege naturali esset intrinsecè supernaturalis, quoties Deus exaudiret nostras preces reddendo sanitatem, repellendo grandines, sedando tempestates &c. faceret mira-

cu-

culum. Consequens rejicitur vt falsum. Ergo & antecedens.

Nego maiorem. Et ratio est, quia quando ad huiusmodi oramus Deum, non illum oramus ad dispensationem legum naturalium, sed ad illarum impletionem. Cum enim ille sit absolutus Dominus, & vt talis possit nobis infligere multas pœnas, quarum ordinariæ sunt morbi, grandines, subtractiones concursus &c. propter scelera à nobis patrata; ideo Deum oramus, vt nobis parcens sinat, causas secundas operari, sicut operarentur, si nostris peccatis Deus non moueretur, ad illas impediendas.

Dices, vel sanitas quam imploramus, debetur tali exigentiæ naturali, vel non? Si primum, ergo Deus illam impediendo facit miraculum, quia facit contra exigentiam causarum naturalium. Si secundum, ergo facit miraculum illam reddendo, propter eandem rationem. Siue ergo oramus Deum, nè sanitatem impediat, siue vt illam nobis restituat, semper erunt superflua, vel temeraria preces. Superflua, posito quòd sanitas nobis debeatur, & Deus nolit facere miraculum: temerarie, posito quòd vel illa nobis non debeatur, vel velit illam per miraculum impedire. Nam in primo casu adhuc sine precibus redderetur sanitas, quia est debita: & in secundo semper vel peteremus miraculum, vel negationem miraculi.

Ad hoc argumentum semper difficile

**§.** Non semper à nobis agnosci vt miraculum quod verè est miraculum, sicut non semper reputatur vt non miraculum, quod aliquando non est miraculum. Et ratio est euidens, quia miraculum est illud, quod ita est indebitum naturæ, vt sit etiam mirabile. Sicut igitur sæpe accidit, vt illud, quod est nobis mirabile, non sit indebitum naturæ; ita econuerso multa nobis non apparent mirabilia, quæ sunt naturæ omnino indebita. Et ideo censentur miracula quæ non sunt, & quæ verè sunt, non censentur vt talia. Ratio à priori desumitur ex eo, quòd nobis non apparent veræ causæ huiusmodi effectuum, quæ si omnes apparerent, non viderentur mirabiles, nisi ij effectus, qui naturam excedunt. Exempli gratia ad imperium Diui Thomæ de Villanoua, horeum tritico vacuum diuinitus impletum fuit. Si quis vidisset horreum, & nescisset causam eius impletionis, non censuisset illam miraculosam, quia illi non apparuisset mirabilis. Contra verò qui causam non ignorasset, illam miraculosam, quia mirabilem admiratus fuisset. His positis, quādo Deum oramus, vt ægro restituat sanitatem, exempli gratia, nescimus, an sanitas hic & nunc tali corporis habitudini debeat, nec nē? Adeoque præscindimus per talem petitionem, à ratione miraculi, & non miraculi, petendo solum sanitatem à Deo, vt sibi volenti possibilem, & vt bonam ægro. Sicut ergo potest contingere, quòd Deus illam

lam miraculosè restituat, & tamen censeatur naturaliter debita; ita potest naturaliter reddi, & censeari omninò miraculosa, propter ignorantiam causarum illam exigentium, vel impredientium. Neque ergo sūt temerariæ preces, quia nō petitur sanitas vt indebita, neq; superflue, quia non petitur vt debita, sed cum præcisione à ratione debiti, vel indebiti, loquendo de petitione prudenti, & rationali.

Obijcies 4. Omne supenaturale inuoluit notitiā diuinæ libertatis, & distinctionis virtualis intrinsecæ. Ergo est naturaliter incognoscibile.

Nego consequentiam. Et ratio est, quia tam diuina libertas, quàm distinctio virtualis intrinseca sunt naturaliter cognoscibiles. Cum enim naturaliter cognoscatur, Deo conuenire omnem perfectionē, & libertas sit perfectio, vtique cognoscitur, illam Deo conuenire. Cum ergo non possit in Deo saluari libertas, nisi admit- tendo actus liberos, virtualiter distinctos ab ei<sup>9</sup> essētia, etiā naturaliter cognoscitur hæc distinctio, saltem vt completiua diuinæ libertatis, si tamen asseratur, actus liberos Dei distingui virtualiter ab essētia, quod hic non decernimus. Quod si oppositum supponatur, ex cognitione diuinæ libertatis, non sequeretur cognitio distinctionis virtualis; & ideo esset falsum intecedens quoad secundam partem.

## ARTICVLVS II.

*An possit physicè cognosci possibilitas visionis Dei per essentiam.*

**C**onclusio, est affirmatiua, cum Scotus in 4. d. 49. q. 8. cui adhæret Sfortia Pallauicinus in assert. theol. l. 8. n. 154. qui limitat suum dictum n. 156. his verbis, *non tamen est necesse, ut Angelus sciat in particulari, possibilem sibi esse visionem Trinitatis exempli gratia, ex quo colligat euidenter existentiam Trinitatis.*

Scotus ita probat hanc conclusionem, omnis potentia potest naturaliter intuitiue cognoscere totum suum obiectum. Ergo etiam intellectus, qui est potentia omnium perfectissima. Sed obiectum intellectus est omne intelligibile. Ergo cū Deus sit intelligibilis, potest naturaliter ab illo intuitiue cognosci. Sed quod est naturaliter cognoscibile intuitiue, est simpliciter cognoscibile per essentiam. Ergo intellectus naturaliter cognoscit huiusmodi cognoscibilitatem, seu possibilitatem visionis Dei per essentiam.

Sed quia hoc argumentum prout iacet nimis probat; siquidem probat, posse Deum naturaliter videri per essentiam, quod supra vt falsum reiecimus, quando statuimus, visionem Dei esse idem atque eius cognitionem intuitiuam, licet Scotus immeritò distinguat inter vtramque; ideo debet dupliciter limitari; Primò vt restringatur ad solum obiectum propor-

tio



narum, cuiusmodi non est Deus respectu intellectus suis solis viribus operantis ; & deinde ut restringatur ad potentiam remotam, seu obedientialem ipsius. His enim factis restrictionibus, ita procedit argumentum, omnis potentia simpliciter potest intuitivè ferri in totum unum obiectum . Ergo etiam intellectus potest in se suis solis viribus cognoscere potentiam naturalem, quæ accedente aliquo auxilio extrinseco , possit intuitivè ferri in Deum , quatenus intelligibilem . Non posset autem illam cognoscere, nisi cognosceret etiam possibilitatem visionis, transcendendo à modo , quo illa sit possibilis . Ergo etiam naturaliter potest cognosci eius possibilitas quoad substantiam , licet non possit cognosci quoad modum . Eo modo , quo diximus , posse physicè cognosci libertatem Dei, non cognito modo illam reducendi ad actum secundum .

Probatur 2. Si non posset physicè cognosci ut possibilis hæc visio, vel hoc esset quia est aliquod intrinsecè supernaturale, vel quia terminatur ad supernaturale? Sed ex neutro capite potest hoc repugnare, ut probauimus usque adhuc. Ergo hæc cognoscibilitas non repugnat ; atque adeo saltem negativè est possibilis, quatenus ex nullo capite potest naturale lumen evidenter probare impossibilitatem metaphysicam visionis.

3. Possumus naturaliter desiderare , & appere-

appetere visionem Dei, tamquam nostrum maximum bonum . Sed naturale desiderium non est ad impossibile, cognitum ut tale, ut probat Aristoteles 2. rhetor. c. 22. Non solum quia impossibile nullam habet bonitatem, & amabilitatem, sed etiam quia esset frustraneum, & inane, quatenus expleri non posset. Ergo debet esse ad aliquod possibile, cognitum ut possibile. Consequentia est evidens. Maior, de qua infra, probatur. Primò ex Diuo Thoma, 1. p. q. 12. art. 1. dicente, *inest autem homini naturale desiderium cognoscendi causam, cum intuetur effectum, & ex hoc admiratio in hominibus consurgit.* Neque potest dici, hic Sanctum Doctorem loqui de desiderio orto ex cognitione fidei; quatenus enim tale, utpote nixum firmissima fide huius veritatis, supponeret ut certissimam possibilitatem visionis Dei, & frustra quæreretur, an feratur ad aliquod possibile. Ergo dicendum est, hic loqui de desiderio, ut orto ex cognitione, & instinctu naturali. Probatur 2. ex 1. met. c. 1. init. ubi dicitur, omnes homines natura scire desiderant. Sed scientia est cognitio rei per causam, ut probauimus in logicis ex 2. poster. Ergo omnes homines desiderant scire rerum causas. Cum ergo inter has non sit procedendum in infinitum, omnes desiderant illam scire, quæ sit omnium prima, & à qua omnes aliæ pendeant; quo enim aliquid est nobilius, eo maius excitat desiderium sui. Cum ergo inter omnes causas

pri-

prima sit nobilissima, hanc cognoscere super omnes desideramus. Probatur 3. Omnes naturaliter appetunt videre suum finem, & cum illo coniungi. Sed finis omnium naturalium est Deus. Ergo omnis creatura rationalis naturaliter appetit Deum videre. Vnde oritur inquietudo in omnibus alijs, quæ non sunt Deus, exclamante Augustino, *inquietum est cor nostrum, donec requiescat in te.*

Dices, potest appetitus quiescere sciendo Deum esse. Ergo non est necesse, quod sciat quid Deus sit.

Nego antecedens. Nam cognitio causæ quoad *an est*, habetur per ipsum effectum, absq; alia inquisitione, & ideo non potest quietare intellectum, qui semper contendit scire quid sit prima causa, adeoque habere visionem illius.

Urgebis, potest quietari per visionem abstractivam divinæ essentiae. Ergo non est necesse, quod feratur ad intuitivam.

Nego antecedens, quia divina essentia non potest videri, nisi clarè. Et ratio est quia omnis visio divinæ essentiae certificat de eius existentia, & de omnibus alijs prædicatis, per quæ formaliter constituitur in esse, alioquin non esset visio. Ergo est clara, & quidditativa.

Dices demum, potest naturale desiderium ferri in obiectum impossibile, cognitum ut possibile; nam potest aliquis naturaliter desiderare fieri Deum, vel Angelum, ex suppositione quod per errorem

credat hoc esse possibile. Ergo non valet consequentia ex naturali desiderio visionis Dei ad naturalem cognoscibilitatem veræ possibilitatis illius, sed solum ad cognoscibilitatem possibilitatis imaginariæ.

Transeat consequentia. Non enim intendimus probare, esse possibilem visionem Dei, per hoc quod possit naturaliter desiderari, sed solum quod posita eius possibilitate aliunde probata, possimus via naturali, venire in eius cognitionem, ut possibilis. Cum ergo valeat consequentia, potest visio naturaliter appeti. Ergo potest naturaliter cognosci ut possibilis, habemus intentum. Fatemur enim, non ideo visionem esse possibilem, quia potest appeti, sed ideo posse appeti, quia cognoscitur ut possibilis. Quare cum aliunde sciamus, illam esse possibilem possibilitate vera, & non sola imaginaria, bene possumus deducere, illam ideo appeti, quia cognoscitur ut possibilis, possibilitate vera, & non imaginaria.

Obijcies 1. cum P. Antonio Perez in tract. de visione n. 35. Visio Dei est locutio Dei, quia est manifestatio totius quod est Deus, adeoque etiam visionis, quia Deus se videt. Sed hæc visio non potest sciri, nisi Deus velit illam liberè manifestare. Ergo visio creata Dei est locutio manifestatiua alicuius obiecti, quod sciri non potest, nisi per reuelationem; atque adeo est naturaliter incognoscibilis.

Pri-

Primò nego maiorem. Et ratio est, quia loquutio ad alterum natura distinctum, debet esse talis explicatio conceptus, ut habeat rationem obiecti respectu audientis, qui propter authoritatem ipsius loquentis, moveatur ad credendum obiectum talis locutionis. Visio autem creata Dei non est obiectum, quod moueat ad credendum aliquod aliud, propter testimonium ipsius Dei, à quo nō adhibetur ut medium ad aliquid per illam Beato manifestandum, cum sit potius cognitio, seu actus elicitus ab ipso Beato, quo Deum cognoscit immediatè. Ergo non habet rationem signi respectu videntis; adeòq; nō est formaliter loquutio; neque Beati per illam habent fidem, eò quia non credant, sed videant. Deinde nego minorem. Cum enim hæc visio, qua Deus se videt, sit realiter, & formaliter ipsa diuina essentia, non potest hæc clarè cognosci, quin cognoscatur etiam ipsa visio increata. Atque adeo non est obiectum distinctum ab essentia à Deo reuelabile. Vel ergo etiam ipsa essentia esset obiectum tantum liberè reuelabile; vel neque est talis visio increata, saltem ut possibilis, licet ut actu existens possit fortasse esse liberè reuelabilis, sicut dicemus suo loco de resurrectione mortuorum.

Obijcies 2. Si posset naturaliter cognosci possibilitas visionis, doleremus de eius priuatione, sicut dolemus priuatione sanitatis. Nullus autem Gentilium doluit tali

privatione. Ergo non potest lumine naturali cognosci possibilitas visionis.

Nego maiorem. Neque enim cuiuscumque boni privatio est dolorifera, sed solum illius, quod apparet debitum, & facile consequibile. Nemo enim dolet privatione possessionis totius mundi, quamvis hæc naturaliter appareat ut possibilis. Cum ergo visio Dei naturali lumine non appareat ut nobis debita, neque appareat medium ad illam consequendam, vel saltem non appareat medium ad illam facile consequendam, ideo eius privatio non est dolorifera.

Dices, si aliquis Rex deturbetur à Regno, quamvis illius recuperatio appareat difficilis, immò etiam impossibilis, adhuc eius privatio esset illi dolorifera. Ergo non ideo hæc privatio non est dolorifera, quia non apparet medium consequendæ visionis, sed quia hæc non apparet naturaliter ut possibilis.

Nego consequentiã. Disparitas, est quia respectu talis hominis regnum apparet debitum, & necessarium. Visio autem non potest apparere ut debita, eò quia non appareat modus illam consequendi: neque, ut necessaria, quia cum illam nunquam experti simus, neque sciamus lumine naturali, illam aliquem consecutum fuisse, non possumus illam cognoscere ut beatitudinem quietatiuam, & ut depulsiuam cuiuscumque miseriæ, sed solum cognoscimus illam ut magnum bonum, in gene-

re intelligibilium, sicut semper est bonum intellectus plura cognoscere, praesertim obiecta praestantissima, ut est Deus. Superueniente autem lumine supernaturali, quo cognoscatur, vel eleuabilitas ad diuinam adoptionem, vel possibilitas medijs conducentis ad visionem, statim ex eius desiderio vehementi, priuatio redditur dolorifera, ut patet ex regio Psalte, & Vase electionis, quorum primus clamabat, Psal. 119. *Heu mihi, quia incolatus meus prolongatus est! multum incolatusuit anima mea.* & alter ad Philipenses 1. *Coarctor autem e duobus, desiderium habens dissolui, & esse cum Christo, multo magis melius; permanere autem in carne necessarium propter vos.*

## DISPUTATIO V.

De Appetitu Entis supernaturalis.

**V**idimus usque adhuc, posse naturaliter cognosci ut possibilem, non solum ordinem supernaturalem ut sic, sed ipsam quoque visionem Dei per essentiam. Videndum superest, an possit in nobis dari naturaliter appetitus, tam elicitus, quam innatus alicuius supernaturalis, & in specie ipsius visionis Dei? Ut ergo clariùs procedamus, priùs agemus de elicitò, & deinde de innato, utrumque appositè comparando cum ipsa visione, tamquam cum eius obiecto.

## ARTICVLVS I.

An possit naturaliter dari appetitus elicitus tam conditionatus, quam absolutus alicuius supernaturalis?

**C**onclusio est affirmatiua, quoad v-  
trumque. Antequā probē aduerto, no-  
mine appetitus eliciti intelligi illū actum  
prosecutionis, quo creatura intellectiua  
fertur in obiectum, dependenter ab aliqua  
cognitione, qua representetur obiectum,  
vt bonum, adeoque vt appetibile. Hoc au-  
tem potest contingere, vel absolutē, & fun-  
dat appetitum absolutum, vel conditiona-  
tē, si sit possibile, & fundat appetitum con-  
ditionatum. Nomine autem appetitus in-  
nati intelligimus actum prosecutionis po-  
tentia naturalis, quæ fundetur in exigen-  
tia talis obiecti, vt sibi debiti. Atque adeo  
ille non potest esse, nisi in principio intel-  
lectiuo, & libero; hic autem etiam in na-  
turali, & necessario, cuiusmodi sunt appe-  
titus materiz ad formam, ignis ad spher-  
am, &c.

Probatur de conditionato, quia possum  
appetere vnionem hypostaticam, exempli  
grat. ex suppositione quod illa sit possibi-  
lis, & mihi bona. Cum enim conditio ni-  
hil ponat in esse, nulla est ratio, cur hic  
appetitus sit impossibilis. Immo videmus  
de facto, à multis appeti, amicos mortuos  
ad vitam reuocari, fieri ingeniosiores,  
cœcitate liberari, & alia huiusmodi, quæ  
sunt omnino vel supernaturalia, vel etiam  
impossibilia, sub conditione tamen quod  
fieri possint. Et ideo bene ait Suarius disp.  
30. met. sect. 11. n. 37. *Appetitus elicitus, non  
solum circa naturalia bona, immo si sit om-  
nino inefficax, seu conditionatus, vel per  
sim.*



*simplicem complacentiam, potest interdum circa impossibilia versari.*

Probatur de absoluto, primò quia cùm suprà statuerimus, posse etiam lumine naturali cognosci vt possibilem ordinem supernaturalem, & nostra voluntas naturali propensione feratur ad bonum, eò ipso quòd illi repræsentetur, vt absolutè possibile aliquod bonum supernaturale, potest illud absolutè appetere. Quoties enim appetitus fertur in bonum, sub conditione quòd sit possibile, purificata conditione, transit in absolutum.

2. Omnis homo naturaliter appetit absolutè loquendo immortalitatem, & odit mortem. Sed immortalitas hominis est omninò supernaturalis, eò quia homo propter compositionem ex contrarijs, sit intrinsecè corruptibilis. Ergo omnis homo habet appetitum elicitum absolutum alicuius supernaturalis. Minor, & consequentia sunt euidentia. Maior patet ex Augustino lib. 4. con. Julian, c. 3. dicente *neque enim omnes homines naturali instinctu immortales, & beati esse vellemus, nisi esse possemus.*

Dices, hic appetitus est allatiuus spei. Non potest autem dari naturaliter spes erum supernaturalium. Ergo neque hic appetitus.

Distinguo maiorem, est allatiuus spei naturalis, concedo: spei supernaturalis, nego. Et distincta eodem modo minori, ergo consequentiam. Cùm enim spes su-

pernaturalis non confundat (vt ait Diuus Paulus) non potest fundari in aliquo tantum probabili, & non certo, sicut est spes naturalis, quæ versatur circa obiectum utcumque possibile, & consequibile. Quamuis ergo naturaliter non appareat certò, & infallibiliter modus consequendi hæc supernaturalia, quibus expleatur noster appetitus, adeòque non possint esse obiectum spei theologicæ, possunt tamen vt taliter appetita, & cognita, esse obiectum spei naturalis.

## ARTICVLVS II.

*An possit naturæ viribus excitari in nobis appetitus elicitus visionis Dei, tam conditionatus, quam absolutus?*

**C**onclusio est affirmatiua quoad vtrâque partem. De conditionato ita loquitur Suarez disp. 30. met. sect. 11. n. 27. *Si loquimur intra naturæ limites, nulla facta reuelatione de superiori felicitate, tunc homo, vel Angelus naturaliter contemplan-  
Deum ex effectibus, & suam cognitionem imperfectam esse cognoscens, excitari posset ad velleitatem aliquam, seu desiderium conditionatum videndi Deum, si fieri posset. Et Durandus in 4. d. 49. q. 8. n. 17. Si verò loquamur de voluntate pro statu vitæ, sic distinguendum est de beatitudine, quia hæc potest accipi vel in speciali pro eo, in quo consistit, sicut visio diuina, vel secundum communem, & generalem rationem beatitudinis ut  
sic,*

*sic, &c. In beatitudinem ergo, quamvis cognitam secundum propriam rationem, potest ferri voluntas viatoris, volendo eam, vel nō volendo &c.*

Probatur, si attendamus puras vires naturæ, posset creatura rationalis euidenter cognoscere, à se imperfectè, & solum abstractiuè cognosci primam causam in effectibus. Cum ergo omnis creatura rationalis naturaliter scire desideret, posset ex tali cognitione excitari ad desiderandam cognitionem clarissimam primæ causæ, saltem sub conditione, si talis cognitio sit possibilis. Probatur antecedens, quia ex vna parte euidenter cognosceret, causam esse multò nobiliorem effectui; & ex alia, excessum perfectionis ipsius in nullo effectui cognosceret. Ergo euidenter cognosceret, suam cognitionē esse confusam, & abstractiuam, vtpote imperfectam, & inadequatam. Probatur consequentia, quia creatura rationalis est naturaliter determinata ad volendum omne bonum, ex suppositione quòd sibi sit possibile. Sed cognosceret euidenter, etiam in pura natura, cognitionem clarissimam, seu intuitiuam primæ causæ futuram sibi maximè bonam, si fieri posset. Ergo posset illam appetere, sub tali conditione. Recenscantur quæ supra diximus disp. 4. art. 2. Nam valde proderunt ad hanc rem. Aduertatur autem, huiusmodi appetitum vocari velleitatem, eò quia non sit voluntas, seu desiderium efficax, quod ferri non potest,

**Ex.** Non semper à nobis agnosci vt miraculum quod verè est miraculum, sicut non semper reputatur vt non miraculum, quod aliquando non est miraculum. Et ratio est euidens, quia miraculum est illud, quod ita est indebitum naturæ, vt sit etiam mirabile. Sicut igitur sæpe accidit, vt illud, quod est nobis mirabile, non sit indebitum naturæ; ita econuerso multa nobis non apparent mirabilia, quæ sunt naturæ omnino indebita. Et ideo censentur miracula quæ non sunt, & quæ verè sunt, non censentur vt talia. Ratio à priori desumitur ex eo, quòd nobis non appareant veræ causæ huiusmodi effectuum, quæ si omnes apparerent, non viderentur mirabiles, nisi ij effectus, qui naturam excedunt. Exempli gratia ad imperium Diui Thomæ de Villanoua, horeum tritico vacuum diuinitus impletum fuit. Si quis vidisset horreum, & nescisset causam eius impletionis, non censuisset illam miraculosam, quia illi non apparuisset mirabilis. Contra verò qui causam non ignorasset, illam miraculosam, quia mirabilem admiratus fuisset. His positis, quādo Deum oramus, vt ægro restituat sanitatem, exempli gratia, nescimus, an sanitas hic & nunc tali corporis habitudini debeat, nec nè? Adeoque præcindimus per talem petitionem, à ratione miraculi, & non miraculi, petendo solùm sanitatem à Deo, vt sibi volenti possibilem, & vt bonam ægro. Sicut ergo potest contingere, quòd Deus il-

lam

Iam miraculosè restituat, & tamen censeatur naturaliter debita; ita potest naturaliter reddi, & censi omnino miraculosa, propter ignoratiam causarum illam exigentium, vel impdientium. Neque ergo sūt temerariæ preces, quia nō petitur sanitas vt indebita, neq; superflue, quia non petitur vt debita, sed cum præcisione à ratione debiti, vel indebiti, loquendo de petitione prudenti, & rationali.

Obijcies 4. Omne supenaturale inuoluit notitiā diuinæ libertatis, & distinctionis virtualis intrinsecæ. Ergo est naturaliter incognoscibile.

Nego consequentiam. Et ratio est, quia tam diuina libertas, quam distinctio virtualis intrinseca sunt naturaliter cognoscibiles. Cum enim naturaliter cognoscatur, Deo conuenire omnem perfectionē, & libertas sit perfectio, vtique cognoscitur, illam Deo conuenire. Cum ergo non possit in Deo saluari libertas, nisi admit-tendo actus liberos, virtualiter distinctos ab ei<sup>9</sup> essētia, etiā naturaliter cognoscitur hæc distinctio, saltem vt completiua diuinæ libertatis, si tamen asseratur, actus liberos Dei distingui virtualiter ab essentia, quod hic non decernimus. Quod si oppositum supponatur, ex cognitione diuinæ libertatis, non sequeretur cognitio distinctionis virtualis; & ideo esset falsum antecedens quoad secundam partem.

## ARTICVLVS II.

*An possit physice cognosci possibilitas visionis Dei per essentiam.*

**C**onclusio, est affirmatiua, cum Scotus in 4. d. 49. q. 8. cui adhæret Sfortia Pallauicinus in assert. theol. l. 8. n. 154. qui limitat suum dictum n. 156. his verbis, *non tamen est necesse, ut Angelus sciat in particulari, possibilem sibi esse visionem Trinitatis exempli gratia, ex quo colligat euidenter existentiam Trinitatis.*

Scotus ita probat hanc conclusionem, omnis potentia potest naturaliter intuitiue cognoscere totum suum obiectum. Ergo etiam intellectus, qui est potentia omnium perfectissima. Sed obiectum intellectus est omne intelligibile. Ergo cū Deus sit intelligibilis, potest naturaliter ab illo intuitiue cognosci. Sed quod est naturaliter cognoscibile intuitiue, est simpliciter cognoscibile per essentiam. Ergo intellectus naturaliter cognoscit huiusmodi cognoscibilitatem, seu possibilitatem visionis Dei per essentiam.

Sed quia hoc argumentum prout iacet nimis p. obat; siquidem probat, posse Deum naturaliter videri per essentiam, quod supra vt falsum reiecimus, quando statuimus, visionem Dei esse idem atque eius cognitionem intuitiuam, licet Scotus immeritò distinguat inter vtramque; ideo debet dupliciter limitari; Primò vt restringatur ad solum obiectum propor-  
tio

tionarum, cuiusmodi non est Deus respectu intellectus suis solis viribus operantis ; & deinde ut restringatur ad potentiam remotam, seu obedientialem ipsius. His enim factis restrictionibus, ita procedit argumentum, omnis potentia simpliciter potest intuitivè ferri in totum suum obiectum . Ergo etiam intellectus potest in se suis solis viribus cognoscere potentiam naturalem, quæ accedente aliquo auxilio extrinseco , possit intuitivè ferri in Deum , quatenus intelligibilem . Non posset autem illam cognoscere, nisi cognosceret etiam possibilitatem visionis, præscindendo à modo , quo illa sit possibilis . Ergo etiam naturaliter potest cognosci eius possibilitas quoad substantiam , licet non possit cognosci quoad modum . Eo modo , quo diximus , posse physicè cognosci libertatem Dei, non cognito modo illam reducendi ad actum secundum .

Probatur 2. Si non posset physicè cognosci ut possibilis hæc visio, vel hoc esset quia est aliquod intrinsecè supernaturale, vel quia terminatur ad supernaturale? Sed ex neutro capite potest hoc repugnare, ut probauimus usque adhuc. Ergo hæc cognoscibilitas non repugnat ; atque adeo saltem negativè est possibilis, quatenus ex nullo capite potest naturale lumen evidenter probare impossibilitatem metaphysicam visionis.

3. Possumus naturaliter desiderare , &  
appc-

appetere visionem Dei, tamquam nostrum maximum bonum . Sed naturale desiderium non est ad impossibile, cognitum ut tale, ut probat Aristoteles 2. rhetor. c. 22. Non solum quia impossibile nullam habet bonitatem, & amabilitatem, sed etiam quia esset frustraneum, & inane, quatenus expleri non posset. Ergo debet esse ad aliquod possibile , cognitum ut possibile . Consequentia est evidens . Maior, de qua infra, probatur . Primum ex Diuo Thoma, 1. p. q. 12. art. 1. dicente , *inest autem homini naturale desiderium cognoscendi causam, cum intuetur effectum, & ex hoc admiratio in hominibus consurgit.* Neque potest dici , hic Sanctum Doctorem loqui de desiderio orto ex cognitione fidei ; quatenus enim tale , utpote nixum firmissima fide huius veritatis, supponeret ut certissimam possibilitatem visionis Dei, & frustra quaeretur, an feratur ad aliquod possibile . Ergo dicendum est , hic loqui de desiderio , ut orto ex cognitione, & instinctu naturali. Probatur 2. ex 1. met. c. 1. init. ubi dicitur, omnes homines natura scire desiderant . Sed scientia est cognitio rei per causam, ut probauimus in logicis ex 2. poster. Ergo omnes homines desiderant scire rerum causas. Cum ergo inter has non sit procedendum in infinitum , omnes desiderant illam scire , quæ sit omnium prima , & à qua omnes aliae pendeant ; quo enim aliquid est nobilius, eo maius excitat desiderium sui . Cum ergo inter omnes causas pri-



prima sit nobilissima, hanc cognoscere super omnes desideramus. Probatur 3. Omnes naturaliter appetunt videre suum finem, & cum illo coniungi. Sed finis omnium naturalium est Deus. Ergo omnis creatura rationalis naturaliter appetit Deum videre. Vnde oritur inquietudo in omnibus alijs, quæ non sunt Deus, exclamante Augustino, *inquietum est cor nostrum, donec requiescat in te.*

Dices, potest appetitus quiescere sciendo Deum esse. Ergo non est necesse, quod sciat quid Deus sit.

Nego antecedens. Nam cognitio causæ quoad *an est*, habetur per ipsum effectum, absq; alia inquisitione, & ideo non potest quietare intellectum, qui semper contendit scire quid sit prima causa, adeoque habere visionem illius.

Urgebis, potest quietari per visionem abstractiuam diuinæ essentiae. Ergo non est necesse, quod feratur ad intuitiuam.

Nego antecedens, quia diuina essentia non potest videri, nisi clarè. Et ratio est quia omnis visio diuinæ essentiae certificat de eius existentia, & de omnibus alijs prædicatis, per quæ formaliter constituitur in esse, alioquin non esset visio. Ergo est clara, & quidditatiua.

Dices demum, potest naturale desiderium ferri in obiectum impossibile, cognitum ut possibile; nam potest aliquis naturaliter desiderare fieri Deum, vel Angelum, ex suppositione quod per errorem

Primo nego maiorem. Et ratio est, quia loquutio ad alterum natura distinctum, debet esse talis explicatio conceptus, ut habeat rationem obiecti respectu audiētis, qui propter authoritatem ipsius loquentis, moueatur ad credendum obiectum talis locutionis. Visio autem creata Dei non est obiectum, quod moueat ad credendum aliquod aliud, propter testimonium ipsius Dei, à quo nō adhibetur ut medium ad aliquid per illam Beato manifestandum, cum sit potius cognitio, seu actus elicitus ab ipso Beato, quo Deum cognoscit immediatè. Ergo non habet rationem signi respectu videntis; adeòq; nō est formaliter loquutio; neque Beati per illam habent fidem, eò quia non credant, sed videant. Deinde nego minorem. Cum enim hæc visio, qua Deus se videt, sit realiter, & formaliter ipsa diuina essentia, non potest hæc clarè cognosci, quin cognoscatur etiam ipsa visio increata. Atque adeo non est obiectum distinctum ab essentia à Deo reuelabile. Vel ergo etiam ipsa essentia esset obiectum tantum liberè reuelabile; vel neque est talis visio increata, saltem ut possibilis, licet ut actu existens possit fortasse esse liberè reuelabilis, sicut dicemus suo loco de resurrectione mortuorum.

Obijciēs 2. Si posset naturaliter cognosci possibilitas visionis, doleremus de eius priuatione, sicut dolemus priuatione sanitatis. Nullus autem Gentilium doluit tali

priuatione. Ergo non potest lumine naturali cognosci possibilitas visionis.

Nego maiorem. Neque enim cuiuscumque boni priuatio est dolorifera, sed solum illius, quod apparet debitum, & facile consequibile. Nemo enim dolet priuatione possessionis totius mundi, quamuis hæc naturaliter appareat ut possibilis. Cum ergo visio Dei naturali lumine non appareat ut nobis debita, neque appareat medium ad illam consequendam, vel saltem non appareat medium ad illam facile consequendam, ideo eius priuatio non est dolorifera.

Dices, si aliquis Rex deturbetur à Regno, quamuis illius recuperatio appareat difficilis, immò etiam impossibilis, adhuc eius priuatio esset illi dolorifera. Ergo non ideo hæc priuatio non est dolorifera, quia non apparet medium consequendæ visionis, sed quia hæc non apparet naturaliter ut possibilis.

Nego consequentiã. Disparitas, est quia respectu talis hominis regnum apparet debitum, & necessarium. Visio autem non potest apparere ut debita, eò quia non apparet modus illam consequendi: neque, ut necessaria, quia cum illam numquam experti simus, neque sciamus lumine naturali, illam aliquem consecutum fuisse, non possumus illam cognoscere ut beatitudinem quietatiuam, & ut depulsiuam, cuiuscumque miseriæ, sed solum cognoscimus illam ut magnum bonum, in gene-

re intelligibilem, sicut semper est bonum intellectus plura cognoscere, praesertim obiecta praestantissima, ut est Deus. Superueniente autem lumine supernaturali, quo cognoscatur, vel eleuabilitas ad diuinam adoptionem, vel possibilitas medijs conducentis ad visionem, statim ex eius desiderio vehementi, priuatio redditur dolorifera, ut patet ex regio Psalte, & Vase electionis, quorum primus clamabat, Psal. 119. *Heu mihi, quia incolatus meus prolongatus est! multum incolatus anima mea.* & alter ad Philipenses 1. *Coarctor autem duobus, desiderium habens dissolui, & esse cum Christo; multo magis melius; permanere autem in carne necessarium propter vos.*

## DISPUTATIO V.

De Appetitu Entis supernaturalis.

**V**idimus usque adhuc, posse naturaliter cognosci ut possibilem, non solum ordinem supernaturalem ut sic, sed ipsam quoque visionem Dei per essentiam. Videndum superest, an possit in nobis dari naturaliter appetitus, tam elicitus, quam innatus alicuius supernaturalis, & in specie ipsius visionis Dei? Ut ergo clariùs procedamus, prius agemus de elicito, & deinde de innato, utrumque appositè comparando cum ipsa visione, tamquam cum eius obiecto.

## ARTICVLVS I.

An possit naturaliter dari appetitus elicitus tam conditionatus, quam absolutus alicuius supernaturalis?

**C**onclusio est affirmatiua, quoad v-  
trumque. Antequā probē aduerto, no-  
mine appetitus elicitū intelligi illū actum  
prosecutionis, quo creatura intellectiua  
fertur in obiectum, dependenter ab aliqua  
cognitione, qua representetur obiectum,  
vt bonum, adeoque vt appetibile. Hoc au-  
tem potest contingere, vel absolutē, & fun-  
dat appetitum absolutum, vel conditiona-  
tē, si sit possibile, & fundat appetitum con-  
ditionatum. Nomine autem appetitus in-  
nati intelligimus actum prosecutionis po-  
tentia naturalis, quæ fundetur in exigen-  
tia talis obiecti, vt sibi debiti. Atque adeo  
ille non potest esse, nisi in principio intel-  
lectiuo, & libero; hic autem etiam in na-  
turali, & necessario, cuiusmodi sunt appe-  
titus materiae ad formam, ignis ad spha-  
ram, &c.

Probat̃ur de conditionato, quia possum  
appetere vnionem hypostaticam, exempli  
grat. ex suppositione quod illa sit possibi-  
lis, & mihi bona. Cum enim conditio ni-  
hil ponat in esse, nulla est ratio, cur hic  
appetitus sit impossibilis. Immo videmus  
de facto, à multis appeti, amicos mortuos  
ad vitam reuocari, fieri ingeniosiores,  
cæcitate liberari, & alia huiusmodi, quæ  
sunt omnino vel supernaturalia, vel etiam  
impossibilia, sub conditione tamen quod  
fieri possint. Et ideo bene ait Suarius disp.  
30. met. sect. 11. n. 37. *Appetitus elicitus, non  
solum circa naturalia bona, immo si sit om-  
nino inefficax, seu conditionatus, vel per  
sim.*

*simplicem complacentiam, potest interdum circa impossibilia versari.*

Probatur de absoluto, primò quia cum suprà statuerimus, posse etiam lumine naturali cognosci vt possibilem ordinem supernaturalem, & nostra voluntas naturali propensione feratur ad bonum, eò ipso quòd illi repræsentetur, vt absolutè possibile aliquod bonum supernaturale, potest illud absolutè appetere. Quoties enim appetitus fertur in bonum, sub conditione quòd fit possibile, purificata conditione, transit in absolutum.

2. Omnis homo naturaliter appetit absolutè loquendo immortalitatem, & odit mortem. Sed immortalitas hominis est omninò supernaturalis, eò quia homo propter compositionem ex contrarijs, sit intrinsecè corruptibilis. Ergo omnis homo habet appetitum elicitem absolutum alicuius supernaturalis. Minor, & consequentia sunt euidentia. Maior patet ex Augustino lib. 4. con. Julian, c. 3. dicente *neque enim omnes homines naturali instinctu immortales, & beati esse vellemus, nisi esse possemus.*

Dices, hic appetitus est allatiuus spei. Non potest autem dari naturaliter spes rerum supernaturalium. Ergo neque hic appetitus.

Distinguo maiorem, est allatiuus spei naturalis, concedo: spei supernaturalis, nego. Et distinct a eodem modo minori, nego consequentiam. Cum enim spes su-

pernaturalis non confundat (vt ait Diuus Paulus) non potest fundari in aliquo tantum probabili, & non certo, sicut est spes naturalis, quæ versatur circa obiectum vt-cumque possibile, & consequibile. Quamuis ergo naturaliter non appareat certò, & infallibiliter modus consequendi hæc supernaturalia, quibus expleatur noster appetitus, adeoque non possint esse obiectum spei theologicæ, possunt tamen vt taliter appetita, & cognita, esse obiectum spei naturalis.

## ARTICVLVS II.

*An possit naturæ viribus excitari in nobis appetitus elicitus visionis Dei, tam conditionatus, quam absolutus?*

**C**onclusio est affirmatiua quoad vtrâque partem. De conditionato ita loquitur Suarius disp. 30. met. sect. 11. n. 27. Si loquimur intra naturæ limites, nulla facta reuelatione de superiori felicitate, tunc homo, vel Angelus naturaliter contemplan-  
*Deum ex effectibus, & suam cognitionem imperfectam esse cognoscens, excitari posset ad velleitatem aliquam, seu desiderium conditionatum videndi Deum, si fieri posset. Et Durandus in 4. d. 49. q. 8. n. 17. Si verò loquamur de voluntate prò statu vitæ, sic distinguendum est de beatitudine, quia hæc potest accipi vel in speciali prò eo, in quo consistit, sicut visio diuina, vel secundum communem, & generalem rationem beatitudinis vt sic,*

*sic, &c. In beatitudinem ergo, quamvis cognitam secundum propriam rationem, potest ferri voluntas viatoris, volendo eam, vel non lendo &c.*

Probatur, si attendamus puras vires naturæ, posset creatura rationalis euidenter cognoscere, à se imperfectè, & solum abstractiuè cognosci primam causam in effectibus. Cum ergo omnis creatura rationalis naturaliter scire desideret, posset ex tali cognitione excitari ad desiderandam cognitionem clarissimam primæ causæ, saltem subconditione, si talis cognitio sit possibilis. Probatur antecedens, quia ex vna parte euidenter cognosceret, causam esse multò nobiliorem effectui; & ex alia, excessum perfectionis ipsius in nullo effectui cognosceret. Ergo euidenter cognosceret, suam cognitionem esse confusam, & abstractiuam, vtpote imperfectam, & inadequatam. Probatur consequentia, quia creatura rationalis est naturaliter determinata ad volendum omne bonum, ex suppositione quòd sibi sit possibile. Sed cognosceret euidenter, etiam in pura natura, cognitionem clarissimam, seu intuitiuam primæ causæ futuram sibi maxime bonam, si fieri posset. Ergo posset illam appetere, sub tali conditione. Recenscantur quæ supra diximus disp. 4. art. 2. Nam valde proderunt ad hanc rem. Aduertatur autem, huiusmodi appetitum vocari velleitatem, cò quia non sit voluntas, seu desiderium efficax, quod ferri non potest;



nisi in obiectum cognitum vt consequibile, adeòque vt absolute possibile, sed solum inefficax.

Probatur de absoluto, potest etiam solo lumine naturali cognosci, vt absolute possibilis visio Dei, vt dictum est. Ergo cum cognoscatur vt bona, potest prudenter desiderari, atque adeo excitare in nobis appetitum elicitum absolutum sui.

Deinde potest naturaliter desiderari absolute felicitas supernaturalis. Sed hæc vel aliud non est formaliter, quam visio Dei, vel saltem illam formaliter includit. Ergo potest naturaliter absolute desiderari visio Dei. Minor patet, quia felicitas supernaturalis debet esse actus perfectissimus, vt probat Angelicus 1. p. q. 62. art. 3. Nullus autem actus potest esse perfectior visione Dei, vt idem probat ibid. & 1. p. q. 56. art. 3. Ergo felicitas supernaturalis, vel est formaliter visio, vel illam formaliter includit. Probatur maior, vnusquisque potest naturaliter desiderare suum vltimum finem, & nihil magis naturaliter appetimus, quam esse beatos. Sed hæc non potest esse felicitas naturalis, nam posita cognitione possibilitatis felicitatis supernaturalis, etiam obtenta felicitate naturali, cor nostrum inquietaretur, eò quia non haberet illud vltimum, & maximum bonum, quod cognosceret, à se haberi posse. Ergo debet esse felicitas supernaturalis.

Obijcies 1. Per Diuum Paulum felicitas supernaturalis non ascendit in cor ho-

minis . Ergo non potest naturaliter appeti .

Distinguo consequens , non potest naturaliter appeti appetitu efficaci , fundato in cognitione perfecta , & propria quoad *quid est* , concedo , eò quia talem cognitionem naturaliter homo habere nō possit : appetitu elicitō inefficaci , fundato in cognitione imperfecta , & quoad *an sit* , quę naturaliter haberi potest , nego consequentiam . Et ita est exponendus Apostolus .

Dices , cognitio summi , & vltimi boni est naturaliter debita creaturę rationali , si sit possibilis in via naturę . Ergo si illa non datur , non est possibilis .

Retorquco argumētū , hac cognitio est possibilis in via naturę , vt probatum est . Ergo est naturaliter debita . Vnde patet , argumentum nobis fauere , quatenus probat , huiusmodi cognitionem non solum esse possibilem , sed esse debitam in via naturę .

Obijcies 2. Naturale desiderium non fertur , nisi in felicitatem naturalem . Hac autem non est visio clara Dei , sed cognitio perfectissima , quę possit naturaliter haberi , seu optima contemplatio , quę Deum ex creaturis cognoscere possimus , vt docet Angelicus 1. p. q. 56. art. 3. ex Philosopho , quem ibi exponit . Ergo non potest naturaliter appeti , etiam inefficaciter , visio clara Dei . Minor est certa . Maior probatur , quia si posset naturale deside-

rium ferri in felicitatem supernaturalem; esset cuiusque creaturæ rationali naturaliter debita ordinatio in talem finem, per media sufficientia, & proportionata. Nihil enim magis pertinet ad providentiam Dei unicuique naturæ debitam, quàm eius ordinatio ad finem sibi connaturalem, per media convenientia. Hoc autem est absurdum in theologia, alioquin possemus naturaliter consequi beatitudinem supernaturalem, cuius oppositum statueretur inferius. Ergo non potest dari naturalis appetitus visionis beatificæ.

Distinguo maiorem, ex suppositione quòd non cognoscatur ut possibilis felicitas maior superioris ordinis, concedo: ex suppositione quòd cognoscatur ut possibilis hæc felicitas, nego maiorem. Et concessa minori, distingo consequens, non potest naturaliter desiderari visio clara Dei, cognita ut possibilis, nego: non cognita ut possibilis, concedo consequentiam. Ratio à priori est, quia cum felicitas debeat excludere omnem anxietatem, & omnino desideriis satisfacere, animum perfectè quietando, non potest habere rationem ultimi finis in ea hypothese, in qua licet habeatur, non satiat, sed relinquit possessorem anxium, & sollicitum circa maius bonum; alioquin illam possidens esset simul felix, & miser; felix ob possessionem beatitudinis quietatiuæ, ut supponitur: & miser ob inquietudinem provenientem ex privatione maioris boni, quod

quod est absurdum. Sed in ea hypothefi, in qua cognoscatur vt possibilis beatitudo supernaturalis, beatitudo naturalis non poffet quietare animum, femper inhiantem bono maiori. Ergo in tali hypothefi felicitas naturalis non haberet rationem vltimi finis, & obiecti adæquati noſtri naturalis defiderij, ſed ſolum inadæquati.

Ad probationem maioris dico, quod quamvis cōcedatur, eſſe homini i naturaliter debitam ordinationem ad beatitudinem ſupernaturalem, non tamen ſequitur illam eſſe naturaliter conſequibilem. Nam ( vt obſeruat Cardinalis Pallauicinus lib. 8. n. 139. ) inter omnes potentias limitatas illæ ſunt perfectiores, quæ habent finem præſtantiffimum, ad cōque non aſſequibilem, niſi auxilio alieno, & liberali. Quod confirmat ex Philoſopho 2. de cœlo relato à Diuo Thoma. 1. p. q. 77. art. 3. ſcilicet quod *inſima ſint quæ indigent multis medijs, in ordine ad minimum bonum: mediocria ſunt quæ ſunt capacia parui boni, ſed parabilis per pauca auxilia: excellentia ſunt quæ indigent multis auxilijs, quia ſunt capacia magni boni*, quibus Diuus Thomas addit quartum gradum, id eſt ens præſtantiffimum, capax ſummū boni poſſidendi per ſe. Quia ergo creatura rationalis eſt in tertio gradu rerum excellentium, ideo ordinatur ad finem non aſſequibilem, niſi auxilio munificentiffimi donatoris.

Et quoniam mentionem fecimus Pallauicini, placet hic in examen vocare duas alias

appetere visionem Dei, tamquam nostrum maximum bonum . Sed naturale desiderium non est ad impossibile, cognitum ut tale, ut probat Aristoteles 2. rhetor. c. 22. Non solum quia impossibile nullam habet bonitatem, & amabilitatem, sed etiam quia esset frustraneum, & inane, quatenus expleri non posset. Ergo debet esse ad aliquod possibile, cognitum ut possibile. Consequentia est euidens. Maior, de qua infra, probatur. Primum ex Diuo Thoma, 1. p. q. 12. art. 1. dicente, *inest autem homini naturale desiderium cognoscendi causam, cum intuetur effectum, & ex hoc admiratio in hominibus consurgit.* Neque potest dici, hic Sanctum Doctorem loqui de desiderio orto ex cognitione fidei; quatenus enim tale, utpote nixum firmissima fide huius veritatis, supponeret ut certissimam possibilitatem visionis Dei, & frustra quaeretur, an feratur ad aliquod possibile. Ergo dicendum est, hic loqui de desiderio, ut orto ex cognitione, & instinctu naturali. Probatur 2. ex 1. met. c. 1. init. ubi dicitur, omnes homines natura scire desiderant. Sed scientia est cognitio rei per causam, ut probauimus in logicis ex 2. poster. Ergo omnes homines desiderant scire rerum causas. Cum ergo inter has non sit procedendum in infinitum, omnes desiderant illam scire, quæ sit omnium prima, & à qua omnes aliæ pendeant; quo enim aliquid est nobilius, eo maius excitat desiderium sui. Cum ergo inter omnes causas pri-

prima sit nobilissima, hanc cognoscere super omnes desideramus. Probatur 3. Omnes naturaliter appetunt videre suum finem, & cum illo coniungi. Sed finis omnium naturalium est Deus. Ergo omnis creatura rationalis naturaliter appetit Deum videre. Vnde oritur inquietudo in omnibus alijs, quæ non sunt Deus, exclamante Augustino, *inquietum est cor nostrum, donec requiescat in te.*

Dices, potest appetitus quiescere sciendo Deum esse. Ergo non est necesse, quod sciat quid Deus sit.

Nego antecedens. Nam cognitio causæ quoad *an est*, habetur per ipsum effectum, absq; alia inquisitione, & ideo non potest quietare intellectum, qui semper contendit scire quid sit prima causa, adeoque habere visionem illius.

Urgebis, potest quietari per visionem abstractivam divinæ essentiæ. Ergo non est necesse, quod feratur ad intuitivam.

Nego antecedens, quia divina essentia non potest videri, nisi clarè. Et ratio est quia omnis visio divinæ essentiæ certificat de eius existentia, & de omnibus alijs prædicatis, per quæ formaliter constituitur in esse, alioquin non esset visio. Ergo est clara, & quidditativa.

Dices demum, potest naturale desiderium ferri in obiectum impossibile, cognitum ut possibile; nam potest aliquis naturaliter desiderare fieri Deum, vel Angelum, ex suppositione quod per errorem

Primo nego maiorem. Et ratio est, quia loquutio ad alterum natura distinctum, debet esse talis explicatio conceptus, ut habeat rationem obiecti respectu audiētis, qui propter authoritatem ipsius loquentis, moueatur ad credendum obiectum talis locutionis. Visio autem creata Dei non est obiectum, quod moueat ad credendum aliquod aliud, propter testimonium ipsius Dei, à quo nō adhibetur ut medium ad aliquid per illam Beato manifestandum, cum sit potius cognitio, seu actus elicitus ab ipso Beato, quo Deum cognoscit immediatè. Ergo non habet rationem signi respectu videntis; adeoq; nō est formaliter loquutio; neque Beati per illam habent fidem, eò quia non credant, sed videant. Deinde nego minorem. Cum enim hæc visio, qua Deus se videt, sit realiter, & formaliter ipsa diuina essentia, non potest hæc clarè cognosci, quin cognoscatur etiam ipsa visio increata. Atque adeo non est obiectum distinctum ab essentia à Deo reuelabile. Vel ergo etiam ipsa essentia esset obiectum tantum liberè reuelabile; vel neque est talis visio increata, saltem ut possibilis, licet ut actu existens possit fortasse esse liberè reuelabilis, sicut dicemus suo loco de resurrectione mortuorum.

Obijcies 2. Si posset naturaliter cognosci possibilitas visionis, doleremus de eius priuatione, sicut dolemus priuatione sanitatis. Nullus autem Gentilium doluit tali

priuatione. Ergo non potest lumine naturali cognosci possibilitas visionis.

Nego maiorem. Neque enim cuiuscumque boni priuatio est dolorifera, sed solum illius, quod apparet debitum, & facile consequibile. Nemo enim dolet priuatione possessionis totius mundi, quamuis hæc naturaliter appareat ut possibilis. Cum ergo visio Dei naturali lumine non appareat ut nobis debita, neque appareat medium ad illam consequendam, vel saltem non appareat medium ad illam facile consequendam, ideo eius priuatio non est dolorifera.

Dices, si aliquis Rex deturbetur à Regno, quamuis illius recuperatio appareat difficilis, immò etiam impossibilis, adhuc eius priuatio esset illi dolorifera. Ergo non ideo hæc priuatio non est dolorifera, quia non apparet medium consequendæ visionis, sed quia hæc non apparet naturaliter ut possibilis.

Nego consequentiã. Disparitas, est quia respectu talis hominis regnum apparet debitum, & necessarium. Visio autem non potest apparere ut debita, eò quia non appareat modus illam consequendi: neque, ut necessaria, quia cum illam numquam experti simus, neque sciamus lumine naturali, illam aliquem consecutum fuisse, non possumus illam cognoscere ut beatitudinem quietatiuam, & ut depulsiuam, cuiuscumque miseriæ, sed solum cognoscimus illam ut magnum bonum, in gene-  
re



re intelligibilium, sicut semper est bonum intellectus plura cognoscere, præsertim obiecta præstantissima, ut est Deus. Superueniente autem lumine supernaturali, quo cognoscatur, vel cleuabilitas ad diuinam adoptionem, vel possibilitas medijs conducentis ad visionem, statim ex eius desiderio vehementi, priuatio redditur dolorifera, ut patet ex regio Psalte, & Vase electionis, quorum primus clamabat, Psal. 119. *Heu mihi, quia incolatus meus prolongatus est! multum incolatusuit anima mea.* & alter ad Philipenses 1. *Coarctor autem e duobus, desiderium habens dissolui, & esse cum Christo, multò magis melius; permanere autem in carne necessarium propter vos.*

## DISPUTATIO V.

De Appetitu Entis supernaturalis.

**V**Idimus usque adhuc, posse naturaliter cognosci ut possibilem, non solum ordinem supernaturalem ut sic, sed ipsam quoque visionem Dei per essentiam. Videndum superest, an possit in nobis dari naturaliter appetitus, tam elicitus, quam innatus alicuius supernaturalis, & in specie ipsius visionis Dei? Ut ergo clariùs procedamus, priùs agemus de elicito, & deinde de innato, utrumque appositè comparando cum ipsa visione, tamquam cum eius obiecto.

## ARTICVLVS I.

An possit naturaliter dari appetitus elicitus tam conditionatus, quam absolutus alicuius supernaturalis?

**C**onclusio est affirmatiua, quoad v-  
trumque. Antequam probè aduerto, no-  
mine appetitus elicitus intelligi illū actum  
prosecutionis, quo creatura intellectiua  
fertur in obiectum, dependenter ab aliqua  
cognitione, qua representetur obiectum,  
vt bonum, adeoque vt appetibile. Hoc au-  
tem potest contingere, vel absolutè, & fun-  
dat appetitum absolutam, vel conditiona-  
tè, si sit possibile, & fundat appetitum con-  
ditionatum. Nomine autem appetitus in-  
nati intelligimus actum prosecutionis po-  
tentia naturalis, quæ fundetur in exigen-  
tia talis obiecti, vt sibi debiti. Atque adeo  
ille non potest esse, nisi in principio intel-  
lectiuo, & libero; hic autem etiam in na-  
turali, & necessario, cuiusmodi sunt appe-  
titus materiae ad formam, ignis ad spha-  
ram, &c.

Probatur de conditionato, quia possum  
appetere vnionem hypostaticam, exempli  
grat. ex suppositione quod illa sit possibi-  
lis, & mihi bona. Cum enim conditio ni-  
hil ponat in esse, nulla est ratio, cur hic  
appetitus sit impossibilis. Immo videmus  
de facto, à multis appeti, amicos mortuos  
ad vitam reuocari, fieri ingeniosiores,  
cæcitate liberari, & alia huiusmodi, quæ  
sunt omninò vel supernaturalia, vel etiam  
impossibilia, sub conditione tamen quod  
fieri possint. Et ideo bene ait Suarius disp.  
30. met. sect. 11. n. 37. *Appetitus elicitus, non  
solum circa naturalia bona, immò si sit om-  
nino inefficax, seu conditionatus, vel per  
sim.*

*simplicem complacentiam, potest interdum circa impossibilia versari.*

Probatur de absoluto, primò quia cum suprà statuerimus, posse etiam lumine naturali cognosci vt possibilem ordinem supernaturalem, & nostra voluntas naturali propensione feratur ad bonum, eò ipso quòd illi repræsentetur, vt absolutè possibile aliquod bonum supernaturale, potest illud absolutè appetere. Quoties enim appetitus fertur in bonum, sub conditione quòd sit possibile, purificata conditione, transit in absolutum.

2. Omnis homo naturaliter appetit absolutè loquendo immortalitatem, & odit mortem. Sed immortalitas hominis est omninò supernaturalis, eò quia homo propter compositionem ex contrarijs, sit intrinsecè corruptibilis. Ergo omnis homo habet appetitum elicitem absolutum alicuius supernaturalis. Minor, & consequentia sunt evidentes. Maior patet ex Augustino lib. 4. con. Julian, c. 3. dicente *neque enim omnes homines naturali instinctu immortales, & beati esse vellemus, nisi esse possemus.*

Dices, hic appetitus est allatiuus spei. Non potest autem dari naturaliter spes rerum supernaturalium. Ergo neque hic appetitus.

Distinguo maiorem, est allatiuus spei naturalis, concedo: spei supernaturalis, nego. Et distinct a eodem modo minori, nego consequentiam. Cum enim spes su-

pernaturalis non confundat (vt ait Diuus Paulus) non potest fundari in aliquo tantum probabili, & non certo, sicut est spes naturalis, quæ versatur circa obiectum vtrumque possibile, & consequibile. Quamuis ergo naturaliter non appareat certò, & infallibiliter modus consequendi hæc supernaturalia, quibus expleatur noster appetitus, adeoque non possint esse obiectum spei theologicæ, possunt tamen vtraherque appetita, & cognita, esse obiectum spei naturalis.

## ARTICVLVS II.

*An possit naturæ viribus excitari in nobis appetitus elicitus visionis Dei, tam conditionatus, quam absolutus?*

**C**onclusio est affirmatiua quoad vtrâque partem. De conditionato ita loquitur Suarez disp. 30. met. sect. 11. n. 27. *Si loquimur intra naturæ limites, nulla facta reuelatione de superiori felicitate, tunc homo, vel Angelus naturaliter contemplan-  
Deum ex effectibus, & suam cognitionem imperfectam esse cognoscens, excitari posset ad velleitatem aliquam, seu desiderium conditionatum videndi Deum, si fieri posset. Et Durandus in 4. d. 49. q. 8. n. 17. Si verò loquamur de voluntate pro statu vitæ, sic distinguendum est de beatitudine, quia hæc potest accipi vel in speciali pro eo, in quo consistit, sicut visio diuina, vel secundum communem, & generalem rationem beatitudinis ut  
sic.*

*fic, &c. In beatitudinem ergo, quamvis cognitionem secundum propriam rationem, potest ferri voluntas viatoris, volendo eam, vel nō volendo &c.*

Probat, si attendamus puras vires naturæ, posset creatura rationalis euidenter cognoscere, à se imperfectè, & solum abstractiuè cognosci primam causam in effectibus. Cum ergo omnis creatura rationalis naturaliter scire desideret, posset ex tali cognitione excitari ad desiderandam cognitionem clarissimam primæ causæ, saltem sub conditione, si talis cognitio sit possibilis. Probat, antecedens, quia ex vna parte euidenter cognosceret, causam esse multò nobiliorem effectū; & ex alia, excessum perfectionis ipsius in nullo effectū cognosceret. Ergo euidenter cognosceret, suam cognitionē esse confusam, & abstractiuam, vtpote imperfectam, & inadequatam. Probat, consequentia, quia creatura rationalis est naturaliter determinata ad volendum omne bonum, ex suppositione quòd sibi sit possibile. Sed cognosceret euidenter, etiam in pura natura, cognitionem clarissimam, seu intuitiuam primæ causæ futuram sibi maximè bonam, si fieri posset. Ergo posset illam appetere, sub tali conditione. Recenscantur quæ supra diximus disp. 4. art. 2. Nam valde prouident ad hanc rem. Aduertatur autem, huiusmodi appetitum vocari velleitatem, cō quia non sit voluntas, seu desiderium efficax, quod ferri non potest;

nisi in obiectum cognitum vt consequibile, adeoque vt absolute possibile, sed solum inefficax.

Probat de absoluto, potest etiam solo lumine naturali cognosci, vt absolute possibilis visio Dei, vt dictum est. Ergo cum cognoscatur vt bona, potest prudenter desiderari, atque adeo excitare in nobis appetitum elicited absolute sui.

Deinde potest naturaliter desiderari absolute felicitas supernaturalis. Sed hac vel aliud non est formaliter, quam visio Dei, vel saltem illam formaliter includit. Ergo potest naturaliter absolute desiderari visio Dei. Minor patet, quia felicitas supernaturalis debet esse actus perfectissimus, vt probat Angelicus 1. p. q. 62. art. 3. Nullus autem actus potest esse perfectior visione Dei, vt idem probat ibid. & 1. p. q. 56. art. 3. Ergo felicitas supernaturalis, vel est formaliter visio, vel illam formaliter includit. Probat maior, vnusquisque potest naturaliter desiderare suum vltimum finem, & nihil magis naturaliter appetimus, quam esse beatos. Sed hac non potest esse felicitas naturalis, nam posita cognitione possibilitatis felicitatis supernaturalis, etiam obtenta felicitate naturali, cor nostrum inquietaretur, eo quia non haberet illud vltimum, & maximum bonum, quod cognosceret, a se haberi posse. Ergo debet esse felicitas supernaturalis.

Obijcies 1. Per Diuum Paulum felicitas supernaturalis non ascendit in cor ho-

minis . Ergo non potest naturaliter appeti .

Distinguo consequens , non potest naturaliter appeti appetitu efficaci , fundato in cognitione perfecta , & propria quoad *quid est* , concedo , eò quia talem cognitionem naturaliter homo habere nō possit : appetitu elicitō inefficaci , fundato in cognitione imperfecta , & quoad *an sit* , quæ naturaliter haberi potest , nego consequentiam . Et ita est exponendus Apostolus .

Dices , cognitio summi , & ultimi boni est naturaliter debita creaturæ rationali , si sit possibilis in via naturæ . Ergo si illa non datur , non est possibilis .

Retorquero argumētū , hæc cognitio est possibilis in via naturæ , ut probatum est . Ergo est naturaliter debita . Unde patet , argumentum nobis favere , quatenus probat , huiusmodi cognitionem non solum esse possibilem , sed esse debitam in via naturæ .

Obijcies 2. Naturale desiderium non fertur , nisi in felicitatem naturalem . Hæc autem non est visio clara Dei , sed cognitio perfectissima , quæ possit naturaliter haberi , seu optima contemplatio , qua Deum ex creaturis cognoscere possimus , ut docet Angelicus 1. p. q. 56. art. 3. ex Philosopho , quem ibi exponit . Ergo non potest naturaliter appeti , etiam inefficaciter , visio clara Dei . Minor est certa . Maior probatur , quia si posset naturale deside-

rium ferri in felicitatem supenaturalem; esset cuicumque creaturæ rationali naturaliter debita ordinatio in talem finem, per media sufficientia, & proportionata. Nihil enim magis pertinet ad providentiam Dei unicuique naturæ debitam, quàm eius ordinatio ad finem sibi connaturalem, per media convenientia. Hoc autem est absurdum in theologia, alioquin possemus naturaliter consequi beatitudinem supernaturalem, cuius oppositum statuetur inferius. Ergo non potest dari naturalis appetitus visionis beatificæ.

Distinguo maiorē, ex suppositione quod non cognoscatur ut possibilis felicitas maior superioris ordinis, concedo: ex suppositione quod cognoscatur ut possibilis hæc felicitas, nego maiorem. Et concessa minori, distingo consequens, non potest naturaliter desiderari visio clara Dei, cognita ut possibilis, nego: non cognita ut possibilis, concedo consequentiam. Ratio à priori est, quia cum felicitas debeat excludere omnem anxietatem, & omnino desideriis satisfacere, animum perfectè quietando, non potest habere rationem ultimi finis in ea hypothefi, in qua licet habeatur, non satiat, sed relinquit possessorem anxium, & sollicitum circa maius bonum; alioquin illam possidens esset simul felix, & miser; felix ob possessionem beatitudinis quietatiuæ, ut supponitur: & miser ob inquietudinem proueniētem ex priuatione maioris boni, quod



quod est absurdum. Sed in ea hypothefi, in qua cognoscatur vt possibilis beatitudo supernaturalis, beatitudo naturalis non posset quietare animum, semper inhiantem bono maiori. Ergo in tali hypothefi felicitas naturalis non haberet rationem vltimi finis, & obiecti adæquati nostri naturalis desiderij, sed solum inadæquati.

Ad probationem maioris dico, quod quamuis cōcedatur, esse homini i naturaliter debitam ordinationem ad beatitudinem supernaturalem, non tamen sequitur illam esse naturaliter consequibilem. Nam ( vt obseruat Cardinalis Pallauicinus lib. 8. n. 139. ) inter omnes potentias limitatas illæ sunt perfectiores, quæ habent finem præstantissimum, adeoque non assequibilem, nisi auxilio alieno, & liberali. Quod confirmat ex Philosopho 2. de cœlo relato à Diuo Thoma. 1. p. q. 77. art. 3. scilicet quod *infima sint quæ indigent multis medijs, in ordine ad minimum bonum: mediocria sunt quæ sunt capacia parui boni, sed parabilis per pauca auxilia: excellentia sunt quæ indigent multis auxilijs, quia sunt capacia magni boni*, quibus Diuus Thomas addit quartum gradum, id est ens præstantissimum, capax summū boni possidendi per se. Quia ergo creatura rationalis est in tertio gradu rerum excellentium, ideo ordinatur ad finem non assequibilem, nisi auxilio munificentissimi donatoris.

Et quoniam mentionem fecimus Pallauicini, placet hic in examen vocare duas alias

alias rationes, quibus contendit prosequi  
 responfionem. Prima ducitur ex compa-  
 ratione intellectus cum potentijs fenfiti-  
 uis, quas ait non esse per se expeditas ad  
 quascumq; operationes nobilissimas, quas  
 possint facere; sicut enim oculus multis  
 alienis indiget, vt videat pulchram pi-  
 cturam, & auris audiat suaues musicas; ita  
 & intellectus vt eliciat visionem Dei.

Altera fundatur exemplo duorum ho-  
 minum, vilis, & nobilis, quorum primum  
 facit indigum decem millium aureorum,  
 & secundum solius diplomatis regij, ad  
 obtinendam felicitatem. Ait enim, primum  
 à pluribus, & vilioribus posse consequi  
 suam quietem, cum omnis mercator possit  
 si velit, illi nummos donare; nihilominus  
 tamen ait, esse multò probabilius, nobilem  
 obtenturum à Rege optatum diploma,  
 quàm vilem nummos à diuitibus. Hinc in-  
 fert, etiam multas potentias fenfitiuas non  
 posse obtinere suam excellentem perfe-  
 ctionem, per actus nobilissimos, nisi con-  
 iugantur cum tali indiuiduo, ratione,  
 cuius ab alijs adiuentur, quod rarissimè  
 fit, & in plerisque non fit. Contra vero in-  
 tellectus non potest consequi suam feli-  
 citatem, nisi per auxilia supernaturalia,  
 quæ tamen facillimè consequitur, & sem-  
 per quando vult.

Sed vt verum fatear, vtraque hæc ratio  
 nihili valet; non prima, quia licet multa  
 sint necessaria, vt fiant, vel disponantur  
 hæc obiecta, non tamen sunt necessaria, vt

videantur, vel audiantur, polito quod sint, & debite applicentur his potentijs, sicut essentia diuina, quæ semper est, & est debite applicata ipsi creato intellectui per intimam sui præsentiam.

Neque secunda, quia quidquid sit de moralibus, certè comparatio facta est inter indigentiam moralem talium hominum, & causas liberas, videlicet mercatorem, & Regem. Potentiæ autem sensitivæ non possunt sperare suam excellentem perfectionem à causis moralibus, sed solum à naturalibus, & physicis. Neque enim oculus, exempli gratia, indiget alio, quàm concursu obiectiuo coloris, & auris concursu obiectiuo soni &c. Color autem & sonus sunt causæ naturales, quæ si existant, non possunt non taliter concurrere. Neque obstat, quod possit non existere talis sonus, qui libere fit à musico, vel talis color libere factus a pictore. Nam neque oculus desiderat, vt fiat ille color, neque auris, vt fiat sonus, cum vtraque hæc potentia sit intrinsecè determinata, quælibet ad suum obiectum iam existens, vt existens, & debite applicatum. Alioquin si desiderarent vt fiat obiectum, iam ferrentur etiam circa absentia, cuiusmodi sunt possibilis, sicut facit intellectus, quod est falsum.

A R T I C V L V S III.

*An possit viribus nature dari in nobis appetitus innatus alius supernaturalis?*

**C**onclusio est affirmativa, loquendo de inefficaci.

Pro-

Probatur, de facto anima separata naturaliter appetit, reuniri suo corpori, vt expressè fatetur Angelicus 1. p. q. 76. art. 1. in resp. ad 6. his verbis *anima humana cum fuerit à corpore separata, habet aptitudinem & inclinationem naturalem ad corporis unionem.* Et Conimb. tract. de an. sep. disp. 2. art. 3. aiunt, *affirmandum omnino est animam separatam actu etiam elicitò desiderare naturaliter resurrectionem.* Vbi aduertatur ly *etiam*, quod supponit desiderium, seu appetitum innatum, vt condistinctum ab elicitò, quidquid in contrarium dixerit Scotus in 4. d. 43. q. 3. ar. 3. & d. 45. q. 2. cuius fundamenta solo prostrantur à Conimb. loco citato. Sed hæc reunio est intrinsecè supernaturalis. Ergo appetit naturaliter, & innatè aliquod int. insecè supernaturale. Probatur maior, quia anima rationalis vt actus primus corporis exigit essentialiter illud informare, vt compleatur per unionem cum illo; & ideo est in statu violento, dum est ab illo separata. Sicut ergo ignis exigit naturaliter calefacere, ita & anima cum corpore reuniri. Probatur minor, quia reunio animæ cum corpore est formaliter mortui resuscitatio. Sed hæc censetur ab omnibus supernaturalis, & miraculosa, iuxta illud in prædicam. c. de oppos. *à priuatione ad habitum non datur regressus.* Et ideo tamquam miraculum irrefragabile superans vires totius creati, & creabilis, probat sanctitatem in causa canonizationis. Ergo reunio animæ cum

cor-

corpore est intrinsecè supernaturalis.

Obijcies 1. Ad talem separationem anima non contrahitur. Ergo nullam patitur violentiam. Probatur antecedens, sicut anima non concurrit ad sui vnionem, cum corpore, ita nec resistit separationi. Atque adeo cum non sit in statu violento, dum est à corpore separata, non appetit cum illo reuniri.

Nego antecedens. Ad cuius probationem dico, animam non concurrere ad primam sui vnionem cum corpore, quia ad illam non præexistit, sed creatur vnita. Cæterum cum sit illi bonum connaturale vniri cum corpore, est illi malum ab eo separari. Cum ergo malum impediens statum connaturalem excitet resistentiam in passo, absque dubio anima resistit separationi; cuius ingens argumentum præbèt dolor illam concomitans, terror, & horror. Et ideo passim mors vocatur terribilissima, quod non esset, si anima non resisteret.

2. Si anima separata esset in statu violento, non posset esse perfectè beata. Consequens est absurdum, quia Sancti, quorum reliquias veneramur in terris, ante diem finalis iudicii, non essent beati. Ergo & antecedens.

Distinguo maiorem, non esset perfectè beata quoad beatitudinem essentialem, nego: quoad accidentalem, concedo maiorem. Et distincta eodem modo minori, videlicet esse absurdum dicere, animam  
Deum

Deum videntes non habere beatitudinem essentialem, nego consequentiam. Quod autem resumptio corporum compleat, saltem integraliter, beatitudinem accidentalem, est in confesso apud omnes theologos, & nos probabimus in loco. Sicut enim corporum resumptio augebit accidentaliter poenam damnatorum, ut per eadem, per quæ peccauerint, puniantur; ita augebit Sanctorum beatitudinem, ut per eadem, per quæ meruerint, præmientur.

3. Anima separata exigit vnionem cum corpore, non autem reunionem. Vnio autem est naturalis. Ergo non exigit aliquid supernaturale.

Nego maiorem. Siquidem in statu separationis, exigit vnionem, ut reparatiuam suæ violentiæ. Non esset autem reparatiua, nisi esset formaliter reunio. Ergo exigit illam ut reunionem formalier.

4. Reunio dicit entitatem vnionis naturalis, & præterea modum illum, quo specificatur in esse reunionem formaliter, qui est supernaturalis. Anima verò exigit, seu appetit entitatem vnionis, non verò modum. Ergo non appetit aliquid supernaturale.

Distinguo minorem, anima ut separata appetit solam entitatem, & non modum vnionis, nego: anima ut primò vnibilis, concedo, Si tamen verè detur hic appetitus, propter rationem allatam in responsione primi. Per hoc enim distinguitur appetitus animæ ut primò vnibilis, ab appe-

petitu animæ vt reunibilis, quòd ille feratur solum in entitatem vnionis, & hic in entitatem, & modum. Alioquin esset idem formaliter appetitus; quo anima prosequeretur primam vnionem, atque ille quo prosequeretur secundam, quod est omnino falsum. Atque adeo primus appetitus terminatur ad aliquod naturale, & secundus ad supernaturale.

5. Reunio, vt reunio importat formaliter cognitionem status superioris, & necessitatis talis reunionis. Ergo non potest esse obiectum appetitus innati.

Distinguo antecedens, importat hanc cognitionem in ipso appetente, ita vt se habeat de formali ad ipsum appetitum, nego: in illum dirigente, ita vt se habeat veluti de materiali, & per accidens ad appetitum, concedo antecedens, & nego consequentiam. Pro intelligentia notandum est ex 2. phys. Omne agens agere, propter finem, non tamen omne agens cognoscere suum finem. Siquidem quando lapis mouetur deorsum, vtique agit propter centrum, non tamen cognoscit centrum, ad quod potius impellitur per inditam sibi grauitatem ab authore naturæ, quàm sponte se moueat. Quod idem dico de materia formam appetente, quam non cognoscit, cum satis illi sit, quòd cognoscatur ab authore naturæ, à quo ad illam impellitur per inditam potentiam passiuam illam recipiendi. Et ideo huiusmodi agentia dicuntur potius agi, quàm agere.

agere, quia nesciunt quid faciunt. Hoc posito, possumus considerare animam ut formam corporis organici; & ut principium rationalitatis in homine. Primo modo habet inditum a natura appetere suum correlativum, cum quo uniatur, appetitu innato, eo modo quo forma ignis appetit suum. Sicut ergo si consideraretur forma ignis ut separata a materia, sicut de facto conservatur in Euchar. accidentia sine subiecto, naturaliter appeteret reunionem cum illa, appetitu innato, ut conceditur accidentibus eucharisticis; ita & anima rationalis. Cum hoc tamen discrimine, quod forma ignis solo appetitu innato ferretur in materiam. Anima verò quia potest etiam considerari secundo modo, non solum fertur in materiam appetitu innato ut forma informans, sed etiam elicitur ut est rationalis, quia ut talis cognoscit bonum reunionis; atque adeo tali cognitione determinatur ad illam volendam, & appetendam.

6. Si anima innatè exigeret reunionem cum corpore in statu separationis, posset naturaliter cognosci resurrectio mortuorum. Consequens est falsum, clamantibus Patribus, & scripturis, illam esse articulum fidei, quam ethnici philosophi deridebant ut impossibilem. Ergo non potest anima naturaliter appetere reunionem cum corpore.

8. Nullum esse absurdum admittere, quod hæc resurrectio sit naturaliter cognoscibilis, quoad eius possibilitatem, cum sit



fit solum articulus fidei ut certò futura, si-  
cut statuimus suo loco.

7. Nullum violentum potest esse perpe-  
tuum, ut patet ex 2. de cælo t. 17. Ergo si  
anima separata sit in statu violento, & na-  
turaliter cognoscatur ut possibilis eius re-  
unio cum corpore, debet etiam naturali-  
ter cognosci ut aliquando futura, in reme-  
dium talis violentiæ.

Distinguo consequens, debet cognoscẽ  
ut futura certò, & determinatè, nego:  
probabiliter, & disiunctivè, transeat con-  
sequentia. Per hoc enim quòd anima sepa-  
rata sit in statu violento, & hic diu non  
duret, aliud non sequitur, nisi quòd  
talis status cognoscatur ut non per-  
petuus. Cæterum an hæc violentia sit au-  
ferenda per anastasin, an verò per palin-  
genesiam, an alio modo, hoc prorsus est  
incertum in via naturæ. Et ideo veteres  
philosophi in errores turpissimos incide-  
runt, eo modo quo errarunt circa statum  
immortalitatis, & beatitudinis. Cum enim  
ex vna parte cognoscerent, animam esse,  
intrinsecè immortalem, & bonis operibus  
esse debita præmia immortalia; & ex alia  
non haberent claram, & distinctam noti-  
tiam beatitudinis, ideo quid dicerent  
ignorabant. Nullum autem est absurdum,  
quòd subobscurè, & ænigmatice veteres  
philosophi cognouerint futuram resurre-  
ctionem disiunctivè, idest vel illam, vel  
aliud remedium talis violentiæ.

8. Non potest naturaliter appeti, nisi  
quod

quod est naturaliter possibile. Ergo si hæc reunio non sit naturaliter possibilis, neque potest naturaliter appeti.

Nego antecedens, Nam præter ea, quæ diximus, in sententia satis probabili, & ferè communi, materia prima appetit formas corruptas, & cæcus visum, quamvis talis appetitus naturaliter expleri non possit. Sufficit ergo ad naturalem appetitum, quod obiectum ex vna parte non cognoscatur ut repugnans, & ex alia quod cognoscatur ut absolutè bonum appetenti, & ut simpliciter possibile.

#### ARTICVLVS IV.

*An possit naturaliter admitti appetitus innatus inefficax visionis Dei per essentiam?*

**P**Artem negatiuam amplexati sunt communiter Thomistæ cum Caiet. 1. d. q. 1. art. 1. Ferrar. 3. con. Gen. c. 51. Medina 1. 2. q. 3. art. 5. concl. 4. Conrad. 1. 2. q. 5. art. 8. cum infinitis alijs relatis ab Æg. Lusit. in appendice tom. tertij q. 3. art. 4. §. 1. initio, quos ipse sequitur §. 4. Eorum fundamenta reiicientur art. sequenti.

Contra verò partem affirmatiuam sequuntur Scotus prolog. q. 1. & in 4. d. 49. q. 10. art. 1. Bassol. ib. q. 6. art. 2. Sotus ibid. q. 2. conc. 1. Valentia to. 2. disp. 1. q. 5. pun. 1. Palud. q. 7. art. 1. Alensis in prol. q. 1. Maior. in 1. d. 1. q. 8. Henric. in sum. art. 3. q. 4. Immo Durandus in 4. d. 49. q. 8. n. 8.

videtur admittere etiam appetitum innatum efficacem. Ait enim, omnes homines de necessitate, & summè appetere beatitudinem appetitu naturali; unde infero quòd taliter appetant visionem Dei, vel vt ipsam beatitudinem, vel vt eius constitutum.

Probat *de necessitate*, quia quælibet res imperfecta nata perfici per aliam, naturaliter ex necessitate appetit illam, per quam formaliter perficiatur, eò quia quodlibet imperfectum naturaliter appetit suam perfectionem. Et ratio est, quia naturalis appetitus nihil est aliud, quàm naturalis inclinatio imperfecti ad suam perfectionem.

Probat *de summè*, quia in cuius potestate non est agere, in eius potestate non est remissè agere, sed sicut agit necessariò, ita agit necessariò toto conatu. Sed natura humana quātū ad appetitū naturālē, nō habet in sua potestate appetere, vel nō appetere. Ergo neq; est in eius potestate remissè appetere, sed necessariò summè appetit.

Conclusio, *potest in creatura rationali naturaliter admitti appetitus innatus, non quidē efficax, sed ineficax visionis Dei.*

Probatur pars negatiua de efficaci contra Durandum, primò retorquendo eius rationem, non est in potestate caloris vt tria calefacere, vel non calefacere, & tamen non necessariò summè calefacit, immò necessariò non calefacit summè. Quod idem dico de luce, in ordine ad illuminationem, & de frigore in ordine ad frigectionem. Ergo quamuis non sit in potestate

state creaturæ rationalis non appetere visionem, non tamen necessàriò summè appetit, quia non appetit efficaciter. Et ratio est, quia appetitus innatus sequitur conditionem naturalem appetentis. Ergo quia conditio naturalis caloris ut tria non extenditur ad ulteriorem calorem, neque potest determinare subiectum ad appetendam efficaciter summam calefactionem. Ita etiam quia creaturæ rationalis conditio in via naturæ, non extenditur ad illa auxilia, sine quibus non potest elici visio Dei, ideo non potest illam determinare ad appetitum efficacem illius. Probatur consequentia, quia appetitus efficax innatus non potest esse nisi ad ea, quæ sint consequibilia, iuxta suam naturalem conditionem ab appetente. Cum ergo visio Dei non sit consequibilis à creatura rationali, per vires suæ naturali conditioni proportionatas, neque potest in illa excitare desiderium efficax sui. Aliter vel hic appetitus esset inexplibilis, quod repugnat in via naturæ, vel in tali via possent parari media efficaciter conducentia ad visionem Dei, quod est absurdum in theologia.

Probatur pars affirmatiua de inefficaci, Primò cum Scoto in 4. d. 49. q. 8. quia omnis potentia naturaliter appetit appetitu innato elicere actum perfectissimum, & habere coniunctionem maximam cum suo obiecto. Ergo etiam intellectus, cum in hoc non debeat esse deterioris conditionis, præsertim cum sit potentia omnium  
nium

nium nobilissima. Sed inter obiecta intellectus summum est Deus, qui essentialiter est veritas, & omnia alia sunt vera per participationem cum illo. Ergo intellectus ut potentia est, naturaliter appetit appetitu innato, coniunctionem maximam cum Deo, tamquam cum obiecto nobilissimo. Sed coniunctio maior non potest esse in genere intelligibili, quam visio. Ergo intellectus naturaliter appetit innatè visionem Dei, tamquam actum perfectissimum; & nobilissimum. Maior patet inductione, quia oculus appetit innatè visionem perfectissimam circa colorem pulcherimum, auris auditionem perfectissimam circa sonum suavissimum, voluntas bonum optimum, & sic de singulis alijs. Et ideo donec eliciant tales actus, anxiantur, & inquietantur, iuxta illud, *nec satiatur oculus visu, nec auris auditu &c.*

2. Cuilibet potentiae cognoscitivae est naturaliter inditus appetitus, cognoscendi clarè quodcumque obiectum praestantissimum, cognitum ut possibile; & ideo videmus experientia, quod si aliquis proponat quodcumque obiectum praestantissimum, in quocunque genere, statim excitatur in nobis vehemens desiderium, illud clarè attingendi per eam potentiam, cuius est obiectum. Sed intellectus naturaliter cognoscit, esse possibilem visionem Dei, & hanc esse aliquid nobilissimum in genere intelligibili. Ergo naturaliter habet appetitum innatum illius.

3. Appetitus innatus vel est formaliter potentia naturalis, siue actiua, siue passiva, vel illam semper necessario concomitatur, vt docet Philosophus 9. met. c. 1. & 3. de an. c. 5. & ideo dicitur, materia appetere formas, & lapis ire ad centrum. Sed intellectus creatus habet potetiam naturalem, saltem remotam, ad visionem Dei. Ergo si illam cognoscat vt possibilem, necessario illam innatè appetit.

Quod si hinc inferas, ergo etiam appetit vnionem hypostaticam, & visionem claram Trinitatis; Nego consequentiam, quia hæ neque naturaliter cognoscuntur vt possibles, neque possunt cognosci. Atque adeo ad summum possent esse obiectum appetitus eliciti conditionati, si sint possibles. Disparitas est, quia appetitus innatus (quem Suarez disp. 30. met. sect. 1. n. 32. appellat pondus naturæ) est omnino naturalis, idest necessarius, & fundatus in potentia, & exigentia naturali, adeoque non potest ferri, nisi ad id, quod naturaliter cognoscatur vt possibile, & expletivum illius. Appetitus autem elicitus quia fundatur in potentia indifferenti, nec datur nisi in agente libero, est potius motus voluntarius, & liber, quam naturalis. Potest ergo ferri prò arbitrato ad totum id, quod non appareat euidenter vt impossibile. Cum ergo Trinitas, vnio hypostatica, & alia id genus neque appareant, neque possint naturaliter apparere vt impossibilia, ideo possunt esse obiectum huius  
 appe-

etitus, & non alterius, ad quem requiritur, quòd obiectum appareat positivè ut possibile.

Dices, neque visio Dei apparet naturaliter ut possibilis per vires naturæ, & tamen potest esse obiectum appetitus innati. Ergo hoc non requiritur.

Nego consequentiam. Quamvis enim visio Dei non appareat ut naturaliter possibilis, apparet tamen naturaliter ut possibilis supernaturaliter, sub conceptu proprio, & clarè, quod non verificatur de trinitate, & Incarnatione, quas probavi in disp. met. solum posse naturaliter cognosci abstractivè, & confusè.

4. Potentia naturalis habet appetitum innatum ad omne actum, quo possit perici. Sed visio Dei, ut est beatitudo supernaturalis in particulari, est actus perfectius potentia intellectiva. Ergo appetitur innatè ab illa. Maior probatur, quia si aliqua potentia posset nō appetere innatè suū actum perfectiorem, non esset natura, quod destruit hypothefim.

Confirmatur, quia omne perfectibile habet naturalem appetitum, & propensionem ad suam intrinsecam perfectionem. Sed visio Dei est perfectio intellectus. Ergo si hæc appetit beatitudinem in communi, ut perfectiorem sui, multò magis appetit visionem, ut beatitudinem in particulari, quæ est magis perfectiva.

Probatur 5. In tantum materia appetit innatè omnes formas, in quantum in nul-

la plenè satiatur . Sed etiam noster appetitus beatitudinis in nullo satiatur plenè , quod non sit visio Dei . Ergo appetit innatè etiam visionem , immò illa sola satiatur . Probatur consequentia , quia hic appetitus vel est violentus , vel naturalis , vel neuter . Sed neque est violentus , neque neuter . Ergo est naturalis .

6. Omnia naturalia appetunt aliquod , tamquam finem vltimum , in quo quiescant . Sed in nulla re , possumus quiescere , nisi in visione Dei . Ergo illam innatè appetimus , tamquam vltimum finem quietatiuum .

Dices , si non haberemus cognitionem maioris boni , quiesceremus in beatitudine naturali . Ergo hæc inquietudo non est naturalis , sed supernaturalis .

Nego consequentiã , ex falso supposito , quòd cognitio possibilitatis visionis , unde prouenit inquietudo in beatitudine naturali , sit supernaturalis , cum supra oppositum statutum sit .

7. Necessariò appetimus elicite , saltem necessitate contrarietatis , visionem Dei , ex suppositione quòd illam vt possibilem cognoscamus , & vt nostram felicitatem . Sed hæc necessitas non potest haberi adæquatè ex cognitione visionis . Ergo debet etiam prouenire ex appetitu innato , determinante potentiam ad appetitum elicitum visionis , tamquam suæ beatitudinis . Ergo appetitus elicitus præsupponit innatum , in quo fundatur .

8. Intellectus eodem modo fertur ad  
for-



Formas intelligibiles, sicut materia ad formas reales. Sed hæc fertur etiam ad eas quæ non sunt naturaliter consequibiles, ut sunt formæ Adami, & Eux, quæ non sunt introductæ modo naturali, & ad formas corruptas, quæ non possunt naturaliter reparari. Ergo etiam intellectus ad formas intelligibiles, naturaliter non consequibiles.

ARTICVLVS V.

*Soluuntur fundamenta contraria.*

**O**bjicies 1. Appetitus naturalis innatus est in nobis, & essentialiter propensio ad perfectionem, orta ex intrinsicis principijs illius, & data à Deo ut authore naturæ. Sed Deus ut author naturæ, non dedit nobis propensionem intrinsicam ad visionem sui. Ergo neque dedit appetitum innatum. Maior patet ex definitione. Minor probatur, quia potuit Deus nos non ordinare ad visionem sui. In tali casu, si haberemus hunc appetitum, natura nostra esset naturaliter imperfecta, quia appeteret aliquid, quod nullatenus posset consequi. Ergo cum author naturæ non possit facere aliquid in sua ratione imperfectum, non potuit nobis indere hunc appetitum, de sua ratione frustrabilem.

Nego minorem. Ad cuius probationem dico, quod etiam potuisset Deus vnum solum hominem condere, & tamen omnibus indidit appetitum innatum ad com-

mercium amicorum, ad quem sufficit eorum possibilitas. Ita dico, quòd in illa hypotesi, in qua Deus non ordinasset hominem ad finem supernaturalem, adhuc hic finis esset simpliciter possibilis, & appetibilis; adeoque posset excitare, & terminare nostrum appetitum innatum, qui semper remaneret nobis utilis, & necessarius, quatenus diceret potentiam, & capacitatem eleuabilitatis ad talem ordinem, sine qua non posset Deus nos eleuare. Neque obstat, quòd posset in ea hypotesi in omnibus frustrari, nam etiam frustratur in omnibus eleuabilitas, seu potentia obediencialis actiua ad producendum quodlibet, nec tamen illa est simpliciter superflua, quia facit, vt omnia possint obedire voci Dei. Ita esset in tali casu appetitus innatus ad visionem.

2. Appetitus innatus naturalis, non solum dicit capacitatem obiecti appetibilis, sed etiam ordinem ad agens naturale, per quod possit expleri. Cum ergo nullum agens naturale possit explere appetitum visionis Dei, ille non est naturalis, sed obediencialis, aliter natura deficeret in necessarijs.

Nego antecedens. Nam anima separata habet appetitum innatum ad reunionem cum corpore, cæcus ad visum, & materia ad formam corruptam, quæ à nullo agente naturali præstari possunt. Quamuis ergo importet in suo conceptu formali aliquem ordinem ad agens, illud agens non respici-

respicitur vt naturale, sed vt agens potens hoc obiectum præstare. Et ratio à priori est, quia hic appetitus non fertur in obiectum, vt bonum naturale, sed vt simpliciter bonum appetentis. Cum ergo possit esse bonum appetentis, etiam illud, quod solum supernaturaliter præstari potest, ideo potest etiam ad illud ferri.

Dices, debet contradistingui appetitus naturalis ab obedientiali. Non nisi quia, ille fertur in bonum naturaliter consequibile, & hic ad bonum supernaturaliter consequibile. Ergo &c.

Distinguo maiorem, debent contradistingui intrinsecè, & essentialiter, nego: extrinsecè, & accidentaliter, concedo. Et concessa minori, distingo consequens, appetitus naturalis debet essentialiter, & per se respicere agens naturale, vt est formaliter naturale, nego: debet illud respicere accidentaliter, & per accidens, & subdistinguo, debet illud respicere vt est formaliter appetitus naturalis, nego: vt est naturalis terminatiuè, concedo consequentiam. Explico distinctionem, ille idem appetitus, qui est intrinsecè naturalis, est etiam intrinsecè obedientialis, qui duo non essentialiter distinguuntur, sed solum accidentaliter, & per denominationem extrinsecam. Sicut enim eadem visio Lazzari, si consideretur vt facta ante resurrectionem, dicitur naturalis, & prout dicit ordinem ad talem resurrectionem, dicitur supernaturalis, per solam variationem ac-

cidentalē, & extrinsecam talis circumstantiæ, quæ per accidens se habet ad constitutionem intrinsecam visionis, seu principij proximi illius. Ita eadem potentia intellectiua, vt relata ad terminum naturaliter possibilem, dicitur naturaliter illum appetere, & prout relata ad terminum supernaturaliter possibilem, dicitur obedientialiter illum appetere, non quia fundet diuersum essentialiter respectum, sed solum diuersum accidentaliter.

Vrgebis, hic appetitus specificatur in esse intrinsecè naturalem, per ordinem ad causam naturalem. Ergo per diuersam huiusmodi habitudinē variatur essentialiter.

Nego antecedens. Et ratio est, quòd aliquod sit essentialiter naturale, non potest haberi formaliter per aliquod accidentale; aliòquin posset transire de esse essentialiter tali, ad nō esse essentialiter tale, quod est absurdum. Cum ergo sit aliquod accidentale, quòd hic terminus possit, vel non possit naturaliter fieri; ideo hoc non potest essentialiter specificare talem appetitum. Illud ergo per quod essentialiter specificatur, est solus ordo intrinsecus ad causam, ex qua derivat, ita vt ille appetitus sit intrinsecè naturalis, qui naturaliter inditur, & ille sit supernaturalis, qui solum inditur supernaturaliter. Quòd autē deinde terminus, ad quē refertur, sit possibilis naturaliter, vel supernaturaliter, hoc se habet per accidens ad eius naturalitatem. Reuoco in memoriam exemplum potentie

riæ visuæ, quia optimè quadrat ad rem præsentem; semper .n. naturaliter appetit videre, siue visio sit illi naturaliter possibilis, siue solum supernaturaliter, ex circumstantia corruptionis potentia proxima, siue organi visui, quia talis appetitus semper fuit naturaliter inditus. Præterquamquod appetitus potest considerari vt existens in appetente, & vt explebilis. Si consideretur vt existens, est omnino naturalis; si verò vt explebilis; est supernaturalis, quia eius explebilitas dicit essentialem ordinem ad agens supernaturale. Quare semper formaliter, & intrinsecè est naturalis; & supernaturalis solum terminatiue, quatenus videlicet terminatur ad aliquod factibile solum supernaturaliter. Eodem modo, quo appetitus materiae ad formam corruptam, est intrinsecè; & formaliter naturalis, quatenus fundatur in potentia naturali, quam habet illam recipiendi; est tamen obediens terminatiue, quatenus non potest expleri, nisi, per receptionem potentia obediens.

Dices 3. Forma denominans constituit formaliter, & intrinsecè denominatum, vt patet in albedine respectu albi. Ergo quauis sit aliquod accidentale, terminum esse naturaliter factibilem, non tamen hoc constituit accidentaliter, sed essentialiter appetitum, denominatum formaliter naturalem.

Distinguo antecedens, constituit intrinsecè denominatum formaliter, & redupli-

cativè sumptum, secundum illam conditionem accidentalem, concedo sumptum simpliciter, & secundum suam entitatem; nego antecedens. Et distinguo cōsequens, esse naturaliter factibilē terminū, constituit formaliter, & intrinsecè potentiam intellectiuam, in esse materialiter talem, nego: in esse formaliter talem, hoc est appetentem visionem, sub hac reduplicatione, subdistinguo consequens, loquēdo de naturalitate quam habet in modo essendi, nego: in modo operandi, concedo consequentiam. Explico distinctionem. Duplīciter potest considerari potentia intellectiva naturalis, vt appetens formaliter visionem Dei, primò naturalitate quam habet vt formaliter appetēs, in modo essēdi, idest in modo habendi talē appetitum, & secundum hanc naturalitatem (de qua hic loquimur) nullo modo pendet ab illa circumstantia accidentali, quod eius terminus possit, vel non possit naturaliter fieri. Deinde potest considerari secundum naturalitatem, quam habet in modo operandi: & quia hæc dicit ordinem ad operationem, ideo si hæc referatur ad agens supernaturale, dicitur supernaturalis. Adeoque secundum hanc naturalitatem dicit ordinem essentialē ad agens, vt naturaliter agens. Et ratio à priori est, quia forma denominans est quidem intrinseca ipsi denominationi, & concreto ex ipsa, & subiecto, non tamen est intrinseca subiecto denominato, nisi secundum illam rationem,

sc-

secundum quam est formaliter subiectum talis concreti. Exempli gratia. Albedo est intrinseca denominationi quam præstat albi, & præterea est intrinseca ipsi albo in concreto, non tamen est intrinseca parieti, nisi paries cōsideretur formaliter vt albus, id est secundum circumstantiam receptionis albedinis, per quam fit formaliter subiectum intrinsecum talis concreti. Si ergo præscindamus ab hac circumstantia, & cōsideremus parietem secundum suum modum essendi, vtique albedo illum intrinsecè non afficit, sed solum extrinsecè, & per accidens.

Obijcies 3. Appetitus naturalis non potest fundari in potentia obedientiali, alioquin aqua naturaliter appeteret calefieri, & accidens esse extra subiectum, quæ sunt absurda. Sed potentia ad visionem est obedientialis, primò quia visio est intrinsecè supernaturalis. Et deinde quia est infinita syncategorematicè, cum semper possit esse maior, & maior, quod repugnat potentia naturali, quæ limitatur ad vnam certam intentionem sui actus. Ergo non potest fundare appetitum naturalem innatum.

Nego maiorem. Siquidem illa eadem potentia, quæ dicitur obedientialis (vt nuper probauimus) est intrinsecè naturalis, & solum per habitudinem accidentalem ad terminum extrinsecum, dicitur obedientialis. Sicut ergo cæcus naturaliter appetit videre, licet eius appetitus fundetur

est ultimus eius finis. Ergo non potest ferri in ulterio-rem finem ; aliòquin daretur finis ultra ultimum, quod repugnat.

Distinguo antecedens, beatitudo naturalis est obiectum physicè adæquatum appetitus innati, concedo : metaphysicè adæquatum, nego antecedens. Et distinguo consequens, non potest ferri in ulterio-rem finem metaphysicè loquendo, nego : physicè loquendo, subdistinguo, non potest ferri efficaciter, concedo : ineffaciter, nego consequentiam. Neque proinde sequitur, quod daretur aliquod ultra vltimum; nam vltimum in vno ordine non est vltimum simpliciter, sed solum secundum quid.

5. Vbi non datur principium intrinsecum sufficiens ad aliquid, non datur ad illud appetitus innatus. Sed in nobis non datur principium intrinsecum sufficiens ad visionem, quæ nequit fieri absque auxilio supernaturali. Ergo neque datur ad illam appetitus innatus.

Nego maiorem, cuius falsitas patet ex appetitu animæ separatæ ad reuersionem cum corpore, cæci ad visum &c.

6. Ergo Angelus naturaliter cognosceret, nostram beatitudinem esse visionem Dei, eò quia in comprehensione nostri, cognosceret hunc appetitum. Sed hoc censetur absurdum à theologis. Ergo &c.

Distinguo consequens, Angelus naturaliter cognosceret, nostram beatitudinem esse visionem Dei distinctè, & determinatè



tè, nego: cognosceret hoc indistinctè, & indeterminatè, concedo consequentiam. Ad minorem subsumptam dico, negari solum Angelo cognitionem naturalem in primo sensu, non autem in secundo. Ex eo enim quòd Angelus cognosceret nostrum appetitum ad visionem, non proinde cognosceret certò, & determinatè, illum esse simpliciter explebilem. Cum enim eius explebilitas non sit absoluta, sed conditionata, sub conditione quòd liberè, & gratiosè Deus nos eleuauerit ad ordinem supernaturalem; ideo cum non possit certò, & determinatè cognoscere talem eleuationem, neque potest certò, & determinatè cognoscere, nostram beatitudinem esse visionem Dei, sed solum indeterminatè, & confusè, eo modo quo cognoscendo in anima separata appetitum innatum ad reunionem cum corpore, non potest certò, & determinatè cognoscere, illam reunionem esse simpliciter possibilem, & multò minus esse futuram.

Dices, cognosceret certò, & determinatè non posse nobis dari à natura appetitum inexplibilem, quia hic esset frustraneus. Ergo cum cognosceret, fuisse nobis inditum à natura talem appetitum, cognosceret etiam, illum esse simpliciter explebilem; & per consequens determinatè cognosceret, nostram beatitudinem esse visionem Dei.

Nego ultimam consequentiam. Ex eo enim, quòd ille appetitus sit simpliciter  
ex-

explebilis, non sequitur, illum esse de facto explendum, sed solum sub conditione; quod Deus nos de facto ordinauerit ad talem finem. Cum ergo non cognosceret ex illo, de facto purificari talem conditionem, neque cognosceret determinatè visionem, vt nostram beatitudinem supernaturalem.

Vrgebis, hic appetitus est abso'utus. Ergo cognoscit ex illo absolutè, nostram felicitatem esse visionem Dei.

Nego consequentiam. Noster enim appetitus fertur quidem absolutè in visionem vt possibilem, non autem vt futuram. Ergo non potest ex illo cognosci futuritio, sed sola possibilitas visionis.

7. Ad visionem Dei neque intellectus inclinatur primariò, neque secundariò. Ergo illam non appetit. Probatur consequentia, nam intantum dicitur materia appetere formas, inquantum primò appetit formam vt sic, & deinde hanc formam ita oculus primò visionem vt sic, & deinde hanc visionem &c. Probatur antecedens, quia intellectus non potest primariò inclinari ad visionem Dei, quæ est actus particularis; neque secundariò, quia visio non est illi naturaliter commensurata, & proportionata.

Nego antecedēs; & dico nostrū appetitū ferri primariò in felicitatē vt sic, & deinde in hanc felicitatē vt hanc, tāquā circa obiectum secundarium. Neque obstat, quod hac felicitas vt hac, non sit illi na-

turaliter proportionata, & commensurata; nam neque felicitas ut sic est illi naturaliter proportionata. Et ratio est clara, quia cum felicitas ut sic includat rationem adequatam felicitatis, utique includit etiam felicitatem supernaturalem. Præterquam quod ad talem appetitum non requiritur proportio formalis, & proxima, quæ fundetur in dispositione naturali, sed sufficit proportio radicalis, & remota fundata in potentia remota ad talem felicitatem, quæ verè datur in nobis.

8. Vel intellectus appeteret visionem Dei, ut est potentia passiva, vel ut activa? Non primum, quia hæc est obedientialis, & non naturalis in intellectu creato. Præterquam quod non potest dari potentia passiva naturalis ad aliquod, cui non correspondeat potentia activa naturalis. Atqui nulla potentia activa naturalis potest dari in nobis, quæ naturaliter concurret ad visionem. Ergo neque passiva, quæ naturaliter illam recipiat. Neque secundum, quia intellectus non potest suis viribus efficere visionem Dei. Ergo illam nullo modo appetit intellectus.

Nego minorem quoad utramque partem. Et dico, hunc appetitum esse in intellectu, ut est potentia activa simul, & passiva, quatenus videlicet dicit potentiam activam incompletam, cum potentia passiva recipiendi complementum, seu principium, per quod compleatur ad illam eliciendam. Ut ergo potentia activa dicit ordinem

dinem ad visionem, tamquam ad sui actum & ut potentia passiva dicit ordinem ad Deum, ut metaphisicè potentem conferre sibi sufficientiam ad talē actum. Neque obstat, quod Deus ut potens præbere sufficientiam ad talem actum, sit agens super-naturale; nam appetitus potentiz recepti-uz intellectus, non considerat in Deo modum concurrendi, sed potentiam concurrendi, eo modo quo mate-ria naturaliter appetit formam corru-ptam, per ordinem ad causam potētem il- lam ad pristinum reuocare, præscindendo à modo siue naturali, siue supernaturali, quo illam reuocaret.

9. Si visio naturaliter appeteretur, esset noster finis naturalis. Consequens esse, falsum patet ex eo, quod in pura natura non habeamus media sufficientia ad illam consequendam. Ergo non naturaliter ap- petitur.

Nego maiorem. Toties enim diximus, posse nostrum appetitum naturalem ferri ultra finē ultimū, & adæquatū naturaliter.

10. Visio Dei non est actus adæquatus nostri intellectus. Ergo nō potest in illo ex- citare appetitū, nisi ut actus secundarius. Sed ad actū secundariū nō datur inclinatio na- turalis. Ergo neque appetitus naturalis.

Nego consequentiam, aliòquin nulla potentia naturalis posset naturaliter appe- tere vllum suum actum, quia nullus in par- ticulari est illi adæquatus, cum semper possit elicere alium, & alium in infinitum.

Quod

Quòd autem noster appetitus feratur ad visionem, tamquam ad actum secundarium, nullum est absurdum, ut vidimus supra.

11. Hic appetitus esset naturaliter inexplibilis. Ergo frustra daretur nobis à natura, & esset potius in malum, quam in bonum, eo quia omnis appetitus, seu desiderium vehemens facit doloriferam absentiam sui obiecti.

Nego consequentiã, propter traditas rationes. Cum enim ex vna parte natura cognoscat possibilitatem talis obiecti, & ex alia non appareat euidenter sololumine naturali, illud non esse futurum, potuit prudenter indere spem, & desiderium illius, tamquam boni certò possibilis, & pobabiliter etiam futuri, siue in hoc, siue in alio ordine. Quamuis enim sit physicè inexplibilis, non tamè est simpliciter inexplibilis hic appetitus, posito quòd cognoscatur ei<sup>9</sup> explebilitas supernaturalis, & absolutè possibilis.

Dices, natura cognoscit euidenter, visionem Dei superare vires suas. Ergo cognoscit illam euidenter, ut physicè impossibilem. Ergo si inderet eius appetitum, inderet appetitum simpliciter inexplibilem.

Nego postremam consequentiam. Ad hoc enim ut natura prudenter indat talem appetitum, sufficit, si illum non cognoscat euidenter ut simpliciter inexplibilem. Et ideo Diuus Augustinus lib. 8. con. Iul. c. 3. ait. *Neque enim omnes homines naturali in-*

*fin.*

*finem immortales ; & beati esse vellemus  
nisi esse possemus. Sed summum bonum præ-  
stari non potest hominibus, nisi per Christum.*  
Vnde sequitur, beatitudinem, seu visio-  
nem Dei esse quidem solum supernatura-  
liter consequibilem, naturaliter tamen,  
appetibilem. Quod confirmat lib. 13. de  
Trinitate c. 8. *ad appetendam beatitudinem  
natura impellit, cui summè bonus, & immu-  
tabilis creator hoc indidit.* Et lib. 1. de præ-  
dest. Sanct. c. 5. *Posse habere fidem, natura est  
hominum, habere autem gratia, est fidelium.*  
Ex quibus deducitur, quòd per diuum  
Augustinum potentia remota ad fidem est  
naturalis, adeoque fundas appetitum na-  
turalem, quamvis eius consecutio, seu eli-  
citio sit supernaturalis, & gratiosa.

Neque obstat, quòd primum testimo-  
nium explicetur ab Ægid. Luf. in app. ter-  
tij to. art. 4. §. 5. de appetitu consequente,  
cognitionem fidei ; nam cum Augustinus  
loquatur de appetitu beatitudinis, sicut lo-  
quitur de appetitu immortalitatis, & hunc  
asserat naturalem, & innatum, est etiam ita  
explicandus de alio. Idem dico de secundo  
loco, in quo aperte dicitur, hunc appetitum  
esse compellente natura, cuiusmodi non  
esset elicitus, & supernaturalis. Ergo appe-  
titus, de quo loquitur Augustinus, est na-  
turalis, & innatus, sicut est potentia remo-  
ta ad fidem, vt asseritur in eius tertio te-  
stimonio.

164 *De causa meritoria Visionis.*  
**D I S P U T A T I O V I.**  
*De causa meritoria visionis Dei.*

**P**ostquam vidimus, dari in nobis, etiam in via naturæ, appetitum tam elicitum quam innatum visionis Dei, querendum est, an etiam in eadem via possimus illam mereri? Queremus ergo primo, an illa sit naturaliter consequibilis? Et deinde an possit esse naturaliter debita?

**A R T I C U L U S I.**

*An possit aliqua substantia intellectualis creata, absque auxilio supernaturali, mereri visionem Dei?*

**R**atio dubitandi est, quia D. Aug. l. 1. de meritis peccatorum c. 26. ut probaret contra Pelagium dari peccatum originale, ita argumentatur, esset iniustus Deus, si negaret visionē sui decedētib<sup>9</sup> absq; baptismo, posito quod nullū haberēt obicē ex peccato. Cū ergo pueri non habeāt peccatū actuale, & arceātur à visione Dei, debēt habere aliud peccatū, ex quo proueniat obex, quod nō potest esse, nisi originale. Ex quib<sup>9</sup> verbis ita plures argumētātur, nō posset Deus ab Augustino vocari iniustus, in ea hypothesis, in qua morientibus absq; baptismo negaret visionem sui, nisi hæc naturali integritati, & innocentia debeat. Ergo potest hec acquiri per meritū naturale.

*Cōclusio; nō potest quis naturalibus meritis cōsequi, seu mereri visionē Dei per essetiā.*

Pro-

Probatur 1. Huiusmodi visio necessario supponit gratiam adoptionis. Est autem impossibile, quod meritis naturalibus possit ut præmium correspondere filiatio adoptiva Dei, quæ superat per infinitum excessum, statum naturalem cuiuscunque creaturæ, de quarum ratione est servitus naturalis. Ergo est impossibile, quod possit quis naturaliter mereri visionem Dei Minor, & consequentia sunt evidentes. Maior probatur, videns Deum fit amicus & familiaris ipsius, propter communicationem divinæ scientiæ. Sed divina familiaritas dedecet servum, ut servus est. Ergo ex vi talis communicationis, videns Deum eleuatur ad statum sibi indebitum altioris ordinis, videlicet ad divinam filiationem, non quidem naturalem, quod est impossibile, sed adoptivam.

2. Nullum est meritum naturale, quantumvis in sua ratione perfectissimum, cui non possit correspondere aliquod præmium naturale, tamquam illi proportionatum, & æquale. Sed est impossibile, quod visio Dei possit proportionari, in ratione præmij, illi merito, cui proportionatur præmium naturale. Ergo nullum meritum naturale potest mereri visionem Dei. Maior est evidens, quia si daretur aliquod meritum naturale, cui nullum posset correspondere præmium naturale, ex hoc ipso hoc meritum esset supernaturale, quia superaret dignitatem totius naturæ. Probatur minor, quæ eidem sunt equalia, inter se



se sunt æqualia, vt supponitur tamquam principium infallibile à mathematicis. Si ergo ex vna parte præmium naturale, & ex alia visio Dei essent æqualia, in ratione præmij, eidem merito naturali, essent æqualia inter se. Quis autem dicat, possessionem Dei, quam trahit ipsius visio, immò ipsum Deum tanti valere, quanti obiectum creatum?

3. Damnata fuit à Gregorio XIII. & Urbano VIII. propositio vigesima secunda Michaelis Baij, in qua asseritur, *humanæ naturæ sublimatio, & exaltatio in consortiū diuinæ naturæ debita fuit integritati primæ conditionis, ac proinde bonum naturale, non, supernaturale*. Ergo visio Dei non potest esse, nisi bonum supernaturale, & speciale beneficium, per solam diuinam gratiam consequibile.

Ad authoritatem diui Augustini &c. cū communi, illum ibi fuisse loquutum de hominib<sup>9</sup> decedentib<sup>9</sup> ex suppositione diuinæ promissionis, & eleuationis antecedentis, vt patet ex eius sermone 16. de verbis Domini, in quo ait, *non dicimus Deo, redde quia accepisti. sed redde quia promissi*. Stante. n. hac promissione, tenetur Deus non negare cuiquam sui visionem, tamquam obiectum beatificum, & præmium innocentæ filij adoptiui, quod nō esset in puris naturalibus.

Obijcies 1. Diuus August. li. de spir. &c. lit. c. 27. ait, *hec agit spiritus gratiæ, vt imaginem Dei, in qua naturali. er conditi sumus,*  
restau.

*restauraret in nobis*. Ergo naturaliter habemus imaginem Dei, ad quam facti sumus. Ergo possumus, etiam naturaliter, consequi eius visionem, utpote non indebitam simili cum Deo.

Prò responsione aduerto, ly *naturaliter* non semper ab Augustino accipi cum oppositione ad ly *supernaturaliter*. Nam sæpe accipit illum terminū, quatenus significataliquid factum ab authore naturæ, ut patet lib. 22. con. Faustum c. 27. ubi postquam definiuit peccatum, *dictum, factum, vel concupitum contra legem æternam Dei*, explicando hanc legem subdit, *quæ sit ratio, & voluntas Dei, ordinem naturalem cōservari iubens, perturbari vetans*. His autem verbis apparet, ly *naturalem* non accipi ab August. cum oppositione ad ly *supernaturale*; alioquin lex æterna Dei iuberet solum cōservationem ordinis naturalis, nō autē supernaturalis, quod esset absurdū. Ad hoc ergo ut uterq; ordo intelligatur, debet ly *naturalis* explicari, ita ut significet, vel secundum constitutionem naturæ, vel secundum inclinationem, & perfectionem eiusdem. Hoc posito, dico, quòd ideo diuus August. ait, à spiritu gratiæ restaurari in nobis imaginem Dei, quia supponit, illam per peccatum amissam. Non fuit autem amissa entitas physica, & naturalis humanæ naturæ. Ergo debet intelligi de illa similitudine, quam Deus homini contulit per fauorem, & gratiam, & per consequens non de imagine physica, & natura-

li. Quamuis ergo ex tali imagine probetur capacitas visionis Dei, non tamen probatur, posse nos naturaliter illam consequi, sed solum in eo ordine, in quo accepimus illam imaginem, nempe supernaturaliter.

2. Meritum supernaturale est aliquod creatum, & tamen potest proportionari Deo, in ratione præmij. Ergo etiam meritum naturale.

Nego consequentiam. Disparitas est evidens. Nam meritum supernaturale, necessario, & essentialiter supponit gratiam eleuationis, diuinæque adoptionis. Quamuis ergo entitatiuè, & materialiter sit creatum, & finitum, adeoque ex se indignum, tamen supponit dignitatem gratuitam, prouenientem extrinsecè ex gratia adoptionis, ratione cuius fit ordinis supernaturalis, dignumque tanto præmio sublata per factorem inæqualitate, & improportionem, quod non habet meritum naturale. Eo modo quo opus subditi non meretur amicitiam regiam, licet entitatiuè sit simile operi filij Regis, quod ratione dignitatis sui principij dignificatur, & quodammodo eleuatur ad præmium, cæteroqui indebitum tali entitati. Et ideo meritum supernaturale meretur de condigno visionem Dei, quia non ordinatur ad impetrandum nouum beneficium, sed supponit diuinam beneficentiam antecedenter exercitam, in beneficio adoptionis.

Dices, possunt opera supernaturalia fieri

fieri ab iniusto . Hæc autem non possunt supponere gratiam adoptionis , eò quia peccator non sit filius adoptiuus Dei . Ergo vel illa merita habent ex se talem vim, vel neque habent ex gratia adoptionis .

Distinguo maiorem, possunt fieri ab iniusto opera supernaturalia , quæ sint formaliter meritoria visionis Dei, nego : quæ sint meritoria dispositiue, concedo maiorem. Et admissa minori, nego consequentiam. Et ratio est, quia peccator, ex defectu habitus charitatis, non potest elicere actus supernaturales fidei, & spei, qui solum disponunt ad merendam visionem , non illam formaliter merentur, nisi de congruo quatenus videlicet habent essentialiter vim motricem diuinæ voluntatis, ad hoc vt sibi rependat tale præmium, aliter essent essentialiter ordinata ad talem finem , & essent ad illum incongrua, quod est absurdum. Dico ergo, huiusmodi merita non supponete gratiam adoptionis, sed elevationis ad adoptionem sibi possibilem , si peccator velit obicem remouere . Et ideo non merentur visionem de condigno.

3. Dominiũ Dei in creaturas non est in bonum ipsius Dei , sed creaturarum . Et ideo S. Thomas 3. con. Gen. c. 18. & 19. docet , Deum non esse finem *cui*, sed *qui* respectu suorum operum . Non posset autem Deus intendere bonum creaturarum, nisi illas amaret . Ergo hoc dominium, supponit in Deo amorem beneuolentiæ , ad eòque veram amicitiam cum creaturis

H ra-

rationalibus. Ex eo igitur quod visio Dei faceret amicitiam cum Deo, non sequitur illam esse naturaliter insequibilem. Probatur consequentia, quia posset aliqua creatura rationalis illam exigere, non quidem titulo rigoroso, & infallibili, sed naturali, eo modo quo ignis exigit concursum ad calefaciendum,

Nego consequentiam. Et dico, non quemlibet amorem benevolentiae sufficere ad fundandam amicitiam, aliòquin omnes serui essent amici. Quis enim est adeo saxeus, ut aliquo amore benevolentiae suum seruum non prosequatur? Et qui libenter non præstet suam operam ad hoc, ut ille aliquod bonum consequatur, etiam ut suum proprium? Ad amicitiam ergo requiritur amor eximius, cuiusmodi esset ille, qui proveniret ex visione; nam hic amor essentialiter traheret mutuam redemptionem, & communicationem bonorum, & secretorum, quæ pugnant cum ratione servitutis. Recenseantur quæ dicta sunt disp. 2. ar. 3. 4. & seq. nam funditus tollunt difficultatem,

## A R T I C V L V S II.

*An possit dari aliqua creatura, cui sit connaturaliter debita visio Dei.*

**C**onclusio est negativa. Probatur I. Visio Dei est veluti sponsio, & filiationis diuina, qua nos euadimus filij Dei adoptiui, ut nuper dictum est. Sed est impossi-

sibile, quod sit debita vlli creatura quæ est essentialiter serua, desponsatio, & filiatio Dei. Ergo est impossibile, quod visio Dei sit debita vlli creaturæ.

2. Si daretur hæc creatura, vel esset peccabilis, vel impeccabilis? Si primū, esset indigna, quia non haberet summam charitatem impossibilem cum peccato, sed videns Deū posset peccare. Si vero dicatur secūdu, hæc creatura esset Deus, cui<sup>9</sup> solius est propria impeccabilitas, quod repugnat,

Dices, Deo conuenit impeccabilitas per naturam. Huic autem creaturæ conueniret per gratiam. Ergo non esset Deus.

Nego atecedēs, alioquin posset etiā illi cōuenire per gratiā omnipotētiā, & deitas, Nō potest ergo cōmunicari per gratiā impeccabilitas, quia hæc superat conditionē creaturæ, de cuius ratione est esse seruam, adeoq; subiectam Legibus, & peccabilem.

3. Contra Baianos, nulli substantiæ cognoscitiue debetur cognitio perfectior, quàm sit comprehensio sui. Sed visio Dei est perfectior, eò quia per illam cognoscantur plures perfectiones, immò infinitæ. Præterea visio Dei reddit videntem perfectè felicem, quod non facit comprehensio cuiuscūque creaturæ. Ergo est cognitio perfectior. Probatur maior, quia, veritas est passio ētis. Ergo quo aliquid est perfectius, eò est verius, adeoq; difficilius cōprehēditur. Ergo est impossibile, quod virtus cognoscitiua, quæ est maxima perfectio, sit maior quàm eius perfectio, &

cognoscibilitas passiva. Vnde obiter patet quid significet illud axioma, *modus cognoscendi sequitur modum essendi*, id est virtus, cognoscitiva non potest esse perfectior, quàm perfectio entitativa, & essentialis habentis talem virtutem.

4. Videnti Deus debetur perfecta amicitia cum Deo, qui cum sit bonum infinitum, eius cognitione rapitur voluntas ad perfectam charitatem in Deum. Sed homini, immò nulli creaturæ ex se debetur hæc amicitia, sed potius est contemptibilis, vt seruus. Ergo neque illi debetur visio. Confirmatur, Par potest negare amicitiam pari. Ergo multò magis supremus infimo.

5. Cui deberetur naturaliter visio Dei non posset per gratiam, & fauorem eleuari ad maiorem fortunam. Hoc autem esset contra dignitatem Dei, de cuius ratione est, vt possit semper dare seruo aliquid per fauorem, quod illi secundum suam conditione non debeatur. Ergo non potest vlli creaturæ esse naturaliter debita visio Dei. Consequentia est euidens. Probatur maior, hæc substantia esset essentialiter beata. Ergo esset filius naturalis Dei. Neque obstat, quod hæc beatitudo fundaretur in existentia contingenti videntis. Nam ex hoc capite esset per participationem, & ex alio per naturam. Ergo sequeretur vtraque pars contradictionis.

6. In Concilio Viennensi damnantur omnes dicentes, animas non indigere lumine eleuante ad visionem Dei. Ergo ad illam

illam requiritur simpliciter adiutorium  
supernaturale.

7. Omne ius, quod habet homo ad visionem Dei, fundatur in filiatione adoptiua; & ideo hæc quatenus est vita æterna, vocatur gratia ad Rom. 8. Ergo cum filiatio adoptiua non possit esse naturalis, neque potest dari ius naturale ad visionem Dei.

Obijces 1. Potest Deus facere creaturam adeo perfectam in esse intelligibili, sicut esset complexum ex intellectu, & lumine. Sed huic complexo est connaturaliter debita visio Dei. Ergo potest Deus facere creaturam, cui sit connaturaliter debita visio Dei. Minor, & cōsequentia sunt evidentes. Maior probatur, quia tam lumen, quàm intellectus sunt creaturæ. Ergo sicut Deus potest facere creaturam perfectiorem singulis scorsim, ita potest facere perfectiorem singulis binarijs creaturarum, seu complexo ex duabus creaturis.

Ad hoc sophisma multi multa dicunt. Nos missis omnibus, Respondemus primò negando consequentiã, quia cum hoc lumen sit intrinsecè supernaturale, si daretur creaturam simplex æquivalens in perfectione huic complexo, illa esset intrinsecè supernaturalis, eò quia esset illius eiusdè ordinis, cuius est hoc complexum. Ergo licet admittatur ut possibilis, nihil faceret ad intentum arguentis. Deinde nego maiorem, primò quia sicut non potest Deus facere creaturam æquivalentem complexo ex intellectu, & intellectione, eò quia



intelligeret per suum esse ; quod est proprium Dei, vel ex humanitate , & vnione hypostatica, seu ex anima, & gratia , quia esset essentialiter Deus, seu ex corpore, & duratione , quia duraret essentialiter : ita neque posset facere creaturam æquiualem complexo ex intellectu , & lumine, glorie, quia per suam essentiam peteret videre Deum; adeoque Deus non posset nisi miraculosè denegare illi suum concursu ad se videndum ; & per consequens physice loquendo, necessariò Deum videret, sicut ignis necessariò calefacit . Sed est impossibile, quòd visio Dei alicui necessariò debeatur in pura natura, eò quia nimis vilesceret commercium cum Deo , quod vt debitum creaturæ soluendum esset. Secundò intellectus æquiualeus illi complexo Deum comprehenderet. Ergo repugnat . Probatür antecedens, hoc complexum includit duplicem perfectionem , vnam intellectus ex se non determinati ad visionem finitam, & alteram luminis determinantis magnitudinem visionis . Quòd si lumen sit identificatum cum intellectu , hoc lumen non posset determinare intellectum, nisi iuxta capacitatem ipsius. Ergo cum intellectus haberet ex se infinitam capacitatem, quippe ex se indeterminatam ad vllam visionem finitam, nec extrinsecus ex alio determinatam, determinaretur ad visionem infinitam, adeoque ad comprehensionem Dei. Hoc autem nõ sequitur, si lumen sit distinctum, quia vt tale non debet

sc

se accommodare eius capacitati, sed potius illam determinat, & limitat, tamquam virtus illi indebita. Tertiò complexum ex intellectu, & lumine concurrat adequatè ut instrumentum Dei ad eius visionem, ut egregiè probat Suar. disp. 30. met. sect. 11. n. 46. & 49. Creatura autè illi æquiualens concurreret ut causa principalis, & primaria ad visionem, adeoque esset tantò perfectior illo complexo; ut haberet modum essendi diuinum, nam æquiualeret causæ principali visionis Dei, quæ est solus Deus.

Dices, si illud complexum concurreret adequatè ut instrumentum Dei, non concurreret vitaliter ad visionem, quod repugnat. Ergo &c.

Nego antecedens. Nā ad rationē vitæ nō obstat cōcurs⁹ per modū instrumēti, ut idē probat Suar. ib. n. 47. Videātur quæ diximus ad hoc argumentum disp. 2. ar. 2.

Obijcies 2. cum Scoto in 3. d. 14. q. 1. & in 4. d. 49. 11. cæcus miraculosè illuminat⁹ naturaliter videt colorem. Ergo etiam Beatus supernaturaliter illuminatus naturaliter videt Deum. Quamuis enim supernaturaliter ponatur lumen gloriæ in intellectu creato, tamen illum naturaliter perficit. Ergo potest per aliquam formam creatam naturaliter Deus videri.

Caietanus super q. 12. ar. 5. respondet cum cautela, concedendo consequentiam, videlicet, illam formam, per quam Deus naturaliter videtur, non esse speciem, ne-

que esse naturalem, seu connaturalem, sed habitum supernaturalem. Ad paritatem de cæco, respondet illi dari quidem supernaturaliter visum, tamen ipsum visum esse illi potentiam naturalem. Lumen autem, & est in se supernaturale, & supernaturaliter datur. Ceterum posse ex aliquo habitu supernaturali naturaliter resultare actum, probat, ex habitu charitatis. Nam *habens habitum supernaturalem charitatis* ( sunt eius verba) *naturaliter diligit Deum meritorie*. Et affert rationem, *quia non minus charitas inclinat ad actum proprium quam ceteri habitus*. *Signum autem naturalitatis est delectatio; experimur enim nos delectabiliter omnia operari; quorum habitus habemus, siue naturales, siue supernaturales*.

Hæc tamen doctrina mihi non probatur. Et ratio est, quia si dicamus, Beatum supernaturaliter adiutum, naturaliter videre Deum, visio Dei per essentiam non esset intrinsecè supernaturalis, quod repugnat Clementinæ *ad nostrum de hæret*. Cur ergo censeatur hæc visio naturaliter impossibilis?

Dices, est quidem formaliter naturalis, non tamen causaliter, quia supponit necessariò aliquod principium supernaturale, & ideo non potest naturaliter dari. Sed contra est, nam necessariò supponi aliquod principium supernaturale, cur igitur non dicatur potius supernaturalis, in ratione effectus, saltem quoad modum? Dixi *saltem*, quia visio Dei est supernaturalis

ralis quoad substantiam, quia non solum supponit principium effectuum supernaturaliter datum, sed etiam intrinsecè supernaturale, cuiusmodi, est lumen gloriæ. Omissa igitur hac responsione.

Distinguo primum antecedens, cæcus miraculosè illuminatus naturaliter videt, idest visione naturali quoad substantiam, concedo: naturali quoad modum, nego antecedens, & cum illo consequentiam. Sicut enim visio cæci nati dicitur supernaturalis quoad modum, eò quia supponat miraculosam restitutionem sui principij proximi effectiui, quod naturaliter exigit, nec potest nisi violenter negari: ita visio Beati dicitur supernaturalis quoad modum, quia necessariò supponit principium supernaturale, cuius consortium, nullo modo intellectui debeatur. Deinde transeat antecedens, & nego consequentiam. Disparitas est, quia est per accidens quod hic homo sit natus cæcus, adeoque dici t priuationem habitus visui, quem attentis eius naturalibus viribus posset, immò deberet habere. At intellectus creatus habet negationem habitus visui Dei, quia neque illum habet, neque potest, attentis eius viribus, vllatenus habere. Quauis ergo lumen gloriæ non sit tota ratio agendi respectu visionis, vt visio est, est tamen tota ratio illius vt est talis visio, videlicet vt est visio Dei per essentiã, secundum quam considerationem est omninò supernaturalis.

Ob. 3. Per diuum Augustinum datur de facto aliqua creatura, cui naturaliter debetur visio Dei. Ergo hoc non repugnat. Consequentia est euidens, cum ex actu ad potentiam valeat consequentia. Antecedens probatur ex multiplici testimonio eiusdem, deducto ex lib. 12. suarum confessionum. Et primò cap. 9. quærens quid sit cœlum cœli, de quo Psaltes cecinit ps. 113. *cœlum cœli Domino, terram autem dedit filiis hominum*; ait, *cœlum cœli quod in principio fecisti, creatura est aliqua intellectualis, nequaquam tibi Trinitati coeterna, particeps tamen eternitatis tuæ valde mutabilitatem suam præcedine felicissimæ contemplationis tuæ cohibet, & sine villo lapsu, ex quo facta est inherendo tibi, euadit omnem volubilem vicissitudinem temporum. Et c. 11. nec illa creatura tibi æterna est, cuius voluntas tu solas est, teque perseuerantissima castitate hauriens mutabilitatem suam nusquam, & nunquam exerit, & te sibi semper presente, ad quem toto affectu se tenet, non habens futurum quod expectet, nec in præteritum transiens, quod meminerit, nulla vice variatur, nec in tempora vlla distenditur. O beata siquæ ita est, inherendo beatitudini tuæ: beata sempiterno inhabitatore te, atque illustratore. Et infra nec inuenio quid libentius appellandum existimem cœlum cœli Domino quam domum tuam contemplantem delationem tuam sine villo defectu. Et c. 12. dicit reperio quæ fecisti carentia temporibus, cum tibi æternum coeternum sit: Vnum quod ita*

for-

formatum est, ut sine ullo defectu contemplationis, sine ullo intervallo mutationis, quamvis mutabile, tamē nō mutatum tua eternitate, atque incommutabilitate perfruat; alterum quod ita informe erat, ut ex qua forma in quam formam vel motionis, vel stationis mutaretur, quō temporē subderetur non haberet. Sed hoc ut informe esset, non reliquisti, quoniā fecisti ante omnem diem &c. Ex quib⁹ & similibus multi inferunt, fuisse admis- sam ab Augustino aliquam creaturam intellectualem, non subditam mutationi, factā ante omne tempus, absque ullo defectu, impeccabilem, & per suā natura'ia, essentialiter videntem Deum per essentiā, ut videtur speciatim elici posse ex ijs, quæ subdidit c. 12. *Sic interim sentio propter illud cælum celi intellectualem ubi est intellectus nosse simul, non ex parte, non enigmatē, non per speculum, sed ex toto in manifestata facie ad faciem.*

Nego maiorem; nec possum non vehementer excandescere in arguentem, qui tantam Augustino notam inurere non erubuit. Quod utique nō fecisset, si totum eius librum duodecimum citatum legisset, & perspicacius intellexisset. Tria igitur statuo ad euidētiā responsionis. Primū est, sanctum doctorem in toto codice confessionum, palam omnibus facere sua crimina, & errores, in quos prolapsus fuerat, cum insaniam Manichæorū sectatus fuit. Quia ergo incidit in errorem, quo Manichæi adittebant, cælum celi, tanquam

creaturam aliquam, in qua Deus inhabita-  
ret, vt in proprio Cœlo, cùm proprietati-  
bus, & perfectionibus repugnâtibus crea-  
turæ, ideo quidquid in medium ponit hac  
super re totum exponit vt materiâ rubo-  
ris, confessionis, & pœnitentiæ, non autem  
vt enunciatum, seu assertum proprium.  
Quod autem Manichæi malè senserint de  
Cœlis, eorumque creatione, patet primò ex  
libris contra Faustum scriptis ab Augusti-  
no, & ex capite 7. l. quinti cōfess. vbi ait *libri  
quique eorum* ( loquendo de manicheis )  
*pleni sunt lōgissimis fabulis de Cælo, & syde-  
ribus, & Sole, & Luna* quarum plures con-  
futauimus li. 2. disp. met. disp. 2. ar. 4. Nus-  
quam tamen clarius, quàm ex c. 10. eiuf-  
dem libri duodecimi, in quo postquàm in  
præcedentibus capitibus exposuit errorē  
de Cœlo cœli, concludit *o veritas, lumen  
cordis mei, non tenebræ meæ loquantur  
mibi. Defluxi ad ista, & obscuratus sum,  
sed hinc etiam admaui te. Erravi, & recor-  
datus sum tui.* ( ecce fatetur, se errasse ) *Au-  
diui vocem tuam post me, vt redirem, &  
vix audiui, propter tumultus peccatorum.  
Ecce nunc redeo &c.* quem affectum profe-  
quitur toto articulo vndecimo, vbi singil-  
latim confutat errores, quos secutus erat  
cum Manichæis de Cœlo cœli. Alterum  
est, quod nomine cœli cœli intellexit Au-  
gustinus Angelos beatos, quos licet put a-  
uerit simul conditos cum mundo corpo-  
reo, similitate creationis, & temporis, ait  
tamen creatos ante tempus, quia initio  
par-

putauit factam solam materiam informem  
 cœli, terræque, ex qua non potuit distin-  
 gui cœlorum rotatus, qui est mensura  
 temporis, siue tempus extrinsecum, vt  
 statuimus in 4. physicorum. Tertium est,  
 Augustinum ne somniasse quidem admit-  
 tere cœlum cœli, vt creaturam aliquam  
 naturaliter Deum videntem, sed ex gratia  
 vt patet ex eodem capite vndecimo, vbi  
 ait, *ò beata, si qua ista est, inhærendo beati-  
 tudini tuæ, beata sempiterno habitatore te,  
 atque illustratore* ( Ecce vocat Deum il-  
 lustratorē huius creaturæ, hoc est præbentē  
 lumen supernaturale ) *nec inuenio quid li-  
 bentius appellandum existimem cœlum cœli  
 Domino, quàm demum suam contemplantem  
 delectationem suam sine vilo defectu re-  
 diendi in aliud* ( hoc est Angelos non ob-  
 noxios corruptibili atque generationum, per  
 quos generans egreditur in terminum )  
*mentem putam concordissimè vnā stabili-  
 limento pacis sanctorum spirituum, ci-  
 uis ciuitatis suæ in cœlestibus super ista cœ-  
 lestia & quæ sequuntur, in quibus patet,*  
 vocari ab Augustino cœlum cœli domū  
 Dei, videlicet Angelos beatos, in quibus  
 inhabitat, tamquam in nobiliore parte  
 supernæ ciuitatis Hyerusalem. Quare tex-  
 tus citati non fauent arguenti.

Ob. 4. Humanitati vnitæ diuino Ver-  
 bo debetur naturaliter visio Dei, primò  
 quia cuiuslibet naturæ intellectuāli debetur  
 naturaliter cognitio, quæ agnoscat suam  
 dignitatem. Sed est impossibile, quod co-  
 gno-



gnoscat dignitas naturæ intellectualis, non cognita eius persona. Ergo humanitas vnita diuinæ Personæ debet illam cognoscere. Est autē impossibile, cognosci, diuinam Personam nō dare cognita eius essētia. Ergo debet illā clarē cognoscere.

2. Humanitas vnita substantiāliter cū Verbo, idest subsistens per diuinā Personā, est filius naturalis Dei. Sed filio naturali debetur visio clara faciei paternæ. Ergo & huic debetur visio Dei, adeoque debentur virtutes supernaturales, & lumen gloriæ, vt dotes propriæ talis humanitatis ita eleuate. Sed vt talis est creatura. Ergo datur aliqua creatura, cui debeat visio Dei.

8. hāc humanitatem, vt Verbo vnitam, non esse puram creaturam, de qua hic loquimur.

### ARTICVLVS III.

*An intellectus creatus concurrat ad visionem vt causa principalis?*

**V**idetur concurrere, vt communiter asserunt Thomistæ, penes Gonēt to. 1. disp. 3. ar. 5. § 2. Primum quia intellectus nō ita mouetur à Deo ad visionem beatificā, vt seipsum nullatenus moueat ab intrinseco. Ergo non concurrat vt instrumentum Dei, sed vt causa principalis. Consequentia est certa, suppositis Thomisticis principijs, de ratione instrumenti esse, vt motum moueat, & non se moueat ab intrinseco. Antecedens probatur, intellectus videns

Deum

Deum vitaliter operatur, & viuit vita æterna, quod non esset, si se ab intrinseco non moueret.

2. Nullum instrumentum, vt est formaliter tale, habet virtutem, siue proximam, siue remotam, & radicalem ad effectum, causæ principalis, vt patet in aqua, in ordine ad gratiam, & in ferra ad scissionem artificiosā; & ideo vt operetur, debet eleuari extra latitudinem sui obiecti adæquati. Sed intellectus creatus habet virtutem radicalem ad visionem Dei. Ergo non indiget vt eleuetur extra latitudinem sui obiecti adæquati: quod cum sit ens vt sic, analogicè conueniens Deo, & creaturis, comprehendit etiam Deum, licet illi improporcionatum. Atque adeo non est causa instrumentalis visionis, sed principalis.

3. Nullus effectus potest esse connaturalis suæ causæ instrumentali, cum connaturalitas sequatur causam principalem & ideo gratia non est connaturalis aquæ in baptismo, seu oleo in confirmatione. Sed visio est connaturalis intellectui videnti, qui ratione luminis gloriæ, fit ordinis diuini, & veluti Deiformis, participās, vim proximā intelligēdi, quæ est in Deo, & ideo videt cū delectatione, quæ dari nō potest in actu non connaturali, vt docet D. Th. 1. p. q. 18. ar. 2. ad 2. Ergo procedit ab illo, vt à causa principali.

4. Si intellectus non concurreret vt causa principalis, duplex sequeretur absurdum, alterum quod non indigeret lumine gloriæ

riæ; & alterum quod etiam oculus corporeus posset eleuari ad videndum Deum. Probatur primum, quia instrumenta non eleuantur, nisi per potetiam obedientialē. Ergo non esset necessarium lumen gloriæ. Probatur secundum, omne instrumentum potest eleuari extra suum obiectum adæquatum, & specificatiuum. Ergo etiam oculus poterit eleuari extra coloratum. Immo posset eleuari etiam lapis ad videndum Deum. Probatur consequentia, agens infinitæ virtutis potest vti quolibet instrumento ad producendum quodlibet. Ergo Deus poterit vti lapide, vt instrumento, ad producendam in illo visionem sui.

5. Admissio quod intellectus concurrat vt instrumentum ad visionem Dei, etiam voluntas esset instrumentum ad actus meritorios supernaturales in via. Sed hoc est erroneum, vt probat diuus Thomas 2.2.q. 23.ar.2. quia tolleretur ratio voluntarij, & meriti, cō quia voluntas non se moueret ad tales actus, sed moueretur a Deo. Ergo intellectus non concurrat instrumentaliter, sed principaliter.

6. Si intellectus concurrat instrumentaliter non videret Deum sed Deus per illū se videret. Consequens est absurdum. Ergo & antecedens.

*Conclusio, Intellectus creatus non concurrat ad visionem Dei, vt causa principalis, sed vt causa instrumentalis ipsius Dei. Ita Su. l.2. de attrib. c. 16. & q. 30. met. sect. 11. n. 45. Vasq. & alij Recentiores satis communiter.*

Pro-

Probatur 1. Illa est causa principalis, cui primò, & per se tribuitur operatio, instrumentalis autem cui tribuitur quasi secundariò, & per accidens, vt fusè probauimus in c. degener. disp. 3. ar. 7. Sed visio beatifica primò & per se tribuitur Deo, & secundariò, & per accidens intellectui creato. Ergo Deus est causa principalis illius, & intellectus est causa instrumentalis. Consequentia est euidens? Maior patet ex dictis loco cit. Minor probatur, Deus concurrit ad illam non solum præbendo potentiam, & virtutem radicalem, sed etiam formalem, siue hæc sit adæquatè supernaturalis, siue inadæquatè, eò quia etiam virtus formalis proxima intellectus, non concurrit nisi vt eleuata à Deo. Ergo potissimus, & principalis concursus prouenit à Deo, nō solum vt à causa vniuersali, sed etiam vt à causa particulari, intendente determinatè hunc actum, vt formalitet talem. Sed operatio debet principalius tribui causæ principalius influenti. Ergo principalius visio tribuitur Deo. Intellectus autem, quia concurrit solum per virtutem propriā à Deo eleuatam, & subordinatam virtuti diuinæ secum concurrenti, solum secundariò, & quasi per accidens ad illam concurrit, quatenus per accidens fuit eleuatus; & gratiosè confortatus, quod illi nullo modo debebatur.

2. Ita se habet intellectus ad visionem Dei, sicut liberum arbitrium ad actus meritorios vitæ eternæ. Sed liberum arbitriū  
non

non est causa principalis illorum; & ideo dicitur communiter à Sanctis Patribus, cōcurrere ad illos vt instrumentum diuinæ gratiæ. Ergo neq; intellect<sup>us</sup> est causa principalis visionis, sed est instrumentum luminis gloriæ, cuius actiuitati subordinatur ad talem actum. In quo aduertendum est, quòd sicut gratia in abstracto non est causa principalis in negotio salutis, sed solum in concreto, non quatenus concretum dicit formā, & subiectum, sed quatenus dicit formam, & principium productiuū illius; ita & lumen gloriæ per se sumptum non est causa principalis visionis, sed quatenus dicit Deum, illuminantem.

3. Argumentor ad hominem contra Thomistas; Illa est causa instrumentalis, quæ agit vt mota, & eleuata ab alia. Sed potentia intellectiua creata concurrit ad visionem vt mota, & eleuata à Deo per lumen gloriæ. Ergo est causa instrumentalis. Maiorem admittunt vt certam. Minor est de fide. Ergo consequentia non indiget probatione.

4. Ita se habet intellectus ad prophetiam, sicut ad visionem. Sed ad illam se habet purè instrumentaliter. Ergo etiam ad hanc. Maior patet, nam vterque actus est illi indeditus, & solum possibilis per coadiutorium supernaturale, eleuans extra obiectū physicè adæquatum. Minor est in terminis diui Thomæ dicentis in 2.2.q. 173. ar. 4. *mouetur mens prophetæ a Spiritu Sancto sicut instrumentum*. Ergo consequentia

tia tenet ex paritate rationis.

## ARTICVLVS IV.

*Soluntur obiecta.*

**A**D I. Nego consequentiam. Ad cuius probationem dico, rationem instrumenti, non desumi ex eo quod ita moueatur ab alio, vt se nullatenus moueat, vt dictum est in loco supracitato, sed ex eo quod ita se moueat, vt eius motio non tribuatur illi primò, & per se, sed alteri, à quo mouetur, vt accidit calori, qui licet se moueat ad calefaciendum ignem, quia tamen ita se mouet, vt etiam moueatur ab igne, cui primò, & per se tribuitur calefactio, ideo non concurrit ad illam principaliter, sed instrumentaliter. Quando ergo diximus, intellectum esse instrumentum Dei ad eius visionem, tantum abest, quod abstulerimus ab illo actiuitatē vitalem, sicut somniāt aduersarij, vt potius illā hinc confirmauerimus. Et ratio est, quia (vt dictum est in loco citato) omne instrumentum, siue naturale, siue artificiale est causa principalis actionis proximæ, & immediatæ ab illo procedentis, nam calor comparatus cum sola actione calefactiua, est causa principalis, licet sit instrumentum ignis in ordine ad alium ignem, qui per illam producit: & ferra est causa principalis scissionis ligni, licet sit instrumentalis respectu scamni, vel arcæ per illam factæ, seu respectu scissionis factæ artificiosè, & ordi-

ordinatim. Vnde conclusimus, huiusmodi instrumenta reduci ad causam efficiētem, quia semper debent habere aliquam virtutem propriam, seu aptitudinem proximam ad id, ad quod efficiendum adhibentur. Ergo non pugnat cū ratione causæ instrumentalis, quod se moueat aliquo modo, etiam vitaliter.

Neque obstat, ad rationem instrumenti supernaturalis nō esse necessariam virtutē propriam, seu aptitudinem proximam, sed sufficere potentiam remotam, seu radicalem, tam passiuam, quā actiuam, quæ dicitur obedientialis, cuiusmodi est in aqua baptismi ad productionem gratiæ. Nam hoc non tollit, quod minùs possit habere etiam aliquam virtutem proximam supernaturaliter eleuabilem, vt dictum est supra. Ergo cum hoc quod intellectu sit instrumentum Dei, potest etiam coniungi, quod se moueat ab intrinseco, cum subordinatione ad motionem Dei, ratione cuius non illi primò, & per se tribuatur visio, sed solum secundariò, & per accidens.

Dices. Ergo non distinguitur instrumentum supernaturale a naturali.

Nego consequentiam, quia licet illud operetur vt hoc, per aliquam propriam virtutem, tamen operatur per illam vt eleuatam, quod non habet naturale. Bene ergo concludit Suar. disp. 30. met. sect. 11. n. 45. *intellectus dicitur instrumentum Dei, non quia eo modo quo agit, non agat virtute propria*

*propria, & proportionata, nam reuera ita agit, & sub ea ratione dici potest causa proxima principalis in suo genere, sed quia est virtus subordinata alteri, cui sub alia ratione principalius tribuitur operatio. Et hac ratione dicitur, Deus esse illius visionis causa principalis, sicut intellectus dicitur instrumentum animæ ad intelligendum.*

Vnde patet responsio ad 2. Quamuis enim intellectus adhibeat suam proximam actiuitatem ad visionem, quia tamen illam non adhibet, vt est virtus naturalis, sed vt est virtus obediencialis Deo subordinata, vt illam eleuanti, ideo est eius instrumentum. Neque obstat quod aqua in baptismo nullam adhibeat virtutem ad productionem gratiæ, quia cum ad illam non adhibeatur vt instrumentum vitale, satis est, quod concurrat per potentiam obediencialem passiuam radicalem. Vnde retorqueo argumentum, intellectus non adhibetur à Deo vt instrumentum inanime ad visionem, sed vt vitale. Ergo non debet concurrere purè passiuè, sicut aqua, sed actiuè, adeoque debet concurrere per aliquam propriam virtutem partialem, partialitate causæ, & non effectus, eleuatā per consortium virtutis supernaturalis. Ad illud, quod additur in argumento, nempe intellectum non eleuari extra suum obiectum adæquatum, sicut aqua baptismi, nego suppositum. Et dico obiectum adæquatum potentiæ naturalis esse obiectum sibi proportionatum, ad quod possit extendi  
suis



fuis proprijs viribus , cuiusmodi non est Deus respectu intellectus creati. Ergo ad hoc vt extendatur ad Deum videndum, debet eleuari extra suum obiectum physicè adæquatum, licèt nunquam feratur extra suum obiectum adæquatum adæquatione metaphysica, vt fusè dictum est disp. 2, ar. 5, Ergo quoad hoc conuenit cum aqua, respectu cuius etiam gratia continetur intra latitudinem eius a- bjecti metaphysicè adæquati. Quod idem dico de scissione artificiosa respectu ferræ, de actibus meritorijs vitæ æternæ respectu voluntatis &c.

Ad 3. Nego maiorem. Vel enim connaturalitas actus provenit ex eius commensurabilitate cum principio productivo; vel ex eius proportionem cum actiuitate, & viribus eiusdem; vel ex eo quòd sit eiusdem ordinis; vel demum ex eo quòd sit perfecti- uus, & voluptuosus operati. Si primū, neq; visio commensuratur intellectui, quatenus est potentia naturalis, sed solum quatenus est potentia eleuata; aliter posset illam elici- cere naturaliter, quod vt absurdum reie- cimus loco citato. Sed etiam commensu- ratur instrumento vt eleuato. Ergo par ratio, Si secundum, sicut non proportionatur potentia naturali nudè sumptæ, sed complexo ex illa, & principio supernatu- rali eleuanti, ita proportionatur comple- xo ex instrumento, & causa principali il- lud eleuante. Si tertium, eadem ratione, qua eleuatur causa principalis ad ordinem  
su-

superiorem, quoad modum operandi, eleuatur & causa instrumentalis ad eundem ordinem cum principali. Ergo neque ex hoc capite repugnat instrumento connaturalitas actus. Neque repugnat ex capite voluptatis, quia licet hoc non conueniat instrumento artificiali, vt sunt ferra, & malleus, seu supernaturali inanimati, vt sunt aqua, & oleum in sacramentis, conuenit tamen instrumento animato, sicut est voluntas ad actus supernaturales charitatis, qui sunt illi voluptuosi. Ergo quia intellectus est potentia viua, & non mortua, etiam vt instrumentum ad visionem, potest ex illa percipere voluptatem, vnde arguitur eius connaturalitas, ratione cuius non probatur eius principalitas in operando, sicut non probatur principalitas oculi ad visionem corpoream, licet ex illa percipiat voluptatem.

Ad 4. Nego sequelam cuius prima pars retorquetur in arguentem, intellectus eleuatur ad visionem per potentiam obedientialem actiuam, non tamquam per principium formale *quo*, sed tamquam per principium radicale *quod*. Ergo indiget principio proximo formali *quo* eleuante, quod est lumen gloriæ. Ad probationem secundæ dico, posse quidem instrumentum eleuari extra suum obiectum physicè adæquatum, non autem extra obiectum metaphysicè adæquatum. Cum ergo Deus sit extra rationem abiecti adæquati, etiam metaphysicè respectu lapidis, non potest hic per  
mo-

modum instrumenti eleuari ad Deum videndum. Neque obstat, quod possit Deus vti quolibet ad producendum quodlibet, vt alibi sæpe concessimus; Nam hoc debet intelligi in ordine ad entitatem effectus, consideratam purè materialiter, & nullo modo formaliter, vt denominanté. Et ratio est, quia res creatæ non possunt extrahi a statu suæ naturalis conditionis. Ergo licet adhibeatur vt instrumēta ad actus sibi repugnantes, non tamen possunt ab illis denominari. De oculo corporeo est alia ratio; nam cum sit ex se potentia actiua, nata facta ad videndum coloratum, potest ita confortari supernaturaliter, vt videat etiam incorporalia, vt dictum est disp. 8. ar. 5. Vnde potius confirmatur hæc doctrina.

Ad. 5. nego minorem, cuius falsitas patet ex secunda probatione conclusionis. Ad authoritatem diui Thomæ dico, ab illo non reijci, voluntatem, concurrere instrumentaliter ad actus meritorios, vt supponit. Gonēt malè interpretans eius mentem in tali loco, sed impugnari Magistrū asserentem, actus charitatis immediatè prouenire a Spiritu Sancto, in nobis inhabitante, absque concursu vllius habitus supernaturalis, quod faceret voluntatem nostram purum subiectum passiuum actuum charitatis. Audiantur eius verba, *non enim motus charitatis ita procedit a Spiritu Sancto mouente humanam mentem, quod humana mens sit mota tantum, & nullo modo sit*

*fit principium huius motus, sicut cum aliquod corpus mouetur ab aliquo exteriori mouente. Hoc enim est contra rationem voluntarij, cuius oportet principium in ipse esse. Neque obstant quæ subdidit, non potest dici, quod sic moueat Spiritus Sanctus voluntatem ad actum diligendi, sicut mouetur instrumentum quod etsi sit principium actus, non tamen est in ipso agere, vel non agere. Sic enim tolleretur ratio voluntarij, & excluderetur ratio meriti. Nam ibi accipit rationem instrumenti, in strictissima significatione, quod videlicet nullo modo se moueat, sed omnem motum, ad quem concurrit, accipiat à causa principali mouente, vt patet ex additis infra, oportet quod sic voluntas moueatur à Spiritu Sancto ad diligendum, quod etiam ipsa sit efficiens hunc actum. Hoc autem, non pugnat cum nostra doctrina, primò quia apertè profitemur, tam intellectum creatum supernaturaliter confortatum se mouere ad visionem Dei, quam voluntatem ad actus meritorios. Deinde quia non distinguimus rationem instrumenti à ratione causæ principalis, per hoc quod illud motum moueat, vt asserunt Thomistæ, sed aliunde, vt fusè probauimus in 1. s. de gener. disp. 3. ar. 7. Ergo diuus Thomas potest quidem esse contrarius in principij philosophicis, non autem in assertis theologicis, spectantibus ad hanc materiam.*

*Ad 6. nego maiorem. Quia cum videre, sit actus vitalis, non conuenit eius principio effectiuo tantum, & non receptiuo visionis,*

194 *De subiecto Proprio visionis.*  
sionis, sicut est Deus, sed effectiuo, & receptiuo, sicut est solus intellectus.

**DISPUTATIO VII.**  
*De subiecto proprio Visionis Dei.*

**Q**uerendum esset primò? an possit intellectus creatus eleuari ad videndū Deū? Deinde an possit videri etiā à viatoribus. Et demum, an potentia naturalis videndi Deum fundetur in connexionē essentiali cum possibilitate visionis? Sed quia de primo sufficēter egimus in 2. disp. ideo hic agemus tantum de duobus postremis, quorū occasione agemus etiam, an Deus, & omne ens contingens dicat essentialē connexionē cum possibilitate omnium entium?

**ARTICVLVS. I.**  
*An possit Deus videri ab hominibus viatoribus?*

**D**eum non posse clarè videri solis naturæ viribus, neque secundum legem ordinariam, satis superque dictum est disp. 2. ar. 2. & disp. 6. ar. 1. Præterea videri non posse ab homine in hac vita degente, absque auxilio supernaturali, videtur esse de fide, propter multiplex testimonium sacræ scripturæ, cuiusmodi sunt 1. ad Cor. 13. *videmus nunc per speculum in enigmate*: Ioannis 1. *Deum nemo vidit umquam*. Exodi. 33. *non videbit me homo, & uiuet, &c.* Hoc idem posset probari ex infinitis Patribus,

tribus, qui passim congeruntur ab authoribus, in hac materia. Quia tamē hoc non obstante, legimus Gen. 32, Iacob dixisse, *vidi Deum facie ad faciem*. Videre autem facie ad faciem est videre per essentiam, vt colligitur ex primo testimonio, *videmus nunc per speculum in enigmate*, tunc autem *facie ad faciem*. Præterea num. 12. ait Deus de Moyse, *ore ad os loquor ei*, quod est loqui per visionem claram, & non ænigmatiçam. Et 2. ad Cor. c. 12. dicit de se ipso Apostolus, raptum huiusmodi usque ad tertium cœlum. Et deinde, *raptus est in Paradisum*, & *audiuit arcana verba, quæ non licet homini loqui, &c.* Ideo instituitur quaestio, an verè aliquis possit adhuc viuus videre Deum?

Pro resolutione notandum est, hic non esse sermonem de Christo Domino, qui simul erat viator, & comprehensor; neque de hominibus puris, post diem finalis iudicii. Nam tunc corpus gloriosum non impedit visionē Dei, quamuis Beati delectationis ergo, ad tempus, redirent in hunc mundum sublunarem, quia non proinde fierent viatores. Quaestio ergo procedit de puris hominibus, antequam moriantur, dum adhuc sunt viatores.

Conclusio, *Potest aliquis purus homo etiam in hac vita mortali degens, adiuuus auxilio aliquo speciali videre Deum, licet non possit secundum legem ordinariam.*

Prima pars est expressè diui Thomæ. 1. p. q. 12. ar. 11. ad 2. vbi apertè concedit.

Moysem, & diuum Paulum vidisse Deū ;  
 etiam dū viuerent, *supernaturaliter* ( sunt  
 eius verba ) & *præter communem ordinem* ,  
*mentes aliquorum in hac carne uiuentium* ,  
*sed non sensibus carnis utentium* , usque ad  
*visionem suæ essentiæ eleuauit*, ut dicit Aug.  
 12. super Gen. ad litt. & in lib. de vid. Deum  
 de Moyse, qui fuit magister Iudæorum , &  
 Paulo, qui fuit magister Gentium . Quod  
 idem confirmat clariùs in 2. 2. q. 175. ar. 3.  
*quidam dixerunt; Paulum in raptu non vidisse*  
*ipsam Dei essentiam, sed quamdam resul-*  
*gentiam claritatis ipsius . Sed contrarium*  
*manifestè Augustinus determinat, non solum*  
*in lib. de viden. Deum, sed etiā 12. super Gen.*  
*ad lit. Et ideo conuenientius dicitur, quod*  
*Deum per essentiam uidit . Idem asserunt*  
 Ambrosius, Beda, Anselmus, Hugo Victo-  
 rinus, & alij penes Valentiā d. 1. q. 12. pun. 7.

Probatur 1. Potest Deus ita eleuare in-  
 tellectum humanum coniunctum corpori  
 per auxilia supernaturalia, ut alienatis sē-  
 sibus , perinde cognoscat, ac si esset à cor-  
 pore separatus; in hoc enim nulla est impli-  
 cātia. Sed si esset à corpore separat' posset  
 Deū supernaturaliter videre, ut probatū est  
 d. 2. Ergo etiā potest ut coniūctus corpori.

2. Si coniunctio cum corpore obstaret,  
 quò minus anima extendatur ad visionē  
 Dei, neque posset anima videre Deum,  
 post finale iudiciū, quando resumet pri-  
 stinum corpus ; atque adeo in æternū ;  
 erunt homines in cœlo beati sine beatitu-  
 dine, quæ cōsistit in visione Dei; immò re-  
 sur-

surrectio nō esset illis bona, sed mala, tamquam impeditiua beatitudinis supernaturalis, quod est maximum absurdum.

Obijcies 1. Corpora Beatorum, propter dotes gloriosas, eleuabuntur ad altio-  
rem quemdam ordinem, ad quem nunc non  
eleuantur. Et ideo dicitur, 1. ad Cor. 15. *se-*  
*minatur corpus animale, surget corpus spiritua-*  
*le*. Ergo non impediunt visionem Dei, si-  
cut nunc.

Nego consequentiam. Nam posita qua-  
libet eleuatione, vel illa corpora remane-  
bunt materialia, vel non? Si primum. Ergo  
ponent eundem obijcem, atque nunc, po-  
sito quod omnis obex proueniat ex ma-  
terialitate. Si secundum. Ergo non erunt  
eadem corpora sed phantastica, vel de no-  
uo creata, quod non solum pugnat cum fi-  
de, sed cum ipsa philosophia, docente nō  
posse corpus fieri immateriale. Ad autho-  
ritatem diui Pauli dico, corpora gloriosa  
vocari spiritualia, non quod verè, & entia-  
tatiuè sint talia, quod est impossibile, sed  
quod nō subiacebunt actionibus corrupti-  
uis, neq; indigebunt cibo, potu, & somno,  
sicut spiritus, & erunt perfectè subdita ra-  
tioni, cum participatione beatitudinis ex  
anima redundantis.

Dices, corpora gloriosa non attingent  
objecta per phantasmata materialia, sicut fa-  
ciunt non gloriosa. Ergo non impediunt  
visionem, sicut hæc.

Nego antecedens. Quidquid enim per-  
fectionis ponatur in corpore, semper re-



manet corporeitas, licet accidentaliter immutata. Ergo semper habet modum essendi materiale. Cum ergo modus cognoscendi sequatur modum essendi, corpora Beatorum, etiam in patria attingent obiecta per species, & phantasmata materialia, quamvis modo multò excellentiori. Audiatur Angelicus in 2.2.q.175.ar. 4. *Post resurrectionem in Beatis Dei essentiam videntibus, fiet redundantia ab intellectu ad inferiores vires, & usque ad corpus. Vnde secundum ipsam regulam diuinæ visionis, anima intendet phantasmatibus, & sensibilibus.* Assignat deinde disparitatem, quare hoc non accidat viatoribus. *Talis autem redundantia non fit in his, qui rapiuntur, & ideo non est similis ratio.*

Obijcies 2. Visio est impossibilis cum fide. Ergo si viator videret Deum, amitteret fidem.

Distinguo antecedens, est impossibilis cum fide actuali, concedo cum fide habituali, nego. Et eodem modo distinguo consequens, videlicet amissum iri fidem secundum actum, non autem secundum habitum.

3. Beatitudo formalis excludit omnem anxietatem, & miseriam. Sed si Moyses, & Paulus vidissent Deum in via, eorum beatitudo non exclusisset omnem miseriam & anxietatem, sed simul fuissent beati, & miseri. Ergo non potuerunt in hac vita videre Deum. Maior est certa ex definitione. Minor probatur, videndo

dendo Deum ita fuissent beati per talem visionem, ut etiam fuissent miseri, propter timorem, ne amitterent in perpetuum tantum bonum, ortum ex periculo incidendi in peccatum mortale, per reditum ad viam.

Nego minorem. Primo quia potuerunt hi Sancti remouere à se omnem anxietatem, per aliquam peculiarem reuelationem, qua Deus tutos illos reddidisset, per confirmationem in gratia; per quam abstulisset omne periculum proximum peccandi, & subeundi penas aeternas. 2. Potuit Deus pro illo tempore visionis, impedire illorum mentem, ne reflecteret ad statum viae, seu alligationis ad corpus solubilis per mortem. Sicut enim potest à sensibus abalienare, ita potuit tanto gaudio mentem replere, ut illa absorpta circa voluptatem de obiecto praesenti, nihil cogitaret de statu viae, cum periculo damnationis. Quamuis ergo fuissent miseri habitualiter, non tamen fuissent miseri actualiter in actu visionis. Et haec doctrina consonat principijs diuini Thomae docētis in 2. 2. q. 175. ar. 3. ad 2. *diuina essetia ab intellectu creato videri non potest, nisi per lumen gloriae, de quo dicitur in ps. 35. in lumine tuo videbimus lumen. Quod tamen simpliciter participari potest, vno modo per modum formae immanetis, & sic beator facit Sanctos in patria. Alio modo per modum cuiusdam passionis transiētis, & hoc modo lumen illud fuit in Paulo, quando raptus fuit. Et ideo ex tali visione non fuit simpliciter beatus, ut fieret rediēdantia ad corpus, sed solum secundum quid.*

Dices, Remansisset in illis memoria visionis Dei. Ergo semper Deum vidissent; etiam post reditum ad viam. Nego consequentiam. Nam sola memoria visionis præteritæ non trahit visionem claram circa idem obiectum, sed solum ænigmaticam, & obscuram, vt patet, in visione sensibili.

Urges, Saltem in actu exercito visionis Dei, cognouissent, se ad vitam pristinam redituros, videlicet ad misérias, & ærumnas, & ad ipsam priuationem visionis. Ergo quamuis habuissent certitudinem, quod suo tempore consequerentur beatitudinem, adhuc fuissent miseri, propter cognitionem, ineuitabilis mali positiui, & priuatiui. Consequentia est euidens, quia, tam cognitio futuræ priuationis boni, quàm futuræ miseriæ est dolorifera. Antecedens probatur, quia in illa visione non apparebat necessitas, seu certitudo perpetuitatis, immò certitudo futuræ desitionis, eò quia in illa cognoscebant se viatores.

Nego maiorem. Primò quia (vt dixi) potuisset Deus mentes illorum aliò auocare, vt nihil cogitarent de statu viæ, neque de se ipsis vt viatoribus. Deinde quia licet considerassent imminentem finem visionis, vidissent etiam, illam ad breue tēpus desituram, propter honorē Dei, vt esset deinde in eternū duratura. Nō fuisset ergo materia prudētis angoris priuatio tēporanea imminens visionis, tātò scēnore breui compensanda, ita vt etiam ipsa priuatio tem-

temporanea sit in uicem computanda, ad illam visionem augendam, vel saltem perficiendam, ut augeatur beatitudo in perpetuas æternitates. Quod est adeo verum, ut etiam ipsi comprehensores, si possent, se ad tempus priuaret beatitudine, ut tali priuatione temporanea, æternum illi facerent additamentum, licet minimum.

Probatur secunda pars, non solum ex dictis initio huius articuli, sed etiam ex dictis in 2. disp. ubi fuse probatum est, non posse Deum videri secundum vires naturæ, licet secundum legem ordinariam ac Deo confortata, hoc est per illa auxilia, quæ solet Deus communiter dispensare, ut causa prima, praescindendo à quibusdam elevationibus specialibus, quibus Deus potest, & solet ex motu specialis beneuolentiæ, honorare sanctitatem alicuius. Et ratio est, quia Deus per talia auxilia, promouet, & coadiuuat modum proprium, & connaturalem potentiae naturalis. Ergo cum hic non extendatur, nisi ad ea, quæ sunt intra obiectum sibi physicè adaequatum, non potest ferri ad diuinam essentiam sub proprio, & claro conceptui, aliter posset illam cognoscere naturaliter, quod vidimus physicè repugnare. Hoc non valet in ordine ad auxilia, extraordinaria, per quæ potest potentia naturalis eleuari ad modum operandi sibi indebitum, per quem Deum intuituè cognoscat, ut dictum est.

## ARTICULVS. II.

*An potentia naturalis videndi Deum fundetur in connexione essentiali cum possibilitate visionis?*

**R**atio dubitandi; est, quia P. Antonius Perez in tract. de vis. n. 25. querens, unde habeatur in nobis potentia entitativè naturalis, ad visionem Dei intrinsecè supernaturalem? Respondet illam fundari in eo, quod omne ens dicat essentialem connexionem cum possibilitate cuiuslibet entis ac proinde etiam intellectus cum possibilitate supernaturali visionis Dei. Nos ergo ut veritatis lucem ex tenebris eruamus, utrumque in controuersiam reuocabimus. Sed quia non possumus omnia unico articulo comprehendere, ideo singula singulis articulis diluamus, postquam hic statuerimus quid sit dicendum in proposita difficultate.

**Conclusio.** *Potentia naturalis videndi Deum non potest formaliter fundari in connexione essentiali intellectus cum possibilitate visionis.*

Probatur euidenter, vel hæc connexio nō datur in intellectu, vel datur in omnibus rebus. Si primum, ergo non potest in illa fundari eius potentia, cum sit impossibile, illam fundari in eo, quod non est. Si secundum, ergo si in illa fundaretur talis potentia, omnia etiam corporea, & inanimata possent videre Deum, quod est absurdum. Probatur sequela, potentia videndi Deum,

Deum reperiretur formaliter in intellectu ratione præcisè connexionis cum possibilitate visionis. Ergo ubicumque reperitur talis connexio, ibi esset formaliter hæc potentia. Sed in omnibus esset hæc potentia. Ergo in omnibus esset hæc potentia. Et ratio à priori est, quia ubicumque est eadem causa formalis adæquata, ibi debet esse idem effectus formalis. Si ergo causa formalis adæquata potentia videndi Deum sit connexio essentialis cum tali possibilitate, ubicumque illa fuerit, ibi erit potentia naturalis videndi Deum, tamquam eius effectus formalis. Sed hoc est falsum, quia in lapide est connexio essentialis cū possibilitate visionis, & non datur hæc potentia, ut videbimus infra. Ergo hæc potentia, non fundatur formaliter in tali connexionē.

Obijciēs, non valet hæc consequentia, ratio formalis videndi colorem est visio. Ergo ubicumque datur visio, datur ratio formalis videndi colorem, adeoq; videtur color, quia potest visio poni in lapide, qui tamē per illā nō videret. Ergo neque valet illa consequentia, potentia videndi Deum est in intellectu, ratione connexionis essentialis cum possibilitate visionis. Ergo ubicumque inuenitur hæc connexio, ibi est potentia videndi Deum. Et ratio est, quia non semper eadem forma est causa formalis in omni subiecto; nam calor in Luna nō est causa formalis calefactionis, sicut est in ligno, propter Lunæ capacitatem.

quid dicit essentialē connexionē cum  
possibilitatē alterius entis, quādo illo im-  
plicatē, etiā aliud implicaret. Sed quolibet  
implicatē, quodlibet aliud implicaret. Ergo  
quodlibet dicit essentialē connexionē cū  
possibilitatē cuius libet. Maiorē supponit  
vt eidentē; in tantum enim implicante A.  
implicaret B. in quantum A. essentialiter  
connectitur, cum possibilitatē ipsius B.  
aliōquin implicantiā vnius non traheret  
implicantiā alterius. Minorem probat,  
tunc aliquid implicat, quādo dicit duo  
prædicata contradictoria. Sed quolibet  
implicante, quodlibet aliud diceret duo  
contradictoria. Ergo quolibet implicante,  
quodlibet aliud implicaret. Hanc autem  
secundam minorem ita probat, si implicaret  
lux e. g. Ergo eo ipso iā diceret formaliter  
lucē, & negationē lucis. Ergo quodli-  
bet aliud ens simul coexisteret luci, & ne-  
gationi lucis; & per consequens illi coexi-  
steret, & non coexisteret, quæ sunt contra-  
dictoria, per quorū inclusionē omnia  
alia implicarent. Probat hanc consequen-  
tiam, nam in illa hypothēsi implicantiæ  
lucis, homo e. g. (& idem dicit de reli-  
quis) iam coexisteret luci, & eius nega-  
tionis. Ergo posset de illo formari hoc ar-  
gumentum, *omn̄ s homo coexistit luci. Nul-  
lus homo coexistit luci. Ergo nullus homo est  
homo.* Consequentia est eidentē in *Camestres*.  
Maior est certa, quia cū lux in tali hypo-  
thēsi includat seipsam, & sui negationem,  
vtrique homo coexistendo tali impossibili,

coe-

coexisteret luci. Probat quod etiam non coexisteret, quia non coexistere luci, nihil est aliud formaliter, quàm coexistere, eius negationi. Cū ergo in tali hypothese homo coexisteret negationi lucis, non coexisteret luci, & sic verificaretur utraque contradictionis pars.

Sfortia Pallavicinus conatur eludere hoc argumentum lib. 8. n. 153. negando suppositum. Ait enim, data a hypothese duplicis contradictionis, ruiturum omne argumentum in *Camestret*, quin etiam omnem formam syllogisticam. Nam hæc (ut aduertit Aristoteles 4. met. c. 3. in fine, & ibi latè Commentator) fundatur in hoc supremo principio, quod non verificentur contradictoria. Hoc autem probat explicando vim talis syllogismi, illumque ad prima principia reducendo.

Sed pace ipsius, puto, hanc esse puram elusionem, & non solutionem argumenti. Si enim valeret eius ratio, nunquam possemus argumentari ab hypothese impossibili. Cum enim impossibile semper inuoluat contradictoria, & hæc inclusio destruat omnem formam syllogisticam, utique perinde erit argumentari ab hypothese impossibili, atque non argumentari. Quomodo ergo ipse in assert theolog. lib. 1. n. 173. quaerit an si per impossibile Deus nō esset, daretur vllum peccatum? Posset enim contra ipsum retorqueri quidquid assereret, & dici; omne peccatum cum sit deuiatio à prima regula



gula, supponit necessariò existentiam Dei; qui est essentialiter prima regula. Ergo illo non supposito, nulla daretur prima regula, adeoque frustra quæreretur, an esset deviatio ab illa. Præterea cum peccatum sit actus voluntatis creata, essentialiter à Deo pendentis, illo non existente, nullus daretur actus voluntatis, & per consequens neque haberet locum quæsitum, an esset peccatum? Sicut ergo ille concludit, *possumus loqui de hac hypothese, inpossibili dupliciter, primò ita ut non existente Deo daretur omnia alia entia distincta à Deo, & porro in hoc sensu daretur peccatum, & ita* & in casu nostro, ex hypothese illius implicantiæ, possumus uti forma syllogisticâ, quâ concludimus in *Camestres*, illam connexionem essentialem omnium, cum omnium possibilitate.

Dices, argumentum in *Camestres* intantum concludit, in quantum supponit, non posse idem simul affirmari, & negari de eodem. Ergo hic syllogismus in tali hypothese non concluderet.

Retorqueo primò argumentum, hic syllogismus supponit, non posse simul idem affirmari, & negari de eodem. Sed in tali casu, id est ex suppositione quod non detur connexio essentialis alicuius, cum possibilitate alterius, idem simul affirmaretur, & negaretur de eodem. Ergo ex vi talis syllogismi bene concluderetur, quod idẽ esset A. & non esset A. si supponeretur aliquid non connecti essentialiter cum possibili-

bilitate cuiuslibet. Vnde euidenter infer-  
tur, dari talẽm connexionem. Deinde di-  
co, tunc syllogismum hunc fore inutilem,  
quando intenderet concludere illam im-  
plicantiam, quam supponit. Sed in casu  
nostro non intendit concludere implican-  
tiam quã supponit. Ergo nõ est inutilis, eo  
quia ex implicãtia vnius infert implicãtiã  
alterius, immò omnium, posito quod  
non admittatur, omnia essentialiter con-  
necti cum omnium possibilitate.

Vt autem directè soluamus argumentũ  
Perezium, negamus primam minorem.  
Et ad doctrinã de coexistentia, nego sup-  
positum. Ex eo. n. quòd lux implicaret, nõ  
sequeretur, quòd omnia alia illi coexiste-  
rẽt, & nõ coexisterẽt. Et ratio est, quia hæc  
cõtradictio tũc solũ sequeretur, quãdo po-  
sita implicantia lucis. Petrus e. g. habe-  
ret simul existentiam, & non haberet.  
Sed hoc non sequeretur, quia lux impli-  
cans esset formaliter lux nõ lux. Ergo illi  
coexistens coexisteret luci non luci, hoc  
est complexo ex luce, eiusque negatione,  
adeoque neque coexisteret luci, neque  
eius negationi, sed complexo vtriusque.

Dices, coexistentia cum complexo, est  
coexistentia cum partibus illius. Sed Pe-  
trus coexisteret complexo. Ergo partibus.

Distinguo maiorem, si sit complexum  
constans ex partibus non se mutuò de-  
struentibus, concedo; se mutuò destruen-  
tibus, nego maiorem. Et distincta eodem  
modo minori, nego consequentiam. Ra-

tio à priori est , quia cum cōtradictio consistat formaliter in complexo seu similitate partium incompossibilium, nō est idē philosophari de partibus seorsim, atq; de cōplexō illarū, quod formaliter resulteret ex mutua positione, & destructione partiū.

Urgebis. Ergo hoc impossibile nullum includeret ex duobus cōtradictorijs, quia includeret vtriusque destructionem. Consequens est absurdum , alioquin non esset impossibile. Ergo, & antecedens.

Distinguo antecedens, non includeret formaliter contradictoria, transeat: non includeret radicaliter , nego maiorem . Posito enim quod partes per ipsam formalem inclusionem in tali complexo, amitterent formaliter esse partes , quia propter mutuam destructionem, amitterent existentiam , non possent formaliter in illo includi, alioquin, se destruerent , & non destruerent; essent contradictoria, & non essent, quæ sunt suppositiones seipsas destruentes . Non possunt ergo intelligi, vt formaliter constituentes hoc impossibile, nisi per existentiam virtuales , seu radicalem in tali toto , ratione cuius perinde se habeat intellectus, in ordine ad affirmationē, & negationē vtriusq; cōtradictorijs, ac si verē vtriusque formaliter remaneret. Verū de his fusius egimus in metaphysicis.

#### A R T I C V L V S. III.

*An Deus essentialiter connectatur cum possibilitate adæquata cuiuscumque obiecti possibilis extra se?*

Con.

**C**onclusio est affirmatiua. Probatur 1.  
 Posse creaturas producere, est euidenter perfectio simpliciter simplex. Ergo necessario conuenit Deo. Sed potentia producendi creaturas necessario, & essentialiter connectitur cum earum possibilitate; neque enim posset illas producere, si non essent posibles. Ergo cum Deus dicat hanc potentiam, dicit etiam connectionem, seu ordinem essentialem ad possibilitatem omnium creaturarum? Et ideo S. Thomas in quodlib. q. 23. de ver. ar. 4. ad 13. ait, *scientia, & potentia, quamuis important respectum ad creaturas, tamen pertinent ad ipsam perfectionem diuinæ essentie.* Cum ergo hic respectus non possit terminari ad creaturas ut existentes; alioquin deberent omnes necessario existere, debet terminari ad illas ut posibles, adeoque ad ea unam possibilitatem.

2. Deus essentialiter cognoscit, se esse Deum, & omne non Deum esse non Deum, & aliquid à se distinctum. Cum ergo cognitio Dei non sit confusa, cognoscendo non Deum, cognoscit omnia à se distincta, videlicet hominem, ferrum, &c. Sed hæc cognitio est comprehensiva. Ergo nullam videt impossibilitatem in his obiectis, sicut in chimericis nullam videt possibilitatem. Ergo necessario uidet omnia, quædam ut posibles, & quædam ut impossibilia, adeoque possibilitatem illorum, & horum impossibilitatem. Sed cognitio Dei non potest esse falsa. Ergo cum verificetur

ficetur per possibilitatem possibilem, & impossibilitatem impossibilem, Deus necessario, & essentialiter cum illis conneditur, posito quod admittatur ens rationis obiectuum, quod nos negauimus.

3. Deus est summè independens. Ergo necessario cognoscit suam independentiam, vt independentiam. Sed independentia dicit negationem dependentiæ. Ergo cognoscit independentiam, quam de se negat. Hæc autem dependentia, vel cognoscitur vt possibilis, vel vt impossibilis? Non vt impossibilis, aliòquin Deus excluderet a se chimæram, ac proinde independentia non esset perfectio in Deo, quia exclusio chimære nō est perfectio. Ergo cognoscitur vt possibilis, nō quidē intra, sed extra se. Quare diuina indepēdētia dicit negationem dependentiæ creatæ intra Deum. Cum igitur hæc cognitio sit necessario in Deo, & hæc terminetur ad possibilitatem cuiuscunque dependentiæ contingentis, facit Deum necessario connexionem cum tali possibilitate. Idem argumentum posset formari super immutabilitate, quæ dicit negationem cuiuscunque mutationis contingentis, vt possibilis extra Deum, & de omnibus alijs attributis negatiuis. Ergo dicit connexionem cum possibilitate omnium.

Obijcies 1. Si dependentia, quæ excludit diuinā independentia, est contingens, & possibilis, potest simpliciter dari. Supponamus ergo dari, tunc vel Deus haberet inde-

independentiam vel non? Si primum. Ergo darentur duo contradictoria, videlicet dependentia creata, & negatio dependentiæ creatæ. Si secundum. Ergo Deus non esset Deus, quia esset factus dependens, per negationem independentiæ. Hoc idem posset dici de mutatione, respectu immutabilitatis, &c. Ergo hæc doctrina non subsistit. Et per consequens dicendum est, dependentiam exclusam per attributum independentiæ, esse dependentiam diuinam, adeoque chimericam, videlicet illam, quæ si daretur, esset diuina.

Respondeo exclusionē dependentiæ cōtingentis non fieri à diuina independentia, per veram, & abusiuam realitatem negatiuam, sed per positiuam perfectionem. Quare quamuis explicetur per actum negatiuum, nullam tamen dicit negationem. Fit ergo per oppositionem relatiuam, quatenus Deus vt causa prima opponitur relatiuè cuicumque effectui a se producibili, cuiusmodi sunt omnes dependentiæ à Deo creabiles. Et ratio à priori est, quia cum omnis distinctio nihil sit aliud, quam ipsa extrema, quæ distinguuntur, vt fusè probauimus in disp. met. lib. 1. disp. 2. ar. 5. & omnis dependentia creata, siue creabilis sit aliquod positium, siue actu, siue potentia; necessario importat perfectiones oppositas in extremis, quæ distinguuntur. Siue ergo supponatur, actu existere dependentiam Petri à Deo e. g. siue supponatur non existere, semper excluditur a diui-

Dices, Remansisset in illis memoria visionis Dei. Ergo semper Deum vidissent; etiam post reditum ad viam. Nego consequentiam. Nam sola memoria visionis præteritæ non trahit visionem claram circa idem obiectum, sed solum ænigmaticam, & obscuram, vt patet in visione sensibili.

Urgebis, Saltem in actu exercito visionis Dei, cognouissent, se ad vitam pristinam redituros, videlicet ad miseras, & ærumnas, & ad ipsam priuationem visionis. Ergo quantum habuissent certitudinem; quod suo tempore consequerentur beatitudinem, adhuc fuissent miseri, propter cognitionem, ineuitabilis mali positiui, & priuatiui. Consequentia est euidens, quia, tam cognitio futuræ priuationis boni, quàm futuræ miseriæ est dolorifera. Antecedens probatur, quia in illa visione non apparebat necessitas, seu certitudo perpetuitatis, immò certitudo futuræ desitionis, eò quia in illa cognoscebant se viatores.

Nego maiorem. Primò quia (vt dixi) potuisset Deus mentes illorum aliò auocare, vt nihil cogitarent de statu viæ, neque de se ipsis vt viatoribus. Deinde quia licet considerassent imminentem finem visionis, vidissent etiam, illam ad breue tēpus desituram, propter honorē Dei, vt esset deinde in eternū duratura. Nō fuisset ergo materia prudētis angoris priuatio tēporanea imminens visionis, tātò scēnore breui compensanda, ita vt etiam ipsa priuatio tem-

temperantia sit in uicium computanda, ad illam uisionem augendam, vel saltem perficiendam, ut augeatur beatitudo in perpetuas æternitates. Quod est adeo verum, ut etiam ipsi comprehensores, si possent, se ad tempus priuaret beatitudine, ut tali priuatione temperantia, æternum illi facerent additamentum, licet minimum.

Probatur secunda pars, non solum ex dictis initio huius articuli, sed etiam ex dictis in 2. disp. ubi fuse probatum est, non posse Deum uideri secundum vires naturæ, licet secundum legem ordinariam at Deo confortata, hoc est per illa auxilia, quæ solet Deus communiter dispensare, ut causa prima, præscindendo à quibusdam eleuationibus specialibus, quibus Deus potest, & solet ex motu specialis beneuolentiæ, honorare sanctitatem alicuius. Et ratio est, quia Deus per talia auxilia promouet, & coadiuuat modum proprium, & connaturalem potentie naturalis. Ergo cum hic non extendatur, nisi ad ea, quæ sunt intra obiectum sibi physicè adæquatum, non potest ferri ad diuinam essentiam sub proprio, & claro conceptui, aliter posset illam cognoscere naturaliter, quod uidemus physicè repugnare. Hoc non valet in ordine ad auxilia, extraordinaria, per que potest potentia naturalis eleuari ad modum operandi sibi indebitum, per quem Deum intuitiue cognoscat, ut dictum est.



## ARTICULVS. II.

*An potentia naturalis videndi Deum fundetur in connexione essentiali cum possibilitate visionis?*

**R**atio dubitandi; est, quia P. Antonius Perez in tract. de vis. n. 25. quærens, unde habeatur in nobis potentia entitatiuè naturalis, ad visionem Dei intrinsecè supernaturalem? Respondet illam fundari in eo, quod omne ens dicat essentialem connexionem cum possibilitate cuiuslibet entis ac proinde etiam intellectus cum possibilitate supernaturali visionis Dei. Nos ergo vt veritatis lucem ex tenebris eruamus, vtrumque in controuersiam reuocabimus. Sed quia non possumus omnia vnico articulo comprehendere, ideo singula singulis articulis diluemus, postquam hic statuerimus quid sit dicendum in proposita difficultate.

*Conclusio. Potentia naturalis videndi Deum non potest formaliter fundari in connexioni essentiali intellectus cum possibilitate visionis.*

Probatur euidenter, vel hæc connexio nõ datur in intellectu, vel datur in omnibus rebus. Si primum, ergo non potest in illa fundari eius potentia, cum sit impossibile, illam fundari in eo, quod non est. Si secundum, ergo si in illa fundaretur talis potentia, omnia etiam corporea, & inanimata possent videre Deum, quod est absurdum. Probatur sequela, potentia videndi Deum,

Deum reperiretur formaliter in intellectu ratione præcisè connexionis cum possibilitate visionis. Ergo ubicumque reperitur talis connexio, ibi esset formaliter hæc potentia. Sed in omnibus est hæc connexio. Ergo in omnibus esset hæc potentia. Et ratio à priori est, quia ubicumque est eadem causa formalis adæquata, ibi debet esse idem effectus formalis. Si ergo causa formalis adæquata potentiae videndi Deum sit connexio essentialis cum tali possibilitate, ubicumque illa fuerit, ibi erit potentia naturalis videndi Deum, tamquam eius effectus formalis. Sed hoc est falsum, quia in lapide est connexio essentialis cum possibilitate visionis, & non datur hæc potentia, ut videbimus infra. Ergo hæc potentia, non fundatur formaliter in tali connexionē.

Obijcies, non valet hæc consequentia, *ratio formalis videndi colorem est visio. Ergo ubicumque datur visio, datur ratio formalis videndi colorem, adeoque videtur color*, quia potest visio poni in lapide, qui tamē per illā nō videret. Ergo neque valet illa consequentia, *potentia videndi Deum est in intellectu, ratione connexionis essentialis cum possibilitate visionis. Ergo ubicumque inuenitur hæc connexio, ibi est potentia videndi Deum*. Et ratio est, quia non semper eadem forma est causa formalis in omni subiecto; nam calor in Luna nō est causa formalis calefactionis, sicut est in ligno, propter Lunæ incapacitatem.

Primò nego antecedens. Nam argumētum nostrum non infert ex ratione causæ formalis effectum formalem primarium, cum omnibus, quæ ex illo consequuntur, & effectus formales secundarios, sed solū ipsum effectum formalem primarium. Quamuis ergo non valeat ex eo quòd datur visio in lapide, quòd lapis videat, vallet tamen quòd habeat rationem formale videndi, quamuis deinde propter eius incapacitatem, non habeat, neque possit habere effectum formalem secundarium, quòd videat. Cum ergo effectus formalis primarius talis connexionis in eo casu, in quo fundaret formaliter potentiam naturalem visionis, sit dare formaliter potentiam ad videndum Deum, utique in omnibus illam daret, quamuis deinde propter incapacitatem, non possent illam omnia reducere ad actum secundum. Vnde inferretur, quòd lapis e. g. haberet per talem connexionem, potentiam ad videndum Deum, & non haberet, quæ sunt contradictoria.

Deinde quidquid sit de illo antecedenti, nego consequentiam. Nam in primo casu de colore, fit transitus ex effectu formali ad alia, quæ consequuntur ex ipso, videlicet ad videndum, quòd non fit in secundo casu, in quo consequentia infert solum effectum formalem ipsius connexionis essentialis, cum possibilitate visionis, qui effectus est formaliter potentia videndi Deum. Sicut ergo est impossibile, dari potentiam videndi

videndi Deum, & non dari, ita est impossibile, dari in lapide talem connexionem, & non dari potentiam ad Deum videndum, quæ sunt formaliter idem, in sententia arguentis.

### ARTICULVS. III.

*An omne ens contingens dicat essentialem connexionem, cum possibilitate omnium entium?*

**C**onclusio est affirmatiua. Probatur 1. ex cōceptu quidditatiuo possibilitatis. Cum enim hæc nihil sit aliud, quam omnipotentia primi, & summi entis, a quo omnia tamquam effectus dependent, vt fusè probauimus in disp. met. lib. 2. disp. 1. per totam, vtique nullum potest existere, obiectum, quod non connectatur cum diuina omnipotentia, adeoque cum possibilitate omnium rerum.

2. Omne obiectum, siue ens necessario est possibile, vt probauimus ibid. lib. 3. disp. 1. ar. 4. Ergo necessario dicit relationem ad possibilitatem sui, tamquam ad formā, vnde denominatur possibile. Sed hæc eadem forma denominat etiam possibile omne aliud obiectum. Ergo omne aliud obiectum dicit relationem, adeoque connexionem essentialem cum omnium entium possibilitate, quæ est vna, & eadem omnibus communis.

P. Antonius Perez in trat. de visione n. 27. ita probat hanc cōclusionem, tunc aliquid

quid dicit essentialē connexionem cum  
possibilitate alterius entis,quādo illo im-  
plicāte,etiā aliud implicaret. Sed quolibet  
implicāte,quodlibet aliud implicaret. Ergo  
quodlibet dicit essentialē connexionē cū  
possibilitate cuius libet. Maiorē supponit  
vt euidētē; in tantum enim implicāte A.  
implicaret B. in quantum A. essentialiter  
connectitur, cum possibilitate ipsius B.  
ali oquin implicātia vnius non traheret  
implicātiā alterius. Minorem probat,  
tunc aliquid implicat, quādo dicit duo  
prædicata contradictoria. Sed quolibet  
implicāte, quodlibet aliud diceret duo  
contradictoria. Ergo quolibet implicāte,  
quodlibet aliud implicaret. Hanc autem  
secundam minorem ita probat, si implicaret  
lux e.g. Ergo eo ipso iā diceret formaliter  
lucē, & negationē lucis. Ergo quodli-  
bet aliud ens simul coexisteret luci; & ne-  
gationi lucis; & per consequens illi coexi-  
steret, & non coexisteret, quæ sunt contra-  
dictoria, per quorum inclusionem omnia  
alia implicarent. Probat hanc consequen-  
tiam, nam in illa hypothēsi implicantiæ  
lucis, homo e. g. (& idem dicit de reli-  
quis) iam coexisteret luci, & eius nega-  
tioni. Ergo posset de illo formari hoc ar-  
gumentum, *om̃ s homo coexistit luci. Nul-  
lus homo coexistit luci. Ergo nullus homo est  
homo.* Consequentia est euidēs in *Camestres*.  
Maior est certa, quia cū lux in tali hypo-  
thēsi includat seipsam, & sui negationem,  
vtique homo coexistendo tali impossibili,

coexisteret luci. Probat quod etiam non coexisteret, quia non coexistere luci, nihil est aliud formaliter, quàm coexistere, eius negationi. Cū ergo in tali hypothese homo coexisteret negationi lucis, non coexisteret luci, & sic verificaretur utraque contradictionis pars.

Sfortia Pallavicinus conatur eludere, hoc argumentum lib. 8. n. 153. negando suppositum. Ait enim, da a hypothese duplicis contradictionis, ruiturum omne argumentum in *Camelæret*, quin etiam omnem formam syllogisticam. Nam hæc (ut aduertit Aristoteles 4. met. c. 3. in fine, & ibi latè Commentator) fundatur in hoc supremo principio, quod non verificentur contradictoria. Hoc autem probat explicando vim talis syllogismi, illumque ad prima principia reducendo.

Sed pace ipsius, puto, hanc esse puram elusionem, & non solutionem argumenti. Si enim valeret eius ratio, nunquam possemus argumentari ab hypothese impossibili. Cum enim impossibile semper inuoluet contradictoria, & hæc inclusio destruat omnem formam syllogisticam, vique periade erit argumentari ab hypothese impossibili, atque non argumentari. Quomodo ergo ipse in assert. theolog. lib. 1. n. 173. quærit an si per impossibile Deus nō esset, daretur vllum peccatum? Posset enim contra ipsum retorqueri quidquid assereret, & dici, omne peccatum cum sit deviatio à prima regula

gula, supponit necessariò existentiam Dei; qui est essentialiter prima regula. Ergo illo non supposito, nulla daretur prima regula, adeoque frustra quæreretur, an esset deviatio ab illa. Præterea cum peccatum sit actus voluntatis creatæ, essentialiter à Deo pendentis, illo non existente, nullus daretur actus voluntatis, & per consequens neque haberet locum quæsitum, an esset peccatum? Sicut ergo ille concludit, *possumus loqui de hac hypothese impossibili dupliciter, primò ita ut non existente Deo daretur omnia alia entia distincta à Deo, & porro in hoc sensu daretur peccatum, &c. ita* & in casu nostro, ex hypothese illius implicantiæ, possumus uti forma syllogistica, qua concludimus in *Camestres*, illam connexionem essentialem omnium, cum omnium possibilitate.

Dices, argumentum in *Camestres* intantum concludit, in quantum supponit, non posse idem simul affirmari, & negari de eodem. Ergo hic syllogismus in tali hypothese non concluderet.

Retorqueo primò argumentum, hic syllogismus supponit, non posse simul idem affirmari, & negari de eodem. Sed in tali casu, id est ex suppositione quod non detur connexio essentialis alicuius, cum possibilitate alterius, idem simul affirmaretur, & negaretur de eodem. Ergo ex vi talis syllogismi bene concluderetur, quod idẽ esset A. & non esset A. si supponeretur aliquid non connecti essentialiter cum possibili-

bilitate cuiuslibet. Vnde euidenter infer-  
tur, dari talem connexionem. Deinde di-  
co, tunc syllogismus hunc fore inutilem,  
quando intenderet concludere illam im-  
plicantiam, quam supponit. Sed in casu  
nostro non intendit concludere implicā-  
tiam quā supponit. Ergo nō est inutilis, eo  
quia ex implicātia vnius infert implicātiā  
alterius, immò omnium, posito quod  
non adinittatur, omnia essentialiter con-  
necti cum omnium possibilitate.

Vt autem directè soluamus argumentū  
Perezium, negamus primam minorem.  
Et ad doctrinā de coexistentia, nego sup-  
positum. Ex eo. n. quod lux implicaret, nō  
sequeretur, quod omnia alia illi coexiste-  
rēt, & nō coexisterēt. Et ratio est, quia hæc  
cōtradictio tūc solū sequeretur, quādo po-  
sita implicantia lucis. Petrus e. g. habe-  
ret simul existentiam, & non haberet.  
Sed hoc non sequeretur, quia lux impli-  
cans esset formaliter lux nō lux. Ergo illi  
coexistens coexisteret luci non luci, hoc  
est complexo ex luce, eiusque negatione,  
adeoque neque coexisteret luci, neque  
eius negationi, sed complexo vtriusque.

Dices, coexistentia cum complexo, est  
coexistentia cum partibus illius. Sed Pe-  
trus coexisteret complexo. Ergo partibus.

Distinguo maiorem, si sit complexum  
constans ex partibus non se mutuò de-  
struentibus, concedo; se mutuò destruen-  
tibus, nego maiorem. Et distincta eodem  
modo minori, nego consequentiam. Ra-



tio à priori est , quia cum contradictio consistat formaliter in complexo seu similitate partium impossibilem, nō est idē philosophari de partibus seorsim; atq; de cōplexo illarū, quod formaliter resultet ex mutua positione, & destructione partiū.

*Urgebis.* Ergo hoc impossibile nullum includeret ex duobus cōtradictorijs, quia includeret vtriusque destructionem. Consequens est absurdum , alioquin non esset impossibile. Ergo, & antecedens.

Distinguo antecedens, non includeret formaliter contradictoria, transeat: non includeret radicaliter , nego maiorem . Posito enim quod partes per ipsam formalem inclusionem in tali complexo, amitterent formaliter esse partes , quia propter mutuam destructionem, amitterent existentiam , non possent formaliter in illo includi, alioquin, se destruerent , & non destruerent; essent contradictoria, & non essent, quæ sunt suppositiones seipsas destruentes . Non possunt ergo intelligi, vt formaliter constituentes hoc impossibile, nisi per existentiam virtualem , seu radicale in tali toto , ratione cuius perinde se habeat intellectus, in ordine ad affirmationē, & negationē vtriusq; cōtradictorijs, ac si verē vtrumque formaliter remaneret. Verū de his fusiùs egimus in metaphysicis.

A R T I C V L V S. III.

*An Deus essentialiter connectatur cum possibilitate adæquata cuiuscumque obiecti possibilis extra se?*

Con.

**C**onclusio est affirmatiua. Probatur 1.  
 Posse creaturas producere, est euidenter perfectio simpliciter simplex. Ergo necessario conuenit Deo. Sed potentia producendi creaturas necessario, & essentialiter connectitur cum earum possibilitate; neque enim posset illas producere, si non essent posibles. Ergo cum Deus dicat hanc potentiam, dicit etiam connectionem, seu ordinem essentialem ad possibilitatem omnium creaturarum? Et ideo S. Thomas in quodlib. q. 23. de ver. ar. 4. ad 13. ait, *scientia, & potentia, quamuis important respectum ad creaturas, tamen pertinent ad ipsam perfectionem diuinæ essentie.* Cum ergo hic respectus non possit terminari ad creaturas ut existentes; alioquin deberent omnes necessario existere, debet terminari ad illas ut posibles, adeoque ad ea impossibilitatem.

2. Deus essentialiter cognoscit, se esse Deum, & omne non Deum esse non Deum, & aliquid à se distinctum. Cum ergo cognitio Dei non sit confusa, cognoscendo non Deum, cognoscit omnia a se distincta, videlicet hominem, ferrum, &c. Sed hæc cognitio est comprehensua. Ergo nullam videt impossibilitatem in his obiectis, sicut in chimæricis nullam videt possibilitatem. Ergo necessario uidet omnia, quædam ut posibles, & quædam ut impossibilia, adeoque possibilitatem illorum, & horum impossibilitatem. Sed cognitio Dei non potest esse falsa. Ergo cum verificetur

ficeretur per possibilitatem possibilem, & impossibilitatem impossibilem, Deus necessario, & essentialiter cum illis conneditur, posito quod admittatur ens rationis obiectivum, quod nos negauimus.

3. Deus est summè independens. Ergo necessario cognoscit suam independentiam, vt independentiam. Sed independentia dicit negationem dependentiæ. Ergo cognoscit independentiam, quam de se negat. Hæc autem dependentia, vel cognoscitur vt possibilis, vel vt impossibilis? Non vt impossibilis, aliòquin Deus excluderet a se chimæram, ac proinde independentia non esset perfectio in Deo, quia exclusio chimære nō est perfectio. Ergo cognoscitur vt possibilis, nō quidē intra, sed extra se. Quare diuina indepēdētia dicit negationem dependentiæ creatæ intra Deum. Cum igitur hæc cognitio sit necessario in Deo, & hæc terminetur ad possibilitatem cuiuscunque dependentiæ contingentis, facit Deum necessario connexum cum tali possibilitate. Idem argumentum posset formari super immutabilitate, quæ dicit negationem cuiuscunque mutationis contingentis, vt possibilis extra Deum, & de omnibus alijs attributis negatiuis. Ergo dicit connexionem cum possibilitate omnium.

Obijcies i. Si dependentia, quæ excludit diuinam independentiam, est contingens, & possibilis, potest simpliciter dari. Supponamus ergo dari, tunc vel Deus haberet inde-

independentiam vel non? Si primum. Ergo darentur duo contradictoria, videlicet dependentia creata, & negatio dependentiæ creatæ. Si secundum. Ergo Deus non esset Deus, quia esset factus dependens, per negationem independentiæ. Hoc idem posset dici de mutatione, respectu immutabilitatis, &c. Ergo hæc doctrina non subsistit. Et per consequens dicendum est, dependentiam exclusam per attributum independentiæ, esse dependentiam diuinam, adeoque chimericam, videlicet illam, quæ si daretur, esset diuina.

Respondeo exclusionē depēdentiæ cōtingentis non fieri à diuina independentia, per veram, & abusiuam realitatem negatiuam, sed per positiuam perfectionem. Quare quamuis explicetur per actum negatiuum, nullam tamen dicit negationem. Fit ergo per oppositionem relatiuam, quatenus Deus vt causa prima opponitur relatiuè cuicumque effectui a se producibili, cuiusmodi sunt omnes dependentiæ à Deo creabiles. Et ratio à priori est, quia cum omnis distinctio nihil sit aliud, quam ipsa extrema, quæ distinguuntur, vt fusè probauimus in disp. met. lib. 1. disp. 2. ar. 5. & omnis dependentia creata, siue creabilis sit aliquod positiuum, siue actu, siue potentia; necessariò importat perfectiones oppositas in extremis, quæ distinguuntur. Siue ergo supponatur, actu existere dependentiam Petri à Deo e. g. siue supponatur non existere, semper excluditur a diui-

diuina independentia, non tamquam sui negatione (alioquin vel dependentia, vel independentia essent aliquod merè negatiuum) sed tamquam à suo correlatiuo opposito.

Hæc autem doctrina allata fuit à nobis in logica lib. 2, dis. 1, in resp. ad 2, ubi agendo de vnitæte vniuersalis diximus, illam nullam inuoluere negationem obiectiuam, quamuis explicetur per actum negatiuum, quod videlicet *unum sit indiuisum in se, & diuisum à quolibet alio*. Equiuocatio autem consistit in hoc, quod facile confundatur negatio formalis cum obiectiua. Cum ergo huiusmodi perfectiones, siue prædicata explicentur per negationes formales, dant multis ansam dicendi, illas inuoluere negationes obiectiuas. Verum de hoc fusius agemus in materia de attributis negatiuis.

Hinc obiter infer, quam parum solide philosophentur 11. omnes, qui dicunt, diuinam æternitatem importare formaliter negationem obiectiuam cuiuscunque successionis. Nam semper illis difficillimum est, ne dicam impossibile, respondere ad argumētum de successione exclusa. Sæper enim viget hæc instatia, vel successio exclusa est diuina, vel creata. Si primum, cum hæc sit impossibilis, excluditur aliquod impossibile; cuius negatio dari non potest, cum sit de essentia cuiuscunque negationis esse de obiecto contingenti, vt probauimus in met. lib. 3, disp. 1. ar. 3. Præterquam quod  
om-

omne impossibile est aliquod negatiuum, quia neque datur, neque potest dari. Ergo si daretur eius negatio, daretur negatio negationis, quod implicat. Si dicatur secundum, cum sit contingens, non potest excludi, nisi per negationem contingentem, adeoque per negationem potentem non existere, quod redderet possibilem successionem intrinsecam diuinæ æternitatis. Numquam igitur potest solui hoc argumentum, nisi dicendo, negationem successionis esse solum formalem, & non obiectiuam. Nullum autem est absurdum quod aliquod positium explicetur per aliquod negatiuum formale; nam cum diuiditur animal in rationale, & irrationale, *ly irrationale* explicatur per negationem formalem, & tamen est aliquod positium, ut probauimus in logica lib. 2. disp. 2. ar. 8.

Obijcies 2. Nō potest dari vera relatio, seu connexio inter duo, quæ sunt realiter idem. Sed Deus est realiter idem cum possibilitate omnium rerum. Ergo non potest cum illa realiter connecti.

Distinguo maiorem, non potest dari vera relatio realis, & obiectiua, concedo relatio rationis, nego maiorem. Et concessa minori, distingo consequens, non potest Deus realiter connecti connexione obiectiua, concedo: connexionem rationis, & formalem, nego consequentiam. Deus igitur ex parte obiecti connectitur cum possibilitate omnium rerum connexionem identitatis, formaliter tamen, seu per nostrum.

Primum modum concipiendi, connexionem rationis, fundata in distinctione rationis ratiocinata.

Ob. 3. Si nullum esset possibile ens supernaturalē, adhuc essentabilia naturalia. Ergo hæc non dicunt essentialē connexionem cum possibilitate entium supernaturalium.

Nego antecedens. Quamvis enim propter defectum, & limitationem nostri intellectus, ex impossibilitate entium supernaturalium, non semper possimus inferre impossibilitatem entium naturalium, ex defectu cognitionis illorum, non tamen sequitur, hanc inferri non posse a bene percipientibus ordinem supernaturalem. Verè enim datur horum connexio cum illorum possibilitate, quamvis propter excellentiam termini, nostræ fugiat aciem intelligentiæ. Ea ratione, qua licet detur in lapide relatio transcendentalis ad Deum, non tamen cognoscitur ab oculo corporeo vidente lapidem.

4. Si Deus non esset trinus, adhuc potuisset mundum producere. Ergo hic mundus non dicit connexionem essentialē cum Trinitate, adeoque cum possibilitate omnium rerum.

Nego antecedens. Si enim Deus non esset trinus, non esset Deus. Deinde nego consequentiam. Ratio est, quia cum nos non possimus penetrare in via naturæ, existendi necessitate in huius altissimi mysterij, possumus retinere totam scientiam naturalem  
de

de dependentia creaturarum à Deo vno, præscindēdo ab assēsu circa mysteriū Dei trini. Quia tamen verè Deus est trinus, ideo illa cōditionalis est simpliciter falsa; adeò-que semper est verū, quod omne obiectum dicat realiter connexionem essentiālem cum Deo, non soluunt vt vno, sed etiam vt trino, posito quod Deus vt vnus, & trinus sit realiter possibilitas omnium rerum.

5. Quamuis equus rationalis sit chimæra, non tamen sequitur, Deum non esse Deum. Ergo ex eo quod equus esset chimæra, nō sequeretur, Deum non esse Deū; & per consequens Deus non dicit essentiālem connexionem cum possibilitate equi, quia licet equus esset impossibilis, adhuc, Deus esset Deus. Probatur consequentia, quia ita se habet ad Deum equus rationalis chimæra, sicut equus chimæra; eo modo quo ad volandum eodem modo se habet lapis, ac homo lapis. Sicut ergo ex eo quod lapis non possit volare, sequitur quod neque homo lapis possit volare; ita ex eo quod equus rationalis sit chimæra, non redderet Deum impossibilem, etiam equus chimæra non reddit Deum impossibilem.

Distinguo consequens, non sequeretur, Deum non esse Deum, ex vi prædicati, seu subiecti tantum; concedo: non sequeretur ex vi vtriusque simul, siue ex integra hypothesis, nego consequentiam. Prò intelligentia, notandum est, dupliciter posse fieri argumentum ex hypothesis impossibili. Primò assumendo prò medio prædicatum



solum hypothesis; & tunc quidquid sequitur in vno extremo per tale medium, sequitur etiam in quolibet alio similis hypothesis. E.g. hoc argumentum: *si homo esset equus hinniret*, assumit tantum pro medio *ly equus*, ex cuius hypothesis affirmat hinnitum de homine. De quocunque ergo affirmetur equus, poterit etiam sub eadem hypothesis affirmari hinnitus; & sic posset dici, *si lapis esset equus hinniret: si Angelus esset equus hinniret*. Si ergo in tali hypothesis prædicatum non sit chimæricum, non poterunt ex illo inferri duo contradictoria. Atque adeo ex tali hypothesis, quia prædicatum *equus* non est chimæricum, non poterit inferri ex illa proportionem, *si homo esset equus hinniret*, quod homo hinniret, & non hinniret, quia hæc non conueniunt equo, sub cuius hypothesis affirmatur de homine hinnitus. Quod si prædicatum sit chimæricum, tunc possunt affirmari de subiecto contradictoria, vt patet in hac propositione *si homo esset chimæra, existeret, & non existeret*, quia verè hæc contradictoria sequuntur ex prædicato *chimæra*.

Secundò potest fieri hoc argumētū, assumendo pro medio integram hypothesis, videlicet tam prædicatum, quam subiectū simul, hoc modo, *si avis esset lapis volaret*; & tunc quidquid sequeretur ex utroque extremo scorsim sumpto, sequitur coniunctum ex tota hypothesis. Quia ergo volatus bene sequitur ex subiecto *avis*, & bene nō sequitur ex prædicatio *lapis*, ideo ex tota illa

illa hypothefi, bene fequitur de aue, quòd volaret, & non volaret. Quòd fi fingimus, in tali hypothefi prædicatum effe omnino difparatum, & impertinens vtrique extremo hypothefis, tunc neque ex tota hypothefi fequitur vtrumque contradictorium, fed folum negatio illius prædicati. E. g. *Si homo effet lapis volaret*, in hac propofitione *ily volaret* neque conuenit homini, neque lapidi, Ergo ex integra hypothefi non poteft illud inferri, fed folum negatio illius, quòd videlicet non volaret. Quòd idem dico, fi tam fubiectum, quàm prædicatum hypothefis fint impoffibilia, vt in hac propofitione, *fi homo equus effet lapis rugibilis volaret*: nam neque tunc inferretur volatus, neque vtrumque contradictorium, fed folum negatio volatus.

His fuppoſitis, vt ad argumētum redeā, ideo ex illa prima propofitione, *quamuis equus rationalis fit chimæra, non tamen fequitur Deum non effe Deum*, non (inquam) fequitur impoffibilitas Dei, quia fiue confideretur tota hypothefis, fiue folum prædicatum, femper venit impoffibilitas alicuius impoffibilis, ex qua non folum non fequitur impoffibilitas Dei, fed potius fequitur eius poſſibilitas, quia fequitur negatio impoffibilitatis, ſicut diximus fequi negationem volatus ex illa hypothefi, *ſi homo effet lapis volaret*. Et ratio à priori eſt quia ſicut Deus eſſentialiter connectitur cum poſſibilitate rerum poſſibilium, ita eſſentialiter, connectitur cum impoſſibili-

tate rerum impossibilium . Ex eo igitur quòd supponatur impossibilitas chimæræ, potiùs probatur essentialis connexio Dei cum illa, adeòque diuina existentia.

Vt autem hoc meliùs pateat, explicemus primam illam propositionem, per veram conditionalem, nempe *si equus rationalis esset chimæra, Deus non esset Deus*, quæ æquiualeat huic, *si chimæra esset chimæra, Deus non esset Deus*, eò quia equus rationalis fit idem atque chimæra. Quis autem non videat, negationem, seu impossibilitatem Dei non sequi ex impossibilitate chimæræ, quæ potiùs fundat formaliter eius possibilitatem, seu necessitatem existendi, per necessariam connexionem cum impossibilitate rerum impossibilium, quæ tandem nihil est aliud formaliter, quàm summa perfectio Dei, vt explicuimus in metaphisicis?

Quòd si consideremus secundam propositionem, *si equus esset chimæra, Deus non esset Deus*, oppositum contingit. Quàuis enim ex parte prædicati non sequeretur negatio Dei, sequeretur tamen ex integra hypothefi . Nam ex parte subiecti venit equus, qui est possibilis, & ex parte prædicati venit chimæra, quæ est impossibilis; adeòque ex integra hypothefi venit impossibilitas equi possibilis, quod idem est, atque possibilitas, & negatio possibilitatis, quæ inferunt negationem Dei. Idem valet in hac alia, *si locutio Dei sit mendax, Deus non esset Deus*. Quamuis enim negatio

tio Dei non sequatur ex parte subiecti præcisè, neque ex parte prædicati præcisè, videlicèt ex eo quod locutio Dei sit locutio Dei, & mendacium sit mendacium, tamen sequitur ex parte vtriusque simul, adeòque ex integra hypothefi, videlicèt ex eo quod locutio Dei sit mendacium.

Nusquam tamen melius apparet hæc veritas, quàm in hac propositione, *fi Spiritus Sanctus procederet à solo Patre, non distingueretur à Filio*. Hæc enim propositio si fiat ex solo prædicato hypothefis, est veriffima, nam omnis persona diuina procedēs à solo Patre, & non opposita relatiuè Filio, est idem cum Filio. Sin autem fiat ex integra hypothefi, quod videlicèt remaneat Spiritus Sanctus, oppositus relatiuè Filio, & ab illo non distinguatur, est falsa; quia tunc infert vtramque partem contradictionis, videlicèt quod distingueretur, & non distingueretur à Filio.

## DISPUTATIO VIII.

*De subiecto extraneo visionis Dei.*

**D**ivus Thomas 1. p. q. 12. ar. 3. quærens, *an Deus possit videri oculis corporeis*, respondet negativè, quam opinionem ferè omnes theologi, ut evidentem proclamant. Quia tamen omnium ratio tandem reducitur ad hoc, quod potentiæ sensitivæ sint improporcionatæ huiusmodi visioni, eò quia (ut ait Angelicus) omnis potentia huiusmodi est act<sup>9</sup> corporalis organi; act<sup>9</sup>

autem proportionatur ei, cuius est actus. Cum ergo Deus sit incorporeus, nec sensu, nec imaginatione videri potest. Sed quia hæc ratio videtur petere principium, assignando præ ratione id, quod est immediate in questione; nam questio est, an potentia corporalis organica possit ferri ad Deum, qui est aliquod incorporeum; & respondetur negativè, quia illa est corporea, & hic incorporeus; ideo exercitationis causa, aliquantò altius hanc difficultatem gravissimam examinabimus. Sed quia tota pendet ex materia philosophica, an videlicet potentie naturales, per auxilia supernaturalia, extendi possint, ad operandum extra sua obiecta materialia, & formalia; ideo priusquam statuamus questionis huius theologicæ veritatem, philosophica principia in examen vocabimus, de modo operandi potentiarum naturalium circa sua obiecta. Quæremus ergo primò, an possint extendi extra suum obiectum formale, & deinde extra suum obiectum materiale adæquatū?

## ARTICULVS I.

*An possit aliqua potentia extendi ad operandum extra suum obiectum formale?*

**C**onclusio est negativa. Probatur 1. obiectum formale est specificatiuum potentiae. Sed est impossibile, quòd potentia extendatur ultra suum specificatiuum, alioquin posset transire ex vna ad aliam speciem, quod est absurdum. Ergo neque metaphysicè fieri potest, quòd potentia extendatur ultra suum obiectum formale. Minor, & consequentia sunt euidentiores.

Maior

Maiores probatur, potentia auditiva non, distinguitur specie à potentia visiva, nisi per hoc, quòd illa habeat respicere, tamquam obiectum sibi proportionatum, & adequatum, rationem sonori, & hæc rationem colorati. Et ideo videmus, quòd sicut nullum sonorum percipitur ab oculo, ita nullum coloratum percipitur ab aure. Hoc autem non ideo evenit, quia ipsæ rationes obiectales colorati, & sonori sint obiecta formalia talium potentiarum, ut multi perperam opinantur, sed quia, physicè loquendo, rationes formales illarum non inveniuntur, nisi circa sonorum, & coloratum. Sicut ergo si posset physicè reperiri ratio formalis oculi in aliquo non colorato, posset oculus physicè ferri in non coloratum, ita si posset inveniiri ratio formalis auris in aliquo non sonoro, posset auris physicè ferri in non sonorum. Et ratio à priori est, quia modus tendendi oculi est percipere obiectum, sub ratione formali visibilis, sicut modus tendendi auris est percipere obiectum sub ratione formali audibilis. Quia tamen physicè loquendo ratio visibilis nō est, nisi in colorato, sicut ratio audibilis nō est nisi in sonoro, ideo dicitur oculus percipere obiectum, sub ratione coloris, & auris sub ratione soni. Cæterum si ratio visibilis posset simpliciter inveniiri in obiecto non colorato, & ratio audibilis in non sonoro, posset oculus extendi ad non coloratum, & auris ad non sonorum. Semper ergo rationes ob-

etales coloris , & soni constituunt solum entitatem materiale obiecti terminatiui extrinseci , non autem entitatem obiecti formalis, de quo agemus ex professo in ar. sequenti .

Probatur 2. Nulla potentia in operando potest præscindere à suo obiecto formali , quod est vnica ratio, quare extendatur ad totum obiectum materiale adæquatum . Ergo non potest extendi extra illud. Antecedens patet inductione , quia adæquata ratio, cur intellectus extendatur ad omne intelligibile, est ratio veri in omnibus formaliter imbibita. Ita ratio boni determinat voluntatem ad attingendum omne volibile , & ratio boni determinat potentiam audituam ad omne audibile , &c. Probatur consequentia, si supponamus e. g. aurem extendi ad percipiendum aliquod coloratum , vel illud coloratum esset sonorum, vel non? Si primum, ergo non esset extra suum obiectum formale. Si secundum, ergo non sola ratio soni determinaret autem, ad percipiendum obiectum , & per consequens non esset obiectum formale ipsius, quod est, contra suppositum .

Aduertendum tamen est , quando dicitur , rationem veri esse obiectum formale intellectus, non esse accipiendam rationem veri obiectiue , quatenus dicit veritatem terminatiuam ipsius cognitionis , quæ dicitur veritas transcendentalis , hæc enim constituit rationem obiecti pure materialis, sed accipiendam esse rationem veri  
for-

formaliter, & reduplicatiuè, quatenus dicit formalitatem propriam ipsius intellectus, per quam attingit omnem veritatem obiectiuam transcendentalem. Quod idè dico de ratione sonori respectu auris, ratione coloris respectu oculi, &c. Intantù ergo dicitur, ratio veri esse obiectum formale intellectus, inquantum intellectus non tendit in obiectum, nisi sub hac formalitate.

Obijcies, formalitas formalis debet habere sibi correspondentem formalitatem obiectiuam. Ergo si ratio formalis veri est obiectum formale, erit etiam ratio obiectiua.

Nego consequentiam. Ex eo enim quòd formalitati formali correspondeat obiectiua, aliud non sequitur, nisi quòd detur duplex formalitas, videlicet formalis, & obiectiua. Sed hæc constituit obiectum materiale, & illa formale.

## ARTICVLVS II.

*An color sit obiectum formale potentia visua?*

**C**ONCLUSIO, obiectum formale potentia visua non est color, sed modus tendendi circa colorem.

Probatur prima pars, obiectum formale est specificatum potentia. Ergo est illi intrinsecum, & essentialiale. Sed color non est intrinsecus, & essentialis oculo. Ergo nō est eius obiectum formale. Primum antecedens patet ex definitione; nam obiectum



formale non distinguitur à materiali nisi per hoc, quòd sit determinatiuum, quod materiali non conuenit. Non esset autem determinatiuum, nisi esset specificatiuum. Et ratio est clara, quia determinare potentiam ad aliquod obiectum, est illam specificare ab omni alia, vt dictum est in logicis. Hoc posito vel hæc determinatio est contingens, vel necessaria. Si primum. Ergo potest non dari; adeòque potentia determinata ad colorem, posset determinari ad aliud obiectum, quod probaret directè, posse ab oculo videri sonum, & colorem audiri ab aure. Si secundum. Ergo non potest illi non conuenire; & per consequens vel est ipsius vltima differentia, vel proprietas essentialis, adeòque est specificatiua. Quod autè omne specificatiuum sit constitutiuum intrinsecum essentialè, probatur euidenter, quia nihil potest specificari, hoc est poni in tali specie, nisi per prædicata specifica constituentia talem speciem. Sed hæc sunt solum genus, & differentia; & ideo homo specificatur per rationalitatem, equus per hinnibilitatem, &c. Ergo omne specificatiuum est constitutiuum essentialè.

Probatur secunda pars, non datur aliud specificatiuum potentia, quàm modus tendendi. Cum ergo obiectum formale potentia sit illius specificatiuum, aliud non potest esse, quàm modus tendendi. Et ideo habitus physica distinguitur ad habitum metaphysicam, quia ille habet modum  
ten-

tendendi per sensum, & hæc per intellectum. Vterque autem distinguitur ab habitu mathematicæ, qui habet modum tendendi per imaginationem, &c. Equiuocationem autem consistit in hoc, quod confundatur obiectum materiale adæquatum, cū obiecto formali. Sicut enim nullus est actus, qui præscindat ab obiecto formali, ita nullus est actus, qui excedat obiectum materiale adæquatum. Color ergo ita se habet ad potentiam visiuam, sicut verum ad intellectum, & bonum ad voluntatem. Sed hæc sunt solum obiecta materialia adæquata. Ergo, & ille. Probatur assumptum, quia idem verum, quod sub hac formalitate, idest per talē modū tēdēdi, cōsideratur ab intellectu, sub alia formalitate, nēpe boni cōsideratur à voluntate, sicut idem corpus sēfibile, quod vt tale formaliter spectat ad physicā, sub ratione ētis spectat ad metaphysicā, & sub ratione figurabilis ad mathematicā. Illud ergo, quod habet rationē obiecti formali, respectu intellectus, nō est veritas materialiter sūpta, sed veritas formaliter, & reduplicatiuē vt veritas, quatenus videlicet reduplicat modū tēdēdi intellectus. Ita etiam obiectum formale potentiae visuæ non est color materialiter, qui consideratur etiam vt qualitas a physica, & vt ens à metaphysica, sed color t color reduplicatiuē, idest ille modus tendendi, qui reduplicatur per talem apprehensionem, & tandem aliud non est, quàm intelligibilitas, non obiectiua, sed formalis.

Obijcies 1. Visibilitas, vt est obiectum formale oculi, vel accipitur passiuè, prout est in obiecto visibili, vel actiuè prout est in potentia visua? Si primum, ergo habet rationem obiecti terminatiui, adeoque nō potest esse modus tendendi ipsius potentia. Si secundum, ergo non habet rationē determinatiui, quia posita visibilitate actiua in potentia, adhuc quæritur per quid formaliter illa determinetur ad hoc obiectum, & non ad aliud; Alioquin potentia se ipsam determinaret, quod negatur à Philosophis. Ergo modus tendendi non potest esse obiectum formale oculi, siue explicetur per coloratum, siue per visibile.

Respondeo, visibilitatem accipi passiuè in concreto, cum reduplicatione ipsius modi tendendi potentia visua, per cuius respectum taliter denominatur. Sicut ergo denominatio visibilitatis passiuæ habetur per respectum ad actiuam, non radicalem sed formalem; ita ratio obiecti formalis habetur per ipsam formam dominantē, quæ est visibilitas formalis in abstracto, nō quatenus dicit rationem obiectalem coloris visibilis, sed quatenus dicit rationē formalem potentia visua, terminabilem ad rationem obiectalem coloris, potentis videri. Quare obiectum formale potentia visua, acceptum in concreto, dicit utramque visibilitatem, scilicet obiectalem, vt subiectum denominatum, & formalem, vt formam dominantem; sed in abstracto dicit solam visibilitatem formalem, acti-

am , ratione cuius habetur formaliter enominatio obiecti, & determinatio potentiae ad obiectum. Ad illationem, quod potentia se ipsam determinaret, dico duplicem posse considerari determinationem, alteram ad actum primum videndi, & alteram ad actum secundum visionis. Primam dico haberi formaliter adequatam a visibilitate formali actiua, quae est in potentia; & alteram haberi partialiter a potentia, & partialiter a visibilitate passiva, quae est in obiecto, non quod ipsum obiectum per se ipsum immediatè, determinet potentiam ad actum secundum visionis sui, sed mediante sui specie, loquendo de visionibus physicis. Quare immediatè hæc determinatio est ab obiecto, in genere causae efficientis, & mediatè est ab eodem in genere causae formalis, quatenus formaliter habetur a specie producta ab obiecto. Sed diuina essentia, quae ratione intimæ praesentiae, est sui species, concurret cum potentia creata, non solum in genere causae efficientis, per modum causae primae, ad visionem sui, sed etiam in genere causae formalis ex seipsa, per modum obiecti ut sui species.

Obijcies 2. Obiectum formale debet obijci potentiae, alioquin non participaret rationem obiecti. Modus autem tendendi nullo modo obijcitur, quia circa illum potentia non versatur. Ergo non est obiectum formale.

Distinguo maiorem, debet obijci ut  
quod

*quod*: nego, *ut quo*, concedo maiorem. Et distinguo minorem, modus tendendi non obijcitur *ut quod*, concedo: *ut quo*, nego minorem, & consequentiam. Sicut enim species visibilis participat rationem potentiae, quia videt *ut quo*, ita et obiectum formale participat rationem obiecti, non quia sit id, circa quod versatur potentia, quod est solum obiectum terminatiuum, sed quia sit ratio, quare potentia versetur circa tale obiectum. Vnde habet formaliter rationem determinatiui.

Obijcies<sup>3</sup>. Dictum est in logica lib. 1. disp. 2. ar. 1. obiectum formale esse illam formam, quam habitus, seu potentia intendit introducere in obiectum materiale. Sed modus tendendi non est huiusmodi; neque enim ratio formalis veri, quatenus dicit modum proprium intellectus, introducit ut forma in lignum, quod est verum e.g. Ergo alterutra doctrina est falsa. Præterea in eodem loco, in fine articuli concluditur, obiectum materiale visionis esse coloratum, & colorem esse obiectum formale. Ergo hæc asserta sunt contradictoria.

Nego utramque consequentiam, nam in locis citatis locuti sumus de ratione formali *quæ*, & hic loquimur de ratione formali *quæ*: seu *sub qua*, quæ sunt valde diuersæ, & ideo nulla est contradictio. Ad cuius euidentiam dico, duplex inueniri obiectum formale penes authores, alterum extrinsecum potentiae, seu habitui, & alte-

rum

um intrinsecum. Extrinsicum dicitur ratio formalis quæ, eò quia cum se teneat ex parte obiecti terminatiui, est illa forma, quæ illud determinat ad talem potentiam, sicut est color respectu oculi: neque enim corpus esset obiectum proprium oculi, nisi haberet colorem, qui est propria ratio obiectalis, ad quam oculus per se terminatur, & ratione cuius terminatur ad coloratum. Ita sonus est id, ad quod auris per se fertur, & est ratio obiectalis, ut feratur ad sonorum, & sic de alijs. Intrinsecum est illa ratio formalis, quæ ita est propria alicuius potentia, ut hæc non feratur ad obiectum extra se, nisi sub tali ratione, que proinde quatenus est in potentia, illam denominat taliter operatiuam, & quatenus imbibitur in obiecto materiali, illud denominat proprium, & specificatum potentia, non quòd ipsa ratio obiectalis specificet, sed quòd reduplicet rationem formalem specificantem, quam extrinsecè terminat, quæ aliud non est, quàm modus proprius, quem habet potentia, tendendi in illud, seu tendentia ad illud. Et ideo communiter dicitur, potentia specificari ab actibus, & actus ab obiectis, nò quòd actus materialiter sumpti specificent potentiam, neque quòd obiectum materialiter sumptum specificet actus, sed quòd potentia specificetur per ordinem ad actus, & actus per ordinem ad obiectum. Nam e. g. potentia visiva specificatur per ordinem ad visiones à se factibiles, & visiones per ordinem

dinem ad visibilia . Hic autem ordo cum sit transcendentalis, est essentialis, & explicatur per tendentiam , seu modum tendendi, quem vocamus obiectum formale.

Dices, vel tendentia ad obiectum accipitur in actu primo, vel in actu secundo: Si primū, ergo nō est actu specificatiuū. Si secundū, nō distinguitur ab actib<sup>9</sup>, qui sūt actualis tendentia potentia ad obiectum. Actus autem quia accidunt potentia, non sunt illi essentialis, adeoque non sunt specificatiui.

R. esse tendentiam in actu primo, quæ licet vt formaliter tendentia, non specificet actu, quia nondum est tendentia, tamen specificat vt est, respectus potentia ad obiectum, qui semper est actu in potentia. Vnde sequitur, quod modus tendendi non sit obiectum formale, vt est aliquod absolutum, sed vt est aliquod respectiuum.

Ob. 4. Diuina subsistentia est essentialiter ordinata, ad perficiendam terminatiue naturam diuinam, & tamen potest miraculosè ordinari, ad perficiendam naturam humanam. Ergo etiam modus tendendi oculi, licet sit essentialiter ordinatus ad perficiendam potentiam visiuam, potest supernaturaliter ordinari, ad perficiendam potentiam audituam.

Nego consequentiam. Disparitas est, quia subsistentia non est ex se formaliter constitutiuā, & specificatiua substantia, sed est purè terminus illius, quod potest præstari in creatis, etiam per negationem,

vt

t fusè probauimus in disp. met. lib. 2. dis.  
ar. 1. At modus tendēdi est cōstitutiuus,  
& specificatiuus potentia, cum qua pro-  
inde realiter identificatur. Ergo potest il-  
la applicari pluribus terminis, hæc autem  
minimè; aliter faceret transitum, ex iden-  
titate cum vna potentia, ad identitatem  
cum alia, & ex vna ad aliam speciem, quæ  
sunt impossibilia.

Ob. 5. Potest Deus se solo facere auditi-  
onem, supplendo concursum actiuum,  
potentia auditua. Ergo auditio non est  
essentialiter dependens à potentia auditi-  
ua; & per consequens potest à Deo tribui  
potentia visuæ, quæ proinde operetur ex-  
trà suum obiectum formale, quod est visi-  
bilitas, non videndo, sed audiendo.

Primo distinguo antecedens, potest  
Deus se solo facere aliquam auditionem,  
concedo: hanc auditionem vt hanc, nego  
antecedens. Et distinguo consequens, er-  
go hæc auditio non est essentialiter alli-  
gata potentia auditua, nego: auditio inde-  
terminatè sumpta, hoc est aliqua ex possi-  
bilibus, concedo consequentiam. Quia er-  
go auditio à solo Deo factibilis, non ha-  
beret respectum essentialem ad potentiam  
auditua, quem haberet ab illa factibilis,  
ideo non esset essentialiter eadem, sed sub  
diuersa specie. Atque adeo licet oculus  
transiret ad illam, non proinde transiret  
ad modum tendēdi auris. Deinde modus  
tendendi potentia non est eius actus, sed  
respectus ad obiectum. Ergo quia respectus  
est



est intransferibilis, est etiam intransferibilis, cuiusmodi tendendi. Tertiò, si Deus poneret auditionem in oculo, non proinde per illam oculus audiret, eò quia illam non reciperet vt potentia actiua, sed vt passiuà obediencialiter. Ergo se haberet ad illam vt lapis.

Quod diximus de colore respectu oculi, dicendum est de sono respectu auris, vero respectu intellectus, bono respectu voluntatis, &c. ita vt vniuersaliter asseratur, obiectum formale cuiuscumque potentie esse modum tendendi proprium, quem singulæ habent ad sua obiecta materialia.

### ARTICVLVS. III.

*An possit potentia naturalis eleuari ad operandum extra suum obiectum materiale adequatum?*

**N**Otandum est, obiectum adequatum posse dupliciter considerari; nempe physice, & metaphysice. Physice adequatum comprehendit totum illud, circa quod potest versari potentia naturalis, attentis precise suis proprijs viribus, & concursu generali primæ causæ, cuiusmodi sunt color respectu oculi, sonus respectu auris, &c. Metaphysice adequatum comprehendit totum illud, circa quod potest versari potentia, in quacumque hypothese cuiuscumque adiutorij, siue elevationis miraculosæ, per quemcumque concursum specialem, proueniētem à Deo vt liberè operante

rante, per absolutam suam omnipotentiam. Et ideo quia Deus non potest ab intellectu creato videri per essentiam, absque speciali adiutorio conprincipij supernaturalis, dicitur esse intra rationem obiecti adæquati metaphysicè sumpti; respectu ipsius intellectus creati, & extra rationem obiecti physicè adæquati. Quæritur ergo an oculus e.g. possit eleuari ad videndum sonum, qui est extra rationem colorati, quo physicè circumscribitur?

*Conclusio, Omnis potentia physica, & naturalis potest eleuari ad operandum extra suum obiectum materiale physicè adæquatum, non autem extra obiectum metaphysicè adæquatum.*

Secunda pars patet ex definitione. Cum enim obiectum metaphysicè adæquatum comprehendat totum illud, ad quod possit simpliciter extendi potentia, in quacunque hypothese cuiuscunque eleuationis, si potentia extenderetur ad aliud extra hoc, hoc esset adæquatum metaphysicè, ex suppositione, & non esset, quia non comprehenderet omnia simpliciter attingibilia à tali potentia, quod esset manifesta contradictio.

Prima pars probatur 1. Potest Deus facere, quod aqua in baptismo, & oleum in extrema unctione producant physicè, vel ipsam gratiam, vel aliquam qualitatem physicam disponentem ad gratiam, ut docet. Egid. q. 6. de ente, & essen. cum diuo Tho. in 4. d. 1. q. 1. ar. 4. quem sequuntur

Ferra-

Ferrariensis, & communiter Thomistæ, aduertis Scotum in 4.d.1.q.4.ar.5. Vsq. aliosque Recentiores : quòd ex arido sili- ce fluant aquæ perennes : quòd mundus ex nihilo oriatur : quòd corpus absque multiplicatione replicetur, & alia huius- modi naturaliter impossibilia. Ergo pote- rit etiam facere, quòd auris percipiat colo- rem, & visus sonum. Neque obstat, quòd aqua, & oleum sint causæ instrumentales gratiæ; nam etiam auris, & oculus sunt ani- mæ instrumenta, ad auditiones, & vi- siones.

Probatur 2. à priori; Ea possunt à poten- tia percipi, quibus illa potest applicari. Sed potest Deus oculum sono applicare, & au- rem colori, & suo modo coniungere. Er- go potest hic ab aure percipi; & ille ab o- culo. Maior supponitur ab omnibus. Con- sequentia est euidens. Minor probatur, multò magis distant anima rationalis a corpore, Demon ab igne materiali, & Deus ab homine, quàm sonus ob oculo, vel auris à colore. Sed potuerunt per diui- nam omnipotentiam, & sapientiam vniri anima cum corpore, Demon cum igne, & Deus cum homine. Ergo etiam illa possunt vari. In quò aduertendum est, me de industia duxisse hæc tria exempla, eò mirabiliora, quò magis inter sese diuersa. Nam anima vnitur cum corpore, vt actus ipsius; & quid magis mirum, quàm quòd corpus actuetur spiritu? Profectò est adeo mirabilis hæc coniunctio, vt si nunc pri-

primò proponeretur disputabilis, solis Angelis existentibus, & numquam appareret facta, ab omnibus rejiceretur vt impossibilis, sicut rejicitur, quòd spiritus informetur aliqua forma materiali, quamuis maiorem non trahat difficultatem. Sicut enim datur spiritus incompletus complebilis per subiectum materiale, à quo perficiatur in ratione potentiae, cur etiam non poterit dari alius spiritus incompletus perfectibilis intrinsecè, per aliquam substantiam incompletam corpoream, in ratione actus? Vtique in hoc nulla est ratio disparitatis. Quòd si videatur durum, quòd substantia licèt incompleta, tamen perfectior, & nobilior, actuetur à materiali, & imperfectiori; In primis sicut potest substantia completa spiritalis, compleri in ratione intelligentis ab intellectione, & in ratione durantis ab æuo, &c. ita potest in ratione vñiti compleri ab vnione materiali, & in ratione existentis ab actu materiali. Probat consequentia, magis distat accidens spirituale à substantia spiritali, quàm substantia materialis incompleta à substantia spiritali incompleta; nam hæ sunt in eodem genere subalterno, & cadunt vt membra diuidentia vniuoca sub idem genus substantiæ vt sic. Contra verò accidens spirituale, & substantia spiritalis non cōueniunt, nisi in genere remoto, & vniuersalissimo entis vt sic, quod in probabili sententia cū sit ratio analoga, non est formaliter genus. Præterquam quòd ( vt

in-

innui) vnio materialis de facto per modū actus intrinseci, actuat animam rationalē in homine, vt multi probabiliter asserunt. Ergo poterit etiam aliquod materiale Angelum actuare.

Deinde Dæmon vnitur cum igne materiali, non vt actus ipsius, sed vt tortus ab illo. Neque est effugium, quod hic ignis sit spiritualis, nam puto, esse de fide, huiusmodi ignem esse materiale, & corporeū vt asseritur ab Egidio in 2. parte 1. d. 6. ar. 2. per totum. Quamuis igitur authores differrent in assignanda huiusmodi vnione, tamen omnes illam concedunt quoad substantiam. Et quid magis mirabile, quā quod Angelus à corpore torqueatur?

De vnione, inter Deum, & hominem nihil dico. Hæc enim neque facit, quod vnum extremum ab alio patiatur, neque quod vnum actuet aliud, sed quod vtrumque per modum termini disparati, intrinsecè constituat ineffabile compositum Christi Domini, quod eò minus intelligitur, quò magis consideratur. Nam in illo extremum humanum perficitur à diuino, quod nullo modo perficitur ab humano. Præterea extremum diuinum est constitutum intrinsecum Christi Domini, qui dicit essentialiter esse compositum creatum, & tamen ipsum non est creatum vel incompletum, concurratque vt principium inadæquatum ad operationes totius, quæ proinde dicuntur theantricæ, nec tamen confunditur per modum partis cū alio

alio comprincipio, à quo semper adæquate distinguitur, & multa alia mirabilissima facit, quæ considerantur in materia de incarnatione.

Probatur 3. Magis distat Deus ab intellectu creato, quàm oculus à sono. Sed intellectus potest eleuari ad videndum Deum. Ergo, & oculus ad sonum. Minor est de fide. Consequentia est euidens, ex maiori ad minus. Maior probatur, quia inter Deum, & intellectum datur infinita distantia, adeoque infinita improporatio, quæ sunt finitæ inter oculum, & sonum. Præterea, color, & sonus conueniunt vniuocè in genere proximo qualitatis materialis, Deus autem, & alia obiecta creata intelligibilia, in nullo genere proximo conueniunt, non solum quia Deus non est sub genere, sed etiam quia licet esset sub genere, ille est intelligibile infinitum, & hæc finita, quæ nõ possēt differre ab illo sola specie, sed deberēt differre plusquàm genere. Ergo sicut intellectus, licet restrictus ex sua natura ad sola obiecta finita, potest supernaturaliter extendi ad obiectum infinitum, etiam oculus licet ex se sit limitatus ad colorem, poterit supernaturaliter percipere sonum.

Dices, Deus proportionatur, in ratione obiecti, per lumen gloriæ intellectui finito; sonus autem non potest oculo proportionari. Ergo nulla est paritas.

Nego antecedens quoad secundam partem; cum nulla sit ratio, cur nõ possit dari aliqua

aliqua species supernaturalis tanta virtutis, vt eleuet oculum ad proportionem cum sono, præsertim cum possit etiam ipse sonus eleuari per aliam qualitatem, ad maiorem cum oculo proportionem, quæ qualitas dari non potest in ipso Deo, in quo nulla est potentialitas. Demum potest obiectum materiale per speciem naturalem eleuari, ad hoc vt determinet operationem spirituales, cuiusmodi est cognitio originata à sensibus. Ergo etiam poterit supernaturaliter dari aliqua species, eleuans oculum corporeum ad obiectum indubitum.

Urgebis, Deus non est extra obiectum adæquatum intellectus, sicut est sonus respectu oculi. Ergo licet Deus possit supernaturaliter videri ab intellectu, non tamen potest sonus ab oculo.

Nego antecedens. Sicut enim Deus est solus intra obiectum intellectus metaphysicè adæquatum, ita, & sonus est intra obiectum oculi metaphysicè adæquatum. Ergo par ratio.

Probatur 4. Obiecta materialia sunt indifferentia ad hoc vt attingantur ab hac, vel illa potentia. Intantum ergo dicuntur adæquata, vel inadæquata respectu alicuius potentie, in quantum considerantur in ordine ad omnes, vel aliquos actus illius potentie. E. g. bonum vt sic dicitur obiectum adæquatum voluntatis, quia potest comparari cum complexo, seu collectione omnium actuum illius. Sicut enim nullum  
est

est bonum, quod non possit esse obiectum alicuius volitionis, ita nulla est volitio, quæ non versetur circa aliquod bonum. Contra verò hoc idem bonum vt sic est obiectum inadæquatum intellectus, quia, cum hic quærat in obiecto veritatem, & hanc etiam inueniat in malo, ideo quamuis omne bonum sit obiectum alicuius actus intellectus, non tamen omnis actus intellectus versatur circa aliquod bonum. Et ideo propter defectum eiusmodi reciprocationis, bonum vt sic non est obiectum adæquatum intellectus, sicut est voluntatis. Hoc posito, si consideremus præcisè totum id, ad quod potest solis suis viribus extendi potentia visiva, eius obiectum adæquatum erit color. Si autem supernaturaliter ita oculus confortetur, vt eleuetur ad visionem soni, iam color non erit eius obiectum simpliciter, & metaphysicè adæquatum, sed inadæquatum. Cum ergo cuiuscumque potentia obiectum physicè adæquatum, sit supernaturaliter augmentabile, & extendibile ad plura, erit solum metaphysicè inadæquatum; & per consequens omnis potentia naturalis potest supernaturaliter extendi ad aliquid aliud extra suum obiectum physicè adæquatum, adeoque oculus potest extendi ad sonum, & auris ad colorem.

## ARTICVLVS. IV.

*Soluntur argumenta contraria.*

**L**

Obijcies



**O**bjiciet. Intantum potentia calefactiua, impulsiva, &c. possunt adiuuari ad aliquod plus, inquantum hic excessus est in eodem genere. Si enim e.g. potentia, A non possit ex se producere impulsu vt s. quem tamen possit adiuta, non transit ex genere impulsu, ad quod est intrinsecè determinata. Oculu autem faceret transitu ex colore ad sonu, qui sunt in diuerso genere. Ergo non currit paritas.

Nego antecedens. Dico enim, posse has potentias, eleuari ad operandu etiam extra genus, aliquando etiam in naturalibus. Nux e. g. nūquā de se, attentis solis suis viribus, potest extendi ad producendū persicu, quia eius modus tendendi determinatur ad solas nuces. Si tamen per infusionem alicuius rami persici adiuvetur, eleuatur ad producendos etiam persicos; non quia immutetur eius modus tendendi, sed quia perficitur extensiuè. Quod patet etiam ex doctrina Thomistarū de habitu, quam ex professo tuentur Capreol. in prol. q. 3. ar. 1. Ferrar. 1. con. Gen. c. 56. Caiet. 1. 2. v. q. 54. ar. 4. passim dicentium, scientias totales esse qualitates simplices, quæ per nouam proportionem obiecti, se extendant ad alios actus, quos non possent absque tali propositione. Ergo etiam oculus vel per nouam applicationem, supernaturaliter factibilem circa sonu, vel per comprincipium effectiuu upernaturale poterit elicere visionem

nem illius, quàm de se non posset.

2. Obiectum adæquatum circumscribit potentiam. Ergo est impossibile, quod feratur extra illud; aliòquin esset, & non esset adæquatum.

Distinguo antecedens, circumscribit potentiam, secundum suas vires precise consideratam, concedo: vt supernaturaliter adiuuabilem, nego antecedens. Et distingo consequens; esset, & non esset adæquatum, si solis suis viribus potentia ad illud extenderetur, concedo: Si extendatur per adiutorium supernaturale, nego consequentiam. Si quidem in ordine ad potentiam, supernaturaliter operantem, hoc obiectum non amitteret physicam adæquationem, quæ solum terminat actus physicos, sed solum fieret metaphysicè inadæquatum, scilicet in alio ordine. Nullum autem est absurdum, quod idem obiectum sit adæquatum in vno ordine, & in alio inadæquatum.

3. Visio non potest fieri, nisi radij visuales vniantur in acie catheti. Ergo semper supponit species materiales, immixtas ab obiecto in oculum. Sed spiritualia non possunt emittere species materiales sui. Ergo neque videri. Et idem dico de sono, qui non potest emittere species visibiles.

& primò hoc esse verum de visione naturaliter cõtingenti, cuiusmodi nõ esset visio Angeli, & soni. Deinde nego minorem subsi-

ptam. Quamuis enim hæc obiecta non emittant ex se species visibiles, possunt tamen hæc à Deo creari, eo modo quo ad illas concurreret, si vere essent, hæc colorata, & obiecta illas cum Deo producerent.

Ob. 4. Omnis potētia sensitiva est actus organi corporei. Sed actus debet proportionari potentiæ, cuius est actus. Ergo nulla potentia corporea sensitiva potest extendi ultra corporalia, & sensitiva.

Nego minorem, primò quia anima rationalis est actus corporis organici, & tamen neque illi proportionatur in essendo, neque in operando, cum sit in se spiritalis, & attingat spiritualia. Deinde, quia proportio requiritur quidem ad actum connaturalem, non autem ad indebitum, cuiusmodi est supernaturalis. Neque obstat, quòd anima rationalis sit independēs à corpore in essendo; nam sufficit quòd ab illo dependeat in operando, iuxta illud, *nihil est in intellectu, quod non fuerit in sensu*. Ergo sicut anima potest aliquod attingere, quòd non sit corpus, licet ut eius actus non possit sine corpore operari; ita oculus licet sit potentia, & actus organi corporei, potest attingere aliquod incorporeum.

Ob. 5. Potētia cognoscitiua distinguitur per modos tendendi, ita affixos alicui certo gradui vniuersali obiectorum, ut modus vnius tendens in vnum gradum, non possit conuenire alteri tendenti in  
alium

aliud gradum. Sed si posset oculus supernaturaliter tendere in sonum, & auris in colorem; confunderentur hæ potentia, quia singula transirent ad modum tendendi alterius. Ergo non possunt extra suum obiectum cleuari. Videatur Card. Pallau. lib. 8. n. 157. acerrimè propugnans sententiam oppositam, nisi præcipuè hoc argumento, quod putat insolubile. Quod confirmat ex eo, quia nullum audire potest competere oculo, sicut nullum videre potest competere auri. Sed si ille extendatur ad sonum, & hæc ad colorem, aliquod audire competeret oculo, & aliquod videre competeret auri. Ergo neque oculus potest extendi ad sonum, neque auris ad colorem.

Nego minorem. Per hoc enim quod oculus extenderetur ad sonum, non amitteret suum modum tendendi, sed solum in illo perficeretur extensiuè. Nulla ergo sequeretur confusio, quia semper potentia retinerent suum specificatiuum. Vnde patet responsio ad confirmationem Pallauicini. Per hoc enim quod oculus extenderetur ad sonum, non proinde illum audiret, sed uideret, sicut auris audiret colorem, & non videret.

Dices, videre non est aliud, quàm percipere sensibilibus colorem, ut colorem. Sed auris in tali hypothese perciperet sensibilibus colorem, ut colorem. Ergo videret. Maior probatur, quia color ut color non est aptus terminare, nisi visionem. Nego

antecedens, nam etiam sensus communis, & imaginatio percipiunt sensibilibiter colorem ut colorem, & tamen illum non vident. Videre igitur dicit de sua ratione formali intrinseca, talem modum tendendi, proprium solius oculi, videlicet attingere obiectum ut visibile. Quamvis ergo posset color per aptitudinem obedientialem terminare etiam auditionem, non tamen posset illam terminare, ut visibilis, sed ut audibilis.

Dices 2. Modus tendendi auris specificatus à modo tendendi oculi per hoc, quod ille non possit terminari, nisi ad sonum, & hic ad solum colorem. Si ergo ille extendatur ad colorem, & hic ad sonum, confunduntur tales modi tendendi, adeoque & ipsæ potentiae.

Nego, antecedens. Et dico modum tendendi auris specificari per hoc quod non possit determinare nisi ad auditionem, quæ physicè semper fit ad sonum, & modus tendendi oculi specificatur per hoc, quod non possit determinare potentiam, nisi ad visionem, quæ physicè semper fit ad colorem. Cum ergo etiam in illa hypothese, modus tendendi auris illam determinaret ad auditionem, sicut modus tendendi oculi ad visionem, quamvis circa obiecta indubitata, ideo nulla sequeretur confusio.

Dices 3. Modus tendendi oculi habet essentialem ordinem ad coloratum. Ergo se extenditur ad sonum, amitteret hunc ordinem, adeoque periret, per amissionis essentiae.

Nego

Nego consequentiam . Per hoc enim quòd extenderetur ad sonum , non amitteret essentialem respectum ad coloratum . Respectus enim ad sonum si comparatur cum oculo, quatenus est potentia naturalis, esset illi accidentalis; sin autē cōparetur cum illo quatenus est potentia obediē- tialis, esset illi essentialis . Ergo non im- mutaret illum , in esse talem potentiam physicam, & naturalem , sed solum illi vt tali adderet nouum respectum accidenta- lem ad sonum , retento respectu essentiali ad colorem .

Dices 4. Vel oculus respiceret sonum per modum tendendi proprium , vel per modum tendendi auris? Si primum. Ergo eius modus tendendi extenderetur ad ali- quod audire . Si secundum, ergo oculus confunderetur cum aure, quia cessaret di- stinctiūm . Vtrumque est absurdum. Er- go, &c.

R. quod oculus respiceret sonum per suum modum tendendi, non tamen respi- ceret aliquod audire, quia etiam circa so- num eliceret actum visionis . Numquam ergo accideret, quod aliquod audire spe- ctaret ad oculum , sicut neque ad aurem vllum videre .

5. Visio metaphysicè certificat, quòd vi- dens viuat . Ergo non potest oculus reci- pere diuinitus aliquem modum operandi, quem à natura non habeat.

Distinguo consequens, non potest reci- pere modum tendendi essentialiter diuer-

sum ab eo, quem habuit à natura concedo: accidentaliter diuersum, nego consequentiam. Quia ergo perficeretur solum extēsiuè, quod dicit perfectionem, & mutationē accidentalem, ideo non reciperet à Deo modum tendendi diuersum essentialiter; atque adco haberet semper essentialiter respicere colorem, & accidentaliter sonum.

6. Vel oculus perciperet sonum sub ratione coloris, vel sub ratione soni? Si primum, deciperetur, adeoque esset falsa visio quia videret quod non est. Si secundum, ergo transiret extra suum obiectum formale, quod est respicere solum colorem, cuius ratio formalis, non est in sono.

&. Primò, quod oculus perciperet sonum sub ratione formali coloris, non autem sub obiectiua. Non tamen deciperetur, quia ratio formalis coloris, quamuis de se intrinsecè, & essentialiter sit determinata ad solum coloratum, attentis præcisè eius proprijs viribus tamquam potentia naturalis, tamen potest supernaturaliter extēdi ad terminandum etiam sonum. Eo modo, quo ratio diuinæ subsistentiæ intrinsecè, & essentialiter est determinata ad terminandam solam naturam diuinam, supernaturaliter autē potest etiam terminare naturam humanam. Sicut ergo potest aliqua natura creata subsistere per subsistentiam increatam; ita aliqua ratio obiectiua soni potest percipi per rationem formalem coloris. Deinde dico, quod oculus respiceret sonum, sub ratione formali visibilis,

bilis, præscindente à ratione obiectiua coloris, vel soni, cum ratio visibilitatis sit vnica ratio formalis, quæ est modus tendendi oculi, & sub qua tendit in quodlibet obiectum à se præceptibile. Et hæc est responsio multò solidior, & congruentior nostris principijs.

## ARTICVLVS V.

*An oculus corporeus possit eleuari ad videndum Deum?*

**Q**uamuis teneamus cum communi partem negatiuam, tamen exercitationis causa, & vt magis elucescat veritas theologica, placet hic statuere sequentem conclusionem.

*Conclusio; Quamuis oculus corporeus nullo modo possit suis proprijs viribus extendi ad visionem Dei, tamen probabiliter est, posse supernaturaliter confortatum.*

Prima pars euidenter deducitur ex supradictis. Cum enim coloratum sit eius obiectum physicè adæquatum, si extenderetur ad Deum, extenderetur extra obiectum, à quo physicè circumscribitur, quòd vidimus physicè repugnare. Et ratio à priori est, quia cum Deus sit omnis corporeitatis expers, coloratus esse non potest.

Secunda pars probatur primò multiplici testimonio scripturarum, & Patrum. Et 1. ex Iob. 19. *in carne mea videbo Deum meum, quem visi rus sum ego ipsæ. & oculi mei conspecturi sunt.* Quæ verba non possunt



exponi de visione Christi Domini, vt multi dicunt ; nam ibi Propheta loquitur de visione beatifica, vt patet ex textu. Vnde colligitur, non solum hoc esse simpliciter possibile, sed esse de facto futurum. Neque obstat, quod diuus Augustinus ser. 2. de nat. explicet hunc textum, ita vt *ly in carne mea* referatur ad modum essendi ipsius videntis, & non ad modum operandi ita vt fiat sensus, *ego resuscitatus videbo Deum*, vel quod referatur ad modum essendi terminatiuū, quem habet Deus vt incarnatus, & fiat sensus, *videbo Deum indutum carne mea, seu incarnatum*. Cui etiam adheret D. Thomas 1. p. q. 12. ar. 3. ad 1. vbi explicat illa verba *in carne mea videbo*, idest *ego in carne existens videbo Deum*. Quod deducit ex eo, quia dicitur, *videbo in carne, & non per carnem*. Ex quo infert, quod *ly oculi conspecturi sunt*, explicandum est de oculis mentis, & non corporis. Hoc (inquam) non obstat, quia (vt nuper diximus) Propheta loquitur de beatitudine, qua fruturum est corpus post resurrectionem, & aperte ait, quod eius oculi conspecturi sint Deum, loquendo de oculis, vt relatis ad carnem, non autem de oculis mentis. Neque valet quod non dicat *per oculos*, & *per carnem*, tamquam per medium videndi. Nam hoc posset etiam retorqueri contra oculos mentis, per quos non asseritur, Deum videndum, sub talibus terminis. Ergo illa verba neque possunt exponi de Deo incarnato, neque de modo essendi ipsius

ipsius videntis, neque de oculis mentis, sed exponi debent de oculis carneis, ut relatis ad Deum, ut Deus est.

2. Ex Aug. to. 5. lib. 22. de ciu. c. 29. circa med. ubi ait, *visuri sunt Sancti Deum in ipso corpore. Sed utrum per ipsum, sicut per corpus nunc videmus Solem, Lunam, Stellas mate, & terram non parua questio est. Quod si hic dubitanter loquitur, infra in eodem capite loquitur assertiuè his verbis, longe ulterius erunt potentiae (loquens de oculis glorificatis) si per eis videbitur incorporea illa natura, quæ non continetur loco, sed ubique tota est. Neque hoc contentus, eò peruenit, ut probabile etiam putauerit, posse in hac vita mortali Deum, ad tempus videri oculis corporeis, subdens, fortasse magna ista virtus cernendi datæ fuit ad horam etiam in isto mortali corpore, oculis sancti viri Iob quando ait (Iob 43.) ad Deum auditu auris audiui te, tunc autem oculus meus videt te. Clarissimè autem inferius in eod. c. (ut refert D. Thomas hic q. 12. ar. 3.) vis itaque præpollentior oculorum illorum erit (scilicet glorificatorum) non solum ut acutius videant, sed ut videant etiam incorporea. Ita Augustinus.*

Neque obstat, quòd Angelicus loco cit. conetur euertere auctoritatem Augustini dicendo, ibi cum loqui de visione simili illi, qua nunc videmus alicuius vitam. *Ita autem* (sunt eius verba) *non videtur oculo corporeo sicut per se visibile, sed sicut sensibile per accidens, quòd quidem à sensu non co-*

gnoscitur, sed statim cum sensu ab aliqua alia virtute cognoscitur. Quam interpretationē colligit ex verbis ipsius Augustini subdē-  
tis, valde credibile est, sic non Deum visuros, sicut homines, inter quos viuentes, motusque vitales exercentes viuimus. Non (inquam) hoc obstat, quia hæc explicatio lōgē abest à mente Augustini, vt patet ex textu. Si quidem sanctus Doctor explicitē ait, ab oculis nostris glorificatis videnda incorporea. Neque verba postremo loco ab Angelico considerata oppositum continent. Nam per illa nihil aliud vult dicere Augustinus, quam nō visuros Deum, vt videbimus homines nobiscum conuietur-  
ros. Sed hos videbimus oculis corporeis. Ergo, & Deum. Illa autem verba *viuentes, & motus vitales exercentes*, appellant modum quo conuiuemus, non modum terminandi nostram corpoream visionem. Quare vita venit concomitanter, & nō formaliter, & per se in obiecto terminatiuo corporeæ visionis. Eo modo, quo cum dicitur tangi Petrus viuens à Paulo viutente, non dicitur tangi Petri vita, sed materia quanta, informata eius anima rationali. Ita cum dicitur Deus videndus, vt se mutuo videbunt homines beati viuentes, non potest esse sensus, quod eorum vita sit videnda, sed corpus affectum dotibus gloriosis, resumptum ab anima, per quod possit exercere actus vitales. Sicut ergo vita venit purè materialiter, & per accidens in obiecto tactus, ita et in obiecto visionis  
cor.

corporeæ. Non ergo ex illis verbis infirmatur authoritas Augustini.

Multò minus potest dici, quòd ibi loquatur de oculis spiritualizatis iuxta doctrinam diui Pauli 1. ad Cor. 15. *seminatur corpus animale: surget spirituale.* Nam in primis diuus Paulus intelligitur communiter à theologis de spiritualitate negatiua, per negationem nempe mortalitatis, corruptibilitatis, & passibilitatis. Et deinde huiusmodi explicatio vt absque damnata fuit à Concilio Toletano 2. & 4. c. 1. in confes. fidei, Lateran. sub Innoc. 3. c. 1. & communiter rejicitur vt hæretica. Nè ergo hærescos nota inuramus Augustinū, non debet hæc authoritas taliter explicari, sed iuxta primum sensum nuper allatum.

Idem potest colligi ex Ambrosio ser. 8. in psal. 118. vbi introducit Moysen putantem, esse possibile videri Deum oculis corporeis. Quamuis enim ipse videatur sentire oppositum, tamen sufficit nobis eius authoritas, vt pateat, Moysen ipsum fuisse nostræ opinionis. *Putauit Moyses (sunt eius verba) Deo etiam hoc esse possibile vt corporeis oculis faceret id, quod est incorporeum comprehendere* (intelligendo nomine comprehensionis visionem claram, non comprehensiuam) *Non reprehensibilis hic error sed grata cupiditas, atque inexplibilis, quod Dominum suum velut manu tenere, & obtutu oculorum videre cupiebat.*

Præterea hanc cōclusionem aperte ponit vt probabilem Gregorius de Valentia

to. 1. disp. 1. q. 12. puncto 8. ubi ait, *non satis autem consistere videtur, implicare contradictionem, ut potentia aliqua sensitiva sic à Deo condatur, ut vel natura sua (hoc est naturaliter, quòd nos negamus) vel saltè dono aliquo gratuito superaddito valeat, non solum obiecta sensibilia corporalia sed etiam aliquod obiectum spirituale, atq; adeo Deum ipsum percipere.*

Probatur 2. à pari, Potest oculus corporeus extendi ad sonum, & auris ad colorè, ut probauimus ar. 4. Ergo etiam oculus ad Deum videndū. Probatur consequentia, primò, quia si semel admittatur, posse potentiam naturalem elcuari ad operandum extra suum obiectum materiale physicè adæquatum, nulla est ratio, quare non semper militet eadem ratio. Deinde quia si aliquod obstatet in presenti, vel esset spiritualitas, vel infinitas Dei? Primum probauimus non obstat; aliòquin neque possent anima vniri cum corpore, Deus cum homine, & Damon cum igne. Præterea obiectum physicè adæquatum, esset etiam metaphysicè tale, quòd probauimus esse falsum. Neque obstat secundum, quia si ratio Diuinæ infinitatis redderet impossibilem eius visionem per oculum corporeum, redderet etiam impossibilem visionem eiusdem per intellectum, cum non minus Deus ratione infinitatis, distet ab intellectu, quàm ab oculo, cum vterque sit finitus. Sicut ergo potest hoc obex remoueri per lumen gloriæ, ratione cuius intellectus

lectus eleuetur ad proportionem cū Deo , ita potest oculus per aliquam speciem visibilem supernaturalem Deo proportionari, in ratione potentia, & obiecti, cum utrobique sit infinita distantia .

Dices, inter intellectum, & Deum datur proportio ordinis, seu in ratione potētia, & obiecti , eò quia intellectus sit spiritualis, & Deus sit intelligibilis , quæ non datur inter oculum, & Deum. Ergo quamuis in ratione entis sit utrobique infinita distantia , non tamen sequitur eadem cognoscibilitas .

Nego antecedens , quoad secundam partem . Vel enim proportio ordinis est mera cognoscibilitas actiua ex parte intellectus , & passiva ex parte Dei , vel est aliqua similitudo perfectionum, & modi essendi. Si primum, petitur principium ; nā vel hæc proportio datur etiam respectu Dei, & oculi, vel neque datur respectu Dei, & intellectus. Sicut enim hæc ideo admittitur, quia supponitur, & non probatur , Deum esse intelligibilem ab intellectu creato, de quo est potissima difficultas, ita si supponatur, Deum esse visibilem , datur etiam inter Deum, & oculum . Ergo semper currit ead in paritas. Si secundum, cum sit impossibile, modum essendi finitum esse simile modo essendi in finito, neque datur inter Deum, & intellectum . Licet enim uterque sit spiritualis, nō proinde tollitur inter illos infinita distantia in modo essendi, trahens difficultatem insuperabilem

256 *De subiecto extraneo visionis*  
in modo cognoscendi. Quare vel est falsa  
prima pars antecedentis, quæ nunquam  
probatur, vel si admittatur vt vera, non  
potest non admitti vt vera etiam secun-  
da.

Probatur 3. à priori ratione theo-  
logica, est summa dignitas, & perfe-  
ctio Dei, quòd ratione suæ infinitatis, sit  
obiectum vniuersale cuiuscumque poten-  
tiæ cognoscitiuæ, ita vt omnibus innoce-  
scat. Sicut enim omnibus dominatur, ita  
debet ab omnibus cognosci posse, vt om-  
nibus pariat admirationem sui, quæ illius  
rependant laudes, vt dicitur in cantico  
trium puerorum Danielis 3. in quo omnes  
res, etiam sensu carentes, inuitantur ad be-  
nedicendum Deo, *benedicite omnia opera*  
*Domini Domino, &c.* Ergo debet etiam co-  
gnosci ab oculo corporeo. Sed hic non  
potest cognoscere, nisi videndo, alioquin  
extenderetur extra suum obiectum for-  
male, quòd vidimus repugnare. Ergo po-  
test etiam ab illo videri. Consequentia est  
euidens. Antecedens probatur 1. ex diuo  
Hieronimo lib. 1. commen. in c. 8. S. Ma-  
th. super illud *imperauit ventis, & mari,*  
vbi hæc habet, *ex hoc loco intelligimus, quod*  
*omnes creature sentiant Creatorem. Quas*  
*enim imperauit, & quibus imperauit, sentiunt*  
*imperantem, non errore hæreticorum, qui om-*  
*nia putant animata, sed maiestate Condi-*  
*toris, quia apud nos insensibilia, illi sensi-*  
*bilia sunt.* Deinde ex diuo Greg. Papa hom.  
10. in Euang. quæ legitur in Epiphania,

*om-*

omnia quippe elementa authorem suum venisse testata sunt, &c. Deum hunc cœli esse cognouerunt, quia protinus stellam miserunt: mare cognouit, quia sub plantis eius se calcabile præbuit: terra cognouit, quia eo moriente contremuit, Sol cognouit quia lucis suæ radios abscondit: sex aëre parietes cognouerunt, quia tempore mortis eius scissa sunt: infernus cognouit, quia eos, quos tenebat mortuos reddidit, &c. Ergo, &c.

Probatur 4. ratione philosophica, omnis potentia potest à Deo perfici supernaturaliter, non solum intensiue, sed etiam extensiue. Ergo etiam oculus potest à Deo perfici extensiue, ad visionem sui. Probatur consequentia, omnis potentia debet immediate à Deo pendere, non solum in modo essendi, vt fiat, & conseruetur in esse, sed etiam in modo operandi, vt operetur, & taliter operetur. Ergo cum in oculo nulla sit peculiaris repugnantia, vt eleuetur ad visionem Dei, potest illum videre. Probatur antecedens, hoc exigit summa perfectio diuini dominij, vt possit dare omnibus, & singulis aliquid per fauorem, quod illis secundum suam naturam non debeatur. Cum enim sit euidenter perfectio simpliciter simplex, posse omnibus potentijs actiuis immediate imperare, vtiq; conuenit Deo. Non posset autem omnibus imperare, nisi posset ab illis aliquo modo cognosci, secundum proprium modum operandi omnium, & singularum. Ergo debet posse cognosci ab omnibus, & singulis.



gulis. Consequentia est euidens. Minor subsumpta probatur, subiectio, & obediētia dicunt obsequium. Obsequium autem non potest præstari illi, quòd non cognoscitur. Ergo non potest oculus Deo obedire, nisi possit illum cognoscere suo modo, nempe videndo. Quòd autem sit perfectio simpliciter simplex posse omnibus imperare, probatur primò ex opposito, quia melius est illam habere, quam non habere. Deinde quia supremus omnium dominus debet posse extendere suum dominium immediatum supra omnes subditos. Cum ergo omnes potentia cognoscitiua sint subditæ Deo, debet etiam posse illis omnibus imperare. Et ideo probauimus in 1. de gener. disp. 3. ar. 3. Deum concurrere immediatè ad omnes, & singulos effectus omnium causarum secundarum, & in 7. phys. disp. 2. ar. 3. in omnibus creaturis dari potentiam obedientialem, non solum passiuam, sed etiam actiuam ad producendum quodlibet.

## ARTICVLVS VI.

*Soluantur fundamenta contraria.*

**O**bjicies 1. cum Egid. Lusit. tom. 1. lib. 4. q. 3. ar. 2. §. 4. pag. 489. hæc doctrina est contra Augustinum. Ergo non est admittenda. Probat antecedens ex ep. 6. eiusdem, ubi ait; *quoniam Deus lux est, sed lux m. n. ium purgatarum, non istorum corporum*  
vis,

*vis oculorum. Et infra, hoc autem oculus corporis nec nunc potest, nec tunc poterit. Et inferius, quis enim audeat affirmare, Dei substantiam corporaliter videri, cum eam noluerit corporaliter adorari? Et l. 6. de Trin. c. 6. in med. videri autem Trinitas humano visu nullo modo potest, sed eo visu videtur, quod iam qui vident non homines, sed ultra homines sunt. Et ibid. c. 13. Dei substantiam humanis oculis esse inuisibilem. Et ep. 3. ad Fortunatianum initio, quam epistolam (ait) me illo modo scripsisse non poenitet, sed quia dixi, istius corporis oculos nec videre Deum, nec esse visuros.*

Nego antecedens. Ad cuius probationem dico, testimonia allata potius probare oppositum, si bene considerentur. Et miror quomodo Lusitanus id non aduerterit. In primis enim in tali ep. 6. Augustinus aperte loquitur contra dicentes, de facto secundum legem ordinariam videndum esse Deum ab oculis glorificatis, quod nos non asserimus, dicentes tantum non de facto Deum taliter visum iri, sed posse simpliciter videri, per aliam oculorum eleuationem multo perfectiorem. Quod etiam ipse Lusitanus concedit ex Augustino, ib. §. 3. pag. 487. *si expendimus Augustinum* (sunt eius verba, denotando epistolam 3. & locum ex 22. de ciu. c. 29.) *quidam eorum voluerunt, oculos istos corporis eadem, quam modo habent virtute, & potentia, intenta tamen, & aucta Deum visuros. Horum sententiam non probat ibi Augustinus, existimatque*

que si oculi corporei in patria Deum visuri  
sint, donandos esse virtute videndi longè al-  
terius naturæ, & rationis, qua super corpora-  
lia, ad spiritualia eleuentur. Ergo etiam ex  
mente ipsius Lusitani, non negat Augusti-  
nus, posse oculum corporeum eleuari sim-  
pliciter ad Deum videndum. Hoc autem  
clarius patet ex eo quod refert ibid. Lusi-  
tanus ex eadem ep. 3. Augustini dicentis,  
causam quippe adiunxi, cur hoc dixerim, ne  
scilicet Deus ipse corporeus esse credatur; ni-  
hil enim videre aliter istius oculus corporis  
potest. Quia videlicet loquebatur aduersus  
quemdam Episcopum sentiētem cum An-  
tropomorphitis. Ergo solū ibi contendit  
Augustinus, de facto his oculis corporeis,  
secundum legem ordinariam eleuandis,  
non esse Deum videndum, ratione eius  
incorporeitatis, non autem de possibili.  
Præterea idem ibid. ex ep. 112. c. 21. eius-  
dem Augustini hæc habet, merito admira-  
tur Augustinus, unde nam opinio ista nata  
fuerit. Nam si intelligatur de sola visione cor-  
porea, ut sit sensus, visionem corpoream soli  
corpori conuenire, quomodo inde inferatur  
Deum in patria solo corpore videri? Etenim  
visionem corpoream soli corpori conuenire non  
impedit, mentem etiam suam habere visio-  
nem. Ergo per ipsum Deus utroque modo  
videri potest, nempe oculo, & mente. Et  
pag. 495. ait de Augustino, dixit, sensum  
virtutis, quam modo habet, sola corpora posse  
attingere; at in patria virtute superaddita,  
eleuatur, ut attingat etiam spiritualia.

De-

Demum, loquens de ep. 3. ad Fortunatianum aperte ait Augustinus, se nullius alterius poenitere, quod scripserit in illa, nisi quod dixerit, *ipseus corporis oculos ne videre Deum, nec esse visuros*. Sed poenitentia de dicto negatiuo, est confirmatio dicti affirmatiui oppositi de eodem subiecto. Ergo Augustinus tenet, etiam per istius corporis oculos posse Deum videri, si supernaturaliter confortentur. Ex quibus infertur, male ab ipso Lusitano fuisse adductum Augustinum contra nostram opinionem, cum potius, sit illius propugnator, ut ipsemet Lusitanus, velit, nolit, cogitur affirmare tom. 1. lib. 4. q. 5. ar. 3. §. 1.

Obijcies 2. In Conc. Foroliu. in symb. fid. tom. 3. pag. 671. habetur, *in hac sancta Trinitate nihil (quod absit) aliquid putandum est visibile, corporale, palpabile, vel comprehensibile*. Omnipotens namque Sancta Trinitas inuisibilis, incorporealis, impassibilis est. Ergo est de fide, Deum esse inuisibilem oculis corporeis.

Nego consequentiam. Et dico, Concilium loqui de visibilitate, fundata in corporeitate obiecti, quam non asserimus, & de qua non est questio, non autem de visibilitate fundata in elevatione oculi corporei, ad percipiendum obiectum spirituale, de qua solum hic disputamus.

3. D. Epiphanius hæresi 7. confutat Anthropomorphitas, eo quia asserbant, Deum esse visibilem oculis corporeis. Quod idem facit Augustinus damnans ut hæreticos

ticos Maximinum, & nonnullos Arrianos dicentes, Filium Dei esse corporaliter visibilem, vt videre est lib. 3. con. Maximinum c. 26. & alibi. Et præterea damnatur etiam Nouatianus apud Irenæum lib. 4. c. 37. propter eundem errorem. Ergo hoc dicere est hæreticum.

Ad hoc patet responsio ex responsione 2. Siquidem Antropomorphitæ fuerunt hæretici, non quia dicerent Deum esse visibilem oculis corporeis, sed quia dicebant, hoc posse naturaliter fieri, ex diuina corporeitate. Quod idē asserebant maximinus & Arriani de filio Dei, vnde inferebant illum esse corporeum, & creaturam. Videatur Augustinus lib. 2. de Trin. c. 8. & ep. 111. 174. & 178. in quibus clarè assertur ratio, cur hi perfidi fuerint condemnati.

4. Si Deus posset videri oculis corporeis, posset etiam audiri, tangi, odorari, comedi, & similibus alijs modis sensibilibiter percipi, quæ sunt propria corporum. Sed hæc censentur impossibilia Deo, tamquam eius maiestatem de decentia, Ergo neque potest per oculos videri.

Nego sequelam maioris, non quia hæc ex se metaphysicè repugnent, sed quia repugnant moraliter, tamquam de decentia diuinam maiestatem. Cum ergo quod moraliter Dei repugnat, possit Deo simpliciter, & absolutè negari vt impossibile, ideo retenta sola possibilitate metaphysica, negamus hæc esse physicè possibilia. Ex quo deduco secundam responsionem, nempe

non

non posse Deum esse obiectum talium potētiarum ex corporeitate obiecti: posse autem ex eleuatione potentia. um. Ad tollendam autem imperitorum admirationē, vnicam tantum affero instantiam. Nonne Deus factus est noster cibus in Eucharistia? Antequam hoc fieret, quis vnumquodque credidisset? Et ideo ait Psalter psal. 35. *gustate, & videte quā suavis est Dominus*. Si ergo potuit Deus miraculo cā eximio, & familiari fieri nostrum pabulum, per solam terminationem humanitatis, cur etiam non poterit fieri obiectum visus corporei, aliquo alio speciali miraculo nobis ignoto?

Dices, in eucharistia Deus non fit nostrum pabulum secundum essentiam perse, & formaliter, sed solum concomitanter, & per accidens, ratione vnionis inter Verbum, & corpus Christi. Ergo instantia nihil probat ad intentum.

Nego consequentiam. Quamuis enim paritas non currat in omnibus, quod non requiritur in exemplis, mihi tamē sufficit, quod Deus etiam concomitanter fiat noster cibus. Sicut enim hoc modo fieri cibum est supernaturaliter possibile, quamuis superet nostrum captum, ita potest esse possibile, quod Deus fiat obiectum illarum potentiarum materialium, per immediatum concursum obiectiuum, qui à nobis censetur impossibilis. Præterquā quod ex hoc validum elicitur argumentum, ad confirmandam nostram conclusionem,

Nam

Nam si Deus potest terminare intrinsecè humanitatem materiale, cur non poterit etiam extrinsecè terminare visionem, auditionem, tactum, &c. Neque valet, quòd humanitatem terminet ratione hypostasis. Nam in ordine ad nostram questionem, perinde se habet hypostasis, atque essentia, cum utraque sit spiritualis, & infinita, adeoque naturaliter inuisibilis.

Virgebis. Non potest Deus videri, nisi per colorem, qui est obiectum formale oculi, ut color est, Ergo si est visibilis, est colorabilis. Nego antecedens, cum color non sit necessarius, nisi ad terminandam visionem naturaliter contingentem. Cæterum sicut sonus potest terminare visionem supernaturaliter factibilem, ita, & Deus. Ad illud de colore, quòd sit obiectum formale visus, nego suppositum, cuius falsitatem probauimus ar. 2.

5. Ergo etiam lapis poterit eleuari ad videndum Deum. Quod idem poterit dici de corpore Christi in triduo. Quod si concedatur, infertur, fuisse de facto eleuatū, eò quia ratione vnionis hypostaticæ, debebatur illi omnis perfectio sibi possibilis, atq; adeo Christi corpus separatum ab anima, exegisset intrinsecè videre Deum, quòd est hæreticum; aliòquin illud corpus non fuisset mortuum, quomodo enim est mortuum corpus exercens operationes vitales? Vel ergo diuinitas illud loco animæ informasset, quod est hæreticum, vel non potuit eleuari ad Deum videndum.

Nego

Nego consequentiam quoad utramque partem, Disparitas est, quia visio non potest fieri, nisi à potentia visiva, cuius est actus immanens, & vitalis. Et ratio à priori est, quia eleuabilitas non cadit supra ipsum actum secundum, sed supra actum primum, seu potentiam ipsius. Cum ergo neque in lapide, neque in cadauere detur potentia visiva, neque potest esse eleuabilitas ad videndum, quæ neque perficeret intensiue subiectum, ad perfectius videndum, neque extensiue ad videnda plura, sed illius essentiam intrinsece mutaret, faciendo quod subiectum transeat ex non esse visum simpliciter, ad esse simpliciter visum. Quamuis ergo Deus poneret visionem in lapide, non proinde lapis videret, quia illam vitaliter non reciperet, sed solum materialiter, & mere passiuè. Et ratio est, quia ad videndum requiritur potentia visiva, quæ vel eliciat immanenter in se actum visionis, vel saltem illum in se recipiat, Deo supplente eius concursum actiuum, vt diximus de intellectu potente videre Deum, per visionem infusam. Sicut ergo Deus quamuis effectiue concurrat ad actum visionis corporeæ creaturarum, non dicitur videns, ex defectu receptionis illius, ita & lapis non diceretur videns, ex defectu actionis, & principij actiui potentis ad illam influere. Quod si supponamus, in cadauere Christi Domini, Deum supplere miraculose defectum animæ, adeoque illi vitam supernaturaliter infundere,

M dere,



dere, per principium aliquod intrinsecum supernaturale; In primis hoc non ita facile conceditur à theologis vt possibile, propter tritum axioma; quod Deus non possit supplere defectum causæ formalis intrinsecæ, vt est anima in homine. Deinde habemus ex fide, hoc non accidisse corpori Christi Domini in triduo; aliòquin fuisset viuens, & non mortuum. Et demum si hoc dicatur, facile posset concedi consequentia, quæ ad summum probaret, posse oculis corporeis supernaturaliter Deum videri, quod esset in terminis nostra conclusio.

6. Intelligere est spiritualizare, quia intellectus intelligens dat immediatè actui, illoque mediante, etiam obiecto spiritualitatem. Sed oculus corporeus non potest suo actui dare spiritualitatem, quam in se non habet. Ergo non potest Deum intelligere.

Concedo totum, quod non est ad rem, cum nos non dicamus, posse oculum eleuari ad intelligendum, sed ad videndum Deum.

7. Modus operandi sequitur modum essendi. Cum ergo modus essendi oculi sit corporeus, petit etiam modus operandi corporeum. Hic autem quia circumscribitur corpore, non potest extra illud vagari.

Distinguo minorem subsumptam, modus operandi corporeus circumscribitur corpore, in ordine ad operationes physice, solisque suis viribus factibiles, concedo.

do: in ordine ad operationes supernaturaliter, & per vires superadditas factibiles, nego. Et eodem modo distinguo postremum consequens, non potest extra illud vagari suis solis viribus operans, concedo: operans ut eleuatus per vires indebitas, & superadditas, nego. Quando ergo dicitur quod modus operandi sequitur modum essendi, non potest esse sensus, quod sint in eodem genere formaliter, & terminatiue; aliòquin potentia spiritualis non posset percipere, nisi spiritualia. Sicut ergo modus operandi spiritualis potest terminari ad materialia, ita modus operandi materialis potest aliquando supernaturaliter terminari ad spiritualia.

Dices. Ergo etiam naturaliter potest oculus videre Deum, sicut intellectus videt corpus. Nego consequentiam. Disparitas est, quia intellectus est forma vniuersalior, propter immaterialitatem, & extenditur ad omne ens, quod considerat sub ratione formali intelligibili, quæ transcendit per omnia; oculus autem, quia tendit in obiectum sub ratione visibilitatis, ideo quia hæc non conuenit physice, nisi colorato, oculus physice non potest videre, nisi coloratum.

8. Obiectum extensiuè adæquatum potentia sensitivæ est sensibile, sicut obiectum extensiuè adæquatum intellectus est intelligibile. Sed Deus non est vllatenus sensibilis, quia non est corpus. Ergo est extra rationem obiecti extensiuè adæquati ipsius

268 *De subiecto extraneo visionis*  
fius oculi, & cuiuscunque potentia sensitiva.

Nego minorem. Quamvis enim omne physicè sensibile sit corpus; non tamen, sensibile metaphysicè, est necessariò corp<sup>9</sup> vt toties diximus. Deus ergo quia non est physicè sensibilis, sed solum metaphysicè, ideo est quidem extra rationem obiecti extensiui physicè adæquati, non autem extra rationem obiecti extensiui metaphysicè adæquati; nec vsquam probatur ab aduersarijs, Deum neque supernaturaliter esse sensibilem.

Dices, etiam spiritualia sunt metaphysicè sensibilia. Ergo omne ens est metaphysicè sensibile; atque adeo obiectum sensui æquè latè pateret, atque obiectum intellectus. Consequens est falsum, aliòquin sensibilitas esset passio entis, sicut veritas, quòd negatur ab omnibus. Ergo, & antecedens.

Nego consequentiam. Quamvis enim videantur metaphysicè æquiparari, quòd ad extensionem obiecti adæquati, tamen intellectus est simpliciter forma vniuersalior, quàm sensus, eò quia possit physicè, & suis proprijs viribus extendi ad plura. Illud ergo quod specificat potentiam, non est respectus ad obiectum metaphysicè adæquatum extensiue, sed ad physicè adæquatum, quod cum sit proprium, suis solis viribus attingi potest. Vnde patet, sensibilitatem non esse proprietatem entis, vt ens est, quia non est passio physica,

&

& per se conueniens enti, sed solum metaphysicè, & per accidens, quatenus videlicet per accidens eleuatur potentia sensitiva, etiam ad obiectum indebitum, & sibi physicè improporcionatum.

In quo miror, quomodo supra impugnatus Lusitanus non aduertat, se sibi manifestè contradicere. Nam ex vna parte to. i. lib. 4. q. 5. ar. 3. §. 2. totus est in negando, posse oculum corporeum eleuari ad visionem Dei, & ex alia ibid. pag. 499. ait, *ex ijs quæ diximus inferitur, nullum oculum etiam gloriosum videre, aut videre posse Deum in seipso: Quod docuit Augustinus in dicta ep. 6. Nam quamuis gloriosus sit, & quo ad vim, & efficaciam sit spiritualis, semper tamen manet secundum substantiam corporeus, & ob id ineleuabilis ad videndum rem incorpoream.* Quod si oculus per eleuationem, quoad vim, & efficaciam sit spiritualis (vt ipse fatetur) quomodo potest negari posse ab illo Deum videri? Nullus enim negauit, potentiâ quoad vim, & efficaciam, adeoque quoad modum operandi, spiritualem posse percipere obiecta spiritualia.

Dices, eleuatio oculi ad visionem Dei, vel fieret per intentionem, & augmentum virtutis, quam modò habet, vel per collationem nouæ virtutis alterius ordinis? Si primum, ergo hæc virtus quantumuis intendatur, non poterit transire limites obiecti intensiue adæquati. Si secundum, ergo non erit eadem potentia visiva, sed alia diuersæ speciei, quod repugnat fidei do-

centi , nos resumpturos eadem numero corpora.

¶. Huiusmodi eleuationem fieri posse, non solum per intensiorem eiusdem potentia, sed etiam per additamentum virtutis, & collationem noui principij, vt diximus de intellectu . Sicut ergo intellectus per hoc quod fiat potens elicere visionem Dei, non mutatur essentialiter, sed solum perficitur extensiuè accidentaliter ; ita & oculus per hoc quod reciperet additamentum extrinsecum, & intensiorem virtutis , vnde posset elicere visionem tantæ actiuitatis , vt terminaretur ad ipsum Deum, non mutaretur essentialiter.

Ad fundamentum Diui Thomæ , ductum ex improportionem, patet responsio ex dictis . Cum enim hæc sit solum in ratione potentia, & obiecti, vtique si concedatur inter Deum, & intellectum illam auferri per lumen gloria, debet etiam concedi, illam auferri inter Deum, & oculum per aliam qualitatem supernaturalem , illi æquiualentem, vt probauimus.

Atque hæc dicta sint satis pro hac materia, non vt à communi Theologorum sententia recedamus , sed vt sequamur nostrum Patrem Theologorum Aquilam, Augustinum , apertè sentientem pro hac opinione, vt dictum est, & vt ostendamus, exercitationis gratia, posse in hac quaestione, vtramque contradictionis partem problematicè propugnari.

DIS-

## DISPUTATIO IX.

*De specie impressa Dei.*

**I**N hac materia tot sunt authorum opiniones, ut nihil certi possimus decernere, præsertim cum nihil habeamus ex sacris paginis, unde facere ingenio ad theologicam veritatem præbere quis possit Quia ergo est materia purè disputata, ideo authorum prius opiniones examinabimus, & deinde nostram ut probabilem statuemus. Quæremus ergo 1. an illa sit simpliciter necessaria ad visionem Dei? Et deinde an saltem sit simpliciter possibilis?

## ARTICVLVS. I.

*An sit necessaria species impressa ad visionem Dei per essentiam?*

**N**Oster Egidius Lusitanus to. 2. lib. 8. par. 2. q. 3. ar. 3. accerrimè tuetur, non solum dari de facto speciem impressam Dei, sed illam esse simpliciter necessariam ad visionem Dei; ubi citat prò hac opinione multos alios suppresso nomine; inter quos Scotus in 2. d. 3. q. 9. & in 4. d. 49. q. 11. & in 3. d. 14. q. 3. videtur consonare cum tali opinione. Eorum fundamenta reducuntur ad hæc.

1. Non potest intellectus aliquid intelligere, nisi prius natura fiat ipsum obiectum in esse intelligibili. Sed intellectus creatus non potest vllò modo fieri per diuinam essentiam intelligibiliter Deus. Ergo de-

bet fieri per aliquam speciem creatam ipsius Dei. Maior probatur, quia nihil potest cognosci, nisi à simili. Et ideo Caietanus 1.p.q.12.ar.2.in resp.ad.3. ait *oportet igitur saluare quòd intellectus videns Deum, prius natura fit Deus, ut postea videat Deum.* Minor probatur, quia intellectus fit obiectum per formam intelligibilem, qua intrinsecè perficitur. Non potest autem diuina essentia fieri forma ipsius immediatè. Ergo debet fieri per speciem creatam.

2. Non potest intellectus intelligere, nisi prius natura fiat in actu primo ad intellectionem obiecti. Et ideo diuus Thomas q.9.de potentia ar.5.post init. ait, *intellectus non potest intelligere, nisi secundum quod fit in actu per hanc similitudinem, sicut nihil aliud potest operari secundum quod est in potentia, sed secundum quod fit in actu per aliquam formam.* Sed non potest fieri in actu primo ad visionem Dei per diuinam essentiam, quæ non potest esse eius forma intelligibilis; aliòquin cum per talem formam reponatur in esse Dei, essentialiter esset Deus. Ergo debet fieri per speciem creatam.

3. Intellectus creatus sine tali specie non videret Deum connaturaliter. Cum enim illi sit connaturale suas elicere intellectiones, non modo per species, quæ sint formales rerum similitudines, sed etiam quæ sint formæ intrinsecæ eum perficientes, si aliter intelligeret, pateretur violentiâ. Ergo est illi necessaria species creata Dei.

Prò

Prò resolutione aduertendum est, nos hic non agere de specie, quæ detur ex parte ipsius intellectus creati, quæ communiter dicitur lumen gloriæ. De hoc enim instituemus infra peculiarem quæstionem, sed de specie, quæ esset distincta à lumine, & ex parte ipsius diuinæ essentia, quam repræsenteret per modum obiecti, vt eius vicaria.

*Conclusio, Non est necessaria vlla species creata obiectiua, ad hoc vt videatur diuina essentia.*

Probatur, tunc solum requiritur species ex parte obiecti, quando vel hoc abest a potentia, vel non est cum illa sufficienter vnitum, propter aliquem obijcem. Et ideo diuus Thomas 1. p. q. 56. ar. 1. docet, Angelum se intelligere, absque vlla specie, quia nulla est indigentia vicarij, præsentæ principali. Sed vtraque hæc ratio, cessat in ipsa diuinâ essentia, non solum quia propter suam immensitatem, & æternitatem, est intimè præsens potentia intellectiua creatæ; sed etiam quia cùm essentia diuina sit principium effectiuium, & conseruatiuum potentia, nullo potest obijce impediri, quò minus illi intimè vniatur, docente Angelico 1. p. q. 12. ar. 2. *sin autem esset vna & eadem res, quæ esset principium virtutis visiuæ, & quæ esset res visa, oporteret videntem ab illa re habere & virtutem visiuam, & formam per quam videret.* Ergo non est necessaria vlla species creata. Caueas tamen hinc colligas, intellectum creatum intel-



ligere Deum per essentiam Dei, tamquam per suam intellectionem, quod esset erroneum, & apertè reiicitur ab Angelico ibid. his verbis, *Et cum ipsa intellectiva virtus creaturæ non sit Dei essentia, relinquitur quod sit aliq; participata similitudo ipsius, qui est primus intellectus. Unde & virtus intellectualis creaturæ lumen quoddam intelligibile dicitur, quasi a prima luce derivatum.* Hoc autem tam potest applicari ipsi virtuti cognoscitivæ naturali, quàm cuilibet superadditæ qualitati, quæ vulgo dicitur lumen gloriæ. Et ideo subdit, *sine hoc intelligatur de virtute naturali, siue de aliqua perfectione superaddita gratiæ vel gloriæ.*

Ad 1. primò nego maiorem, si sermo sit de omni cognitione, etiam supernaturaliter factibili. Et ratio est, quia tantum intellectus debet fieri intelligibiliter obiectum, inquantum non potest illud intelligere, nisi fiat sibi intelligibiliter præsens; sit autem præsens intelligibiliter, quando non est præsens per se ipsum. Cum ergo divina essentia fiat illi præsens per se ipsam, non est necesse, quod intellectus, prius natura ad eius visionem, fiat ipsa essentia Dei per eius speciem. Quod si opponatur Aristotelis authoritas (quàm immeritò tanti facit Lusitanus) dico, illum utpote ignarum ordinis supernaturalis, semper loqui de cognitionibus physicè, & naturaliter contingentibus, cuiusmodi sunt regulariter in via, non autem de supernaturalibus, ut sūt in Patria. Deinde dico, quod licet concedatur,

datur, intellectū fieri intelligibiliter obiectum, quod intelligit, non tamen est necesse quod fiat per speciem, prius natura ad cognitionem, sed sufficit, quod fiat per ipsam cognitionem actuale. Intellectus ergo Beati fit Deus per ipsam visionem actuale, quæ est formalis obiecti similitudo, sicut species est solum similitudo virtualis. Vnde patet responsio ad probationem maioris. Tertiò potest dici cum Caietano, Soto, alijsque, quod intellectus fiat intelligibiliter Deus per diuinam essentiam, tamquam per formam extrinsecam, non inhærentem, seu informantem, sed intelligibiliter assistentem, quatenus videlicet per se ipsam obiectiue se præsentat intellectui. Quare falsa est minor Lusitani, eo quia essentia Dei sit forma intelligibilis, non quidem physice, & intrinsece, sed intelligibiliter, & metaphysice actuans, absque vlla intrinseca informatione, aut inhærentia.

Ad 2. Molina 1.p.q. 12. ar. 2. disp. 2. §. *his ita constitutis*, Negat maiorem, supponens hoc requiri ad cognitiones physice factibiles, non autem ad cognitiones in patria, & supernaturaliter factibiles. Sed hæc responsio non est vera; siquidem etiam in ordine ad cognitiones supernaturaliter contingentes requiritur, quod prius intellectus fiat sufficienter potens ad illas, quod est eius actus primus. Immo cum intellectus non sit de se potens, multò magis hoc valet in cognitionibus supernaturalibus, quæ

in naturalibus, quarum de se est potens. Omissa igitur hac responsione. Nego minorem, quia diuina essentia ( vt diximus in resp. primi ) potest esse forma intelligibilis extrinsecè, absque actuali informatione, & inhærentia, actuans intellectum modo supradictò; cum non sit necessarium, quod omnis actiatio, licèt intrinseca, fiat per formam informantem, & inhærentem. Præterea posset etiam negari consequentia. Nam per lumen gloriæ intellectus fit in actu primo ad visionem, vt egregiè propugnat Nauarrete to. 4. controu. 39. §. 5. & to. 2. controuer. 3. §. 3.

Ad 3. Suar. 2. de attrib. negatiuis c. 12. n. 24. Pezzantius 1. p. q. 12. disp. 1. concl. 2. cum nonnullis alijs, respondent negando sequelam, retorquendo argumentum, videlicèt tunc futuram ab intellectu visionē Dei miraculosè, quando fieret per speciē, sine qua cōnaturaliter fit. Hoc autem probant, quia cum species sit superflua, non posset per illam fieri connaturaliter visio. Vnde inferūt, quòd stāte maiori perfectione, in modo vidēdi per diuinā essētiā, quā per speciē, illū esse magis cōnaturalē. Sed hac ratio mihi nō probatur, quia cum statuamus sub finem huius operis, futuram connaturaliorem visionem per speciem, quā sine specie, non valet retorsio. Nego igitur eandem sequelam, propter aliam rationem, quia videlicèt cum diuina essentia sit formaliter sui species, si visio per speciem creatam fieret connaturaliter, etiā fieret

fieret per diuinā essentiā, immò perfectiori modo, vtpote per speciem perfectiorem, quidquid sit de maiori, vel minori connaturalitate, de qua hic non disputamus. Sicut enim Angelus connaturaliter intelligit per species infusas, quamuis connaturalius intelligeret per acquisitas, ita & cōnaturaliter noster intellectus videt Deum per diuinam essentiā, quamuis connaturalius videret per speciem creatam.

## ARTICVLVS. II.

*Andiuiuaessentia possit per se ipsam immediate præbere concursum obiectiuum ad visionem sui?*

**V**idetur non posse. quia non potest aliquod concurrere per modum obiecti, nisi informando potentiam. Sed essentia Dei non potest esse informatiua potentiæ creatæ; alioquin reciperetur in illa vt forma actuans, & inhærens. Ergo non potest per se ipsam immediate præbere cōcursum obiectiuum ad visionem sui. Minor, & consequentia sunt euidentes. Maior probatur, quia obiectum non potest concurrere cum potentia, nisi illam fecundando, per actum secundum intellectiōis. Nō potest autem fecundare, absque informatione. Ergo cum non possit per se ipsam informare, neque potest fecundare; atque adeo neque potest obiectiue concurrere.

2. Si diuina essentia per se ipsam concurre-

curreret per modum obiecti, esset species impressa sui. Consequens est falsum, quia concurreret per informationem, & inhaerentiam, quod illi repugnat. Ergo non potest concurrere per se ipsam, ut obiectum, ad visionem sui.

3. Visio Dei pendet à diuina essentia, in genere causae efficientis, propter identitatem cum principio productiuo illius. Ergo non potest pendere ab illa, in genere causae obiectivae, cuius cum sit diuersa causalitas, debet esse diuersus effectus.

Conclusio, *diuina essentia posset per se ipsam immediatè præbere concursum obiectiuum ad visionem sui, tamquam sui species.*

Probatur 1. Diuina essentia ex se est actu intelligibilis, immò prima intelligibilitas obiectiua, primumque obiectum intelligibile in actu. Ergo potest per se ipsam immediatè esse formaliter sui species. Probatur consequentia, quia quatenus talis est prima veritas, & quatenus est prima veritas, ex sua ratione formali intrinseca, est prima forma intelligibilis. Ergo eminenter continet quidquid perfectionis reperitur in quolibet obiecto intelligibili, scclusis imperfectionibus. Sed esse formaliter sui speciem, & per semet immediatè concurrere ad visionem sui, est quaedam perfectio nullam admittens imperfectionem; & ut talis conceditur communiter in essentia Angeli, respectu visionis sui. Ergo conuenit diuinæ essentiae.

Confirmatur, diuina Personalitas ex eo quod

quòd sit infinita, & prima personalitas, eminenter continens omnem personandi rationem, potest per se ipsam immediatè præstare munus personalitatis creatæ. Ergo etiam diuina essentia, cum sit prima veritas, & prima forma intelligibilis, continens eminenter omnem formam, & speciem intelligibilem, potest per se ipsam immediatè facere, quod faceret per aliam formam creatam intelligibilem; atque adeo potest per se ipsam immediatè concurrere, per modum obiecti, ad visionem sui.

Probatur 2. In tantum alia obiecta non possunt concurrere immediatè, ut causæ obiectivæ ad visionem sui, in quantum vel sunt distantia à potentia visiva, vel non sunt idem cum principio effectiuo; & conservatiuo potentia, adeoque debent per speciem impressam illi vni, quæ species, tanquam illorum vicaria, concurrat, ut concausa, illam informando ad suos actus, supplendo defectum virtutis ipsorum obiectorum. Essentia autem Dei, & est per se ipsam formaliter intimè præsens potentia, & est idem cum Deo, qui est causa productiva, & conservatiua potentia, eiusque actuum. Ergo non indiget medio, quod sui vicem gerat, in effectione visionis sui, sed per se ipsam immediatè concurrat ad illam per modum obiecti.

Ad 1. Nego maiorem. Nam Angelus concurrat immediatè ad visionem sui per modum obiecti, absque vlla informatio-

ne intellectus per speciem impressam, quæ solum est necessaria ad obiectum remotum. Neque obstat, quod Angelus sit idem cum potentia intellectiua sui; nam etiam diuina essentia est idem cum principio effectiuo, & conseruatiuo potentiae creatæ se uidentis, quod pluris valet ad rem præsentem. Si quidem identitas cum potentia non dicit principium completum, seu actum primum adæquatum intellectus, in genere causæ efficientis. Nam posita tota potentia creatæ, cum omnibus dispositionibus necessarijs, non potest illa exire in actum secundum intellectionis, sine concursu alterius causæ ab obiectiua, videlicet causæ primæ conseruatiuæ sui, & coeffectiuæ intellectionis. Posita autem identitate cum principio effectiuo, & conseruatiuo potentiae, eiusque dispositionum, non requiritur aliud ad eliciendam intellectionem, sed est adæquatè completus eius actus primus. Vnde elicitur confirmatio conclusionis. Nam sicut essentia Angeli, propter identitatem cum potentia intellectiua, concurrit immediatè, absque vlla specie, ad visionem sui; ita & diuina essentia, propter identitatem cum principio effectiuo, & conseruatiuo potentiae; & dispositionum, posset concurrere immediatè ad visionem creatam sui.

Dices, etiam posita identitate cum principio effectiuo, & conseruatiuo potentiae visuæ, requiritur cōcursus Dei ad visionem. Ergo per illā nō completur actus i. illius.

*Distin-*

Distinguo antecedens, requiritur concursus Dei, ut causæ distinctæ à principio conservatio potentia, nego: ut eiusdem causæ, concedo antecedens, & nego consequentiam. Siquidem Deus posito quod fecerit, & conservet potentiam visivam, sui, cum omnibus dispositionibus, non attendit aliunde eius sufficientiam ad se videndum, sed per se ipsum concurrit obiectivè, quo posito concursu, potentia naturali suo influxu, elicit visionem, coadiuvante obiecto effectivè, & obiectivè.

Ad 2. Distinguo maiorem, divina essentia esset species impressa sui, quæ vicem gereret illius, nego: non sui vicaria, concedo maiorem. Ad probationem minoris, distinguo, species vicaria concurrit per informationem, concedo: non vicaria, nego minorem, & consequentiam. Essentia igitur Dei diceretur sui species, non quia vicem gereret illius, sed quia faceret totum id, quod faceret sui species, demptis imperfectionibus, cuiusmodi sunt informare, & inhaerere. Facundat ergo intellectum creatum ut causa formalis extrinseca, eo modo quo fecundaret ignem, si cum illo concurreret immediate ad calorem, illum creando, absque vlla siccitate, seu approximatione prævia ignis ad passum, supplente ipsa divina essentia defectum omnium huiusmodi dispositionum, ad producendum calorem.

Ad 3. Nego consequentiam. Nam idem numero effectus potest simul pendere a pluri-



pluribus causis diuersi ordinis, etiam si nullam dicat mutationem intrinsecam. Nam e. g. eadem entitas physica peccati pendet ab homine, tamquam à causa moralis adæquata, & physica partiali illum denominante peccatorem, & a Deo tamquam à causa physica vniuersali, illum denominando causam primam; idem opus pendet à seruo efficienter, & moraliter à domino: eadem tractio currus pēdet ab equis efficienter, & directiue ab auriga; & vt propius petamus exemplum; eadem essentia Angeli concurrit effectiue, & obiectiue ad visionem sui. Ergo potest etiam visio creata Dei pendere simul ab essentia diuina, tamquam à causa effectiua, obiectiua, & formali extrinseca. Verum de hoc fusiùs articulis sequentibus.

## ARTICVLVS. III.

*An sit possibilis species impressa Dei?*

**V**idimus vsque adhuc posse diuinam essentiam immediatè concurrere per modum obiecti, ad visionem creatam sui, adeoque nullam esse necessariam speciem impressam, seu similitudinem obiectiuam creatam ad videndum Deum. Superest nunc videndum, an possit saltem simpliciter videri per speciem impressam creatam?

D. Thomas 1. p. q. 12. ar. 2. & 2. con. Gen. c. 52. apertè id negat, & cum illo sentiunt communiter Thomistæ, inter quos citatur etiam noster Egidius Columna in trac. de

in-

influentia Dei in Beatis c. 1. & in defensorio diui Thomæ c. 1. & quodl. 3. q. 16. Sed (vt obseruat noster Lusitanus to. 2. lib. 8. q. 2. ar. 2.) potius loquitur de facto, quam de possibili.

Cardinalis Pallauicinus lib. 8. n. 212. ex eius superfluitate, arguit eius impossibilitatem. Sed quia ex rei superfluitate non potest argui, nisi impossibilitas physica, ideo non est simpliciter pro eius impossibilitate metaphisica, quam hic indagamus.

Vasquez penes Antoniū Perez in tract. de visione n. 56. ait, esse possibilem speciem impressam Dei, quando sit similitudo obiectiua illius; neque enim hoc ait esse de essentia speciei impressæ. Nam similitudo obiectiua repræsentat solum prædicata communia obiecto, & tali similitudine. Species verò impressa repræsentat solum prædicata particularia, & propria obiecti, pro vt sunt in se. Sed hæc doctrina mihi non probatur. Nam (vt obseruat Perez loco citato) omnis species impressa debet concurrere ad visionem obiecti, non solum effectiue, sed etiam obiectiue, eò quia debeat facere, vt obiectum in se appareat. Ergo debet prius manifestare se ipsam vt obiectum; & deinde per sui manifestationem, debet manifestare obiectum, quod ideo facit proximè intelligibile, immò simpliciter intelligibilius. Sed hoc præstare non posset sine similitudine obiectiua. Ergo est de ratione cuiuscunque speciei impressæ, quod sit similitudo obiectiua; atque adeo si non  
ad-

admittatur ut possibilis, quatenus dicit similitudinem obiectiuam, cum hæc sit ab illa inseparabilis, remanebit simpliciter impossibilis.

Fundamenta Thomistarum reducuntur ad hæc, Primò quia res superioris ordinis non potest videri per similitudinem, seu speciem rei ordinis inferioris; neque enim per speciem corporis potest videri essentia rei incorporeæ. Ergo cum Deus sit ordinis superioris ad omne creatum, per nullam speciem creatam videri potest.

2. Essentia Dei est ipsum suum esse. Nulla autem forma creata potest esse suum esse. Ergo neque potest illam repræsentare.

3. Diuina essentia est infinita, continens in se supereminenter quidquid potest significari, vel intelligi ab intellectu creato. Nulla autem forma creata potest hoc totum repræsentare, propter determinationem quam habet, secundum aliquam rationem, vel sapientiam, vel virtutis, vel ipsi<sup>9</sup> esse. Ergo neque potest repræsentare diuinam essentiam.

Contra verò Aureol. apud Capreol. in 4. d. 49. Bonau. in 3. d. 14. ar. 1. q. 3. argum. 5. Scotus in 2. d. 3. q. 9. & in 3. d. 14. q. 3. & in 4. d. 49. q. 11. Valentia to. 1. disp. 1. q. 12. puncto 2. Suar. disp. 30. met. sect. 11. n. 27. Maior quodl. 4. diffic. 6. Egid. Lusit. to. 2. lib. 8. par. 2. q. 2. ar. 2. cum multis alijs ex Recentioribus tenent, illam esse possibilem. Immo Scotus, & Lusitanus probabilius putant, dari de facto in Beatis speciem impressam Dei, quam lumen gloriæ.

Con-

*Conclusio. Non potest physicè dari species impressa Dei; potest tamè dari metaphysicè, & absolutè loquendo, seu supernaturaliter.*

Probatur prima pars, quia si daretur, illa esset superflua. Nihil autem superfluum potest physicè dari. Ergo neque potest physicè dari huiusmodi species. Omnia sunt euidencia ex dictis ar. 2. Et hoc fortasse voluit inferre Pallavicinus, cum omnibus alijs Recentioribus, quando ex eius superfluitate intulit eius impossibilitatem, nempe physicam, & in via naturæ.

Probatur secunda pars 1. quia superfluitas entis non tollit eius possibilitatem, in ordine supernaturali, in quo attenduntur alij rerum fines, Deo quidem cogniti, nobis verò incogniti. Et ideo omnes theologi, & philosophi asserunt, posse simpliciter multa fieri, quæ essent physicè superflua, cuiusmodi sunt replicatio corporum, simultanea causalitas adæquata eiusdem effectus, aliaque huiusmodi sexcenta, quæ ex hoc ipso censerentur miraculosa, quia fierent extra naturalem rerum necessitatem. Ergo ex hoc capite simpliciter non repugnat species impressa Dei.

2. Tantundem distat à Deo species expressa, quàm impressa. Ergo si illa est possibilis, innò datur defacto, vt infra patebit, etiam hæc est possibilis. Consequentia est euidens. Maior probatur, species expressa terminatur ad totum Deum adæquatè sumptum, ad quem terminaretur species impressa. Sicut ergo illa non amittit esse crea-

creatam, neque acquirit modum tendendi infinitum, per infinitatem obiecti clarè expressi, tamquàm per imaginem formalem, ita neque hæc per expressionem virtualem.

3. Lumen gloriæ est veluti species impressa Dei, nam cum sit proprium luminis illuminare, illum manifestat; illum applicat intellectui, confortando potentiam, & augendo virtutem, & vicem gerit obiecti, licet præsentis, quia illud accommodat intellectui, proportionando. Ergo cum lumen detur de facto, ex nullo capite potest repugnare species.

Dices, Deus de se est lucidissimus, ut vocatur passim à diuo Thoma. Ergo non indiget lumine manifestari. Dicitur ergo lumen, non quia illuminet obiectum, sed quia deriuat à prima luce, ut exponit Angelicus.

Distinguo antecedens, est lucidissimus in se, & in ordine ad se, concedo: in ordine ad nos, nego antecedens. Et ideo dicitur habitare lucem inaccessibilem. Et eodem modo distinguo consequens, non indiget lumine, ut sibi manifestetur, concedo: ut nobis manifestetur, nego consequentiam. Sicut enim non est idem, aliquam propositionem esse per se notam, & esse nobis notam, ut vidimus in i. disp. ita neque est idem, aliquod obiectum esse in se lucidissimum, & esse nobis tale. Potest enim accidere, ut propter excessum sui luminis fiat alicui oculo infirmo velut inuisibile, adeo.

deòque fieri necessarium, ut aliquo medio manifestetur, siue hoc fiat attemperando splendorem ipsius, siue oculum confortando, quod est perinde, eò quia vterque modus diceretur illuminatio, propter detectionem obiecti, saltem respectu talis potentiae, respectu cuius perinde se haberet obiectum, atque si esset in se obscurissimum.

Probatur 4. à priori, nulla potest afferri implicantia huius speciei. Ergo est simpliciter possibilis. Consequentia possibilitatis est euidens, ex negatione impossibilitatis. Antecedens probatur. Vel eius repugnantia oriretur ex eo, quòd repraesentaret obiectum infinitum? Vel quia illud applicaret potentiae finitae? Vel quia vicem gereret praesentis Dei? Vel quia deberet illum repraesentare modo infinito? Sed ex nullo horum capitum oriretur eius impossibilitas. Non ex primo, quia etiam species expressa, & lumen gloriae repraesentant obiectum infinitum. Nò ex secundo, quia aliòquin etiam lumen gloriae applicans essentiam diuinam intellectui creato, esset impossibile. Nò ex tertio, quia quamuis praesentia obiecti reddat superfluum speciem suam vicariam, non tamen illam reddit impossibilem. Quis enim vetat, Regem praesentem retinere suum vicarium? Neque ex quarto, quia huiusmodi infinitas in modo repraesentandi assumitur gratis, & non probatur. Aliòquin etiam cognitio abstractiua Dei esset impossibilis, eò quia per hoc quòd  
ten-

tenderet ad obiectum infinitum, acquireret tendentiam infinitam. Videantur Fasilus hic, & Suarius disp. 30. met. sect. 11. n. 35. qui limitans suum dictum ad solam possibilitatem logicam, ita concludit. *Et ideo talis species creata, quamvis possibilis sit logicè, id est non implicet contradictionem, numquam tamen est possibilis physicè, seu connaturaliter, quia intellectui secundum se est improporionata, intellectui vero eleuato per lumen non est necessaria, quia obiectum per se intimè adest potentia.*

Dices, cognitio abstractiua non attingit totum Deum adæquatè. Ergo nulla est paritas. Nego antecedens, si sermo sit de adæquatione se tenente ex parte obiecti; nam totum obiectum, quod intuitiue cognoscitur per vnam cognitionem, potest abstractiue per aliam cognosci, quorum cognitionum discrimen non esset penès obiectum, sed penès modum illud attingendi.

Ad argumēta Thomistarū in primis generatim. Respōdeo, illa solū probare huiusmodi speciei impossibilitatem, secundum ordinem naturæ, non autem attentis viribus Omnipotentis. Deinde vt speciatim respondeam.

Ad 1. distingo antecedens, res superioris ordinis non potest videri per speciem rei ordinis inferioris, non eleuatæ, concedo: eleuatæ ad ordinem superiorem, nego antecedens. Sicut enim potest per speciem expressam intellectus creati, eleuati per  
lumen

lumen gloriæ videri Deus , ita potest per speciem rei corporeæ , videri aliquod incorporeum , iuxta doctrinam traditam ar. 3. disput. 8. Præterea sicut esse ordinis inferioris, non tollit speciei expressæ , & lumen gloriæ, quòd possint Deum attingere, ita neque hoc tollit impressæ.

Ad 2. nego consequentiam, quæ non bene sequitur ex præmissis, non distribuētibz medium terminum , cum extremis conclusionis. Nunquàm enim in præmissis fit mentio de repræsentatione , quæ negatur in conclusione . Tunc igitur solùm valeret consequentia, quando species impressa deberet esse realiter idem cum obiecto repræsentato, non solum secundum modum repræsentandi, sed etiam secundum modum essendi , vt visus est innuere Durandus in 4. d. 49. n. 13. & apertè asseritur hic à Caietano , quòd videlicet similitudo speciei impressæ cum obiecto , debeat esse formaliter conuenientia essentialis vtriusque , ita vt non differant , nisi secundum modum essendi realem, & intentionalem. Quæ doctrina irridetur à Valentia to. 1. disp. 1. q. 12. punt. 2. vbi probat, ad rationē speciei impressæ sufficere , quòd illa sit *veluti quoddam obiecti* ( sunt eius verba ) *propter ordinem peculiarem , quem ad ipsum habet, vt eius vice possit cum intellectu concurrere ad intellectionem ; & eatenus posse dici, obiectum per speciem repræsentari, quatenus potest per illam obijci intelligibiliter, sūm in actu primo, cum in actu secundo eidem*

N intel-



*intellectui. Quod in re quidem nihil est aliud, quam posse in actu primo, & in actu secundo obiectum cognosci, per speciem concurrentem ad id cum intellectu.* Differentia igitur prædicamentalis speciei cum Deo, tollit solum convenientiam in modo existendi realiter, non autem in modo representandi.

Dices, intelligibilitas Dei est idem realiter cum Deo. Ergo si hæc species deberet habere similitudinem cum Deo, secundum modum essendi intentionalem, deberet etiam illam habere, secundum modum essendi realem. Ergo esset realiter Deus, quod repugnat.

- Nego antecedens, si sermo sit de intelligibilitate passiva, & obiectiva, neque potest hoc asseri sine manifesta petitione principij. Cum enim hoc quæratur, an possit Deus intelligi per aliquod creatum, quod idem est, atque an possit dari intelligibilitas aliqua creata Dei, respondetur hoc ideo esse impossibile, quia nulla intelligibilitas Dei potest esse creata. Præterea non video quomodo sequatur illatio, ex similitudine intentionali ad terminatiuam, & realem. Recenseantur quæ diximus in 1. ar. con. Lusitanum, de quo plura inferius.

Vnde patet responsio ad 3. Cum enim species nō debeat esse idem cum obiecto, neque illi similis in modo essendi, ex infinitate Dei, non potest argui eius impossibilitas, quia solum haberet infinitatem terminatiuæ, & in ratione representantis, non autem formaliter, & in ratione entis.

A R.

ARTICVLVS. IV.  
*Soluuntur alia argumenta contraria.*

**O**bjicies 1. cum Pallau. li. 8. assert. theol. c. 28. n. 214. Species emissā ab obiecto est veluti semen obiecti, propagans illud secundum esse intentionale, Sed nulla species creata potest esse semen diuinæ essentiae, illam intentionaliter propagans. Ergo nulla species creata potest esse species impressa Dei. Maiorem supponit vt certam. Minorem probat, quia sicut semen est tale, vt si incidat in bonam materiam, producat prolem parenti æqualem, ita & species impressa debet esse talis, vt si incidat in potentiam intellectiuam bonam, producat cognitionem æqualem obiecto, secundum esse intentionale. Impossibile, autem putat, posse dari speciem creatam, habentem tantam aptitudinem, vt quantum est ex se, possit repræsentare Deum, melius, & melius in infinitum, nisi inueniat defectum ex parte intellectus. Ergo est impossibilis hæc species.

Nego minorem. Ad cuius probationem dico, non solum non esse absurdum, quod si daretur intellectus capax, determinaretur à tali specie, ad omnimodam similitudinem cum obiecto, secundum esse intentionale, sed hoc de facto esse ab omnibus admittendum, in specie expressā hominis viatoris abstractiua Dei, quæ si esset actus intellectus nobilioris, cuiusmodi est An-

gelicus, esset intuitiua, & non abstractiua, quæ solum est talis ex imperfectione, quam dicit in modo tendendi, circa obiectum sibi improporcionatum. Hæc autem imperfectio, quia fundatur adæquatè in improporcionem ipsius intellectus cum Deo, quò magis recedit ab imperfectione propria, & accedit ad perfectionem Dei, per nobilioris essendi modum, eò est minor improporcionio, adeoque est clarior cognitio. Si ergo fingamus, dari aliquem intellectum, cuius perfectio crescat in infinitum, utique etiam talis cognitio claresceret in infinitum, & ex abstractiua fieret intuitiua, immò, & comprehensiva Dei. Non quidem quò eadem numero cognitio, quæ nunc est abstractiua, possit fieri intuitiua, sed quò posito eodem numero concursu obiectiuo, crescente sola perfectione principij cognoscitiui, ubi nunc elicitur abstractiua, tunc eliceretur cognitio intuitiua. Præterea hoc solum valeret de specie, naturaliter genita, non autem de supernaturali, quæ posset esse intrinsecè determinata ad hoc ut concurreret ad tantam visionem, & non maiorem, neque minorem, in quocumque ponatur principio intellectiuo, ut diximus de lumine gloriæ.

Ob. 2. cum eodem ibid. n. 216. Nulla species creata potest clarè repræsentare obiectum, nisi prout existens prò ea duratione, prò qua existit ipsa species. Sed species, quæ repræsentaret clarè Deum, repræsentaret clarè durationem ante-

anteriorē, & posteriorem se, idest totam Dei æternitatem, quæ est realiter, & formaliter ipse Deus. Ergo hæc species haberet prædicatum repugnans creaturæ.

Nego consequentiam, quæ nõ sequitur ex talibus præmissis. Per hoc enim quod species debeat repræsentare obiectum, vt existens p:ò ea duratione, qua ipsa existit, non video quomodo sequatur, non posse ab illa repræsentari, & hoc, & aliquod aliud, vt facit cognitio, & præsertim memoratiua, ad quam sufficit, quod species, à qua ipsa excitatur, coextiterit toti illi existentiæ, de qua certificat. Deinde retorqueo argumentum in ipsa visione Dei, quæ licet vt visio debeat commensurari obiecto, & quoad perfectionem, & quoad durationē, tamen vt visio Dei extenditur etiam ad durationem anteriorem, & posteriorem, videlicet ad totam diuinam æternitatem.

Dices, non repugnat, quod cognitio extendatur ad totam illam durationem, ad quam extenditur eius motuum. Repugnat autem quod species extendatur ad eam durationē, cui ipsa nõ coexistit. Ergo nulla est retorsio. Nego minorem; Nam multò plus pendet species ab obiecto, quàm cognitio à motiuo. Si ergo potest cognitio extendi ad illam durationem, ad quam extenditur motuum, cur etiam non poterit species extendi ad totam illam durationem, ad quam extenditur obiectum, quod est eius principium effectuum?

Dices 2. Nullum habemus exemplum,

quòd aliqua species possit excitare cognitionē, ex suo modo tendendi certificantē de existentia obiecti, prò aliqua duratione, cui non coëxisterit ipsa species. Ergo non potest dari species, quæ hoc faciat. Nego consequentiam. Ratio est euidens, quia cum nullum detur infinitum creatū, & essentialiter æternum, per æternitatem indiuisibilem, sicut est Deus, quid mirum si de facto nulla species rerum creatarum hoc præstet?

Dices 2. Causa physica nullo modo potest producere effectum ultra suam durationem. Ergo neque potest hoc facere, causa intentionalis. In primis nego antecedens, nam ignis producit ignem, per calorem remanentem tempore consequenti ad sui destructionem. Deinde nego consequentiam. Nam (vt dixi) memoria certificat de existentia cognitionis prò tempore præterito.

Ob. 3. cū Antonio Perez in asser. theol. de vis. n. 57. Essentia Dei est magis intelligibilis se sola, quàm cum specie impressa, quia aggregatum ex Deo, & creatura includit aliquam imperfectionem, ratione cuius Deus potius obumbraretur, quàm cognosceretur per defectum, adeoque per ænigma. Ergo non est possibilis hæc species, de cuius ratione deberet esse Deum manifestare.

R. hoc esse verum, si sermo sit de cognoscibilitate Dei secundum se, non autē de cognoscibilitate quoad nos. Quamuis enim

enim verè species esset potius nebula, quàm lux respectu Dei, tamen respectu nostri est instar folij plumbei, quod nisi opponatur speculo, illud non potest visionem terminare; seu sicut perspicillum, quod quamvis videatur impedimentum, tamen adiuuat visionem, vel uniendò species, si nimium dissipentur, vel illas dilatando, si nimium vniantur. Præterquamquod hoc argumentum valeret, quando species deberet esse medium formale ad cognoscendū Deum; tunc enim faceret cognitionem ænigmaticam, quia Deus in nullo creato, tamquàm in medio cognito, potest clarè cognosci. Nihil autem valet contra nos, qui dicimus, speciem impressam fore medium solum virtuale visionis Dei, quatenus videlicet haberet formaliter virtutem concurrendi cum intellectu ad Deum videndum, cuius esset solum imago virtualis, & virtus formalis in genere causę obiectivæ. Demum argumentum retorquetur contra lumen gloriæ, quod quamvis creatum, adiuuat ad visionem Dei.

Ob. 4. Essentia Dei potest repræsentare omnes veritates contingentes oppositas; in sensu diuiso, quia potest repræsentare Deum vt volentem mundum, vel vt illum nolentem. Nullum autem creatum potest repræsentare huiusmodi veritates contingentes, quia saltem non potest repræsentare Deum vt efficaciter nolentem pro vilo tempore essentiam talis creaturæ, aliòquin repræsentaret negationem sui, quod est

impossibile. Ergo nullum creatum, seu creabile potest esse species impressa Dei.

Hoc argumentum, quod fuit habitum insolubile, suis terminis soluitur, & facillimè. Cum enim essentia diuina non possit reipsa simul connecti cum vtraque veritate contingenti opposita, sed solum in sensu diuiso, vt supponit argumentum, neque debent illæ veritates oppositæ per eandem speciem impressam simul repræsentari. Vel enim supponimus, quod Deus de facto velit mundum, vel quod illum nolit? Si primum, ergo diuina essentia de facto connectitur cum sola terminatione libera volitionis mundi, adeoque in tali hypothese, eius species non deberet repræsentare, nisi talem veritatem contingentem. In alia autem hypothese, in qua Deus nollet mundum, tunc non posset illa species repræsentare priorem veritatem, sed deberet repræsentare solum aliam illi oppositam. In casu autem, in quo Deus nollet speciem impressam A; tunc utique illa species non esset possibilis; aliòquin per sui existentiam formaliter repræsentaret Deum, vt connexum cum sui non existentia, seu negatione, quod est impossibile. Posset autem tunc dari alia species impressa B. quæ per sui existentiam repræsentaret Deum, vt connexum cum negatione alterius speciei A. à se distinctæ, in quo nulla est implicantia. Quod si supponamus casum, in quo Deus nolit vllam speciem sui, excludendo omnes, & singulas in particulari, tunc quidem  
nulla

nulla posset dari species impressa Dei, sicut neque posset dari ullus homo, si Deus nullum vellet hominem efficaciter. Specierum tamen impossibilitas in tali casu, haberetur solum per locum extrinsecum, nempe per divinam nolitionem, non autem per locum intrinsecum alicuius contradictionis, quam secum formaliter traheret species impressa Dei, ut formaliter talis. Ergo sicut homo remaneret intrinsecum, & formaliter possibilis in casu allato, ita & species impressa Dei. Ut autem in forma respondeam ad argumentum, distinguo minorem, nullum creatum potest repraesentare simul veritates oppositas, cum Deo connexas, concedo: disiunctivam, & seorsim, nego minorem, & cum illa consequentiam. Nam semper eodem modo, quo possunt cum Deo connecti huiusmodi veritates, possunt etiam per speciem creatam repraesentari.

Dices, divina essentia, quia est aliquod illimitatum, est potens connecti cum hac, vel illa ex veritatibus oppositis contingebatibus. Species autem creata, quia limitata, non potest repraesentare huiusmodi divinam coniungibilitatem; aliòquin posset Deum repraesentare, ut potentem illam destruere. Ergo non est possibilis.

Nego minorem. Ad eius probationem ultro concedo, quod talis species repraesentaret divinam potentiam destruendi talem speciem, seu illam non ponendi. Quia tamen hac potentia non diceret actum secundum, sed esset merè radicalis, & re-



motā, non inferret impossibilitatem representationis creatæ. Aliòquin neque intellectus posset cognoscere Deum, ut potentem se noluisse, vel positum destruere. Præterquamquòd sicut in cognitione intuitiva Dei, non esset necesse clarè, & distinctè cognoscere omnia ipsius prædicata relatiua, quæ propriè non constituunt formaliter obiectum, in esse tale, sed solum; satis esset cognoscere prædicata absoluta; ita & multò minus deberent per speciem repræsentari. Cum ergo veritates contingentes sint relatiuæ ad alia extra Deum; posito quòd intra Deum nihil sit contingens; neque deberent per speciem repræsentari. Quare etiam ex hoc capite corrumpetur argumentum.

## ARTICVLVS. V.

*Examinatur alia ratio ad probandam possibilitatem speciei impressæ diuinæ essentiae. Vbi exactius perpenditur hæc materia.*

**F**RANCISCUS Suar. disp. 30. met. sect. 11. n. 27: ita probat, esse possibilem speciem impressam Dei. Est possibilis virtus intellectiua creata, potens elicere actum repræsentantem essentiam Dei. Ergo est possibilis species impressa ipsius Dei. Antecedens est certum ex fide. Consequentia probatur, species impressa commensuratur virtuti, & actui talis virtutis. Ergo vel neque est possibilis virtus talis actus, vel etiā est possibilis eius species. Consequentia est  
cui-

euidens; nam ex duobus existentibus in eodem ordine, non potest vnum esse possibile, & aliud impossibile. Antecedens probatur 1. inductione, quia in omni alio casu species impressa commensuratur virtuti, & actui. 2. Nulla potest impossibilitas fingi in specie, quæ eadem in lumine gloriæ, & actu visionis non repertiatur. Vel ergo nulla est, & sequitur possibilitas speciei; vel est aliquid, & sequitur impossibilitas visionis, & luminis. Probatur sequela, nam vel hæc impossibilitas provenit ex infinitate obiecti, vel ex alio capite? Si primum, etiam lumen, & visio repræsentant infinitatem Dei. Si secundum, affectatur.

Dices 1. Impossibilitas speciei provenit ex eo, quod hæc species non esset supernaturalis, sicut sunt lumen, & visio, quæ bene possunt cum Deo proportionari, in ratione actus, & obiecti, eo quia sunt cum illo in eodem ordine. Sed hæc replica mihi videtur fatua. Cur enim etiam non poterit dari species supernaturalis, sicut dantur lumen, & visio?

Dices 2. Species debet adæquatè obiectum repræsentare. Ergo cum Deus sit infinitus, debet illum repræsentare infinito modo, adeoque comprehensiuo; quod repugnat creaturæ. Probatur antecedens, quia est de ratione speciei naturaliter emanare ab obiecto, ut obiectum est. Sed obiectum ut obiectum non potest naturaliter producere, nisi speciem sibi adæquatam. Ergo, &c.

Probatur consequentia, quia cum Deus sit infinitus, non potest naturaliter producere ut obiectum, speciem sibi adæquatam, quæ illum nō repræsentet modo infinito. Hoc autem non verificatur de visione, & lumine, quorum prima provenit à potentia, & secūdū à Deo ut causa efficiente, & libera, non autem ut obiecto, quod est causa necessaria.

Primò nego antecedens; nam species impressa lapidis non determinat ad eius comprehensionem. Ergo non est illi adæquata. Quod idem videmus in speciebus sensibilibus, quæ cum sint obiectis inadæquatæ, per maiorem propinquitatem semper illis magis conformantur, quod multò clariùs apparet in speciebus transeuntibus per medium, seu ad organum deprauatum. Ad probationem antecedentis nego maiorem, nam Angelus habet species impressas rerum naturalium, quas ab illis non accepit, per naturalem emanationem, sed per infusionem à Deo. Cur ergo Deus nō poterit hoc modo indere speciem sui? Sicut enim indit lumen gloriæ, ita potest speciem communicare. Atque adeo sicut Angelus inferior per speciem infusam à Deo Angeli superioris, non potest illum comprehendere, eò quia talis non sit adæquata Angelo superiori, ita potest Deus infundere speciē sibi non adæquatam. Quod si dicas, talem speciē esse adæquatam Angelo inferiori, non tamen efficere comprehensionem illius, ex defectu potentiae ipsius

ipsius Angeli inferioris . In primis posset retorqueri responsio in ipsam speciem, quæ licet asseratur adæquata Deo, non tamen determinaret ad eius comprehensionem, ex defectu capacitatis, seu potentia ipsius videntis. Deinde absurdum est dicere, Deum ut authorem naturæ, indidisse Angelis inferioribus species superiorum, illis improporcionatas, & excedentes eorum virtutē, quibus numquam possent uti, secundum totam earum perfectionē. Ergo cum Deus non agat ad extra necessario, & possit liberè suum concursum attemperare, iuxta exigentiam causarum secundarum, non illis indidit adæquatas, sed inadæquatas.

Deinde nego consequentiam. Ad cuius probationem nego antecedens, quia Deus etiam ut obiectum, potest gignere speciem limitatam. Et ratio à priori est, quia quidquid Deus quomodocumque producit extra se, tota talis effectio pendet ab eius libera voluntate. Ergo non esset verum, quod Deus quatenus summum obiectum actu intelligibile, ageret quantum posset, in productione huiusmodi speciei . Vel enim ageret ut agens supernaturale, vel ut naturale? Si primum, ergo liberè, eò quia Deus ut agens supernaturale nullis teneatur legibus, adeoque habeat prò mensura, & determinatione suarum operationum, propriam voluntatem. Si secundum, cum agens naturale limitetur in agendo à capacitare subiecti, non posset Deus subiecto finito tribuere formam infinitam. Neque

obstat, quòd ageret quantum posset ; nam etiam sol illuminat , & calefacit quantum potest, & tamen numquam sequitur illuminatio , vel calefactio, quantum sunt simpliciter possibiles ab ipso Sole, ex solo defectu capacitatis in subiecto. Quod idem valet de speciebus sensibilibus, quæ non semper sunt adæquatæ obiecto sensibili, quamuis hoc per modum obiecti illas efficiat quæ perfectissimas potest . Ergo hæc species non esset Deo adæquata .

Dices 3. Species impressa Dei esset imago formalis , & propria similitudo Dei, vt obiecti. Ergo deberet illum repræsentare, adæquatè, & quantum repræsentabilis est. Visio autem, & lumen non sunt imagines, formales Dei , quia visio est actio circa Deum, & lumen est virtus, seu principium talis actionis, adeòque non debent repræsentare Deum adæquatè. Cum ergo sit impossibile, quòd aliquod creatum sit imago, & similitudo obiectiua Dei, vt est in se, nulla est possibilis species impressa Dei.

Nego antecedens, non solum quia non est de ratione speciei, quòd habeat vniuocam conuenientiam cum obiecto , in aliqua forma, vel figura, vt potest clarè videri in specie, Angeli substantiam repræsentante , verum etiam quia nulla est necessitas admittendi talem formalem similitudinem in specie . Vel enim consideratur species vt vicaria obiecti , vel ex eo quòd ordinetur ad cognitionem, quæ fit per assimilationem. Si primum, cum species suppleat

pleat vicem obiecti per modum instrumenti, aut seminis ipsius, ( vt dictum est ) & hæc non sint imagines primarij agētis, vt patet, neque erit species. Si secundum, cum totum esse speciei sit propter cognitionem, & hæc non sit formalis obiecti similitudo, neque erit species.

Vnde obiter elicitur cōfirmatio nostræ conclusionis. Vel enim visio Dei est imago formalis ipsius Dei, vel non? Si est. Ergo per hoc quod species esset imago formalis Dei, non est impossibilis, quia datur de facto alia imago creata formalis ipsius. Si non est. Ergo neque species esset imago formalis Dei; adeoque ex hoc capite non repugnat. Probo consequentiam; tota ratio concipiendi speciem per modum imaginis, seu similitudinis obiectivæ est, quia cognitio, ad quam ordinatur, fit per assimilationem obiecti. Si ergo ipsa visio non est formalis obiecti similitudo, neque esset species, quæ solum haberet rationem similitudinis, per ordinem ad visionem. Vt autem sciatur quomodo visio, seu cognitio repræsentet obiectum, audiatur Suarius loco citato, *vera representatio, quæ per cognitionem fieri dicitur, est solum intentionalis, & in hoc solum consistit, quod res ita apprehendatur, vel concipiatur sicuti est. Non ergo est imago formalis obiectiva, seu similitudo, sed solum intentionalis, quia per cognitionem ( & sunt eius verba ) ita internos ipsos rei conceptus formamus, ut ex vi talis conceptus, possimus res ipsas quasi depingere, vel*

*vel declarare quales sint.* Sed quia videtur durum, quomodo actus intelligendi declararet quale sit obiectum, cum ipse non sit imago formalis ipsius, ideo ut hoc explicet, subdit, *hæc autem representatio formaliter, dicitur fieri per ipsum actum intelligendi, seu verbum, non quia in eo sit formalis convenientia, sed quia ipse actus, est forma, quæ informando intellectum intentionaliter, seu intelligibiliter, illi refert obiectum, & hoc est formaliter illud repræsentare.* Cum ergo species sit principium effectuum actus, illumque determinet ad formalem repræsentationem obiecti, potius dicitur repræsentare effectivè, quàm formaliter ipsum obiectum. Quare semper est verum, quòd representatio intentionalis, seu intelligibilis obiecti, vel magis reperitur in actu, quàm in specie, vel ad summum æqualiter. Ex quibus patet, per Suarium cognitionem esse quidem formalem repræsentationem obiecti, non autem formalem imaginem; speciem verò esse solum repræsentationem, virtuales, & nullo modo imaginem obiecti.

Dices 4. Non potest qualitas materialis esse species intelligibilis, ad repræsentandum Angelum. Ergo neque qualitas creata ad repræsentandum Deum. Antecedens patet, quia corpus non potest repræsentare incorporeum. Probatur consequentia, magis distat quilibet spiritus creatus à summa immaterialitate Dei, quàm distet Angelus à materialitate cuiuslibet corporis.

Retor-

Retorqueo argumentam de visione, & lumine gloriæ. Sicut enim per lumen materiale, & visionem materiale non potest videri Angelus; ita per lumen, & visionem immateriale creatam non potest videri Deus, qui est spiritus increatus. Quod si dicas, inter lumen, & visionem ex vna parte, & Deum ex alia, datur proportio ordinis, seu in ratione potentiæ, seu actus, & obiecti, quæ non datur inter lumen, & visionem materialia ex vna parte, & Angelum ex alia, & ideo posse per illa Deum videri, non autem per hæc Angelum; & hoc idem esse dicendum de specie impressa; nam etiam illa licet creata, cum sit spiritualis, in ratione actus, seu potentiæ, & obiecti, habet proportionem sufficentem cum Deo. Sicut ergo Deus per suam summam immaterialitatem, seu per hoc quod sit actus purissimus, habet, ut solum excedat rationem obiecti intelligibilis proportionati, respectu potentiæ naturalis, non autem respectu supernaturalis, seu supernaturaliter eleuatæ; ita etiam per suam summam immaterialitatem, & infinitatem excludit solum speciem naturalem, non autem supernaturalem, vel supernaturaliter factam, de cuius ratione non est, quod sit omnino equalis obiecto in immaterialitate, & puritate ab omni compositione, sed satis est, quod sit aliquo modo eiusdem ordinis supernaturalis, & intelligibilis spiritualis.

Ex quibus funditus euertitur fundamentum



tum Thomistarum, quod attulimus ar. 3.  
 quod nempe hæc species esset Deus formaliter, non solum secundum esse intentionale, sed etiam secundum esse reale, supponendo, quod omnis passiva intelligibilitas Dei sit idē cū eius realitate. Hoc enim primò est manifesta petitio principij, quod sic euidenter probo, ideo intelligibilitas creature, secundum esse intentionale, realiter distinguitur ab eius intelligibilitate secundum esse reale, quia creatura nō potest intelligi, nisi per speciem, Deus autē non potest intelligi per speciē, vt ipsi aiūt. Ergo cū hoc sit illud, de quo immediatē disputatur, manifestē petunt principium. Deinde si esset vera hæc doctrina, de facto admittenda esset species impressa Dei; vt infert noster Lusitanus. Cum enim intellectus non possit cognoscere Deum, nisi fiat intelligibiliter Deus, nec possit fieri talis per diuinam essentiam, aliòquin fieret realiter Deus, debet fieri talis per similitudinem aliquam obiectiuam creatam, nēpe per eius speciē. Atque adeo vel hoc axioma debet restringi ad solam cognoscibilitatē physicā, & solis naturæ viribus commensuratam, vel debet admitti de facto species impressa Dei.

Ex dictis infer primò, non posse Deum clarē videri in vlla creatura, tamquā in medio cognito. Et ratio est euidentis, quia cum Deus sit cumulus omnium perfectionum, ad hoc vt clarē cognoscatur, petit positiuē cognosci. In nulla autē creatura potest

potest positivè cognosci, eò quia cum omnis creatura dicat limitationē perfectionis, non possunt in illa apparere illæ perfectiones, quas non habet; atque adeo per nullā creaturam possunt clarè cognosci omnes perfectiones Dei, qui solūm proinde in creaturis cognoscitur ænigmaticè, & negativè, per remotionē imperfectionū. Species ergo, quam asserimus possibile, non esset medium formale cognitum, seu quod ad visionem Dei, sed solum medium virtuale & quo, ut dictum est.

Infer 2. neque posse vnam creaturam perfectè in alia cognosci, licet perfectiori, & perfectiori, quod videtur mirum. Et ratio est, quia cum omnis creatura dicat ratione sui formaliter aliquam perfectionē, quam non dicit alia, ratione cuius positivè distinguitur ab omni alia, nulla creatura potest continere omnes perfectiones alterius; adeoque neque illas ut medium cognitum patefacere. Nam e.g. homo continet rationalitatē, quam non habet equus, & equus continet hinnibilitatē, quam non habet homo. Sicut ergo in equo non potest clarè cognosci rationalitas, ita neque in homine potest clarè cognosci hinnibilitas.

Dices, licet in homine non sit formaliter hinnibilitas, est tamē eminēter ī ipsa rationalitate. Ergo sicut in Deo quamvis non sint formaliter perfectiones, creaturarum, possunt positivè cognosci, quia in illo continētur eminēter; ita & in creatura per-

perfectiori, quia continentur eminenter perfectiones imperfectiorum, possunt illæ positiuè cognosci.

Nego antecedēs. Quamuis enim rationalitas sit perfectior hinnibilitate, nō tamē est eminēter hinnibilitas. Et ratio est, quia illa solum perfectio est eminēter alia, quæ tantumdē potest, atque illa. Homo autē neque formaliter, neque virtualiter potest hinnire. Ergo non continet eminenter hinnibilitatem.

Instabis, neque Deus potest hinnire, & tamē est eminēter hinnibilitas. Ergo ad continentiam eminentialem, hoc non requiritur.

Distinguo antecedēs, Deus non potest hinnire formaliter, concedo: efficiēter, seu causaliter, nego, quia potest producere, creaturam hinnientem, quod non potest homo. Ergo non est paritas.

## ARTICVLVS. VI.

*An possit dari aliquis intellectus, cui sit connaturaliter debita species impressa Dei?*

**V**idetur posse, quia cūm omnis species impressa sit intrinsecè ordinata, ad hoc vt determinet potentiam intellectiuā deficiētē, seu creatam ad vidēdū obiectū, quod repræsētāt, videtur necessariò debere esse connaturalis alicui potētiae intellectiuae creatæ, quam solam habet perficere per modum illustrationis, seu illuminationis. Quòd si hoc de omni specie verificatur,

catur videtur etiam verificandum de specie Dei.

*Conclusio, nullus est possibilis intellectus creatus, cui sit connaturalis species impressa Dei. Est satis communis.*

Probatur 1. Si daretur hæc species, esset intrinsecè supernaturalis; & ideo haberet proportionem, non cum potètia naturali, sed cum lumine gloriæ. Nullum autem superuaturale potest esse connaturale potètiæ naturali. Ergo nullus est possibilis intellectus creatus, cui sit connaturalis species impressa Dei. Maiorem probauimus ar. 3. & seqq. Minor patet ex doctrina allata disp. 3. & fusiùs infra probabitur. Ergo consequentia est euidentis.

2. Nullus est possibilis intellectus, cui sit connaturaliter debita visio Dei, vt probauimus disp. 6. ar. 2. Ergo neque est possibilis intellectus, cui sit connaturalis species Dei. Probatur consequentia, cui est connaturalis species, est connaturalis actus, ad quem illa determinat; cum sit impossibile, alicui esse possibilem potentiam, & non actum, alioquin esset potentia ad impossibile, quod implicat in terminis.

Ad rationem dubitandi partim respondimus disp. 6. ar. 2. & partim respōdebimus infra, cum agemus, an lumen gloriæ possit esse alicui debitum. Prò nunc sufficiat negare consequentiam; eò quia etiam gratia, & vnio hypostatica sint intrinsecè ordinatæ, ad determinandas potentias deficientes, & tamen non possunt esse vllatenus

nus debita, Et ratio à priori est, quia cùm omne debitum naturale supponat ius naturale, in quo fundetur, non potest competere, nisi rei existenti intra ordinem naturalem, quòd non verificatur de rebus supernaturalibus, quæ ideo dicuntur tales, quia cùm pendeant ex mero arbitrio Dei, nullum supponunt ius in eo, cui conferuntur, respectu cuius semper habent rationem favoris, & doni gratiose collati. Quamvis ergo ordinentur intrinsecè ad perficiendum subiectum naturale, quia tamen hæc ordinatio est merè gratiosa, & favorabilis, ideo tantum abest, quòd possit ex debito dari, ut sit potius incòpossibilis cum omni debito, seu iure naturali illam exigente, unde amitteret rationem favoris, & gratiæ,

#### A R T I C V L V S. VII.

*An possit in via naturæ dari species abstractiva, quæ distinctè, & euidenter repræsentet diuinam essentiam?*

**S**Cotus in 2.d.3.q.9. ait non solum illam esse possibilem, sed dari de facto in intellectu Angelico. Eius fundamenta sunt. Primò quia non repugnat dari speciem, quæ distinctè repræsentet Deum ut absentem. Deinde non est absurdum dicere, illam esse Angelo connaturalem, & connaturaliter debitam, licet ordinatam ad puram cognitionem naturalem. Hæc enim species ex vna parte esset distincta, quia  
clare

clare repræsentaret quidditatē Dei, quoad quid est, & ex alia esset abstractiua, & non intuitiua, quia non repræsentaret diuinam existentiam quoad *an sit*, adeoque non repræsentaret Deum vt præsentem, sed vt absentem, quod repugnat repræsentationi intuitiuæ.

Conclusio, *Potest quidem dari in via naturæ species abstractiua, quæ euidenter repræsentet diuinam essentiam, non tamen abstractiua illam clarè, seu distinctè repræsentans.*

Probaturs prima pars, quia euidētia nō dicit necessariò intuitionem obiecti; possum enim ego euidenter cognoscere, equi existere etiam si intuitiuè non cognoscā eius vltimam differentiam, & quidditatem, eò quia sufficiat ad rationem euidētiæ, quòd reddat intellectum imperturbabilem, in affirmatione existentia talis obiecti. Hoc autem totum potest haberi; etiam in sensu composito cum cognitione confusa eius quidditatis, vt accidit in certitudine diuinæ fidei. Ergo cognitio euidens non dicit necessario, de suo conceptu formali, visionem, seu intuitionē obiecti. Cum ergo probauerimus in 1. disp. posse naturaliter euidenter probari, dari Deū, patet posse etiam dari speciem abstractiuam, quæ determinet intellectum ad cognitionem confusam euidentem diuinæ essentia.

Dices, Ergo fides diuina est de obiecto euidenti, vtpote excludente formidinem  
de

de opposito, ratione summæ certitudinis, quam habet. Nego consequentiam; Nam omnis euidencia dicit aliquam claritatem obiectiuam, sufficientem ad reddendum intellectum imperturbabilem ad assensum. Fides autem dicit omnimodam obscuritatem in obiecto, admittentem quidem certitudinem ex motiuo formali, non tamen claritatem ex obiecto materiali.

Instabis, vel hæc species repræsentaret diuinam essentiam, vt est in se, vel non? Si primum, ergo non esset abstractiua. Si secundum, ergo non redderet intellectum imperturbabilem, quia semper posset formidare de eo, quod non cognosceret clarè. Nunquam igitur possunt simul hæc duo coniungi in vna, eademque cognitione, quod sit simul euidens, & abstractiua.

R. posse aliquid clarè repræsentari vt existens, quod tamen clarè in se nō cognoscatur quid sit. Hæc ergo cognitio, & esset euidens, quia repræsentaret clarè diuinam essentiam, vt existentem, & esset abstractiua, quia tantum confusè repræsentaret eius quidditatem. Imperturbabilitas intellectus esset solū, in ordine ad illud prædicatū, quod euidenter cognosceret, nō autē in ordine ad alia, quæ taliter non cognosceret. Quod autē possit dari cognitio abstractiua euidēs, & cōfusa, apertè iter alios asseritur à Suariorum disp. 30. met. sect. 11. n. 3. vbi hæc habet; *potest autem esse cognitio euidens abstractiua.* Et infra; *visio dicit claram rei cognitionem in se ipsa, & prout in*

*se est; cognitio autem evidens potest esse confusa, & per conceptus improprios, seu connotatiuos, & negatiuos.*

Probatur secunda pars, quia omnis distincta repræsentatio diuinæ essentiae est intuitiua, eò quia habeat repræsentare obiectum vt est in se. Ergo non potest dari species abstractiua distinctè repræsentans diuinam essentiam, quia ex hoc ipso non esset abstractiua, sed intuitiua. Antecedens patet, quia cum diuina essentia existat per suum esse, non potest distinctè, & clarè cognosci quoad quidditatem, quin etiam clarè cognoscatur quoad existentiam. Ergo fieri non potest, vt distinctè, & clarè repræsentetur, quin repræsentetur intuitiue, hoc est per talem repræsentationem, quæ determinet ad cognitionem intuitiuam. Probatur consequentia, si hæc distincta repræsentatio non esset intuitiua, vel proueniret ex eo, quia non repræsentaret obiectum vt existens, vel quia non repræsentaret illud vt est in se? Non primum, quia existentia Dei est esse Dei. Ergo est impossibile, clarè repræsentari esse Dei, & non repræsentari clarè eius existentiam. Neque secundum, quia illud obiectum repræsentatur vt est in se, quod clarè repræsentatur secundum quidditatem, & existentiam; neque enim aliud requiritur ad cognitionem intuitiuam, nisi quod certificet de obiecto quoad *an sit*, & quoad *quid sit*. Ergo per talem speciem repræsentaretur diuina essentia, vt est in se.

O

Di-



Dices, species abstractiua distincta Det illum repræsentat vt absentem; intuitiua autem vt præsentem. Ergo per hoc quòd hæc species esset distinctè repræsentatiua diuinæ essentia, non fieret intuitiua, quia illam semper vt absentem repræsentaret.

Nego antecedēs, ex falso præsupposito, quòd possit Deus absens repræsentari. Vel enim est sermo de absentia temporanea, vel de locali? Sed neutram possēt in Deo hæc species repræsentare; Non primam, quia cūm distinctè repræsentat diuinam essentiam, debet etiam repræsentare æternitatem, per quam temporī correspondet. Cūm ergo æternitas sit indiuisibilis, & tota simul, essentialiter facit quòd Deus indiuisibiliter cōrespondeat cuicumque tēpori; etiam hodierno. Est autē impossibile, quòd Deus repræsentetur vt absens tēpore per illā speciē, per quam repræsētatur vt existēs nūc. Ergo nō potest represētari vt absens, absentia temporanea. Neque secundam, quia in tali specie debet apparere immensitas, ratione cuius Deus est vbique, adeoq; etiam hic. Ergo nullo modo potest Deum repræsentare vt absentē.

Instabis, æternitas, & immensitas, respectu talis speciei, haberent rationē purē terminatiuā, & nō motiuā. Ergo nō apparerēt formaliter, sed solū idēticè, & materialiter.

Nego antecedens. Nam cūm ratio motiua sit ipsa diuina essentia, vt est formaliter talis, vtique mouet secundū totum id, per quod formaliter constituitur in ef-

se talem. Sed est formaliter talis etiam per æternitatem, & immensitatem, tamquam per perfectiones essentialiter constitutivas. Ergo etiam mouet per illas, quæ proinde non habent puram rationem terminatiuam. Verum de hoc fusiùs infra.

Dices demum. Ergo omnis cognitio euidentis Dei esset intuitiua, eò quia omnis cognitio euidentis essentialiter, necessariò etiam cognosceret existentiam, & viceuersa. Sed hoc repugnat conclusioni, admittenti cognitionem euidentem abstractiuam. Ergo non omnis species distincta diuinæ essentialiter, esset etiam repræsentatiua diuinæ existentiae, & viceuersa.

Nego consequentiam, quia omnes negantes præcisionem obiectiuam in creatis, concedunt, posse ex pluribus prædicatis realiter identificatis, vnum abstractiuè cognosci cognitione euidenti, non certificante de alijs, vt communiter admittitur in cognitionibus præcisiuis, quæ faciunt vniuersa e. Et ideo diuus Thomas sepe ait, euidenter cognosci venientem, non cognito Petro, quamuis veniens sit Petrus.

Neque obstat, quòd in logica lib. 2. dis. 1. ar. 7. admiserimus posse dari cognitione abstractiuam, quæ clarè cognoscat vnum, & abscurè alia cum illo realiter identificata. Neque quòd lib. 1. disp. met. disp. 2. ar. 3. dixerimus dari in Deo præcisione obiectiuam. Nam in primo casu locuti sumus de obiectis creatis, quæ cum componantur ex genere, & differentia, possunt ratione

generis cum pluribus confundi, & de cognitionibus sensibilibus, id est quæ originem trahant à sensibus, non autem de Deo, qui est actus simplicissimus, neque de cognitionibus metaphysicis; & in secundo locuti sumus de prædicatis diuinis absolutis, comparatis cum relatiuis, non autem de absolutis comparatis cum alijs absolutis; sicut sunt essentia, & existentia, inter quæ non admisimus esse possibilem præcisionem obiectiuam.

Vnde patet responsio ad fundamentum Scoti.

## A R T I C V L V S. VII.

*An species impressa realiter differat ab intellectione?*

**V**idetur non differre, ut propugnant Egid. Rom. quodl. 3. q. 12. & 13. Aureol. in 1. d. 35. q. 1. Gaufrid. quodl. 4. Suesfan. lib. 5. de intellectu c. 9. alijque. Eorum fundamenta reducuntur ad hæc.

1. Species impressa repræsentat obiectum. Sed repræsentatio est intellectio. Ergo species est intellectio.

2. Ita se habet intelligi ad intelligibile, sicut intelligere ad intelligentem. Sed intelligi respectu obiecti intelligibilis, significatur ut passio, quamuis sit realiter actio, eo quia intelligibile nihil patitur cum intelligitur, sed potius agit, producendo sui speciem in intellectu. Ergo intelligere in intelligente, quamuis explicetur ut actio, erit realiter pati, ac recipere; & per consequens

quës intelligere obiectum nihil erit aliud, quàm speciem intelligibilem obiecti recipi in intellectu, quæ species vt recepta, est actus intelligendi.

3. Philosophus 3. de an. c. 4. t. 2. ait, *intelligere est quoddam pati*. Ergo non est intellectionem elicere, sed recipere. Sin autem distingueretur à specie, esset illam agere. Ergo non distinguitur.

4. Intellectio ponitur ad hoc, vt obiectū fiat præsens intellectui, secundum esse intelligibile. Sed hoc est formaliter munus speciei. Ergo intellectio est species.

5. Intellectio, & species habent eandem tendentiam in obiectum. Sed est impossibile, quòd duæ res distinctæ eodem modo tendant in idem obiectum. Ergo non distinguuntur.

Conclusio, *Intellectio realiter differt à specie impressa*. Ita diuus Thom. q. 8. de pot. ar. 1. Scotus in 1. d. 3. q. 6. Capreol. in 1. d. 35. q. 1. cum infinitis alijs.

Probatur 1. Causa physica non potest esse realiter idem cum suo effectu, aliòquin esset sui causa. Sed species est causa physica intellectionis, vt dictū est in 3. de an. Ergo non est realiter idem cum illa.

2. Quæ sunt realiter ab inuicem separabilia, non sunt realiter idem, vt dictum est in 1. disp. met. Sed species est realiter separabilis ab intellectione, quæ potest non subsequi ex eius positione, & remanere post eius ablationem; immò cum Deus possit supplere defectum efficientis, potest

ponere intellectiōem sine specie . Ergo non fuit realiter idem .

3. Species est habitualiter in intellectu , etiam actu non intelligente . Ergo non est ipsa intellectiō , quæ facit intellectum formaliter, & actu intelligentem . Et ideo omnes admittunt intellectiōem, non tamen omnes admittunt speciē impressam , quæ solum disponit intellectum in actu primo ad intelligendum .

4. Species prouenit ab obiecto , & recipitur in intellectu . Intellectiō autem prouenit ab intellectu ad obiectum ; & ideo dicitur actus immanens . Præterea intellectiō est actus elicitus ab intellectu determinato per speciem, saltem natura antecedentem . Ergo non est ipsa species, quæ est natura prior intellectiōe . Videantur quæ diximus in 2. de an. disp. 2. ar. 6. agentes de visione corporea, nam omnia quadrant ad rem præsentem .

Ad 1. dico, non esse eandem repræsentationem obiecti, quæ prouenit à specie , cum ea, quæ prouenit ab intellectiōe, sed omnino diuersam, non solum numero, sed etiam specie; nam illa est virtualis, & hæc est formalis; & ideo dicitur expressiō obiecti . Quare potest argumentum retorqueri . Vt autem eximamus Egidium ab hac calumnia, possemus dicere , illum fuisse locutum de identitate generica, in esse qualitatem, non autem de specifica , aliòquin cum etiam asserat q. 10. de mensura Angel. intellectiōem esse realiter verbum mentis,

tis, identificaret simul cum eadem intellectione speciem impressam, & expressam, nempe causam, & effectum, quod esset absurdum. Nisi velimus dicere, utrobique nomine speciei intelligibilis, intelligere speciem expressam, seu verbum, quod nullam traheret implicantiam. Potest etiam explicari de intellectu in habitu, seu virtute, non autem de intellectu formali, seu in actu.

Ad 2. nega maiorem. Nam intelligi dicit denominationem extrinsecam intelligibili; intelligere autem dicit actionem intrinsecam intelligenti, illique inharcentem, quæ ut emanat ab intellectu dicitur actio, & ut in illo recipitur dicitur passio. Ergo non se habent eodem modo.

Ad 3. dico, illud effatum simpliciter non esse verum, cum intelligere Dei non fit pati. Quod si restringatur ad intelligere factum per actum distinctum ab intelligente, dico, illud verificari in sensu reali, non autem in formali, saltem adæquato, ita ut intelligere nihil sit quam pati. Est igitur quoddam pati in hoc sensu, quod nunquam fit intelligere, quin intellectus prius specie, & deinde ipsam etiam intellectiōnem patitur, per receptionem utriusque, quod non tollit ipsius causalitatem. Sicut ergo aliquod pati præcedit ipsum intelligere, ita aliud pati subsequitur. Atque adeo ad hanc duplicem passionem mediat actio. Postquam enim intellectus recepit speciem, agit intellectu onē, & deinde illā patitur recipiēdo.

Ad 4. distinguo maiorem, intellectio ponitur, vt fiat obiectum præsens in actu, concedo: in habitu, nego maiorem. Et distincta per opposita minori, nego consequentiam, nam species facit solum obiectum præsens in habitu, seu actu primo, vt sit principium efficiens intellectiois, quæ illud facit præsens in actu secundo.

Ad 5. nego maiorem. Nam species tēdit in obiectum, vt virtualiter, seu habitualiter cognitum; intellectio autem vt actu, seu formaliter cognitum, quæ sunt rationes formales valde diuersæ, sicut sunt tendentiæ speciei, & verbi, quamuis ambo tendant in obiectum vt repræsentedum, nam species tendit in obiectum vt habitu, seu virtute repræsentedum, & verbum vt actu repræsentedum. Ergo non tendunt eodem modo.

## DISPUTATIO. X.

*De specie expressa, seu Verbo mentis.*

**A**bsolutis quæstionibus de specie impressa, agendum est de expressa. Quia tamē species expressa est idem, atque verbum mentis, ideo quæremus 1. quid intelligatur nomine verbi. Deinde an illud sit necessariò admittendum? 3. an, & quomodo distinguatur ab actu intelligendi? 4. an posito quòd ab illo distingueretur, posset per illud videri diuina essentia? Et demum an Beati videntes Deum forment verbum? Et an Visio distinguatur a verbo?

A R.

## ARTICVLVS. I.

*Quid intelligatur nomine verbi. Et an distinguatur à specie expressa?*

**D**Vplex est verbum penès authores, quod græcè dicitur *logos*, videlicet vocale, quod ore profertur; & mentale, quod mente formatur. Colligitur ex Augustino lib. 15. de Trin. c. 10. & 11. & in lib. de cog. veræ vitæ c. 13. *In nobis duplex est os* (sunt eius verba) *unum corporis, aliud cordis, ut constat ex verbis Christi Math. 15. non quod intrat per os coinquinat hominem* (ubi agitur de ore corporis) *sed quod procedit ex ore, hoc coinquinat hominem, quod intelligitur de ore cordis.* Quod inferius magis explicat ex eodē loco scripturæ, *de corde exeunt cogitationes malæ* his verbis, *sicut ergo est duplex os, ita & duplex loqui; atque adeo & duplex verbum, unum vocis, aliud mentis, cum loqui nihil aliud sit, quam propriè verbum.* Vnde patet, quod sicut vox est signum conceptus interni, & locutio vocalis est signum locutionis mentalis, ita & verbum mentis est proprium verbum, quod tamquam per signum, exprimitur per vocale. Nos hic omisso vocali ad logicos, agimus tantum de mentali.

Hoc autem diuersimodè ab authoribus definitur. D. Tho. in quodl. q. 4. de verbo ar. 2. in corp. ita verbum definit, *verbum intellectus nostri est id, ad quod operatio intellectus nostri terminatur, quod est ipsum*



intellectum, quod dicitur conceptio intellectus, siue sit conceptio significabilis per vocem incomplexam, ut accidit quando intellectus formas quidditates rerum, siue per vocem complexam, ut accidit quando intellectus componit, & diuidit. Deinde ibidem affert aliā definitionem ex Aug. lib. 9. de Trin. c. 28. to. 3. nempe, *verbum est notitia cum amore*, quam notitiam explicat in resp. ad 2. pro expressa, dicens, *notitia quæ ponitur ab Augustino in definitione verbi, est intelligenda notitia expressa ab alio, quod est in nobis notitia actualis.*

Ipse verò Augustinus lib. 15. de Trin. c. 12. aliter illud definit, nempe, *verbum est imago expressa ab intellectu, & formalis similitudo rei cognitæ.*

Arriaga disp. 6. de an. sect. 5. ait, *verbum nihil est aliud, quam formalis cognitio, seu expressio obiecti, quæ in qualitate consistit, & immediatè ad obiectum terminatur.* Quam definitionem sumit ab Hurtado disp. 6. de an. sect. 5. Alij demum aliter definiunt verbū; sed nobis præ ceteris arridet definitio Augustini, quam proinde ut verissimam amplexamur, quamuis etiam aliæ allatæ possint ad verum sensum deflecti, & ut sufficientes propugnari.

Ad rationem formalem verbi multa requiruntur, ut obseruat diuus Thomas q. 4. de ver. & in 1. p. q. 34. ar. 1. ex Augustino in locis citatis. Primum est, quod sit in mente. Et ideo ait Augustinus lib. 5. de Trin. c. 22. *per corporalia signa verbum, quod*

*mente gerimus innotescit. Secundum, quod gignatur ab intellectu, per actionem intelligibilem, quæ est dictio, ut apertè colligitur ex Augustino 9. de Trin. c. 8. dicente, conceptâ rerum veracem notitiam, tamquam verbum apud nos habemus, & dicendo intus gignitur, nec à nobis nascendo discedit. Tertium, ut sit similitudo formalis obiecti, eiusque imago, ut colligitur ex eodem lib. 15. de Trin. c. 12. ubi ait, verbum est simillimum rei notæ, de qua gignitur ut eius imago. Quartum, ut sit expressivum obiecti, ut habetur ex eodem ibidem, verbum quod scripsit sonat, pandit verbum, quod intus latet; ita verbum, quod intus latet, declarat rem, cuius est verbum. Quintum, ut non remaneat, cessante intellectu, ut ait idem ibid. c. 11. & probatur à diuo Tho. in disputatis q. 4. de verb. ar. 1. in resp. ad 1. cum verbum interius sit (sunt eius verba) id quod intellectum est, nec hoc sit in nobis, nisi secundum quod actu intelligimus, verbum interius semper requirit intellectum in actu suo, qui est intelligere.*

Ex quibus patet, verbum formaliter duplicem dicere relationem, vnam ad intellectum dicentem, tamquam ad sui principium, & alteram ad obiectum, tamquam ad terminum. Prima dicitur *relatio expressivæ*, eò quod intellectui exprimat formaliter ipsum obiectum, per modum imaginis. Secunda dicitur *relatio significativæ*, eò quod exprimat obiectum per modum signi. Et ideo intellectus inmediate

324 *De specie expressa, seu Verbo*  
cognoscit ipsum verbum, illoque median-  
te obiectum.

Non semper autem vocatur verbum ab  
authoribus. Nam aliquando vocatur *co-*  
*ceptionis intellectus*, vt videre est penes  
diuum Thomam lib. 4. con. Gen. c. 12. Ali-  
quando *intentio intellecta*, vt apud eundem  
ibid. c. 11. Aliquando *intentio rei intellectæ*,  
vt apud eundem 1. con. Gen. c. 54. Aliquan-  
do *species expressa*, vt apud Antonium Pe-  
rez in tract. de vis. n. 59. & Conimb. in 3. de  
an. c. 8. q. 3. ar. 2. dicentes, *verbum mentis*  
*nihil aliud est, quàm species expressa rei.* Sed  
communiori vocabulo dicitur *verbum*.  
Vnde sequitur, verbum non distingui rea-  
liter à specie expressa.

## ARTICVLVS. II.

*An detur verbum mentis?*

**V**ideretur non dari. Primo quia aut ver-  
bum esset propter intellectionem,  
aut intellectio propter verbum? Neutrum  
potest dici. E. go non datur verbum. Maior  
patet, quia verbum, & intellectio sunt cor-  
relatiua. Probatur minor, si verbum esset  
necessarium ad intellectionem, postquam  
intellectus est determinatus specie intelli-  
gibili impressa, non esset in potentia pro-  
xima completa ad actum intelligendi, sed  
adhuc egeret verbo, tamquàm noua forma  
prærequisita. Hoc autem expressè negatur  
à Philosopho in 2. de an. t. 5. Ergo verbum  
non est propter intellectionem. Neque  
potest dici intellectionem esse propter  
ver-

verbum , aliòquin hoc effet illa nobilius , tamquàm finis illius , quod esse falsum patet ex eo , quia felicitas , quæ est actus perfectissimus , tota est in intellectu , ut habetur ex Philos. 10. ethic. c. 7. & 8. & non in verbo. Ergo neque verbum est propter intellectum , neque hæc propter illud ; adeoque non datur verbum .

2. Intellectio non est vera actio , quia non est motus. Ergo non potest verbum producere .

3. Intellectio est actio immanens. Sed hæc nihil efficit , ut patet ex 1. magnor. mor. c. 35. & 9. met. t. 16. & alibi. Ergo non producit verbum .

4. Volitio non efficit terminum. Ergo neque intellectio. Probatur antecedens , si volitio aliquid efficeret , maximè amorem. Sed amor est ipse actus amandi , non autem terminus per illum factus ; aliòquin sicut per verbum , obiectum est in intellectu , ita per terminum actus amandi , res amata esset in voluntate , cuius oppositum admittitur communiter a Philosophis , cum Dionys. 4. de diu. nom. asserente , amorem extasiun facere , per quam ponit amantem in amato. Ergo volitio nihil efficit .

5. Actio sensuum non gignit terminum. Ergo neque actio intellectus. Probatur antecedens , quia licet per Philosophum sensus fiat ipsa res cognita , mediante sensatione , non tamen aliquid producit , præter ipsam sensationem. Probatur consequentia , quia per hoc quod intellectus

fiat intelligibiliter obiectum, non sequitur, quòd debeat producere aliquid distinctum ab ipsa intellectione, per quam fit tale.

6. Si omnis intellectio gigneret verbū, etiam intellectio Filij, & Spiritus sancti in diuinis, & intellectio, qua Angelus, & anima separata se intelligunt, producerent verbum. Cōsequens est falsum, primò quia filius produceret verbum. Et deinde quia cum possit naturaliter cognosci Deus vt intelligens, posset cognosci vt producens verbum, adeoque posset cognosci naturaliter Trinitas, quæ sunt absurda.

*Conclusio, Debet necessario admitti verbum mentis.*

Probatur 1. Omnis intellectio est assimilatio quædam intellectus cum obiecto cognito, vt dicitur in 3. de a. t. 16. 37. & 38. vbi dicitur intellectus in actu fieri ipsam rem cognitam, non quidem in esse reali, quod est impossibile, sed in esse intentionali, per assimilationem. Hæc autem assimilatio intèntionalis consistit formaliter, in exprimendo, & repræsentando obiecto cognito, quæ expressio fit per verbum mentis, quod nihil est aliud, quàm species expressa obiecti. Ergo per omnem intellectionem producitur verbum mentis.

Confirmatur, intelligere ex sua ratione formali intrinseca nihil est aliud, quàm efformare, & exprimere intelligibiliter in se ipso obiectum. Sed hoc fieri non potest sine verbo, quo non admissò, daretur quidem

dem aliqua efformatio intentionalis obiecti, non tamen expressio. Ergo intelligere dicit necessariò verbum. Et ideo diuus Th. 1. p. q. 47. ar. 1. ait, *cum quis intelligit, ex eo quod intelligit, procedit aliquid intra ipsū, quod est conceptio rei intellectæ*, hoc est verbum, vt explicuimus in 1. articulo.

2. Ita se habet verbum ad intellectionem, sicut calor ad calefactionem. Sed est impossibile, dari calefactionem sine calore. Ergo etiam intellectionem sine verbo. Probatur maior, quia tam verbum est terminus intrinsecus intellectionis, quam calor calefactionis. Sicut enim calefactio est essentialiter productio caloris, ita & intellectio productio verbi.

Ad 1. Nego minorem. Et dico, verbum esse propter intellectionē, nō tāquā principii effectiuū illius, sed tāquā aliquid illā necessariò cōcomitās, à posteriori natura. Vnde patet solutio ad probationē: nā cum verbum non sit forma prior intellectione, non potest prerequiri, tāquā noua præuia dispositio ad illā, præter speciem impressā.

Ad 2. Nego antecedens. Quamuis enim Egidius q. 1. de cog. Ang. cum Scoto in 1. d. 3. q. 6. Durando in 1. d. 27. q. 4. Caiet. in 1. p. q. 79. ar. 2. & multis alijs asserat, intellectionem esse meram qualitatem intellectualem, non autem actionem; tamen opinio opposita Aristotelis 10. ethic. c. 10. & 3. de an. t. 4. & 12. met. t. 13. est verior, & communior: vnde ortum habuit celeberrima illa diuisio actionis vt sic, in transi-

tionem,

tem, & immanentem, cui adnectuntur cōmuniter volitio, & intellectio. Neque obstat, quòd intellectio non sit motus, primò quia neque illuminatio instantanea est motus, & tamen est actio. Deinde si non est motus physicus, est motus metaphysicus, per quem intellectus transit ex priuatione ad formam intentionalem, & metaphysicam. Et ideo diuus Thomas q. 4. de verbo ait, respondendo ad 1. *ipse autem intellectus motus dicitur, nò quidè imperfecti, ut describitur in 3. phys. sed motus perfecti, qui est operatio, ut dicitur in 3. de anima. Et ideo Damascenus dicit lib. 1. c. 18. sub fin. verbum interius est motus mentis.* Quare dicēdū est, Egidiū negasse solū, quòd intellectio sit actio transiens, non autem immanens, cui non conuenit ratio motus physici, ut videtur se explicare Raphael Auersa cū ipso sentiens, in met. q. 58 sect. 3. sub finem, his verbis, *hinc planè sequitur, intellectionem, & alior huiusmodi actus vitales esse veras qualitates, & non esse de prædicamento actionis, dū intellectio sistit in se, & non tendit ad ulteriorem terminum.*

Ad 3. distinguo minorem; actio immanens nihil efficit extra intellectum, concedo: intra intellectum, nego minorem, nam certè etiam in sententia Aduersariorum, producit habitum. Et hoc modo est intelligēdus Aristoteles, qui negat solū, actionem immanentem aliquid efficere, per quod fieret transiens extra intellectum, quod illi repugnat.

Ad

Ad 4. nego antecedens, dicente diuo Thoma in 1. p. q. 37. ar. 1. in corp. *sicut ex hoc quod aliquis rem aliquam intelligat, prouenit quædam intellectualis conceptio rei intellectæ in intelligente, quæ dicitur verbū; ita ex hoc quod aliquis rem aliquam amat, prouenit quædam impressio (ut ita loquar) rei amatæ in affectu amantis, secundum quam amatum dicitur esse in amante, sicut est intellectum in intelligente.* Ad authoritatem diui Dyonisij dico, simul rem amatam esse in amante secundum conuenientiam, & proportionem, & amantem esse in re amata secundum impulsu amoris, quo ad illam fertur.

Dices, res amata vel est in amante per sui essentiam, vel per sui similitudinem? Non primo modo; quia potest amari res absens. Neque secundo, quia similitudo est obiectum intellectus, & non voluntatis. Ergo nullo modo est in amante.

Nego maiorem, & dico amatum esse in amante per impressionem, seu habitudinē affectionis. Quid sit autem hæc impressio, nō ita facilē explicatur, propter defectum terminorū. Et ideo subdit diuus Thomas in loco citato, *ex parte intellectus sunt vocabula inuenta, ad significandum respectum intelligentis ad rem intellectam, ut patet in hoc quod dicit intelligere.* Et sunt etiam alia vocabula inuenta ad significandum processū intellectualis conceptionis, scilicet ipsum dicere, & verbum, &c. Ex parte autem voluntatis, præter diligere, & amare, quæ importat habi-



*habitudinem amantis, ad rem amatam, non sunt aliqua vocabula imposita, quæ imperièt habitudinem ipsius impressionis, vel affectionis rei amatae, quæ provenit in amante, ex hoc quod amat, ad suum principium, & e converso. Et deinde concludit, & ideo propter vocabulorum inopiam, huiusmodi habitudines significamus vocabulis amoris, & dilectionis: sicut si verbum nominarem intellectum conceptum, vel sapientiam genitā. Ex quibus patet, etiam per diuum Thomā admitti terminum intrinsecum actionum voluntatis, quamvis propter defectum linguæ latinæ, non habeamus vocabulum proprium illi correspondens.*

*Ad 5. Primò nego antecedens. Vel enim est sermo de sensibus internis, vel de externis? Si de internis, apertè conceditur à diuo Thoma, ab eorum actione gigni terminum. Videatur in 1. p. q. 85. ar. 2. ad 3. ubi hæc habet, in parte sensitiva inuenitur duplex operatio, una secundum solam immutationem, & sic perficitur operatio sensus, per hoc quod immutatur à sensibili. Alia operatio est formatio secundum quodvis imaginatiua format sibi aliquod idolum rei absentis, vel etiam nunquam visæ. Et utraque hæc operatio coniungitur in intellectu. Idem asseritur à Capreol. in 2. d. 27. q. 2. Heruæo tract. de verbo q. 2. ar. 1. & 2. & à nonnullis alijs. Si verò sit sermo de sensibus externis, negatur à diuo Thoma, sed conceditur à Conimb. 3. de an. q. 3. ar. 3. in resp. ad 5. dicentibus, est enim commune omni cognitioni*  
tā

*quàm intellectus, quàm sensus, siue sit internus, siue externus, effici per assimilationem, & expressionem rei cognitæ.* Neque obstat quod Philosophus 2. de an. t. 59. dicat, visibile, vt est in rebus, terminare visionem, intelligibile verò non nisi prout est in intellectu. Hoc autem non esset verum, si sensus externi haberent terminum intrinsecum, seu notitiam suarum actionum, nam hoc admissio, visibile non terminaret visionem, sed solum illum terminum intrinsecum, sensationi, eo modo quo res intellecta non terminat intellectionem, sed verbum, quod est medium inter intellectionem, & reintellectam. Ergo sensus externi non habent terminum intrinsecum suarum actionum. Nô (inquã) hoc obstat, quia in tali loco Philosophus (vt apparet ex cõtextu) nihil aliud voluit dicere, nisi quod sensus externus requirat præsentiam obiecti, quã non requirit intellectus eo quia sensus non feratur, nisi circa obiectum præsens, intellectus verò etiã circa absens. Nihil ergo determinauit pro præsentia questione.

**R. 2.** Negando consequentiam, admissio quod actio sensuum non producat terminum intrinsecum. Disparitas est, quia, sensus quomodocumque feratur in obiectum, numquam potest formare aliam similitudinem de illo, quàm secundum prædicata accidentalia, ad quæ terminatur, adeoque non potest formare similitudinem perfectam, quæ terminatur ad quidditatem. At intellectus fertur ad quidditatem obiecti, nec sistit in extrema eius cortice accidenti-

dentibus velata ; & ideo potest formare illius expressionem, quæ est similitudo perfecta, in esse intentionali, secundum quidditatem obiecti . Vnde patet responsio ad probationem . Præterquamquod hoc argumentum militat contra eos, qui dicunt, verbum esse realiter distinctum ab intellectu, quod nos non asserimus .

Ad 5. Nego minorem; & dico omnem intellectiõnem vniuersaliter gignere verbum. Quamuis enim intellectio diuina absoluta cõmunis omnib<sup>9</sup> Personis diuinis, & intellectiõnes notionales Filij, & Spiritus Sancti non dicantur formaliter gignere verbum, tamen quia sunt realiter idem cum eadem essentia, quæ est idem realiter cum intellectu notionali Patris, quæ vere, & formaliter gignit verbum, ideo etiam illæ realiter, & identicè gignunt verbum. Ita Conimbricenses 3. de an. q. 3. ar. 4. ad 3. Quod autem etiam intellectio, qua Angelus se intelligit, gignat verbum, conceditur apertè à Ferrariensi con. Gen. c. 54. & Syluestro in conflatu q. 27. & ab ipsis Conimb. loco cit. Et ratio est quia verbum non ponitur, vt obiectum quomodo-cumque fiat præsens intellectui, sed vt fiat præsens intimè, atque intelligibiliter, hoc est vt fiat præsens in ipsa intellectuione, per expressam sui imaginem, & conceptum, quod non esset in Angelo se intelligente, nisi per talem intellectuionem produceret verbum, quia sine illo non haberet imaginem expressam sui . Quamuis enim esset adhuc

adhuc sibi intimè præsens secundum realitatem, non tamen esset sibi præsens intelligibiliter, hoc est per imaginem expressam sui, quæ est maior, & intimior præsentia.

Ad primam illationem quod Filius produceret verbum verbi, nego sequelam, quia cum Filius non produceret verbum ex vi intellectiōis propriæ, ut formaliter sibi notionalis, sed solum identicè, ratione diuinæ essentiæ sibi communis, realiter identificatæ cum intellectiōe notionali Patris, de se ut formaliter intelligens, per propriam intellectiōem, nullum gigneret verbum, sed diceretur gignere per denominationem sumptam à generatione, verbi, quod producit à Patre; & sic Verbum non multiplicaretur, neque multiplicaretur eius principium, quod semper formaliter, & propriè est solus Pater, & solum identicè, & per circuminfectionem extenderetur ad filium.

Ad aliam illationem, quod posset naturaliter cognosci Trinitas, nego sequelam, nisi sermo sit de cognitione aliqua abstractiua, & confusa. Et ratio est, quia cum non possit naturaliter cognosci modus, quo Deus cognoscit se ipsum, & cognoscendo producit verbum, propter modum cognoscendi substantialem, & indistinctum, neque potest cognosci terminus intrinsecus talis cognitionis, saltem per conceptus proprios, & distinctos. Quare non sequitur, ex admissione verbi creati, posse etiam naturaliter cognosci Verbum increatum, cuius

334 *De specie expressa, seu Verbo*  
ius origo, & quidditas, licet cognoscatur  
abstractiue, & per impropria, nobis tamen  
per propria, in via naturæ, non potest in-  
notescere.

### ARTICULVS. III.

*An verbum distinguatur ab intellectione?*

**E**Gid. q. 1. de cognit. Angel. cum Suar.  
disp. 48. met. sect. 2. Scoto in 1. d. 3. q.  
6. & d. 27. q. 6. cum multis alijs ait, dari  
quidem verbum mentis; illud tamen ne-  
que realiter, neque formaliter distinguit  
ab ipsa intellectione. Quibus videntur etiã  
consonare Duran. in 1. d. 27. q. 4. & Vasq.  
1. p. disp. 38. c. 2. cum nonnullis alijs;

Contra verò diuus Thomas 1. p. q. 27.  
ar. 1. in corp. ait. *quicumque autem intelligit,*  
*ex hoc ipso quod intelligit, procedit aliquod*  
*intra ipsum, quod est conceptio rei intellectæ,*  
*ex vi intellectiua proueniens, & ex eius no-*  
*titia procedens; quam quidem conceptionem*  
*vox significat, & dicitur verbum cordis, si-*  
*gnificatum verbo vocis.* Et q. 34. ar. 1. ad 2.  
ait, *cum dicitur quod verbum est notitia, non*  
*accipitur notitia pro actu intellectus cogno-*  
*scantis, vel pro aliquo eius habitu, sed pro eo,*  
*quod intellectus concipit cognoscendo.* Ex  
quibus Conimb. 3. de an. c. 8. q. 3. Caieta-  
nus, Bannes, Ferrar. cum plerisque Thomi-  
starum inferunt, per illum dari verbum  
mentis realiter distinctum, non solum a  
specie impressa, sed etiam ab ipsa intelle-  
ctione.

Alij

Alij vt tollant de medio omnem planè difficultatem, nullum admittunt verbum, siue identificatum, siue quomodocumque distinctum ab intellectu. Et demum alij dicunt, illud esse quidem formaliter distinctum, non tamen realiter ab intellectu.

Conclusio, *Verbum mentis non distinguitur realiter ab intellectu, sed solum formaliter, seu metaphysicè.* Est Scoti in 1. d. 27. Fasol. to. 3. q. 27. ar. 1. dub. 1. n. 145. Capr. Ferrar. Perez Pallau.

Prob. prima par. 1. Ratio formalis, & essentialis verbi consistit in hoc, quòd ita procedat ab intellectu, vt sit imago expressa repræsentatiua obiecti, & quasi proles intellectus, secundati in actu primo à specie impressa obiecti. Sed totum hoc realiter habetur per ipsam intellectionem. Ergo ratio formalis verbi potest haberi realiter per ipsam intellectionem, à qua proinde realiter non distinguitur. Maior patet ex definitione essentiali. Consequentia est evidens. Minor probatur, quia intellectio dicit formaliter duplicem respectum, alterum ad intellectum intelligentem, & alterum ad obiectum intellectum. Per primum constituitur formaliter, in esse terminum processionis intellectiue, quamuis indistinctum; & per secundum constituitur in esse formaliter imaginem, seu repræsentationem obiecti. Ergo per vtrumque simul constituitur formaliter in esse verbum.

2. Est de ratione verbi, vt non remaneat,

neat, cessante intellectione, sicut dictum est in 1. ar. Ergo essentialiter cum illa coniungitur. Atque adeò cum nulla sit necessitas vnum ab alio distinguendi, & omnia possumus saluare per verbum indistinctum, dicendum est, ab intellectione realiter nò distingui, vt videntur innuere communiter Sancti Patres, cum verbum vocant intellectiōnem, & viceuersa; vnum cum alia confundentes, vt probant Conimb. 3. de an. q. 4. ar. 2.

3. Obiectum de se habet omnia requisita, vt terminet immediatè cognitionem. Ergo non est necessarium verbum medium realiter distinctum.

4. Intellectio est assimilatio intellectus cum obiecto, per quam ipse intellectus actu intelligens, fit res cognita, secundum esse intentionale, vt dicitur 3. de an. t. 16. 37. & 38. Sed hac assimilatio est verbum mentis. Ergo intellectio est verbum mentis. Maiorem admisit Augustinus lib. 9. de Trin. c. 10. & 14. de Trin. c. 17. vbi non solum ait, intellectiōnem esse assimilationem, sed etiam Beatos per visionem perfectè Deo assimilari, secundum illud 2. Io. 3, *cum apparuerit, similes ei erimus, quia videbimus eum sicuti est.* Probatur minor, quidditas verbi consistit formaliter in hoc, quòd exprimat, & representet obiectum, quæ expressio, seu representatio formalis, est similitudo expressa. Ergo similitudo intellectus cum obiecto est formaliter verbum.

5. Prius est, rem existere in se, quàm cognos-

gnosci, & esse medium cognitionis alterius. Si ergo daretur verbum distinctum, deberet prius in se existere, & deinde, saltē posterioritate naturæ, esse medium ad cognoscendum obiectum. Sed hoc est impossibile, cum ipsum verbum producat per cognitionem actualem obiecti. Ergo verbum distinctum neque esset utile, neque potest admitti. Non esset utile, quia produceretur ex eo, ad quod producendum admittitur. Neque possibile, quia effectus non potest præcedere suam causam. Hoc autem non valet de indistincto, quod non datur ad cognoscendum obiectum, tãquàm medium cognitum respectu cognitionis actualis, sed tamquàm medium cognoscēs.

• *ut quo*, respectu intellectus parati ad cognoscendum, per informationem speciei impressæ. Ergo non prærequiritur ad cognitionem actualem obiecti, sed illam potius formaliter constituit.

Probatur secunda pars primò, Intellectio ut talis formaliter, non dicit esse imaginē expressam obiecti, sed solum actum vitalem provenientem ab intellectu in obiectum. Contra verò verbum dicit formaliter esse imaginem expressam obiecti. Ergo habent diuersas definitiones formales, adeoque formaliter distinguuntur.

2. Verbum cōcipitur ut terminus intrinsecus intellectionis, ipsa verò intellectio ut actio ipsius. Omnis autem actio distinguitur à termino. Ergo cum non distinguatur realiter, distinguitur solū formaliter.



3. Ita se habet verbum ad intellectionē, sicut intellectio ad intellectum. Sed intellectio nō procedit ab intellectu, per actionem physicē à se distinctam, sed solum metaphysicē. Ergo neque verbum ab intellectione. Sed actio, per quam fit verbum, est intellectio. Ergo ab illa non distinguitur secundum realitatem, sed sola ratione. Probatur minor, nulla est ratio distinguēdi intellectionē ab actione, per quam procedit ab intellectu, quia cum ab illo, non solum pendeat vitaliter, & immanenter, sed etiam essentialiter, pendet per se ipsam formaliter, vt probauimus in 1. de gener. disp. 4. ar. 2.

#### ARTICVLVS. IV. *Soluuntur fundamenta contraria.*

**O**bjicies 1. Non potest fieri assimilatio intellectus cum obiecto, nisi hoc fit illi dupliciter præsens, nempe vt principium intelligendi, & vt obiectum, seu terminus intellectionis. Prima præsentia habetur per speciem impressam. Secunda verò non potest haberi, nisi per verbum distinctum ab intellectione. Ergo debet ab illa distingui. Probatur minor, intellectio non potest esse terminus, seu obiectum sui, sed alterius intellectionis reflexæ. Ergo ad hoc vt detur terminus primæ, debet admitti verbum distinctum.

Nego secundam partem minoris, primo quia præsentia obiecti consistit formaliter

in

in hoc, quod cognoscatur, & repræsentetur intellectui. Per hoc enim quod aliquod cognoscatur, & repræsentetur intellectui, dicitur præsens intentionaliter cognoscenti. Ad hoc autem ut aliquod cognoscatur, nihil requiritur aliud, quam ipsa cognitio, quæ non debet esse præsens intellectui obiectivè, sed subiectivè. Ergo frustra requiritur terminus ab illa distinctus.

Dices, omnis cognitio est ad terminum. Non ad se. Ergo ad aliud extra se, quod est verbum. Probatur maior, quia omnis cognitio est actio. Hæc autem essentialiter est ad terminum.

Distinguo maiorem, est ad terminum extrinsecum, concedo: intrinsecum, nego. Et concessa minori sub eadem distinctione, ultro fateor cognitionem esse ad obiectum, tamquam ad terminum extrinsecum, non autem ad verbum, tamquam ad terminum intrinsecum. Ad probationem minoris dico, cognitionem esse actionem immanentem, cui non debet correspondere alius terminus, quam extrinsecus, eò quia non debet esse eius effectio, sed consideratio, visio, vel contemplatio.

Urgebis, terminus intellectionis debet esse aliquod opus intentionale, ad quod immediatè terminetur, eoque mediante feratur ad obiectum. Hoc autem non potest esse terminus extrinsecus. Ergo debet esse intrinsecus, adeoque verbum distinctum.

Nego maiorem, quæ expressè contradicit Aristoteli 9. met. t. 16. dicenti, nullam actionem immanentem terminari ad aliud opus, quàm ad se ipsam, his verbis, *quorum non est aliud opus præter actionem, in ipsismet actio est, ut visio in vidente, & speculatio in speculante, & vita in anima*. Quod idem confirmat 1. ethic. c. 1. & lib. 6. c. 5. & alibi passim. Non igitur actio immanens est ad opus extra se, sed ad obiectum.

Ob. 2. In diuinis Pater intelligens producit verbum à se distinctum. Ergo omnis intellectio distinguitur à verbo, quod producit. Probatur consequentia, quia hæc doctrina magis fauet mysterio Trinitatis.

Nego consequentiam. Ad cuius probationem dico, quòd licet ex vna parte videatur fauere Trinitati, tamen ex alia illà destrueret, multiplicando diuinum verbū. Siquidem etiam Filius, & Spiritus Sanctus verè se intelligunt, & tamen nullum producunt verbum. Immò ipsa diuina essentia vt formaliter præcisa a Personis, se intelligit, non tamen producit verbum, cuius productio fit solum per intellectionem notionalem Patris, & non per absolutam Deitatis. Quod autem Pater se intelligens producat verbum à se distinctum, hoc non prouenit ratione intellectionis vt sic, sed ratione intellectionis diuinæ vt diuinæ, & vt notionalis talis principij. Quia etiam intellectio filij est diuina; & notionalis, nō tamen producit aliud verbum. Sicut ergo voluntas notionalis Patris, & Filij producit

est Spiritum Sanctum, ut diuina, & ut talis principiorum notionalis; ita & intellectio Patris. In Deo autem hæc intellectio producit Verbum distinctum, ratione diuinæ fecunditatis, quia cum intellectio non possit esse accidens in Deo, qui operatur per actus substantiales, & indistinctos, non posset per illam fieri similitudo accidentalis. Et ideo per talem intellectiōnem communicatur Filio, seu Verbo tota essentia Patris intelligentis, quamuis non communicetur intellectio notionalis, per quam producit, ratione oppositionis relatiuæ. At in nobis intellectio est accidēs, respectu intellectus intelligentis; adeoque si produceret verbum distinctum, illud esset accidens, & faceret similitudinem accidentalem. Est ergo perfectio in Deo fecunditas ad intra, & non in nobis.

Vnde obiter infer solutionem retorsionis argumenti, quod fecit Augustinus contra Arrianos, *omnia per Verbum facta sunt, ut dicitur I. Ioannis. Ergo ipsum non est factum*, quod Arriani retorquebant in Augustinum, *omnia per ipsum facta sunt. Ergo ipsum non est factor, adeoque non est Deus, qui est factor omnium*. Nam diuus Thomas in disputatis q. 4. de verbo ar. 1. ad 3. distinguit consequens huius retorsionis. Ergo verbum non est Pater factor, concedit, quia Persona Verbi distinguitur à Persona Patris; non est Deus factor, negat consequentiam. Non enim diuus Augustinus volabat inferre, Verbum non esse

creaturam, ex eo quòd sit medium inter Deum, & creaturas, sed ex eo quòd sit causa vniuersalis omnis creaturæ, quòd sonat *ly omnia per ipsum facta sunt*, tamquam in genere causæ efficientis, denotando *ly per ipsum* consortium principij effectiui, & nō medium efficiendi. *In quolibet enim motu* (sunt verba diuī Thomæ) *fit reductio ad aliquod primum, quod per talem motum nō moueat ur: sicut alterabilia omnia reducuntur in primum alterans non alteratum, & ita etiam illud, in quod reducuntur omnia creata, oportet esse increatum.*

Ob. 3. Vel intellectio est actio, seu operatio, vel pura qualitas mentis? Non potest dici secundum, quia Philosophus 3. de an. t. 4. & 12. met. t. 13. vocat intellectionem actionem; & ideo intelligere est quoddam agere, quia dū intellectus intelligit, agit. Ergo est verum primum. Nō potest autem esse actio, nisi aliquid agat. Ergo cum non possit aliud agere, debet verbum efficere.

¶ R. Intellectionem esse veram actionem immanentem, de cuius ratione non est, vt aliquid agat à se distinctū, sed solum quod agat in genere causæ formalis, eo modo quo partes simul sumptæ efficiunt totum.

Ob. 4. Intellectio nō fit per resultatiam. Ergo neque facit per resultantiam, sed per veram causalitatem, faciendo terminum distinctum.

Distinguo antecedens, si nō minere resultantiæ intelligamus naturalem sequelam, seu emanationem, eo modo quo proprietates

tates fluunt ab essentia, concedo : si verò intelligamus dependentiam à causa, absque media actione distincta, nego antecedens. Et eodem modo distinguo consequens, videlicet facere verbum per actionem indistinctam, sicut ipsa intellectio fit ab intellectu, cum hoc vnico discrimine quòd fiat in genere causæ efficientis, & ideo distinguitur realiter ab eo, à quo fit, facit autem in genere causæ formalis; & ideo non distinguitur realiter à verbo, quod est eius effectus formalis.

## ARTICVLVS. V.

*An posita distinctione reali inter verbum, & intellectiōem, possit per illud videri diuina essentia?*

**I**Vxta nostra principia vsque adhuc allata, non potest esse difficultas in hoc quòd possit per verbum creatum cognosci diuina essentia, saltem supernaturaliter loquendo. Et ratio est clara, quia cum verbum nihil sit aliud, quàm ipsa intellectio, & cum probatum fuerit in disp. 2. posse videri per essentiam, intellectiōe procedente ab intellectu confortato lumine gloriæ, sequitur etiam posse videri per verbum mentis, seu per speciem expressam creatam quidem, sed supernaturaliter ortam. Tota ergo difficultas versatur in hoc, an videlicet, admissa sententia Thomistarum, quòd verbum realiter distinguatur ab intellectiōe, posset per illud, tamquam per speciem expressam, videri Deus?

Thomistæ communiter negatiuè respondent, quibus adhærens Arriaga disp. 6. de an. sect. 2. subsect. 5. acerrimè inuehitur contra partem affirmatiuam, propter multas rationes, quas fusè prosequitur, quæ omnes tandem reducuntur ad hanc, quia putat non posse videri clarè perfectum in eo, quod est imperfectius, tamquàm in medio cognito. Quo admissio vt principio irrefragabili, infert, multò minus verbuni creatum, quod est finitum, posse esse medium cognitum ad clarè videndam diuinam essentiam, quæ est infinita.

*Conclusio, Quamuis verbum realiter distingueretur ab intellectione, adhuc posset per illud clarè, & intuitiuè cognosci diuina essentia.*

Probatur 1. quia si aliqua obstaret ratio, maximè esset expressa repræsentatio diuinæ essentiae. Sed hæc non obstat, quia repræsentationem diuinæ essentiae probauimus fieri posse per speciem impressam, & expressio solum dicit perfectionem aliquantò maiorem, in modo repræsentandi, non autem in substantia ipsius repræsentationis formalis. Ergo nulla esset ratio ipsius impossibilitatis. Probatur minor, quia species expressa in hoc solum differt ab impressa, quoad modum repræsentandi, quod hæc repræsentet obiectum, vt imago virtualis, illa verò vt imago formalis. Cum ergo difficultas respectu diuinæ essentiae, non sit in modo repræsentandi, sed in re, an videlicet possit aliquod finitum, & limita-

mitatum repræsentare aliquod infinitum, & illimitatum, in vtraque specie est eadem difficultas. Atque adeo vel vtraque est impossibilis, vel neutra.

2. Omnia ea, quæ possunt dici contra verbum à visione distinctum, retorquentur euidenter contra verbum cum visione identificatum; neque enim realis distinctio affert peculiarem repugnantiam, nisi fortè physicam, ratione cuius probatur, nō posse vllum verbum realiter ab intellectione distinguī. Cum ergo supponatur ex physicis superata hæc difficultas, nulla remanet peculiaris repugnantia theologica, prò verbo distincto, in ordine ad repræsentationem formalem diuinæ essentiæ.

Vnde patet responsio ad argumenta Thomistarum, quæ solum probant, non posse speciem expressam esse medium formale *quod* ad videndum Deum per essentiā, non autem non posse esse medium *quo*, vt fusè prosequitur Martinus de Esparsa. q. 12. de Deo, in responsione ad 4.

Dices, non potest Deus in vlla creatura clarè cognosci, tamquàm in medio cognito, vt probauimus in fine articuli quinti disputationis nonæ. Sed hoc admissio, sequeretur oppositum, cō quia Deus clarè videretur in tali verbo, tamquàm in medio cognito. Ergo hoc non potest asseri.

Nego minorem. Et ratio est euidentis, quia cum in tali loco negauimus, posse Deum clarè cognosci in creatura, tamquàm in medio cognito, locuti sumus de medio



formali *quod*, hoc est de illo, quod sit obiectum formale motuum cognitionis, quod cum sit specificatiuum ipsius ( vt obseruat Esparfa in loco citato ) & conferens illi *ut quod*, seu tamquam causa principalis, suam perfectionem, quam habet, debet in se formaliter, vel saltem æquiualeenter continere in proprio genere, totam perfectionem obiecti materialis, aliòquin non posset producere cognitionem illius claram, & intuitiuam, seu quidditatiuam, nempe illi commensuratam, quod repugnat creaturæ respectu Dei, vt nos in loco probauimus, & demonstratur à diuo Thoma 1. p. q. 12. ar. 2. Hoc autem non asserimus de verbo mentis, quod licet à cognitione distinctum in tali hypothesi, esset solum medium formale, *quo*, adeoque non esset obiectum motuum, & specificatiuum, quod esset sola diuina essentia, adeoque non contineret in se omnes illius perfectiones, in eodem genere, sed solum intentionaliter in diuerso ordine, & genere, non reducibili ad idem, nisi analogicè; adeoque solum cooperaretur instrumentaliter, & *ut quoad* visionem, ad quam sola diuina essentia moueret immediatè, & *ut quod* seu vt causa principalis, quod non repugnat creaturæ, vt dictum est de specie impressa.

## ARTICVLVS. VI.

*An Beati per visionem beatificam forment  
verbum? Et an hoc ab ipsa visione distin-  
guatur?*

**V**identur non formare. Primò quia  
Verbum Beati esset imago Dei, clare  
illum representans. Nullum autem crea-  
tum potest clare Deum representare, per  
modum imaginis. Ergo videntes Deum  
non possunt formare verbum. Maior patet  
ex dictis. Minor probatur, quia cum Deus  
de se sit lucidissimus, potius obumbraretur  
per imaginem creatam, vt docet Perez  
in trac. de visione n. 59. Ergo sicut non vi-  
detur per speciem impressam, ita neque vi-  
detur per expressam.

2. Si Beati formarent verbum, per illud  
viderent Deum. Consequens est absurdum,  
primò quia eorum visio non haberet pro  
obiecto immediato ipsum Deum, sed ver-  
bum creatum, quo mediante Deum vide-  
ret. Et deinde quia non esset clara, & intui-  
tiua, sed obscura, & ænigmatica, vtpote  
cognoscens Deum, tamquam in medio  
cognito creato. Ergo non formant ver-  
bum.

3. Omne creatum habet summam in-  
proportionem cum Deo. Ergo Deus in  
nullo creato, tamquam in imagine, potest  
clare representari.

4. Verbum, seu species expressa est locuti-  
o interna, qua illud habens secum loquitur.

tur, communicando sibi in actu secundo, & exercito illam scientiam, quam præhabet per speciem, & per habitum in actu primo, vt docet diuus Thomas 1. p. q. 107. ar. 1. agens de locutione Angelorum. Videns autem Deum nullam præsupponit illius speciem, qua mediante sciat habitualiter, & in actu primo id, quod scit in actu secundo, per ipsam visionem actualem. Ergo videns Deum non format verbum.

*Conclusio, Beati videntes Deum formant verbum, indistinctum realiter ab ipsa visione, quæ proinde est formaliter species expressa Dei.*

Probatur 1. pars. 1. ex 2. Io. 3. cū appa-  
rit, *similes ei erimus, quia videbimus eum sicuti est.* Vbi aduertatur illa causalis, *quia videbimus*, quæ (vt exponit noster P. Augustinus lib. 14. de Trin. c. 17.) significat, ipsam visionem inducere similitudinem, cum Deo viso, non quidem imperfectam, sed perfectam in ordine intentionali, licet inadæquatam. Sed perfecta similitudo intentionalis non potest haberi, nisi per verbum, quod solum est imago formalis expressa diuinæ essentiae. Ergo visio Dei est formatiua verbi.

2. Visio Dei non est pura actio, aliter distingueretur specie ab omni alia intellectione creata, de cuius ratione est quod sit formatiua verbi, vt vniuersaliter probauimus de omni intellectione in ar. 2. Ergo aliquid gignit, saltem in genere causæ formalis, vt inibi statuimus. Hoc autem aliud  
non

non potest esse, quàm verbum. Ergo format verbum. Quod autem aliter distingueretur specie ab omni alia intellectione; probatur, quia haberet modum tendendi in obiectum essentialiter diuersum, nempe purè terminatiuum, & nullo modo expressiuium, siue assimilatiuum obiecti. Hoc autem non est dicendum, quia dependentia essentialis, quam habet à principio supernaturali, debet illam perficere, & non remouere à conditionibus naturalibus illi debitibus, vt obseruat Perez in trac. de visione n. 59.

Probatur secunda pars. Primò quia est de ratione actionis, vt per eam aliquid producat, eò quia omnis actio, sit essentialiter medium ordinatum ad existentiam termini, tanquàm ad finem. Cum ergo visio ex vna parte sit actio, & ex alia non producat verbum, neque aliud extra se, dicendum est, ipsam esse realiter verbum, & reflexiuam sui.

2. Omnis alia cognitio naturalis habet non solum rationem actionis, sed etiam termini, & imaginis. Cum ergo visio Dei sit omnium cognitionum naturalium perfectissima, eò quia sit formalis beatitudo, adeoque maxima perfectio creaturæ intellectiue, non debet esse deterius conditionis, quàm omnes alie, atque adeo debet esse, & actio, & terminus illius, per solam distinctionem rationis, cum esse terminum intrinsecum, & esse actionem sint realiter idem.

3. Verbum mentis, seu species expressa, non distinguitur realiter, sed solum formaliter à quacumque cognitione, vt probatum est. Sed visio Dei est intellectio. Ergo non distinguitur in re à verbo, seu specie expressa ipsius Dei. Aliter verificentur contradictoria, quod nempe nulla intellectio realiter distinguatur à verbo, & aliqua distinguatur, quod est absurdum.

4. Non repugnat, Deum videri per speciem expressam, distinctam à visione, vt probauimus ar. 5. Ergo multò minus repugnat, illum videri per speciem expressam indistinctam à visione. Ergo cum aliunde probetur visionem esse intellectionem, & omnem intellectionem gignere verbum indistinctum, etiam visio gignit verbum indistinctum, adeoque est realiter verbum, seu species expressa Dei, vt egregie probant Perez in loco citato, Pallauicinus lib. 8. n. 220. Conimb. 3. de an. q. 4. ar. 4. ad 2. Esparza q. 11. de Deo ad. 7. cum multis alijs, etiam ex Thomistis, nempe Capreol. in 1. d. 29. q. 2. Ferrar. in 1. con. Gen. c. 53. Et (quod mirum est) ipse diuus Thomas 1. p. q. 107. ar. 1. ait, *ipse conceptus mentis, n-  
verius verbum vocatur*. Ergo non distinguit verbum à cōceptu, seu intellectione, adeoque à visione Dei, licet alibi oppositum aperte profiteatur, vt in 1. p. q. 27. ar. 1. & q. 34. ar. 1. ad 2. & alibi, cuius textus infra conciliabimus. Præterea huic etiam opinionioni subscribit Scot<sup>9</sup> in 1. d. 27. fol. 8. c. Ad

Ad 1. nego minorem. Quamvis enim non possit dari imago creata infinite representans diuinam essentiam, tamen potest dari imago creata finite, & limitate illam representans. Neque obstat, quod Deus sit lucidissimus in ordine ad se, quia potest non esse talis in ordine ad nos, adeoque potest per imaginem creatam manifestari. Neque valet paritas de specie impressa; nam vel loquimur de possibili, vel de facto? Si de possibili, eodem modo asserimus, esse possibilem speciem impressam Dei, atque expressam. Si de facto, datur species expressa Dei, & non impressa. Ratio est, quia species impressa esset superflua, eo quia uniret quæ de se sunt unita; at expressa non est superflua, eo quia per illam obiectum assimilatur intellectui, cui ceteroqui assimilari non posset. Præterquam quod expressa est idem cum visione. Ergo cum visio sit necessaria, etiam species expressa est necessaria.

Ad 2. Nego sequelam. Et ratio est, quia verbum est quidem medium inter intellectum, & obiectum, non tamen est medium in ratione obiecti, sed in ratione imaginis formalis. Ergo per illud Deus non videtur mediate, mediatione obiecti, sed solim mediatione imaginis, seu signi formalis, quod non facit, visionem tendere ad Deum, tamquam ad obiectum mediatum.

Ad 3. dico, duplicem dari improporcionem inter Deum, & creaturam, vnam summam,

nam, & inauferibilem, & in ratione entis, & alteram auferibilem, in ratione potentiae, & obiecti. Prima non obstat visioni, ut probatum est in 2. disp. ar. 1. Altera sicut auferitur per lumen gloriæ, & auferretur per speciem impressam, ita tollitur per expressam.

Ad 4. dico, argumentum procedere, contra verbum realiter distinctum, non autem contra indistinctum. Ad autoritatē diui Thomæ dico, illum loqui de communicatione virtuali, & non de formali. Cum enim ibi non distinguat verbum ab intellectione, dicens, *ipse conceptus mentis interiorius verbum vocatur*, non potuit loqui de vera, & reali conuersione, quam faciat Angelus, ex eo quod habet in habitu, ad id quod habet in actu, & exercitè. Neque obstat, quod alibi videatur Angelicus docere oppositum, cum ait, intellectiōne esse verū motum, quo verbum indistinctum produci non potest, ut dictum est ar. 3. Nam duplex assignat verbum, vnum quod produci-  
 citur ab intellectu obiecti distincti ab intelligente, & hoc ait esse realiter distinctum ab intellectu, & aliud quod fit ab intellectu, qua intelligens se cognoscit, & hoc ait esse indistinctum ab intellectu. Et hoc modo conciliantur textus diui Thomæ, si aliquando in hac materia videntur esse contrarij. Hoc posito, quia in casu nostro Deus est intimè præsens intelligenti, immò ipsi intellectiōni, & ( ut loquitur Areopagita ) est illi intimos,

mior,quàm sit intelligens sibi ipsi,ideo licet ab illo distinctus, perinde se habet in ordine ad hoc,ac si esset indistinctus,& idē facit in ordine ad visionē sui, ac si per illā videns se videret,quod fieri non potest ab alijs obiectis creatis. Ergo iuxta doctrinā diui Thomæ,Beatus videns Deum format verbū,realiter cū ipsa visione idētificatum.

Dices, visio non est idē cum specie impressa.Ergo neque cum expressa.Nego cōsequentiā. Disparitas est,quia species impressa vel nō datur diuinæ essentię,quæ potest se ipsā formaliter repræsētare,vel si daretur quia esset causa visionis,nō posset cū illa identificari. At species expressa nō est causa visionis, sed eius terminus intrinsecus.Ergo non repugnat, quòd cum illa identificetur.

## DISPUTATIO. XI.

*De lumine gloriæ.*

**V**T methodicè procedamus,postquàm egimus de speciebus impressa, & expressa, agendum est de alio principio actiuo visionis, quod dicitur lumen gloriæ. Quæremus ergo 1. an illud sit simpliciter necessarium ad visionem beatificam? 2. an requiratur solum ut dispositio,vel ut virtus? 3. an requiratur ut qualitas habitualis? 4. an sit tota ratio, seu virtus formalis agēdi? 5. an possit videri Deus per visionem infusam? 6. an lumen gloriæ sit species impressa Dei? 7. an possit dari aliquis intellectus, cui sit connaturale?

A R.



## ARTICVLVS. I.

*An lumen gloriæ sit simpliciter necessarium  
ad visionem Dei per essentiam?*

**V**idetur esse simpliciter necessarium. Primò quia Clemens quintus in Clementina, *Ad nostram de hæreticis*, in Concilio Viennensi, damnat ut hæreticos dicentes, animam rationalem non indigere lumine gloriæ ad videndum Deum. Sed si posset sine illo videri, non possent iure damnari hoc dicentes. Ergo sine lumine gloriæ non potest simpliciter videri Deus.

2. Lumen gloriæ requiritur ut intellectus. Ergo sicut Deus non potest sup plere defectum intellectus, ita neque defectum luminis.

3. Lumen dat sufficientiam potentia intellectiue, quam proportionat obiecto. Ergo est illi simpliciter necessarium, cum sit impossibile, elici visionem à potentia ex se insufficienti, & de obiecto impropor-  
tionato.

4. Lumen gloriæ ( ut describitur a Pallau. lib. 8. n. 178. ) est quedam peculiaris participatio intellectualitatis diuinæ, per quam intellectus creatus adeo perficitur accidentaliter, ut acquirat ius ad videndum Deum, perinde ac habet ad videnda illa obiecta, cum quibus conuenit in eodem gradu simplicitatis. Ergo dat simpliciter posse ad visionem.

bea-

beatificam; atque adeo est simpliciter necessarium.

Conclusio, *Lumen gloriæ, ut est formaliter lumen, non est simpliciter necessarium ad videndum Deum.* Ita Scotus in 3. d. 14. q. 1. & in 4. d. 49. q. 11. Perez in trac. de visionis n. 66.

Probatur 1. Posset Deus eleuare intellectum creatum alio modo, etiam circumscripto lumine, videlicet alia forma supernaturali, vel concursu aliquo speciali, immediate supplente defectum virtutis, seu sufficientiæ ipsius intellectus, vel alio modo nobis incognito. Cum enim Deus non sit restrictus, & determinatus ad hunc modum operandi, & possit pro arbitratu, adhibere hoc, vel illud medium, ad consecutionem talis finis, posset per aliud medium dare sufficientiam intellectui ad se videndum. Ergo cum non habeamus ex fide necessitatem luminis, ut est formaliter lumen, sed solum necessitatem alicuius principij supernaturalis, lumen ut lumen, non est simpliciter necessarium.

2. Lumen gloriæ, ut formaliter tale, requiritur ad visionem cumulatiue; id est ut connaturaliter fiat visio ab intellectu, & non priuatiue, id est ita ut sine illo fieri non possit. Sicut enim unio hypostatica facit, ut humanitati debeaturnaturaliter visio Dei, ita hoc idem facit lumen gloriæ; quod est veluti supplementum unionis hypostaticæ. Sicut ergo potest Deus supplere in nobis defectum unionis hypostaticæ  
per

per lumen gloriæ, ita posset supplere defectum ipsius luminis, vel per aliud auxiliū supernaturale, vel per immediatum concursum ad visionem, vt infra videbimus.

Ad 1. dico, per talem Clementinam, & quamcūque aliam definitionem Ecclesiæ, solum decerni, non posse visionem fieri per solas vires naturæ, sed necessariò debere ad illam concurrere aliquod auxiliū supernaturale, quod intelligitur nomine luminis gloriæ, per cuius essentialē dependentiam fiat visio intrinsecè supernaturalis. Ergo lumen vt lumen non est simpliciter necessarium. Consequentia est euidens, eò quia per essentialē dependentiam ab alio quocumque principio supernaturali, adhuc visio esset supra vires naturæ, & intrinsecè supernaturalis. Probatur antecedens, quia finis Pontificis non fuit aliud, quàm definire contra Begardos, & Beguinas, Deum non esse naturaliter visibilem. Ergo non definiuit, esse necessarium lumen, vt est formaliter lumen, sed solum vt principium actiuum supernaturale, quod etiam sine lumine inueniri posset, vt melius infra patebit.

Ad 2. Nego antecedens, quia intellectus requiritur priuatiuè, vt potentia prima naturalis intelligendi, dans actui visionis vitalitatem, & spiritualitatem ab intrinseco, quæ etiam reperiuntur in actu falso. At lumen gloriæ requiritur solum cumulatiuè, ad hoc vt intellectus connaturaliter videat, & cum tanta intensiōe, non autem  
ad

ad hoc vt simpliciter videat Deum. Præterquamquod etiam si concedatur assumptum, non tamen est vera consequentia. Et ratio est, quia potest Deus de absoluta potentia, etiam supplere defectum intellectus vt agentis, ponendo se solo visionem in intellectu Beati, absque eius actiuo influxu, vt infra patebit. Ergo ad visionem non est simpliciter necessarium lumen.

Ad 3. Nego consequentiam, quia Deus potest dare sufficientiam intellectui, illi que sibi proportionare, alio modo sibi volenti possibili. Ergo potest supplere defectum luminis gloriæ, vt dictum est.

Ad 4. distinguo consequens, lumen vt lumen dat simpliciter posse, nego: vt principium supernaturale, concedo consequentiam. Sicut enim licet medium vt mediū det simpliciter posse ad consecutionem finis, non sequitur, hoc medium, vt hoc esse ad illum simpliciter necessarium, ita licet principium supernaturale sit necessarium ad visionem, non sequitur, lumen vt est hoc principium, esse necessarium determinatè, sed solum disiunctiue, hoc est, vel illud, vel aliud.

## ARTICVLVS. II.

*An lumen gloriæ sit necessarium vt virtus formalis?*

**V**Idetur non esse, vt propugnat Ioannes maior in 4. d. 49. q. 4. Primò quia ex vna parte intellectus de se habet  
vir-

virtutem sufficientem ad omne intelligibile, quod est eius obiectum adæquatum, & ex alia Deus est lucidissimus; vt docet hic diuus Thomas ar. 5. Ergo ad hoc vt videatur ab illo, nihil requiritur aliud, nisi quod illi applicetur. Hæc autem applicatio non est necessaria ex parte diuinæ essentia, quæ de se est illi intimè præsens. Ergo requiritur solum ex parte ipsius intellectus. Cum ergo communiter ad hoc ponatur lumen gloriæ, hoc non est virtus, sed dispositio, seu applicatio virtutis naturalis, ad Deum tamquam obiectum.

2. Si lumen esset virtus intellectus, hic non concurreret vitaliter ad visionem Dei, eo quia concurreret per virtutem non suam, sed extraneam, & extrinsecus illi aduenientem, eo modo, quo aqua calida concurrit ad calorem. Consequens est absurdum, aliter se haberet ad visionem merè passive. Ergo falsum est antecedens.

*Conclusio, Lumen gloriæ, vt datur de facto, non est necessarium vt meta applicatio, seu dispositio intellectus ad visionem, sed vt eius virtus formalis.*

Probatur 1. Si lumē solum requireretur vt applicatio, seu dispositio, intellectus creatus haberet ex se virtutem naturalem sufficientem, & adæquatam ad videndum Deum. Consequens est falsum, aliòquin visio non esset intrinsecè supernaturalis, sed solum ad summum quoad modum, eo modo quo visio coloris facta à Lazzaro rediuuo, esset quoad substantiam naturalis,

lis, & solum supernaturalis quoad modum. Ergo, & antecedens. Maior patet inductione, siquidem omne agens, cui nihil deest, nisi dispositio ad agendum, habet virtutem sufficientem, & adæquatam, ut patet in igne, in ordine ad calefactionem, in aqua in ordine ad frigesfactionem, &c. Minor probatur, calefactio proueniens ab igne Romano e.g. miraculose per replicationem applicato subiecto Neapolitano, esset solum supernaturalis quoad modum, eò quia proueniret à principio calefactiuo adæquatè naturali, solum supernaturaliter replicato, vel transportato ex vno ad aliū locum. Ergo etiam visio proueniens à virtute intellectiua adæquatè naturali, & ex se sufficienti, esset solum supernaturalis quoad modum, quod pugnat cum Clementina allata, & cum vnanimi theologorum effato.

2. Intellectus est potentia naturalis, ex se determinata ad omne intelligibile. Ergo non potest non ferri ad totum id, quod sibi proponitur cognoscendum. Cum ergo Deus ex se ratione intimæ præsentia, quam habet cum omnibus creaturis, sit sufficientissime applicatus, eiusque diuina essentia possit esse species sui (ut dictum est disp. 9. ar. 2.) necessario deberet ab illo cognosci, quantum cognoscibilis est, atque adeo nullo modo esset necessarium lumen gloriæ, etiam ut pñcipium supernaturale, quod repugnat dictis in 1. ar. Instantum ergo non necessario cognoscit Deum

Deum intuitiue, indigetque principio supernaturali coadiuuante, in quantum ex se non habet virtutem sufficientem, & adequatam; & per consequens indiget lumine, non vt applicetur, & disponatur, sed vt compleatur, in ratione principij actiui, acquiratque sufficientiam virtutis ad operandum. Ergo lumen gloriæ est illi necessarium vt virtus formalis.

Vnde patet responsio ad 1. Quauis enim intellectus habeat de se aliquam potetiam ad omne intelligibile, ratione cuius respiciat vt obiectum metaphysicè adæquatum intelligibile vt sic, quia tamen non habet virtutem sufficientem respectu Dei, sed solum complebilem per aliam virtutem gratiosè conferibilem ab ipso Deo, ideo intelligibile vt sic quatenus comprehendit etiam Deum, non est obiectum illi physicè adæquatum, vt dictum est disp. 2. ar. 2. adeoque non indiget applicatione, sed sufficientia, quam hoc lumen dare non posset, nisi esset formaliter virtus.

Ad 2. Nego maiorem, quæ solum valet contra Thomistas, asserentes hoc lumen esse totam virtutem, non autem contra nos, qui dicimus, intellectum concurrere per propriam virtutem naturalem, supernaturaliter confortatam per lumen gloriæ. Ad paritatem aquæ dico primo, aquam calidam etiam actiue concurrere ad calorem, licet per accidens, eo modo, quo calor in antiparistasi per accidens concurrit ad frigus. Ergo ex hoc capite non tolleretur

actiuitas intellectus in visionem, licet concederetur, per accidens ad illam concurrere, per virtutem extraneam luminis gloriæ. Deinde nego parritatem; siquidem calor non est pura virtus ignis, sed est etiam causa per se caloris, & ideo potest in subiecto extraneo, nempe aqua concurrere per se ad calefactionem. Lumen autem quia est pura virtus, non potest se solo in intellectu, tamquam in subiecto extraneo, producere visionem, sed debet concurrere cum ipso intellectu, ita vt ipsum concurrat *ut quo*, & intellectus *ut quod*. Ergo tantum abest quod tollat, seu impediat eius virtutem naturalem, vt illam potius excitet, & perficiat ad operandum. Verum de hoc fusius infra. An autem intellectus posset mere passiuè concurrere ad visionem, videbitur infra.

## ARTICVLVS. II.

*An lumen gloriæ sit necessarium per modum qualitatis intrinsecè inherētis?*

**V**idetur esse, vt propugnant Ferrariensis 3. con. Gen. c. 54. Caiet. in 1. p. q. 12. ar. 5. vbi conatur trahere in suam opinionem diuum Thomam, Valentia disp. 1. q. 12. puncto 3. & plures alij Recentiores. Eorum fundamenta reducuntur ad hæc.

Q

1. Ex



1. Ex Clementina toties citata definitur clarè, necessitas luminis, quo intellectus disponatur ad formam intelligibilem diuinæ essentiæ. Sed omnis dispositio redu-  
citur ad aliquam speciem qualitatis, vt patet inductione. Ergo lumen requiritur vt qualitas.

2. Est certum ex fide, à Beatis verè videri Deum. Non viderent autem Deum, nisi eorum intellectus in actu primo confortaretur per habitum luminis gloriæ. Ergo (vt infert. Valen. loco cit.) non potest absque temeritate negari, Beatos indigere lumine gloriæ, vt habitu, seu qualitate ad visionem Dei. Probatur minor, quia (vt asserit diuus Tho. 2. 2. q. 23. ar. 2.) Deus nō solet secundum legem ordinariam, concurrere cum potentijs, ad actus excedentes earum naturalem virtutem, qualis est visio, nisi illas confortando, & perficiendo per aliquas formas habituales. Ergo lumen est necessarium vt qualitas, seu habitus.

Conclusio, *lumen gloriæ non requiritur necessario, vt qualitas intrinsecè inherens potentiæ visuæ.* Ita Scotus in 4. d. 49. q. 4. Domin. Bannes 1. p. q. 12. ar. 5. Du-  
rand. in 4. d. 49. q. 2. Molina, Aru-  
bal, & Recentiores communiter cum  
illis sentientes.

Probatur 1. Non habemus aliud a  
scripturis, nisi requiri aliquod lumen  
ad Deum videndum. Cum ergo nomine  
luminis possit intelligi quodcumque au-  
xilium actuale supernaturale, non sequi-  
tur

tur, esse necessarium lumen, vt qualitatem habituales, licet de facto sit talis.

2. Posset Deus per specialem quamdam assistentiam, & auxilium extrinsecum, præstabile per concursum simultaneum actualem ordinis supernaturalis, reddere potentiam intellectiuam creatam sufficentem, ad se videndum. Ergo non est simpliciter necessaria impressio luminis, per modum virtutis, seu qualitatis intrinsecè inhærentis. Consequentia est euidens. Antecedens probatur cum Vasq. disp. 46. c. 2. Molina in 1. p. q. 12. disp. 1. Arubal, & alijs, quia hic modus concurrendi ex vna parte saluaret dependentiam necessariam visionis, ab aliquo principio supernaturali, & ex alia nullam traheret implicantiā, siue ex parte intellectus, qui sufficienter aptaretur ad visionem, siue ex parte Dei, qui sufficienter illi proportionaretur, in ratione potentia, & obiecti. Ergo est absolutè possibilis.

3. Posset Deus infundere supernaturaliter actum visionis potentia intellectiua creatæ, per immediatum influxum. In tali casu absque vilo lumine inhærentie. Beatus videret Deum. Ergo lumen inhærens non est simpliciter necessarium. Maior infra probabitur. Minor probatur, quia in tali hypothesis Deus suppleret concursum actiuum intellectus. Ergo sicut hic videret Deum per proprium actum a se elicitum, ita videret per receptum à Deo.

Ad 1. nego maiorem. Cum enim in tali Clementina non statuatur modus, quo lumē sit necessariū, sed solū, illud esse necessariū quoad substantiā, nō infertur ex illa, lumē esse necessariū per modū dispositionis, seu qualitatis inhærentis. Atque adeo cum aliunde non constet de tali necessitate, solū adstruitur ad tuendum positum.

Ad 2. Nego minorem. Rationem negādi desumo ex ipsius minoris probatione, quam prosequitur Valentia ex diuo Thoma. Siquidem si Deus, tantum secundum legem ordinariam, concurrit cum potentijs naturalibus, illas cōfortādo per hābitus, & qualitates supernatutales. Ergo potest aliud facere, siue aliter concurrere per potentiam absolutam, extraordinariam, de qua hic est sermo.

#### A R T I C V L V S. IV.

*Soluuntur argumenta Thomistarum.*

**O**bjicies primò, quod est de se insufficiens ad aliquid, non potest fieri sufficiens, nisi per aliquam formam in se receptam, cum idem manens idem semper faciat idem. Sed intellectus creatus est de se insufficiens ad visionem. Ergo non potest fieri sufficiens, nisi per receptionem luminis gloriæ.

• Nego maiorem, nam puer est insufficiens ad eleuationem ponderis, & absque sui mutatione fit sufficiens per coniunctionē extrinsecam virium gigantis. Quod idē valet de equis trahentibus currum, alijs-  
qule

que id genus causis partialibus.

Dices cum Gonèt disp. 3. ar. 3. §. 2. Ideo puer potest acquirere sufficientiam, absque forma noua inhærente, ad eleuationem ponderis, quia eius insufficiencia prouenit ex excessu intensiuo eleuationis, qui per multiplicationem virium eiusdem speciei tolli potest. Insufficiencia verò intellectus ad visionem non prouenit ab excessu intensiuo visionis, sed ex diuersitate quasi extensiuâ, quòd intellectus sit ordinis inferioris. Ergo non currit paritas.

¶ primò, diuersitatem ordinis etiam reperiri inter potentiam naturalem, & lumē gloriæ, quod est ordinis supernaturalis, & tamen non requiri in ipsa potentia aliquā formam intrinsecam, per quam ad illud disponatur, & coaptetur. Ergo sicut potest per immediatum cōcursum Dei proportionari ad lumē, ita potest ad visicnē. Neque obstat, quod ad lumen se habeat merè passiuè, nā posset etiā recipere à Deo imediatè ipsum actum visionis, absque vllō eius actiuo influxu, vt videbimus. Ergo esset par ratio in tali casu. Deinde forma ordinis superioris eamdem habet improprietatem cum subiecto ordinis inferioris, quā habet cum principio productiuo. Ergo si potest per concursum Dei immediatum, tolli improprietas, in ordine ad eius receptionem, potest etiam tolli, in ordine ad eius productionem. Quod si recurras ad potentiam obedientialem passiuā, goe recurrā ad potentiam obedientia-

lem actiuam. Ergo semper militat eadem ratio. Præterquamquod sicut lumen tollit insufficientiam potentiæ in actu primo, per augmentum virtutis, ita potest concursus simultaneus Dei tollere insufficientiâ potentiæ in actu secundo, per augmentum virium, eo modo quo verba Sacerdotis ex se insufficientia, ad transubstantiandû panem in corpus Christi, fiunt sufficientia per concursum simultaneum cooperantis Dei, & vires pueri fiunt sufficientes ad eleuandum pondus, per virium additamentum.

Ob. 2. Nulla causa potest agere, nisi prius natura habeat virtutem ad agendum, eò quia omnis actus secundus præsupponat primum. Ergo non potest Deus facere, quòd intellectus eliciat visionem sui, nisi prius det illi virtutem supernaturalem ad videndum.

Distinguo antecedens, nisi prius habeat virtutem completam, & sufficientem, nego: incompletam, concedo. Et nego consequentiam. Et hæc responsio valet etiam pro probatione antecedentis, cum sufficiat ab actu secundo præsupponi primum, complebilem in ipso actu secundo, per concursum simultaneum, vt patet in omnibus agentibus naturalibus, quæ cum indigeant concursu causæ primæ ad operandum, non habent ex se in actu primo virtutem completam, sed completur in actu secundo, per actualem concursum simultaneum causæ primæ.

Neque

Neque obstat, quod habeant virtutem completam in suo ordine; nam in primis hæc non est simpliciter completa. Et deinde etiam intellectus habet virtutem obedientialem actiuam completam in suo ordine, quæ deinde completur in actu secundo per diuinum concursum.

Dices, omnis causa debet in se præcontinere effectum. Ergo debet habere virtutem adæquatam. R. hoc esse verum de causis adæquatis, non autem de inadæquatis, cuiusmodi est intellectus respectu visionis beatificæ, & Sol respectu hominis, quem producit.

Instabis, actus primus non potest constitui per secundum. Ergo neque per illum compleri, in ratione sufficientis.

Nego antecedens; cum sæpe actus primus non distinguatur à secundo, vt alibi sæpe probauimus.

Ob. 3. Nulla causa ex impotente ad aliquid, potest fieri intrinsecè potens, nisi mutetur intrinsecè. Sed intellectus est de se impotēs ad visionem Dei. Ergo non potest fieri potens, nisi mutetur intrinsecè. Non potest autem mutari, nisi per formam aliquam intrinsecam. Ergo, &c.

R. argumentum concludere aduersus eos, qui dicunt, intellectum non posse elicere visionem, nisi fiat intrinsecè potēs. Et ratio est, quia sufficientia intrinseca debet haberi à forma intrinseca. Nos autem, quia asserimus, posse fieri potentem per sufficientiam, etiam extrinsecam, saltem

inadæquatè, sumus extra telum arguentis.

4. Lumen gloriæ est virtus vitalis supernaturalis, cum etiam in ordine supernaturali reperiatur sua vitalitas, vt ait Apostolus ad Rom. 6. *gratia Dei vita æterna*. Deus autem supplere non potest defectum principij vitalis, quod necessàriò debet esse, intrinsecum operanti. Ergo Deus non potest supplere defectum luminis, vitaliter, adeoque intrinsecè concurrentis ad visionem.

In primis nego maiorem. Vnde enim habet lumen vt sit vitale? Vel ex eo quòd fit intrinsecum; vel ex eo quòd afficiat principium vitale; vel ex eo quòd fit supernaturale? Non potest dici primum, quia cum statutum fuerit, nomine luminis intelligi quodcumque auxilium supernaturale, etiam extrinsecum, non dicit de necessitate quòd fit intrinsecum. Præterquàm quòd etiam habitus tam naturales, quàm supernaturales, & species intentionales sunt intrinsecæ, & tamen non sunt principia vitalia actuum, ad quos concurrunt, vt probauimus in 1. de an. disp. 1. ar. 2. Neque potest dici secundum, quia etiam albedo, & alia accidentia tam realia, quàm modalia afficiunt intrinsecè principia vitalia, & tamen ipsa non sunt vitalia. Neque tertium, aliter omnia supernaturalia essent vitalia, quòd nemo vnquam somniauit. Ergo ex nullo capite lumē gloriæ ex se est principium vitale. Deinde, esto sit vitale, cur Deus non potest supplere eius defectum?

Vti.

Vtiq; potest Deus se solo facere visionem, supplendo defectum concursus ipsius oculi, vt videbimus infra. Ergo neque ex hoc apparet necessitas metaphysica luminis per modum qualitatis. Ad authoritatem Apostoli dico, gratiā Dei dici vitam æternam, non quia illa fit formaliter viuens, seu principium formale vitæ eternæ, sed quia est principium virtuale illius, quatenus confert operationibus gratiam habentis dignitatem, & ius ad vitam æternam. Ergo hinc non probatur vitalitas luminis.

## ARTICVLVS. V.

*An possit Deus supplere defectum luminis, infundendo intellectui Beati, actum visionis beatificæ, absque concursu actiuo ipsius Beati?*

**V**idetur non posse, vt acerrimè propugnat Gonèt disp. 3. ar. 5. tamquam certum, non solum apud Thomistas, sed etiam apud omnes alios, contra Nominales.

1. Quia visio est actus vitalis. Ergo debet actiue procedere ab intellectu. Sin autem infunderetur à Deo, intellectus ad illam se haberet merè passiuè. Ergo illam non eliceret vitaliter, quod repugnat.

2. Definitum est in Tridentino sess. 6. can. 4. liberum arbitrium non se habere merè passiuè, in ordine ad actus, quibus ad iustificationem disponitur. Non nisi quia hi sunt actus vitales, & vt tales debent a-

Q 5 actiue



ctiue procedere ab intellectu, vel alia potentia intrinseca. Ergo cum visio sit actus vitalis, debet actiue procedere à vidente.

Confirmatur, si Beatus nihil ageret, videndo Deum, frustra daretur eis lumen gloriae, & frustra diuina essentia eorum mētibus vniretur, per modum speciei impressæ. Hoc autem non est dicendum. Ergo Beatus non potest videre Deum, per visionem infusa.

3. Si Deus poneret visionem in lapide, non proinde lapis per illam videret. Non nisi quia illam non eliceret, neque vitaliter reciperet. Ergo cum in tali casu neque intellectus eliceret uisionem, neque illam vitaliter reciperet, non videret.

4. Suarius disp. 30. met. sect. 11. n. 40. ait, *dicere quòd Deus sua sola efficacitate in intellectu creato efficiat visionem sui, continet duos errores, vnum in philosophia, scilicet quòd aliquis videat nihil agens, sed tantum recipiens; & alterum in theologia, scilicet quòd intellectus creatus, ex sola sua natura sit sufficienter aptus, & dispositus ad illam visionem.* Hic additur tertius error philosophicus, quòd uidelicet visio sit vitalis, & non elicta à vidente, & ideo subdit n. 46. *actiuitas intellectus ad visionem Dei est omninò necessaria, ut actus sit vitalis.* Ergo hæc doctrina continet tria absurda.

5. Ita argumentatur Caietanus super ar. 5. q. 12. 1. p. Deus producit actum meritorium cum uoluntate Petri, quem se solo prestare non potest. Ergo neque potest

se solo facere actum uisionis , quem facit cum Petro .

6. Ille dicitur uidens, qui elicit uisionē. Sed in tali casu solus Deus eliceret uisionem in Petro. Ergo per illam Petrus Deū non videret, sed potius Deus per Petrum se videret, quod esset absurdum.

Conclusio, *probabile est, posse Deum se solo infundere uisionem, seu actum videndi alicui creato intellectui, absque ullo lumine gloriæ, & concursu actiuo ipsius intellectus, qui tamen per illum videat Deum.* Ita Ægid. Rom. in 2. par. 2. d. 23. q. 2. ar. 1. post mediū. Lusit. lib. 10. de beat. q. 1. ar. 4. Vega lib. 6. in Tridentin. c. 8. Gregorius de Valentia, disp. 1. q. 12. puncto 3. sub med. Okam in 1. d. 1. q. 2. Marfil. in 3. q. 10. ar. 2. Gabriel in 3. d. 14. q. unica ar. 1. Scotus in 4. d. 49. q. 11. ubi licet videatur esse dubius, tamen putat opinionem probabilem, cum multis alijs Recentioribus, præsertim ex Nominalibus.

Probatur 1. Posset Deus se solo præstare concursum sufficientem ad calorem in ligno e. g. absque ullo alio principio actiuo concurrente ; sicut enim potuit ab initio creare ignem, lumen, & omnia alia ex nihilo, ita posset nunc calorem de nouo facere, absque concursu ullius causæ secundæ, supplendo defectum cuiuscunque alterius causæ ad illum præordinatæ . Ergo etiam posset se solo concurrere concursu sufficienti ad uisionem in Petro , qua videtur ab illo, absque eius actiuo concursu.

fit. Consequentia patet ex paritate rationis. Quamvis enim visio soleat vitaliter fieri à vidente, & non calor ab igne, tamen in ratione effectus non differt à calore? Probatur antecedens, nam Deus potest se solo facere quidquid facit cum creatura, dummodo non adsit peculiaris repugnantia. Cum ergo in hoc nulla imaginabilis repugnantia reperiatur, ut patebit obiectio- num solutione, utique potest à Deo fieri.

Dices, si solus Deus efficeret visionem in Petro, non faceret eius intellectum, proportionatum in actu primo ad visionem. Ergo hæc non esset illi proportionata, ad quam solum concurreret per potentiam obedientialem passivam; & per consequens Petrus per illam non videret Deum.

Nego consequentiam, quia proportio- naret intellectum in actu secundo, quod sufficeret ad hoc ut actus esset illi con- naturalis, supposita elevatione, quæ fieret ex- exercitè per ipsam visionem. Ergo licet Pe- trus ad illam concurreret per potentiam obedientialem passivam, adhuc posset per illam Deum videre.

Probatur 2. Posset Deus, posito lumine gloriæ in intellectu Petri, impedire eius influxum ad visionem, & præstare se solo illum eundem influxum, quem præstaret lumen. Ergo posset etiam illum præstare, non posito lumine, cum eius præsentia di- uinitus impedita, nihil conferat ad actum visionis. Sed hoc idem posset in ordine ad influxum ipsius Petri. Ergo posset Deus se solo

solo ponere illum actum , quem poneret cum Petro, & lumine gloriæ. Atque adeo sicut Petrus per illum videret Deum, si ad illum cum lumine concurreret, ita videret si non concurreret actiue, posito supplemento nobiliori diuini concursus.

3. Si Deus daret cæco nato , siue talpæ potentiam visuam , vtique hæc esset talis hominis potentia , vel talis talpæ, quamuis illam reciperent extrinsecus, & miraculosè. Ergo etiam si Petrus extrinsecus, & miraculosè reciperet à Deo actum visionis , hic esset suus actus visionis , per quem æquè benè videret, atque videret per actum à se elicitum. Probatur antecedens, quia potentia visiva taliter collata perficeret intrinsecè tale subiectum , quod redderet proximè potens videre. Ergo hæc potentia esset sua potentia , cum ratio miraculi respiceret solum modum collationis, & non terminum collatum. Probatur consequentia, non minùs est indebita potentia visiva cæco nato, & talpæ , quàm actus visionis Dei potentiæ naturali . Ergo sicut per fauorem potest illam primis communicare absque eorum concursu , ita potest huic actum communicare, absque eius influxu. Atque adeo sicut per illam possent primi cliccere visionem, ita posset hæc potentia, per actum visionis infusum attingere Deum .

4. Potest Deus alicui infundere illam scientiam, tam actualement quam habitualẽ, quam acquirere posset suis viribus, vt de facto

facto legimus infudisse Salomoni, & multis Sanctis. Sed scientia actualis est cognitio evidens, & habitualis est habitus, ut dictum est in logicis. Ergo potest Deus infundere cognitionem, & habitum cognoscitium, seu scientificum. Cum ergo visio Dei sit cognitio intuitiva, potest etiam à Deo infundi. Minor, & consequentia sunt evidentes. Maior probatur à Suar. disp. 30. met. sect. 11. n. 24. quia Deus infinita sua efficacia potest præuenire quascunque causas creatas. Ergo cum intellectus supernaturaliter confortatus sit propria causa visionis beatificæ, potest à Deo præueniri, faciendo ex se quod ille faceret.

Neque obstat, quod idem Suar. ibid. n. 40. acerrimè inuehatur contra Durandum asserentem, posse fieri visionem Dei, absque lumine gloriæ; siquidem non impugnat nostram opinionem, quam ut probabilem asseruerat, sed aliam longè diuersam, videlicet posse nostrum intellectum solis suis viribus, & naturali actiuitate videre Deum, in ea hypothese, in qua supernaturaliter Diuina essentia repræsentetur immediatè ipsi intellectui, ablato impedimento dependentiæ, quam modò habet, à sensatis, & phantasmatibus materialibus, sicut propugnat Durandus in 4. d. 49. q. 2. n. 24. Quam opinionem, seu potius errorem fusè reiecit disp. 2. ar. 2. Nos enim nō asserimus, posse intellectum creatum videre Deum sua naturali actiuitate, erumpente in actum secundum visionis; absque coopera-

peratione, seu eleuatione per lumē gloriæ, sed posse Deum videre per actum visionis sibi supernaturaliter infusum immediatè à Deo, sine concursu ipsius, & luminis gloriæ.

## ARTICVLVS. VI.

*Soluuntur obiecta.*

**A**D I. Distinguo primum consequens, ad hoc vt visio sit vitalis, debet actiue procedere ab intellectu, si non supponatur suppleri eius concursum actiuum à prima causa, concedo: si supponatur suppleri, nego consequentiam. Et ratio est, quia, cum Deus suppleret eius concursum, eodem modo ad illam concurreret, atque, concurreret ipse intellectus. Sicut ergo illo concurrente, esset illi vitalis hæc visio, ita supplete Deo eius concursum, esset illi vitalis, dummodo cætera adsint, quod videlicet esset in ipso intellectu, tamquam in subiecto, sicut esset, si ab illo fieret, & supponatur in illo potentia obedientialis actiua, per quam posset inadæquatè ad illam concurrere. Aliter concursus adæquatus primæ causæ non esset in supplementum secundæ. Vnde sequitur, quod si Deus faceret se solo illam visionem, quam posset facere cum Petro, & poneret extra intellectum ipsius Petri, non proinde Petrus per illā videret, non ex defectu elicitionis seu concursus actiui, qui supponeretur ablati per supplementum Dei, sed ex defectu

Et causa formalis vitalitatis, quæ habetur formaliter per actualem receptionem in ipso intellectu, quæ suppleri non potest, ut alibi sæpè probauimus. Quod autem defectus concursus actiui intellectus, non tolleretur vitalitatem uisionis, probatur ulterius primò paritate uisionis corporeæ, quæ si fieret adæquatè à Deo, nullatenus concurrente potentia uisua, in qua fieret, adhuc per illam hæc uitaliter uideret. Deinde si Deus suppleret concursum actiuum potentie nutritiue in homine, retento concursu in genere causæ materialis, & formalis, adhuc homo vitaliter nutriretur, nõ quidem vitalitate sibi simpliciter possibili, & connaturali, sed solum connaturali secundum quid, & ex suppositione quòd Deus nolit ad illam concurrere cum potentia nutritiua. Idem afferendum est de vitalitate uisionis Dei, de qua loquimur, quæ sicut si fieret concurrente intellectu, ita esset uitalis, ut esset simul supernaturalis, ita esset in tali casu, cum uitalitas non pugnet cum supernaturalitate actus.

Ad doctrinam citatam ex 2. de anima. Dico illam habere locum de facto, non præstante Deo, nisi concursum generalem cum obiecto visibili à se distincto, non autem de possibili, cum Deus concurreret ut principium uniuersale, & particulare, & per modum obiecti, ad uisionem sui, supplendo concursum ipsius intellectus.

Dices, ad rationem uitæ requiritur, quòd sit principium intrinsecum operationum

immanentium, ut dictum est in 1. de an. disp. 1. ar. 2. Sed hæc visio non esset ab intrinseco, quia esset ab alio. Ergo neq; esset immanens, neque vitalis.

Nego minorem, quia licet hic actus esset à Deo, quia tamen Deus est magis intimus intellectui, quam sit intellectus sibi, & est prima origo, & author totius vitæ, ideo esset quidem ab alio, non tamen à principio extrinseco, sed intrinseco. Quomodo autem esset immanens, dum non procederet à principio recipiente, videbitur infra.

Instabis, ergo etiam habitus supernaturales, & species angelicæ sunt vitaliter in recipiente, quia infunduntur à Deo, qui est illi intrinsecus.

Nego consequentiam. Disparitas est, quia licet infundantur à Deo, tamquam à principio intrinseco, non tamen Deus illas infundit per modum supplementi, accommodando suum concursum illi concursui, quem posset ad illos præstare subiectum recipiens, sed ut agens purè liberum, aliam non respiciens mensuram in operando, quam propriam, & arbitriam voluntatem. In casu autem nostro supponimus, Deum supplere concursum potentie naturalis, adeoque respicere pro mensura practica operandi illum concursum, quem præstaret intellectus ad actum visionis, si ad illam concurreret per potentiam obedientialem actiuam, proximè completam per lumen gloriæ, vel aliud principium  
su-



supernaturale illam coadiuvans. Ergo in primo casu Deus est quidem principium intrinsecum habituum supernaturalium, & specierum infusarum, non tamen est principium immanens, & ideo non operatur vitaliter. . At in secundo, esset etiam principium immanens visionis, non tamen formaliter, eò quia illam in se non reciperet, sed eminenter, & virtualiter, quatenus produceret visionem in tali potentia (cuius actiuitatem impediret) eo modo, quo ab illa produceretur, si esset expedita, eius vicem gerendo. Sicut ergo si diuina essentia per se ipsam immediatè præstaret, & concursum obiectiuum, supplendo vicem speciei, faceret ut potentia conaturaliter videret; ita si per se ipsam præstaret adequatè concursum in genere efficiētis, supplendo vicem concursus ipsius potentia, faceret, ut potentia vitaliter videret, quatenus esset illi principium intrinsecum virtualiter immanens visionis. .

Ad 2. dico Concilium loqui de eo, quod accidit de facto, secundum legem ordinariam; secundum quam etiam visio actiue procedit ab intellectu, confortato lumine gloriæ, non autem de eo, quod possit absolute contingere, secundum legem extraordinariam, & arbitrariam Dei, secundum quam sicut dicimus, posse infundi actum visionis, ita possent infundi omnes actus disponentes ad iustificationem. Unde posset argumentum retorqueri.

Unde patet responsio ad confirmationem.

nem. Siquidem in ea hypothefi, in qua visio infunderetur, non daretur lumen gloriæ, quod cum fit solum neceffarium, vt potentia naturalis fiat potens elicere actum supernaturalem, non effet vtile, quando potentia non deberet operari, fed solum pati. De vnione diuinæ effentię cum intellectu est alia ratio, quia cum effentia Dei deberet ad visionem concurrere, nō solum per modum obiekti, fed etiam per modum principij actiui, tam vniuerfalis, quàm particularis intrinseci ipsi intellectui, multo magis deberet cum illo intentionaliter vniri, per modum speciei. Ergo tantum abest, quod hoc non effet neceffarium, vt hinc fieret magis neceffarium.

Ad 3. Nego minorem. Et dico, lapidem per talem visionem non visurum, non per hoc præcisè, quod illam non eliceret, fed quia neque posset vllatenus elicere, ex defectu cuiuscunque potentiaē visuæ, etiam radicalis, & obedientialis actiue; adeoque visio effet illi omninò indebita, & improporcionata, immò repugnans. Intellectus autem, quānuis illam de facto non eliceret, tamen posset elicere, saltem radicaliter, & obedientialiter, per modum principij inadæquati; atq; adeo licet illi effet indebita, nō tamē effet omninò improporcionata, quia posset simpliciter illā elicere in specie, faciēdo scilicet aliā illi omninò simillimā secūdū speciē. Si .n. Deus loco faciēdi se ipso visionem, illam faceret cum intellectu, vtique ex attempatione vtriusque

que concursus, posset resultare visio simillima illi, quàm Deus solus faceret in intellectu. Ergo nulla est paritas.

Dices, aqua nullam habet virtutem ad calorem, & tamen potest fieri per accidens illius productiua, vt accidit dum feruescit, per caloris receptionem. Ergo etiam lapis, licet nullam habeat virtutem ad visionem, potest tamen per eius receptionem, fieri per accidens visiuus. Ergo etiam ipse habet potentiam aliquam ad videndum.

Nego consequentiam. Disparitas est, quia aqua ex se habet naturalem potentiam ad calorem secundum genus, quia potest producere frigus, quod est sub eodem genere proximo qualitatis. Lapis autem nihil potest producere, quod sit sub eodem genere proximo cum visione. Ergo neque habet potentiam remotam obedientialem actiuam, sicut habet aqua ad calorem, quem videmus per antiparitasim ab illa produci.

Instabis, Aqua nihil virium confert ad productionem caloris. Ergo vel ad illum non concurrat actiue, sed solum passiuè, sustentando calorem operatiuum; vel si dicatur concurrere actiue per accidens, etiam lapis concurrat actiue ad videre, sustentando actum visionis.

In primis nego antecedens, propter traditam rationem. Et deinde nego consequentiam, propter allatam disparitatem.

Ad 4. dico, Suarium ibi loqui de facto, & non de possibili. Deinde retorqueo argumentum.

mentum, intellectus creatus, ex sola sua naturali conditione, est sufficienter aptus, & dispositus ad lumen gloriæ recipiendū; aliòquin si ad illud præquireretur alia dispositio supernaturalis, daretur processus in infinitum. Ergo etiam potest esse sufficienter dispositus, ad visionem recipiendā. Probatur consequentia, quia tam est supernaturale lumen gloriæ, quàm visio Dei. Immo visio potius videtur esse connaturalior, quàm lumen, eò quia visio infunderetur vt actus, & lumen vt virtus ad actum. 3. per ipsum Suarium, intellectus non concurrat ad visionem Dei, per virtutem naturalem, sed per virtutem obedientialem, quia tota actio, totusque effectus est supernaturalis. Virtus autem obedientialis in intellectu, cum sit identificata cum ipsa virtute naturali, & entitate physica intellectus, utique non est in intellectu vt forma aliqua entitatiuè supernaturalis. Ergo per hoc ipsum quòd intellectus concurrat ad visionem per talem virtutem, concurrat per virtutem entitatiuè naturalem, æque dispositam, & sufficientem ad recipiendū vel lumen, per quod supernaturaliter confortetur in actu primo, ad visionem Dei, vel actum ipsum visionis, per quem determinetur in actu secundo ad Deum videntum. Demum si quod est absurdum, quòd intellectus per sua naturalia eliciat actiuè visionem Dei, cessat in illius passiva receptione, quæ semper supponit miraculosam efficientiam talis visionis, quam solā  
ad-

adstruunt scripturæ, & Patres. Vnde corruit absurdum theologicum. Ad primum ex philosophicis dico, ideo de facto cense-  
 ri absurdum, quod intellectus videat ni-  
 hil agens, quia secundum legem ordina-  
 riam non fit in illo visio, nisi per eius con-  
 cursum simultaneum cum diuino concu-  
 su. Hoc tamen non facit, quod si Deus ve-  
 lit absolutè ipse solus efficere in intellectu  
 actum visionis, intellectus per illum non  
 videret. Præterquam quod non est ita cer-  
 tum quod assumit Suarez, nam Egidius  
 noster cum multis alijs, aperte concedit,  
 posse, immò de facto fieri visionem per  
 purum pati, nempe per puram receptionem  
 speciei in potentia visiva, vt probat q. 1. de  
 cognitionibus Angeli, & nos retulimus  
 in 2. de an. disp. 2. ar. 6. Ergo ex isto capite  
 opinio non est absurda, sed valde probabi-  
 lis. Ad aliud quod visio esset vitalis Petro,  
 à quo non eliceretur, patet responsio ex  
 responsione primi. Ergo hæc opinio nul-  
 lum continet absurdum.

Ad 5. Distinguo secundam partem an-  
 tecedentis, non potest Deus se solo facere  
 actum meritorium Petri, secundum eius  
 entitatem physicam, nego: secundum eius  
 moralitatem, concedo. Et distinguo con-  
 sequens, non potest Deus se solo facere se-  
 cundum entitatem physicam, quod facit  
 cum creatura, nego: secundum omnia pre-  
 dicata extrinseca, etiam moralia, concedo  
 consequentiam. In quo aduertendum est,  
 eandem entitatem physicam posse acqui-  
 rere

rerè diuersas denominationes formales . Nam e. g. eadem comestio potest fieri cū intentione praua, & erit peccaminosa, & cum intentione recta, & erit actus virtutis, & cum præcisione ab omni intentione, & erit actus indifferens. Quatenus ergo dicit moralitatem prauitatis, non potest à Deo fieri, potest tamen secundum physicam entitatem, vt formaliter præcisam ab omni moralitate.

Dices, ergo potest simpliciter facere meam comestionem sine me . Distinguo. consequens, potest illam facere in me sine me, hoc est absque meo actiuo concursu, & cum solo passiuo, concedo ; quis enim prohibet, quò minus Deus possit sola sua omnipotenti efficacitate, mouere omnia mea instrumenta destinata ad comestionē, vt attrahant alimentum, applicent ori, & dentibus, vt frangatur, & in ansu glutiat-ur? Potest illam facere extra me sine me, nego consequentiam . Cū enim mea comestio vt mea, dicat formaliter applicationem, & motum talium partium, sine illis, saltem passiuè concurrentibus, haberi non potest; quamuis non desint qui asserant, etiam illam fieri posse.

Ad 6. Nego maiorem . Quamuis enim de facto ita accidat, non tamen ratio formalis videndi est productio visionis, sed ipsa visionis receptio in potentia proportionata. Ergo cū Deus poneret visionem in potentia intellectiua, obedientialiter proportionata, eius vicem gerendo quoad acti-

actiuum concursum, non Deus per illam, quam in se non reciperet, sed Petrus recipiens videret Deum.

## ARTICVLVS. VII.

*An lumen gloriæ vt datur de facto, sit tota virtus, seu ratio videndi Deum?*

**T**Homistæ respondent communiter affirmatiuè. Eorum fundamenta reducuntur ad hæc, Primum quia supponunt vt impossibilem in intellectu potentiam obedientialem actiuam, per quam vlllo modo potentia naturalis extendatur ad visionem. Ergo necessario debet illam elicere per virtutem infusam adæquatè supernaturalem, cuiusmodi est lumen.

2. Totum negotium visionis beatificæ est intrinsecè, & per essentiã supernaturale. Ergo debet prouenire à principio actiuo adæquatè supernaturali. Cum ergo non possit esse supernaturale principium *quod*, debet saltem esse supernaturale totum principium *quo*; atque adeo quia non datur aliud principium supernaturale, *quo* in visione, nisi lumen gloriæ, hoc debet esse totum principium *quo*, seu virtus agendi.

3. Actus intrinsecè supernaturalis non potest commensurari virtuti naturali. Ergo soli supernaturali. Sed hoc non esset, si ad illum concurreret etiam virtus naturalis. Ergo ad illum hæc nullo modo concurrat.

Con-

Conclusio, *lumen gloriæ ut datur de facto, non est tota virtus, seu ratio agendi visionem beatificam.*

Probatur 1. auctoritate diui Thomæ dicentis 1. p. q. 12. ar. 5. *cum virtus naturalis intellectus creati non sufficiat ad Dei essentiam videndam, oportet quod ex diuina gratia supercreseat ei virtus intelligendi. Et hoc augmentum virtutis intellectiue illuminationem intellectus vocamus.* Ergo lumen gloriæ non ponit ex integro virtutem ad visionem, sed solum inadæquatè, augendo scilicet virtutem naturalem. Probatur consequentia, quia qui dat totum, non augeat quod erat. Et ideo dicitur supercrefcentia, & augmentum virtutis naturalis, quod esset omninò falsum, si reddita otiosa, vel ablata priori virtute, tota aliqua de nouo virtus communicaretur. In quo obseruandum est, Angelicum Doctorem modò comparasse lumen gloriæ cum virtute naturali, & modò cum eius potentia. In prima comparatione vocat lumen augmentum, ad tollendam insufficientiam virtutis naturalis, ut exprimat, illud non esse totam virtutem, sed solum additamētum prioris, & in secunda vocat illuminationem intellectus, ut exprimat, lumen gloriæ esse totam virtutem illuminatiuam. In quo facilè Thomistæ patiuntur æquiuocationem, nempe confundendo virtutem efficiendi visionem, & virtutem illuminandi intellectum. Neque. n. est absurdum, quod eadem forma sit adæqua-



fin. Consequentia patet ex paritate rationis. Quamvis enim visio soleat vitaliter fieri à vidente, & non calor ab igne, tamen in ratione effectus non differt à calore? Probatur antecedens, nam Deus potest se solo facere quidquid facit cum creatura, dummodo non adsit peculiaris repugnantia. Cum ergo in hoc nulla imaginabilis repugnantia reperiatur, ut patebit obiectionum solutione, utique potest à Deo fieri.

Dices, si solus Deus efficeret visionem in Petro, non faceret eius intellectum, proportionatum in actu primo ad visionem. Ergo hæc non esset illi proportionata, ad quam solum concurreret per potentiam obedientialem passivam; & per consequens Petrus per illam non videret Deum.

Nego consequentiam, quia proportionaret intellectum in actu secundo, quod sufficeret ad hoc ut actus esset illi connaturalis, supposita elevatione, quæ fieret exercitè per ipsam visionem. Ergo licet Petrus ad illam concurreret per potentiam obedientialem passivam, adhuc posset per illam Deum videre.

Probatur 2. Posset Deus, posito lumine gloriæ in intellectu Petri, impedire eius influxum ad visionem, & præstare se solo illum eundem influxum, quem præstaret lumen. Ergo posset etiam illum præstare, non posito lumine, cum eius præsentia divinitus impedita, nihil conferat ad actum visionis. Sed hoc idem posset in ordine ad influxum ipsius Petri. Ergo posset Deus se solo

solo ponere illum actum , quem poneret cum Petro, & lumine gloriæ. Atque adeo sicut Petrus per illum videret Deum, si ad illum cum lumine concurreret, ita videret si non concurreret actiue, posito supplemento nobiliori diuini concursus.

3. Si Deus daret cæco nato , siue talpæ potentiam visiuam , vtique hæc esset talis hominis potentia , vel talis talpæ, quamuis illam reciperent extrinsecus, & miraculosè. Ergo etiam si Petrus extrinsecus, & miraculosè reciperet à Deo actum visionis , hic esset suus actus visionis , per quem æquè benè videret, atque videret per actum à se elicited. Probatur antecedens, quia potentia visiva taliter collata perficeret intrinsecè tale subiectum , quod redderet proximè potens videre. Ergo hæc potentia esset sua potentia , cum ratio miraculi respiceret solum modum collationis, & non terminum collatum. Probatur consequentia, non minùs est indebita potentia visiva cæco nato, & talpæ , quàm actus visionis Dei potentiæ naturali . Ergo sicut per fauorem potest illam primis communicare absque eorum concursu , ita potest huic actum communicare, absque eius influxu. Atque adeo sicut per illam possent primi clicere visionem, ita posset hæc potentia per actum visionis infusum attingere Deum .

4. Potest Deus alicui infundere illam scientiam, tam actualem quàm habitualē, quam acquirere posset suis viribus, vt de facto

facto legimus infudisse Salomoni, & multis Sanctis. Sed scientia actualis est cognitio evidens, & habitualis est habitus, ut dictum est in logicis. Ergo potest Deus infundere cognitionem, & habitum cognoscituum, seu scientificum. Cum ergo visio Dei sit cognitio intuitiva, potest etiam à Deo infundi. Minor, & consequentia sunt evidentes. Maior probatur à Suar. disp. 30. met. sect. 11. n. 24. quia Deus infinita sua efficacitate potest præuenire quascumque causas creatas. Ergo cum intellectus supernaturaliter confortatus sit propria causa visionis beatificæ, potest à Deo præueniri, faciendo ex se quod ille faceret.

Neque obstat, quod idem Suar. ibid. n. 40. acerrimè inuehatur contra Durandum asserentem, posse fieri visionem Dei, absque lumine gloriæ; siquidem non impugnat nostram opinionem, quam ut probabilem asseruerat, sed aliam longè diuersam, videlicet posse nostrum intellectum solis suis viribus, & naturali actiuitate videre Deum, in ea hypothese, in qua supernaturaliter Diuina essentia repræsentetur immediate ipsi intellectui, ablato impedimento dependentiæ, quam modò habet, à sensatis, & phantasmatibus materialibus, sicut propugnat Durandus in 4. d. 49. q. 2. n. 24. Quam opinionem, seu potius errorem fuisse reieccimus disp. 2. ar. 2. Nos enim non asserimus, posse intellectum creatum videre Deum sua naturali actiuitate, erumpente in actum secundum visionis; absque coopera-

peratione, seu elevatione per lunc gloriæ, sed posse Deum videre per actum visionis sibi supernaturaliter infusum immediate à Deo, sine concursu ipsius, & luminis gloriæ.

## ARTICVLVS. VI.

*Soluntur obiecta.*

**A**D I. Distinguo primum consequens, ad hoc vt visio sit vitalis, debet actiue procedere ab intellectu, si non supponatur suppleri eius concursum actiuum à prima causa, concedo: si supponatur suppleri, nego consequentiam. Et ratio est, quia, cum Deus suppleret eius concursum, eodem modo ad illam concurreret, atque, concurreret ipse intellectus. Sicut ergo illo concurrente, esset illi vitalis hæc visio, ita supplete Deo eius concursum, esset illi vitalis, dummodo cætera adsint, quod videlicet esset in ipso intellectu, tamquam in subiecto, sicut esset, si ab illo fieret, & supponatur in illo potentia obedientialis actiua, per quam posset inadæquatè ad illam concurrere. Aliter concursus adæquatus primæ causæ non esset in supplementum secundæ. Vnde sequitur, quod si Deus faceret se solo illam visionem, quam posset facere cum Petro, & poneret extra intellectum ipsius Petri, non proinde Petrus per illam videret, non ex defectu elicitionis seu concursus actiui, qui supponeretur ablatum per supplementum Dei, sed ex defectu

Et causa formalis vitalitatis, quæ habetur formaliter per actualem receptionem in ipso intellectu, quæ suppleri non potest, ut alibi sæpè probauimus. Quod autem defectus concursus actiui intellectus, non tolleretur vitalitatem uisionis, probatur ulterius primò paritate uisionis corporeæ, quæ si fieret adæquatè à Deo, nullatenus concurrente potentia uisuiua, in qua fieret, adhuc per illam hæc uitaliter uideret. Deinde si Deus suppleret concursum actiuum potentie nutritiue in homine, retento concursu in genere causæ materialis, & formalis, adhuc homo vitaliter nutriretur, nõ quidem vitalitate sibi simpliciter possibili, & connaturali, sed solum connaturali secundum quid, & ex suppositione quòd Deus nolit ad illam concurrere cum potentia nutritiua. Idem afferendum est de vitalitate uisionis Dei, de qua loquimur, quæ sicut si fieret concurrente intellectu, ita esset uitalis, ut esset simul supernaturalis, ita esset in tali casu, cum uitalitas non pugnet cum supernaturalitate actus.

Ad doctrinam citatam ex 2. de anima. Dico illam habere locum de facto, non præstante Deo, nisi concursum generalem cum obiecto visibili à se distincto, non autem de possibili, cum Deus concurreret ut principium uniuersale, & particulare, & per modum obiecti, ad uisionem sui, supplendo concursum ipsius intellectus.

Dices, ad rationem uitæ requiritur, quòd sit principium intrinsecum operationum

immanentium, ut dictum est in 1. de an. disp. 1. ar. 2. Sed hæc visio non esset ab intrinseco, quia esset ab alio. Ergo neq; esset immanens, neque vitalis.

Nego minorem, quia licet hic actus esset à Deo, quia tamen Deus est magis intimus intellectui, quam sit intellectus sibi, & est prima origo, & author totius vitæ, ideo esset quidem ab alio, non tamen à principio extrinseco, sed intrinseco. Quomodo autem esset immanens, dum non procederet à principio recipiente, videbitur infra.

Instabis, ergo etiam habitus supernaturales, & species angelicæ sunt vitaliter in recipiente, quia infunduntur à Deo, qui est illi intrinsecus.

Nego consequentiam. Disparitas est, quia licet infundantur a Deo, tamquam à principio intrinseco, non tamen Deus illas infundit per modum supplementi, accommodando suum concursum illi concursui, quem posset ad illos præstare subiectum recipiens, sed ut agens purè liberum, aliam non respiciens mensuram in operando, quam propriam, & arbitrariam voluntatem. In casu autem nostro supponimus, Deum supplere concursum potentiæ naturalis, adeoque respicere pro mensura practica operandi illum concursum, quem præstaret intellectus ad actum visionis, si ad illam concurreret per potentiam obedientialem actiuam, proximè completam per lumen gloriæ, vel aliud principium  
su-

nem. Siquidem in ea hypothefi, in qua visio infunderetur, non daretur lumen gloriæ, quod cum fit solum necessarium, ut potentia naturalis fiat potens elicere actum supernaturalem, non esset utile, quando potentia non deberet operari, sed solum pati. De vnione diuinæ essentie cum intellectu est alia ratio, quia cum essentia Dei deberet ad visionem concurrere, non solum per modum obiecti, sed etiam per modum principij actiui, tam vniuersalis, quam particularis intrinseci ipsi intellectui, multo magis deberet cum illo intentionaliter vniri, per modum speciei. Ergo tantum abest, quod hoc non esset necessarium, ut hinc fieret magis necessarium.

Ad 3. Nego minorem. Et dico, lapidem per talem visionem non visurum, non per hoc præcisè, quod illam non eliceret, sed quia neque posset vllatenus elicere, ex defectu cuiuscunque potentie visuæ, etiam radicalis, & obedientialis actiue; adeoque visio esset illi omninò indebita, & improporcionata, immò repugnans. Intellectus autem, quàmuis illam de facto non eliceret, tamen posset elicere, saltem radicaliter, & obedientialiter, per modum principij inadæquati; atq; adeo licet illi esset indebita, non tamē esset omninò improporcionata, quia posset simpliciter illā elicere in specie, faciēdo scilicet aliā illi omninò simillimā secūdū speciē. Si .n. Deus loco faciēdi se ipso visionem, illam faceret cum intellectu, vtiq; ex attēpatione vtriusque

que concursus, posset resultare visio similissima illi, quam Deus solus faceret in intellectu. Ergo nulla est paritas.

Dices, aqua nullam habet virtutem ad calorem, & tamen potest fieri per accidens illius productiva, ut accidit dum feruescit, per caloris receptionem. Ergo etiam lapis, licet nullam habeat virtutem ad visionem, potest tamen per eius receptionem, fieri per accidens visiuus. Ergo etiam ipse habet potentiam aliquam ad videndum.

Nego consequentiam. Disparitas est, quia aqua ex se habet naturalem potentiam ad calorem secundum genus, quia potest producere frigus, quod est sub eodem genere proximo qualitatis. Lapis autem nihil potest producere, quod sit sub eodem genere proximo cum visione. Ergo neque habet potentiam remotam obedientialem actiuam, sicut habet aqua ad calorem, quem videmus per antiparitasim ab illa produci.

Instabis, Aqua nihil virium confert ad productionem caloris. Ergo vel ad illum non concurrit actiue, sed solum passiuè, sustentando calorem operatiuum; vel si dicatur concurrere actiue per accidens, etiam lapis concurrit actiue ad videre, sustentando actum visionis.

In primis nego antecedens, propter traditam rationem. Et deinde nego consequentiam, propter allatam disparitatem.

Ad 4. dico, Suarium ibi loqui de facto, & non de possibili. Deinde retorqueo argumen-



mentum, intellectus creatus, ex sola sua naturali conditione, est sufficienter aptus, & dispositus ad lumen gloriæ recipiendū; aliòquin si ad illud præquireretur alia dispositio supernaturalis, daretur processus in infinitum. Ergo etiam potest esse sufficienter dispositus, ad visionem recipiendā. Probatur consequentia, quia tam est supernaturale lumen gloriæ, quàm visio Dei. Immo visio potius videtur esse connaturalior, quàm lumen, eò quia visio infunderetur vt actus, & lumen vt virtus ad actum. 3. per ipsum Suarium, intellectus non concurrir ad visionem Dei, per virtutem naturalem, sed per virtutem obedientialem, quia tota actio, totusque effectus est supernaturalis. Virtus autem obedientialis in intellectu, cum sit identificata cum ipsa virtute naturali, & entitate physica intellectus, utique non est in intellectu vt forma aliqua entitatiuè supernaturalis. Ergo per hoc ipsum quòd intellectus concurrat ad visionem per talem virtutem, concurrir per virtutem entitatiuè naturalem, æque dispositam, & sufficientem ad recipiendū vel lumen, per quod supernaturaliter confortetur in actu primo, ad visionem Dei, vel actum ipsum visionis, per quem determinetur in actu secundo ad Deum videntum. Demum si quod est absurdum, quòd intellectus per sua naturalia eliciat actiue visionem Dei, cessat in illius passiva receptione, quæ semper supponit miraculosam efficientiam talis visionis, quam solā ad-

adstruunt scripturæ, & Patres. Vnde corruit absurdum theologicum. Ad primum ex philosophicis dico, ideo de facto censi absurdam, quod intellectus videat nihil agens, quia secundum legem ordinariam non fit in illo visio, nisi per eius concursum simultaneum cum diuino concursu. Hoc tamen non facit, quod si Deus velit absolutè ipse solus efficere in intellectu actum visionis, intellectus per illum non videret. Præterquam quod non est ita certum quod assumit Suarius, nam Egidius noster cum multis alijs, apertè concedit, posse, immò de facto fieri visionem per purum pati, nempe per puram receptionem speciei in potentia visiva, ut probat q. 1. de cognitionibus Angeli, & nos retulimus in 2. de an. disp. 2. ar. 6. Ergo ex isto capite opinio non est absurda, sed valde probabilis. Ad aliud quod visio esset vitalis Petro, à quo non eliceretur, patet responsio ex responsione primi. Ergo hæc opinio nullum continet absurdum.

Ad 5. Distinguo secundam partem antecedentis, non potest Deus se solo facere actum meritorium Petri, secundum eius entitatem physicam, nego: secundum eius moralitatem, concedo. Et distinguo consequens, non potest Deus se solo facere secundum entitatem physicam, quod facit cum creatura, nego: secundum omnia prædicata extrinseca, etiam moralia, concedo consequentiam. In quo aduertendum est, eandem entitatem physicam posse acquirere

rere diuersas denominationes formales . Nam e. g. eadem comestio potest fieri cū intentione praua, & erit peccaminosa, & cum intentione recta, & erit actus virtutis, & cum præcisione ab omni intentione, & erit actus indifferens. Quatenus ergo dicit moralitatem prauitatis, non potest à Deo fieri, potest tamen secundum physicam entitatem, vt formaliter præcisam ab omni moralitate.

Dices, ergo potest simpliciter facere meam comestionem sine me . Distinguo consequens, potest illam facere in me sine me, hoc est absque meo actiuo concursu, & cum solo passiuo, concedo ; quis enim prohibet, quò minus Deus possit sola sua omnipotenti efficacitate, mouere omnia mea instrumenta destinata ad comestionē, vt attrahant alimentum, applicent ori, & dentibus, vt frangatur, & in ansu glutiat-  
tur? Potest illam facere extra me sine me, nego consequentiam . Cū enim mea comestio vt mea, dicat formaliter applicationem, & motum talium partium, sine illis, saltem passiuè concurrentibus, haberi non potest; quamuis non desint qui asserant, etiam illam fieri posse.

Ad 6. Nego maiorem . Quamuis enim de facto ita accidat, non tamen ratio formalis videndi est productio visionis, sed ipsa visionis receptio in potentia proportionata. Ergo cū Deus poneret visionem in potentia intellectiua, obedientialiter proportionata, eius vicem gerendo quoad  
acti-

actiuum concursum, non Deus per illam, quam in se non reciperet, sed Petrus recipiens videret Deum.

## ARTICVLVS. VII.

*An lumen gloriæ vt datur de facto, sit tota virtus, seu ratio videndi Deum?*

**T**Homistæ respondent communiter affirmatiuè. Eorum fundamenta reducuntur ad hæc, Primò quia supponunt vt impossibilem in intellectu potentiam obedientialem actiuam, per quam vllò modo potentia naturalis extendatur ad visionem. Ergo necessario debet illam elicere per virtutem infusam adæquatè supernaturalem, cuiusmodi est lumen.

2. Totum negotium visionis beatificæ est intrinsecè, & per essentiã supernaturale. Ergo debet prouenire à principio actiuo adæquatè supernaturali. Cum ergo non possit esse supernaturale principium *quod*, debet saltem esse supernaturale totum principium *quo*; atque adeo quia non datur aliud principium supernaturale, *quo* in visione, nisi lumen gloriæ, hoc debet esse totum principium *quo*, seu virtus agendi.

3. Actus intrinsecè supernaturalis non potest commensurari virtuti naturali. Ergo soli supernaturali. Sed hoc non esset, si ad illum concurreret etiam virtus naturalis. Ergo ad illum hæc nullo modo concurrit.

Con-

Conclusio, *lumen gloriæ ut datur de facto, non est tota virtus, seu ratio agendi visionem beatificam.*

Probatur 1. auctoritate diui Thomæ dicentis 1. p. q. 12. ar. 5. *cum virtus naturalis intellectus creati non sufficiat ad Dei essentiam videndam, oportet quod ex diuina gratia supercreseat ei virtus intelligendi. Et hoc augmentum virtutis intellectiue illuminationem intellectus vocamus.* Ergo lumen gloriæ non ponit ex integro virtutē ad visionem, sed solum inadæquatē, augendo scilicet virtutem naturalem. Probatur consequentiā, quia qui dat totum, non augeat quod erat. Et ideo dicitur supercrefcentia, & augmentum virtutis naturalis, quod esset omnino falsum, si reddita otiosa, vel ablata priori virtute, tota aliqua de nouo virtus communicaretur. In quo obseruandum est, Angelicum Doctorem modò comparasse lumen gloriæ cum virtute naturali, & modò cum eius potentia. In prima comparatione vocat lumen augmentum, ad tollendā insufficientiam virtutis naturalis, ut exprimat, illud non esse totam virtutem, sed solum additamētum prioris, & in secunda vocat illuminationem intellectus, ut exprimat, lumen gloriæ esse totam virtutē illuminatiuā. In quo facilē Thomistæ patiuntur æquiuocationem, nempe confundendo virtutem efficiendi visionem, & virtutem illuminandi intellectum. Neque. n. est absurdum, quod eadem forma sit adæqua-

ta respectu vnius effectus, & inadæquata respectu alterius, cum idem lumen Solis adæquatè illuminet terram, & inadæquatè cum illa gignat herbas. Atque adeo cum lumen gloriæ sit virtus adæquata, ad illuminandam potentiam, male inferunt, esse virtutè adæquatā, ad eliciendam visionē.

Dices, hoc est argumentum grammaticale, fundatum in expositione verborum. Ergo est nullius ponderis. & esse grammaticale secundum grammaticam theologiam, & non secundum pedagogicam. Quis autem dixerit, diuum Thomam ignorasse grammaticam theologiam, & in illam tam turpiter errasse, vt communicationem virtutis totalis vocauerit supercrescentiam, & augmentum virtutis antecedentis? Ergo dicendum est, non ignorāter, sed scitè, & de industria vocasse virtutem naturalem insufficientem, vt ostenderet compleri per lumen, tamquam per complementum, & additamentum necessarium, modo supra explicato.

Probatur 2. ideo intellectus est eleuabilis, & non lapis, quia ille ex se habet aliquam virtutem, complebilem, per consortium virtutis supernaturalis, quam non habet lapis. Ergo intellectus non recipit à lumine totam virtutem, sed solam suæ virtutis sufficientiam. Probatur consequentias, quia si indigeret tota virtute, de se neque esset sufficiens, neque insufficientis, sed esset omninò ineptus, vt lapis.

Dices, non est ineptus, non quia habeat  
ali-

aliquam virtutem formalem partialem , sed quia habet radicalem,qua caret lapis . Sed contra est , nam hæc virtus radicalis actiua,vel est naturalis,vel obediencialis? Si primum.Ergo dicit essentialē ordinē ad aliquam virtutem formalem,sibi commensuratam in suo ordine, aliter numquā posset reduci ad actum secundum ; & sic daretur virtus naturalis formalis incompleta ad visionem Dei,quod negabatur. Si secundum.Ergo datur virtus obediencialis actiua,quæ vt absurda reijciebatur,illaque admissa,redit argumentum de virtute formali . Cum enim virtus obediencialis actiua sit entitatiuē naturalis,debet habere sibi correspondentem virtutem aliquam formalem entitatiuē naturalem. Ergo nunquā euitatur virtutis naturalis concursus partialis ad visionem Dei , postea eleuatione potentia per formam supernaturalem .

3. Eleuatio intellectus non potest fieri per destructionem , seu impedimentum , virtutis naturalis,aliter non esset perfectiua, sed destructiua . Ergo debet fieri per eius perfectionem intensiuam, quæ fit per virium additamentum , & per eius perfectionem extensiuam , quæ fit per virtutem altioris ordinis. Non esset autem perfectio intensiua collatio nouæ virtutis adæquate, vt patet. Ergo taliter non potest fieri eleuatio,atque adeo lumen,quod infunditur, non est virtus adæquata, sed est virtus partialis coadiuuans priorem , ad actum

illi soli improporcionatum .

Confirmatur, lumen eleuat potentiam naturalem, excitando eius virtutem , ad hoc vt secum concurret ad actum ordinis superioris , correspondentem vtrique , tâquàm vni principio totali. Ergo concurret partialiter , *vt quo*. Si enim concurreret totaliter, non excitaret virtutem naturalem, sed illam potius impediret, nè exiret in actum, quod non esset illam eleuare, & eleuando perficere, sed potius deprimere, & violentiam illi facere .

4. Ita se habet lumen ad visionem , sicut gratia ad actus supernaturales meritorios visionis beatificæ. Sed gratia non est tota virtus, seu tota ratio agendi. Ergo neque lumen . Consequentia est euidentis. Maior patet, quia sicut lumen datur , vt per illud intellectus eleuetur ad proportionem cū actu visionis beatificæ, ita gratia datur , vt per illam potentia naturalis fiat apta ad actus bonos supernaturales. Minor probatur 1. Diuus Th. 1. 2. q. 114. ar. 2. ait actum bonum, vt procedit à gratia, esse meritorium, non autem vt procedit à libero arbitrio . Ergo actus bonus procedit ab viroque, tâquàm à duplici principio partiali , quod non esset verum, si gratia esset virtus adæquata; nam illa sola mediante, operaretur potentia libera, vt principium *quod*. 2. liberum arbitrium adiuuatur à gratia, vt docet Augustinus . Ergo etiam ipsum operatur per suam virtutem, vt principium *quo*. 3. Aliòquin liberum arbitrium concurreret



solum ut quoddam inanime, per vim actiuam in se receptam, sicut aqua feruens concurrit ad calorem, quod esset potius pati, quam agere, quod damnatur à Tridentino. Et ideo Io: Baptista Gonet in suo clypeo Thomisticae scholae to. I. disp. 3. ar. 4. n. 38. optimè intelligens vim huius illationis, tandem concludit, *Addo quod si esset simpliciter potentia* (loquendo de lumine gloriae) *esset tota ratio agendi, sicut aliae potentiae naturales, & consequenter intellectus creatus merè passivè se haberet ad visionem beatificam, quod non potest dici, ut infra ostendemus.* Quamvis enim à nobis discrepet in motiuo, tamen conuenit in sequela, quod sufficit nobis.

4. Voluntarium est illud, quod non solum est in nobis, sed etiam à nobis, aliter etiam impressiones violente extrinsecus acceptae essent voluntariæ, eò quia essent in nobis, quod est absurdum. Ergo vel debet anima immediatè còcurrere ad actiones liberas, cum adiutorio supernaturali, vel saltem per virtutem propriam naturalem supernaturaliter confortatam.

Dices, anima semper concurrit *ut quod.* Ergo retinet semper concursum per modum efficientis liberi, praesertim cum gratia illam non cogat, sed adiuuet ad operandum; atque adeo potest gratia esse adaequatum principium formale *quo.*

Nego consequentiam. Nam etiam patiens concurrit ad passionem, ut principium

*quod*, & tamen non concurrit liberè ; eò quia non concurret per propriam virtutē actiuam , sed per impressionem violenter ab alio acceptam .

Ad 1. Nego suppositum , quod est adeo falsum, vt nisi admittatur in intellectu potentia obediēcialis actiua, secundum legē ordinariam, non posset eleuari ad actum supernaturalem , vt alibi probauimus, & infra solidius confirmabitur. Et ideo vt falsa negatur etiam consequentia.

Ad 2. Nego consequentiam, cum possit actus intrinsecè supernaturalis commensurari principio actiui naturali , vt supernaturaliter confortato. Sicut ergo in omnium sententia , principium radicale *quod* debet esse naturale , ita debet admitti aliquod principium formale *quo* , quod illi correspondeat vt proprium; aliter non intelligeretur esse actiuum, & vitale.

Ad 3. distinguo antecedens, non potest commensurari virtuti naturali in se relicte, & suis solis viribus operanti, concedo; supernaturaliter eleuatæ, nego antecedēs, & cum illo consequentiam. Sicut enim lumen gloriæ ex se non vitale, per coniunctionem cum principio vitali , concurrit ad vitalitatem actus , ita virtus naturalis , per coniunctionem cum principio supernaturali, concurrit ad eius supernaturalitatem; ita vt idem actus secundum vtramque formalitatem , correspondeat vtrique virtuti, tamquàm duplici partiali, constituenti simul vnā virtutem totalem.

Dices,

ices, quamuis lumen ex se non possit vitalitatem, quam non habet, potest en illam dare ex principio radicali, & intrinsecè afficit. Ergo non est necesse confugere ad virtutem naturalem. & inferunt Thomistæ, non eleuari virtutem naturalem, seu principium formale sed potentiā, quæ est principium radicali, licet supponant, potentiam esse secundæ speciei qualitatis.

Nego antecedens, quia potentia non potest dare vitalitatem, nisi operetur vitaliter. Non operaretur autem vitaliter, cum operaretur per virtutem impropriā, & sibi solum extrinsecus aduenientem. Ergo lumen ex potentia non posset dare vitalitatem. Neque obstat, quod illam intrinsecè afficeret, nam etiam calor violenter impressus manui, illam intrinsecè afficit, non tamen potest ex illa vitaliter calefacere per talem calorem. Ergo si lumen esset tota ratio formalis *qua*, non esset principium formale proximum vitalitatis visionis, quæ proinde nullo modo esset vitalis.

# ARTICVLVS. VIII.

*An lumen gloriæ sit species impressa, vel expressa Dei?*

**L**umen gloriæ non esse speciem expressam diuinæ essentia, videtur esse certum ex ijs, quæ dicta sunt in disp. 10. Nā cū species expressa sit idē ac verbum mentis, & hoc sit idē cum visione, quæ est formaliter effectus luminis, si esset idē cū lumine, esset

idē cū sui causa, quod toties probauimus repugnare. Difficultas ergo restringitur ad speciē impressā; & quærimus, an lumē gloriæ sit species impressa diuinæ essētiæ?

Videtur non esse, Primò quia lumen gloriæ se tenet ex parte potentia, species autem se teneret ex parte obiecti. Ergo nō possunt esse vnum, & idem.

2. Est proprium speciei impressæ determinare intellectū, ex indigētia obiecti. Sed lumē gloriæ nō est huiusmodi, quia De⁹ nō indiget vlla forma creata, vt applicetur intellectui, cui ex se est itimè præsēs. Ergo nō est species Dei. 3. Lumē gloriæ nō determinat intellectū perfectā, & vltima determinatione obiectiua, quia licet determinet ad visionem Dei tantæ claritatis, tamen relinquit intellectum indifferentem, ad videndum Deum sub ea claritate, vt volentem facere hoc, vel oppositum obiectum, & vt volentem ostendere hanc, aut illam veritatem creatam in particulari, ad quod solus Deus determinat per se ipsum. Ergo lumen gloriæ non habet vim determinationis proportionalem naturæ obiecti; & per consequens non est species impressa.

Conclusio, *Lumen gloriæ est veluti species impressa diuinæ essētiæ.* Est in terminis nostri Egid. Lusitani to. 2. lib. 8. p. 2. q. 3. ar. 3. Martini de espressa q. 12. de Deo vno & trino ar. 6. & aliorū, quib⁹ nō dissetit Scotus in 2. d. 3. q. 9. & in 4. d. 49. q. 11.

Probatur 1. Illa est species impressa diuinæ essētiæ, cui conueniunt omnia prædica-

dicata propria speciei . Sed lumen gloriæ est huiusmodi . Ergo est species impressa Dei . Maior, & consequentia sunt euidentiores . Minor probatur , prædicata propria speciei sunt, quòd manifestet obiectum, illudque vniat intentionaliter cum potentia intellectiua , illam confortando, eiusque virtutē augendo , quam reddat obiecto proportionatam . Sed totum hoc facit lumen gloriæ in intellectu creato , respectu diuinæ essentia . Ergo illi conueniunt prædicata propria speciei impressæ diuinæ essentia . Maior patet ex definitione . Consequentia est euidentior . Minor probatur, lumen gloriæ ideo dicitur lumen, quia illuminat potentiam creatam, cui manifestat diuinam essentiam, ad cuius proportionē eleuat intellectum, augendo eius virtutem naturalē de se insufficientem . Ergo habet omnia prædicata propria speciei impressæ .

Neque obstat , quòd non gerat viciniam obiecti absentis, sed præsentis . Nam verū quidem est, esse proprium speciei impressæ quòd ponatur loco obiecti absentis ; hoc autem non est ita illi proprium, vt necessario, & indispensabiliter supponat absentiam obiecti, quod reddat intentionaliter præsens ; sed solum est illi propriū conditionatè, & ex suppositione quòd absit ; eo modo quo epistola est propria manifestatio locutionis amici absētis, eò quia plerūq; epistola mittatur, ab absēte; nō tamē proinde amittit rationē epistolæ, si mittatur, seu tradatur à præsentī, cuius locutionē semper mani-

festat, & est illi per accidens, quòd per illū loquens sit absens, seu præsens. Et ratio est, quia illud quod dicit in recto, & de formali, est manifestatio locutionis amici, eius autem absentiam solū manifestat secundariò, & quodammodo accidentaliter, sine quo adhuc posset eius explicare locutionem. Idem dico de specie, cuius proprium, & primarium munus est, determinare indifferentiam intellectus ad hoc obiectum, illud proportionando, & applicando potentiae, quam confortat, dando illi sufficientiam proximam ad operandū; secundarium verò, & veluti accidentale, est, quòd sit vicaria obiecti absentis. Sicut ergo pictura eodem modo est imago Cæsaris absentis, ac præsens (quod idem dico de statuis, & quibuslibet alijs signis) ita & species eodem modo est imago obiecti, siue hoc sit absens, siue præsens.

Probatur 2. Intellectus enim sit ex se potentia assimilatiua, non potest percipere vllum obiectum, nisi per assimilationem, & ideo dicitur fieri intentionaliter obiectū, quod cognoscit. Ergo non potest iuari in ordine ad cognitiones obiectorū, nisi per comprincipia ex sua ratione formali intrinseca assimilatiua. Huiusmodi autem non possunt esse, nisi species impressæ. Ergo ab illis tantū iuari potest; atque adeo quia iuuatur à lumine gloriæ, dicendum est, hoc esse speciem impressam ipsius Dei. Probatur prima consequentia, quia ad hoc ut iuctur ad formandas expres-

pressas imagines cognoscendorum, debet informari eorum imagine virtuali, qua instruatur ad eliciendam in se eorum perfectiorem similitudinem; quæ dicitur formalis, & expressa imago. Sicut ergo nihil purè physicum potest iuuare voluntatem, illamque dirigere ad operandum, vt alibi probauimus, ita nihil non assimilatiuum potest iuuare intellectum, ad obiectorum cognitiones. Et ratio à priori est, quia singulæ potentia debent iuari in suo genere; & ideo elementa non possunt iuari ad motū velociorē fursū, deorsū nisi à maiori grauitate, vel leuitate, & oculus non potest iuari ad perfectiorem visionem coloris, nisi à specie viuaciore illius, & sic de reliquis. Ergo quia intellectus non est factus à natura, nisi ad hoc vt formet in se rerum similitudines, seu imagines, per quas fiat intentionaliter omnia, non potest iuari ad hoc, nisi per aliquod per se formaliter contentiuum talium similitudinum, cuiusmodi est sola species impressa. Ex quibus sequitur, lumen gloriæ esse imperfectam aliquam imaginem diuinæ essentia, quæ ex sua ratione formali intrinseca habet determinare, & iuuare intellectum creaturæ ad imaginē perfectiorem, & clariorē diuinæ essentia, cuiusmodi est visio.

Ad 1. quod censetur Achilles, & est potissimum fundamentum Thomistarum, ego antecedens, cuius termini si bene percipiantur, probant omnino oppositum. Et vt propius accedamus, quid sibi vult

*ly se tenet* ? Significatne idem, atque recipitur in intellectu, & species impressa reciperetur in ipso obiecto ? Hoc autem est manifestè falsum, cum omnes species, respectu cuiuscunque potentia, recipiantur in ipsa potentia, ut patet inductione. Ergo cum nulla species recipiatur in obiecto, nulla se tenet ex parte obiecti; atque adeo nulla species impressa, etiam obiecti creati, esset possibilis, quod in 2. de anima vidimus esse falsum. Significatne idem, atque disponit potentiam ad operandum? Et hoc est commune omnibus speciebus, quæ non disponunt obiectum, sed potentiam. Si vero significet emanationem, e potentia, ubi species emanat ab obiecto, falsum est, lumen gloriæ emanare ab intellectu, cum illi diuinitus infundatur, & ideo est supernaturale. Quid ergo significat, quod vel tollat lumini rationem speciei, vel illud non sit commune omnibus speciebus ?

Dices, significat, quod solus intellectus per lumen disponatur, ubi per speciem disponderetur tam potentia, quam obiectum; immò potius obiectum, cuius absentia, suppletur. Cum ergo Deus per se propter intimam præsentiam, sit sufficientissime applicatus, & obiectum sibi improporcionatum, ideo ille solus indiget lumine, ut Deo proportionetur; species autem daretur ad indigentiam vtriusque.

Sed contra est, nam obiectum nunquam disponitur per speciem, sed omnis dispositio adæquatè ordinatur ad ipsam potentiam,



tiam, vt patet inductione facta per omnes potētias, tam materiales, quàm spirituales, Siquidem species visua disponit oculum ad videndum colorem, species auditua disponit aurem ad audiendum sonum, & sic de reliquis. Et ratio est, quia omnis dispositio perficit subiectum, in quod est, in ordine ad operandum; subiectum autem nunquam est obiectum, ex quo emanat species impressa, sed potentia, ad quam terminatur, & in qua recipitur. Ergo quia non potest perfici, nisi quod habet formā perfectiuam, sola potentia perficitur, & disponitur. Præterquamquod obiectum, vt obiectum, non potest operari, nisi speciei sui. Ergo quia ad eius emissionem non potest disponi per ipsam speciem, ad nullum alium effectum posset disponi per illam; atque adeo tota dispositio, quam potest præstare species, debet esse in ordine ad ipsam potentiam operatricem. Immo si species posset aliquo modo iuuare obiectum, vt obiectum, hoc faceret species Dei, quem reddit intellectui creato proportionatum. Ergo quia hæc proportio habetur per lumen gloriæ, etiā ex hoc capite probatur, illud esse speciē impressā ipsius Dei.

Vrgebis, lumen proportionat intellectui diuinam essentiam, non per huius immutationem, sed intellectus, quem eleuat ad altiorem ordinem: in alijs verò obiectis, species facit quod obiectum distans approximeetur, & fiat præsens intellectui, cui de se non esset præsens. Ergo minus facit

lumen gloriæ, quàm aliæ species, eò quia lumen eleuet intellectum, & aliæ species eleuant quodammodo obiecta, vt fiant illi præsentia, eorum supplendo absentiam.

Nego consequentiam. Quamuis enim lumen non eleuet diuinam essentiam, de se intimè præsentem intellectui, quia tamen illa non est præsens vt obiectum, ratione improprietatis deriuantis ex eius infinitate, ideo ad hoc vt fiat proximè intelligibilis ab intellectu creato, deberet per speciem immutari. Quia tamen de se, ratione suæ summæ perfectionis, est immutabilis, ideo immutatur extrinsecè, per eleuationem intellectus. Lumen ergo ex se, vtpote dimanans à diuina essentia, tamquàm ab obiecto, est illius immutatum, non immutat autem intrinsecè, ratione incapacitatis, quàm inuenit in tali obiecto, illud tamen immutat extrinsecè, per virtualem eius manifestationem, ratione cuius fit proximè proportionatum, & intelligibile à potentia creata, quæ proinde dicitur eleuari per tale lumen, ad actum visionis sibi indebitum. Ergo præstat totum illud, quod præstaret species impressa, licet per accidens non mutet obiectum, sed potentiam ad illud tendentem.

Dices 3. Species fit ab obiecto, non vt à causa efficiēti, sed vt ab obiecto; lumen verò fit ab essētia, vt à causa efficiēte. Ergo, &c.

Nego antecedens quoad vtramque partem. Quid enim est fieri ab obiecto, vt obiecto? Vtique obiectum non emittit spe-

speciem, nisi illam producendo, per physicum influxum. Ergo per physicam, & realem efficientiam. Ergo illam efficit, non solum ut obiectum, sed etiam ut causa efficiens; neque species aliam causam efficientem agnoscit extra intellectum, quam obiectum; atque adeo eodem planè modo lumen prouenit à diuina essentia, atque species naturalis ab obiecto; nec posset ab illa prouenire ut ab obiecto, nisi ab illa, efficeretur.

Dices 4. Ad speciem concurrit etiam intellectus agens, qui determinatus à phantasia per phantasma impressum, cleuatur ad productionem speciei. Ad lumen verò nullo modo concurrit intellectus. Ergo nō eodem modo procedit species naturalis ab obiecto, sicut lumen ab essentia.

Concedo consequentiam, quæ mihi fauet, & nullo modo dictis contrariatur. Admitto igitur, lumen adæquatè prouenire ab essentia, ad cuius cognitionem determinat, speciem verò solum inadæquatè prouenire ab obiecto, concurrente ad illā etiam intellectu. Ergo magis lumen pendet ab obiecto, quam species naturalis; atque adeo etiam ex hoc capite, potiori iure deberet lumen dici species impressa, quam species naturalis.

Dices demum, Ideo obiectum immittit ad intellectum speciem sui, ut nempe per illam ab illo cognoscatur. Ergo species non fit in gratiam intellectus, sed obiecti exigentis cognitionem sui.

Con.

Concedo totum, quo admissio, sequitur  
evidenter, lumen esse speciem. Siqui-  
dem etiam diuina essentia ideo pro-  
ducit lumen in intellectu creato, vt  
per illud ab illo cognoscatur. Ergo illud  
lumen est ad hoc, vt satisfiat (vt ita dicam)  
exigentia ipsius diuinæ essentia, quæ vt  
omnium optima, & perfectissima, quodam-  
modo ambitionem habet, vt cognoscatur,  
quam ambitionem non habent obiecta vi-  
sissima. Cæterum si obstat lumini esse crea-  
tum, etiam species Angelicæ sunt in illis  
creatæ, ad quas nullo modo concurrat  
actiue Angelicus intellectus. Atque adeo  
uel species Angelicæ non sunt species, vel  
hoc non obstat, quò minus lumen sit spe-  
cies impressa.

Neque obstat, quod lumen eleuet intel-  
lectum, ad proportionem cum Deo; siqui-  
dem cum improporatio sit mutua, non so-  
lum se tenet ex parte essentia, in ordine  
ad intellectum, tamquam obiecti illi in-  
proportionati, sed etiam ex parte ipsius in-  
tellectus, tamquam potentia ad tale obie-  
ctum improporionata. Cum ergo lumen  
tollat improporionem ex parte vtriusque,  
facit totum illud, quod facit quilibet species  
naturalis. Atque adeo neque ex hoc capite illi  
repugnat, quod sit species impressa Dei.

Ad 2. nego antecedens. Quamuis enim  
datur species ad hoc, vt videatur obiectum,  
non tamen datur ex eius indigentia, sed  
ipsius potentia. Et ratio est, quia illud di-  
citur indigere speciei, quod per illam di-

sponitur ad operandum. Cum ergo non  
obiectum, sed intellectus per speciem di-  
sponatur, hæc erit ex indigentia intelle-  
ctus, & non obiecti. Neque obstat, quod  
obiectum sine specie videri non possit, hoc  
enim arguit quidem aliquam indigentiam,  
non tamen ipsius obiecti, quod per speciem  
non disponitur, sed intellectus, qui per il-  
lam disponitur, & ideo illam in se recipit.  
Hoc autem euidenter patet in speciebus  
Angelicis. Nam hæ non emanant in An-  
gelos ex obiectis, sed infunduntur à Deo,  
ad hoc vt per illas applicentur obiectis,  
quibus cæteroqui ex se Angeli applicari  
non possent.

Ad 3. Nego consequentiam, primò quia  
indifferentia circa decreta libera Dei, non  
pugnat cum determinatione circa diuinam  
essentiam. Et ratio est, quia decreta libera,  
licet sint idem realiter cum essentia, vir-  
tualiter tamen ab illa distinguuntur, ne-  
que illam necessariò denominant. Posset  
ergo species hæc supernaturalis determi-  
nare intellectum ad totum id, quod neces-  
sariò denominat Deum, & habet rationem  
obiecti primarij, absque eo quod determi-  
net ad actus liberos, qui solum sunt obie-  
cta secundaria. Deinde species impressa  
Petri e.g. quamuis determinet intellectum  
Pauli, in quo est, ad videndum Petrum  
tanta claritate, adhuc tamen relinquit Pe-  
trum indifferentem, ad hoc vt velit se li-  
berè applicare ad hoc, vel illud. Quod  
idem dico de specie indita Michaeli re-  
spe-

specu Gabriëlis, quæ non determinat Michaelē ad visionē Gabriëlis tantæ claritatis, quæ tollat indifferentiam Gabriëlis visi, ut se liberè applicet ad manifestandum Michaeli videnti hanc, vel illam veritatem, seu secretum. Ergo perfecta, & ultima determinatio obiectiva non est necessaria ad rationem speciei impressæ, adeoque per eius defectum non potest negari, lumen esse speciem Dei.

## ARTICULVS. IX.

*An sit possibilis aliquis intellectus, cui sit connaturale lumen gloriæ?*

**V**idetur esse, ut propugnat Ioannes Maior in 4. d. 49. q. 4. Primò, posset facere Deus creaturam adeo perfectam in esse intelligibili, sicut est complexum ex intellectu, & lumine. Sed huic creaturæ esset connaturale lumen gloriæ, eò quia, non excederet eius naturalem conditionem, immò esset infra illam. Ergo potest dari aliqua creatura intellectiva, cui sit connaturale lumen gloriæ. Minor, & consequentia sunt evidentes. Maior probatur primò, Deus potest facere creaturam æqualem, immò perfectiorem singulis creaturis seorsim sumptis. Ergo etiam æqualē, & perfectiorem singulis binarijs creaturarum, adeoque etiam tali complexo ex intellectu, & lumine. Consequentia tenet. Antecedens probatur, non magis distat à Deo creaturarum binarius, seu complexus, quam

quàm vna creatura . Ergo si potest facere creaturâ perfectiorē quacumq; alia, potest etiam facere perfectiorem quocumq; creaturârū binario. 2. Nulla perfectio creata est simpliciter impossibilis omni creabili . Sed perfectio resultans ex complexo intellectus, & luminis gloriæ est creata . Ergo non est simpliciter impossibilis omni creabili, sed potest dari aliquid, cui debeatur. Maior est certa, quia omne creatum est finitum, & limitatum. Ergo potest dari aliud illi æquiualens , immò & maius in perfectione. Probatur minor , hæc perfectio non excedit limites entis creati, propter essentialē dependentiam, quam haberet à Deo, & contingentiam in esse. Ergo posset alicui conuenire.

2. Omne creatum potest esse alicui connaturale . Sed lumen gloriæ est creatum. Ergo potest esse alicui intellectui connaturale .

3. Posset Deus ita attemperare aliquod lumen gloriæ, vel aliud illi æquiualens, vt perinde redderetur illi connaturale, sicut lumen naturale . In hoc enim nulla inuoluitur implicancia, non solum quia ad hoc lumen nulla requireretur infinitas , sicut de facto non requiritur, sed etiam quia ad illud non obstaret impropertio ipsius intellectus, qui posset specialibus vijs ad illud proportionari. Ergo licet lumen, quod datur de facto, non possit esse connaturale vlli creaturæ , posset tamen dari aliud alicui connaturale .

4. Lumen gloriæ est accidens. Ergo est entis ens. Non esset autem entis ens, nisi, alicui deberetur. Ergo necessario est debitum, adeoque alicui connaturale, à quo tamquam à subiecto inhæsionis sustentetur.

5. Connaturalitas huius luminis non faceret intellectum Deo proportionatum in ratione entis, sed solum in ratione potentia, & obiecti, quia semper remaneret hic intellectus, in suo modo essendi ab alio dependenti. Ergo non eleuaret creaturam ad esse diuinum; atque adeo non est predicatum repugnans creaturæ.

*Conclusio, Nullus est possibilis intellectus, cui sit connaturale lumen gloriæ.* Est diui Thomæ 1. p. q. 12. ar. 5. ad 3. & aliorum satis communiter.

Probatur 1. Non potest esse naturalis dispositio ad aliquam formam, nisi habenti potentiam naturalem ad talem formam, ut patet inductione, nam dispositio ad formam ignis non potest esse connaturalis, nisi potenti recipere formam ignis; &c. Sed lumen gloriæ est dispositio ad visionem Dei. Ergo non potest esse connaturale, nisi potenti connaturaliter videre Deum. Cum ergo nullus sit possibilis intellectus, cui sit connaturalis visio Dei, ut probauimus disp. 6. ar. 2. neque est possibilis ullus intellectus, cui sit connaturale ipsum lumen gloriæ.

Neque obstat, quod lumen non sit dispositio, sed comprincipium effectuum  
visio-



visionis, ut dictum est ar. 2. huius disputationis. Siquidem ibi statuimus tantum, lumen non esse puram dispositionem, seu applicationem obiecti, ut est approximatio respectu calefactionis, non autem nullo modo esse dispositionem. Sicut ergo calor est virtus ignis, eiusque dispositio ad calefaciendum; ita lumen gloriæ est virtus intellectus, saltem inadæquata, eiusque dispositio ad Deum videndum.

Probatur 2. Vel visio elicita à tali intellectu esset eiusdem speciei cum visione, quæ nunc elicitur per lumen indebitum, vel non? Si primum. Ergo visio nunc elicita à Beato esset extra suum naturale subiectum, quod posset connaturaliter habere, quod vergeret in magnam imperfectionem talis visionis, quam poneret in subiecto quasi extraneo, illamque proinde redderet insuauem, & violentam, vel saltem non connaturalem videnti, cuius oppositum statueretur inferius. Si secundum, vel esset speciei nobilioris, vel deterioris? Non primum, quia visio, quæ nunc elicitur à Beato, est omnium actuum nobilissimus. Neque potest dici secundum, eò quia si inter visiones Dei deberet assignari specifica distinctio, illa potius esset perfectior, quæ proveniret à principio nobiliore, cuiusmodi esset talis intellectus. Ergo cum inter hæc non detur medium, hic intellectus non est possibilis.

Probatur 3. ex triplici absurdo, quod sequeretur ex admissione talis intellectus, quæ

quæ recenset Suarius disp. 30. met. sect. 11. n. 43. Primū est, quia talis intellectus esset naturaliter perfectè beatus. Secundū, necessariò videret Deum, sicut nunc intellectus informatus lumine indebito, & supernaturali. Tertium, esset impeccabilis naturaliter, ex visione sibi naturaliter debita. Cū ergo ex falsitate consequentis arguatur falsitas antecedentis, hic intellectus non est possibilis.

Ad 1. nego maiorem, propter multiplicationem rationem, quam attulimus disp. 6. ar. 2. ubi funditus euertimus hoc sophisma. Et præterea quia videre Deum per se ipsū est talis perfectio, quæ non potest conuenire tali complexo, in quo lumen potest illuminare, sed non videre, & intellectus potest videre, non tamen illuminare. At hæc substantia per illud idem, per quod videret, se illuminaret. Ergo infinitè excederet perfectionem complexi, adeoque haberet modum essendi diuinum.

Ad 2. nego maiorem. Rationem attulimus in articulo 2. disputationis tertiæ, ubi fusè probauimus, entia supernaturalia licet creata, non posse esse vlli potentie, seu substantie debita; aliter vel non essent supernaturalia; vel illa creatura, cui deberentur, esset naturæ diuinæ, vt optimè intulit diuus Thomas 1. p. q. 12. ar. 5. ad 3. quæ sunt absurda.

Ad 3. Nego maiorem. Et dico cū Valentia disp. 1. q. 12. pun. 3. lumen gloriæ esse nobilem quamdam participationem,  
diui-

diuinæ essentia, adeòque esse cuiusdem altioris ordinis, quàm sit vlla substantia creata, vel creabilis. Et ideo si fingamus, illud esse connaturale alicui creature, cò ipso talis creatura amitteret esse creaturâ, propter specialem, & altiore participati-  
onem, quâ exinde acciperet diuini esse. Videatur Scotus in 4.d.49. q. 2. ar. 4. vbi egregiè soluit hoc argumentum. Et ipse Valentia licèt loco citato, videatur inclinare ad Maioris opinionem, tamen demû perpendens rationem allatam ex diuo Thoma, nobiscum sentit.

Ad 4. Admitto, lumen esse accidens, sed supernaturale. Hoc autem vel nulli est debitum, vel si ex hypothese impossibili alicui debeat, deberetur substantia supernaturali, quam in ar. 3. disp. tertiæ vidimus repugnare. Supernaturalia igitur dicuntur entis entia, non quia debeantur, sed quia intrinsecè ordinatur ad perficiendam illam substantiam, cui gratiosè à Deo communicantur.

Ad 5. Nego antecedēs. Ad cuius probationem dico, luminis connaturalitatem efficere immediatè naturam subiecti, adeòque illam proportionare in ratione entis cum Deo, ad cuius visionem determinat. Si ergo quia esset aliquid creatum, non tolleretur dependentiam à Deo, sequeretur vtraque pars contradictionis, videlicet, quòd relinqueret intellectui esse creatum, & non relinqueret, illum eleuando ad esse diuinum; & ideo non est possibilis.

## DISPUTATIO. XII.

*De ipso actu Visionis beatificæ.*

**P**ostquam egimus de causis efficiente, & materiali visionis, agendum est de eius causa formali, nempe de quidditate, quantitate, intensione, alijsque proprietatibus ipsius actus visionis beatificæ. Quæremus ergo 1. An omnes visiones sint æquales? 2. An earum inæqualitas habeatur ab inæqualitate intellectuum? 3. An à lumine gloriæ? 4. An inæqualitas luminum sit ab inæqualitate charitatis? 5. An omnes visiones sint æquales secundum extensionem? 6. An visio sit comprehensiva? 7. An sit possibilis visio comprehensiva?

## ARTICULVS. I.

*An omnes visiones Dei sint æquales secundum intensiōem?*

**V**identur esse, ut propugnabat hæresiarca Louinianus, qui cum ex una parte intelligere non posset, quomodo totus Deus indiuisibilis inæqualiter videatur, & ex alia prò certo haberet, solam intellectuum naturalem diuersitatem non sufficere, ad diuersificandos actus supernaturales, prouenientes vel adæquatè à lumine gloriæ, ut aliquiasserūt, vel saltem tamquam à comprincipio necessariò, unde eorum habetur supernaturalitas, ut nodum solueret, in errorem præcipitauit. Dixit enim, omnes Beatorum visiones esse æquales, neque

que possē ex vllō capite fieri inæquales .  
 Eius fūda<sup>m</sup>enta sūt duo, quorū primū de-  
 sūpsit ex epistola Ioannis c. 3. vbi dicitur,  
*videbimus eum sicuti est*. Cū enim vnus  
 tantūmsit modus Dei, qui non potest di-  
 uersimodē existere , vno etiam modo vi-  
 detur ab omnibus, adeòque æqualiter. Se-  
 cundum desumpsit ex capite 20. Mathæi,  
 in quo habetur, quòd inæqualiter laboran-  
 tibus (qui sunt fideles) in vinea (quæ est Ec-  
 clesia militans) in fine diei, hoc est in Pa-  
 tria, reddita fuerit æqualis merces, hoc est  
 æqualis beatitudo, *reddidit omnib<sup>9</sup> singulos  
 denarios* .

Huic errori subscripsit etiam Lutherus  
 in ser. de B. Virgine, in quo ait, nè ipsam  
 quidem Deiparam futuram cæteris bea-  
 tiorem, sed omnibus æqualiter largiendā  
 beatitudinem. Eius fundamentum est om-  
 ninò ineptum ; putauit enim nulli dari  
 gratiam propriam , sed omnes fieri iustos  
 per solam, eandemque gratiam Christi .  
 Cū ergo sit semper eadem, & æqualis in  
 omnibus , meretur etiam in omnibus  
 æqualem visionem, adeòque æqualem bea-  
 titudinem .

Conclusio , *Beatorum visiones non sunt  
 æquales secundum intensiōem*. Est de fide ,  
 & colligitur euidenter ex infinitis locis  
 sacrae scripturæ, vt ex 1. Cor. 3. *vnusquisque  
 propriam mercedem recipiet secundum suum  
 laborem*. Et c. 15. eiusdem ep. *Stella differt a  
 Stella in claritate, sic & resurrectio mortuo-  
 rum*, quem locum explicans diuus Augu-

stinus ser. 46. de verbis Domini ait, *aliter enim ibi lucebit virginitas, aliter castitas coniugalitatis: aliter ibi lucebit rãcta viduitas. Diuersè lucebũt, sed õnes ibi erũt, splendor dispar, cælum commune.* Et 2. Cor. 9. *Qui parçẽ seminat, parçẽ, & metet.* Et Io. 14. *in domo Patris mei mansiones multæ sunt, &c.* Et diuus Hyeronimus in libris, quos scripsit contra Iouinianum, testatur, eius opinionem, supra relatam fuisse, vt hæreticam Romæ damnatam, vt videre est in eiusdem Hyeronimi apologia ad Pammachium. Quibus consonans Concilium Florentinum, tandem definiuit, vt articulum fidei, visionum inæqualitatem, vt patet ex litteris vnionis; quam doctrinam vt catholicam amplexamur, iuxta vnanimem sensum doctorum, & Patrum.

Probatur 1. cum D. Tho. hic q. 12. ar. 6. Visio Dei est formalis beatitudo, vt suo loco probabitur ex Io. 17. *hæc est vita æterna, vt te Deum videant.* Si ergo omnes haberent æqualem visionem, omnes essent æqualiter beati, quod pugnat contra auctoritatem adductam, & patet esse falsum ex eo, quia si Deus redderet præmium omnibus æquale, nullam faceret distinctionẽ meritorum, quod esset contra iustitiam distributiuam, quæ quamuis in Deo non videatur habere terminum in magnitudine premij, ratione infiniti æarij, eò quòd non sit contra rationem iustitiæ, quòd plus detur, quàm quis mereatur, sicut e st in republica creata, ratione æarij finiti, vt proba-

probatur in parabula vineæ; nihilominus tamen videtur esse contra rationem supremi distributoris, vt semper, & respectu omnium, nulla habita ratione meritorum, præmia æqualiter distribuantur. Hoc enim retraheret homines ab illa perfectione, quæ superat perfectionem simpliciter necessariam, ad consecutionem beatitudinis. Vt quid enim tot laboribus cælum emere, quod æquè bene, & absque vlla imminutione, emi posset solo actu simplicis virtutis, immò solo defectu criminum positiuorum?

Disces, maior virtus reddit certiorē consecutionem beatitudinis. Potest autem huiusmodi certitudo tanti emi, quamuis præmium sit æquale. Ergo non tolleretur meritorum inæqualitas.

In primis nego maiorem; cum enim dicat Apostolus *nescit homo, an odio, vel amore dignus sit*, nemo potest per virtutum excellentiam, quantumvis maximam, consequi certitudinem beatitudinis, nisi adsit specialis reuelatio. Deinde nego minorem. Hoc enim esset præmium valde tenue, respectu tanti meriti. Si enim vnus actus virtutis supernaturalis meretur præmium infinitum, nulloque præmio finito compensari potest, quomodo tot actus perfectiores virtutum supernaturalium poterunt ad æqualitatem compensari præmio tam exili, & temporaneo talis certitudinis?

Confirmatur. Singuli actus virtutis supernaturalis debent habere præmium sibi correspondens. Si ergo sit vnica tantum

visio, & hæc correspondeat in præmium  
vnius tantum actus, alij actus remanebunt  
impræmiati.

Dices, hoc argumentum probat, singu-  
lis actibus debere correspondere singulas  
visiones distinctas, quod est impossibile.  
Ergo nimis probat, quia cum visio sit pos-  
sessio boni infiniti, potest vna visio com-  
pensare infinitos actus, ita vt eadem sit  
virtualiter multiplex.

Distinguo antecedens, probat, debere  
correspondere singulis actibus singulas  
visiones distinctas quoad substantiam, &  
nego: distinctas quoad modum, concedo  
antecedens, & nego consequentiam. Quã-  
uis enim posset Deus per vnã; eandem-  
que visionem equaliter intensam, omnibus  
actibus virtutum possibilibus satisfacere,  
ratione infinitatis mensuræ coaceruata, &  
superabundantis, vt loquitur Apostolus,  
tamen vt nos alliciat ad exercitium virtu-  
tum, vult singulis nostris actibus propriũ  
tribuere præmiũ peculiare. Quia tamen  
hoc non potest esse semper substantialis  
diuersitas visionum, est saltem accidenta-  
lis secundum modum, idest secundum ea-  
rum intentionem, ita vt qui plures fecit  
actus virtutis, intensius Deum videat. Ali-  
quando tamen retribuit etiam visionem  
substantialiter diuersam, vt videbimus  
infra, iuxta substantialem diuersitatem  
meritorum.

Probatur 2. Ita se habet beatitudo ad  
bonos, sicut pœna inferni ad malos, cum  
hoc



hoc vnico discrimine , quòd illa semper  
detur ad æqualitatem, immò per mensurã  
coaceruatam, hæc autem citra condignũ .  
Sed pœna non est vna , & eadem respectu  
omnium damnatorũ , sed proportionatur  
singulis, iuxta mensuram scelerum. Ergo  
neque est vna, & eadem beatitudo respectu  
omnium beatorum, sed debet proportio-  
nari meritorum inæqualitati .

Dices , eadem est pœna damni respe-  
ctu omnium, & solum est diuersa pœna  
sensus, quæ respectu alterius est valde exi-  
lis, & potest potius dici accidentalis. Ergo  
etiam est vna , & eadem beatitudo sub-  
stantialiter , & solum est diuersa acciden-  
tialiter, nempe quoad corporum voluptates.

Distinguo antecedens, pœna damni est  
eadem terminatiuè , quatenus nempe pri-  
uat visione eiusdem Dei, concedo: est ea-  
dem formaliter , nempe eodem modo est  
cruciatiua, & dolorifera respectu omniũ ,  
nego antecedens . Et distinguo eodem  
modo consequens , est eadem beatitudo  
terminatiuè , quatenus videlicet termina-  
tur ad eundem Deum, concedo: est eadem  
formaliter , hoc est eodem modo volu-  
ptuosa, nego consequentiam. Probatur di-  
stinctio , quia cum pœna damni consistat  
in priuatione vltimi finis , qui est summũ  
bonum, quò magis hoc bonum cognosci-  
tur, eò magis est dolorifera eius absentia ,  
& per consequens pœna damni est forma-  
liter maior. Potest ergo Deus scelestiori-  
bus tribuere viuaciorem cognitionem bo-

ni amissi, adeoque facere quòd illis iactura sit magis pœnalis. Eodem modo potest Deus se magis vni,quàm alteri reuclare, adeoque facere quod visio sui sit vni allatiua maioris gaudij, vtpote medium maioris communicationis, & amicitia. Semper ergo respectu omnium est idem Deus visus, non tamen respectu omnium est eodem modo visus, sed ab vno perfectius, quàm ab alio, vnde resultat visionum inæqualitas. Quomodo autem possit esse diuersitas in visionibus claris eiusdem obiecti, videbitur in articulis sequentibus.

Ad 1. fundamentum Iouiniani Respondeo cum diuo Tho. q. 12. ar. 6. ad 2. illam particulam *sicuti* allatam in testimonio diui Ioannis, non determinare modum visionis, ex parte videntis, ita vt sit sensus, quòd ita erit perfectus modus videndi, sicut est perfectus in Deo modus essendi, quod esset falsum, & erroneum, immò impossibile, sed determinare modum visionis, ex parte rei visæ, ita vt sit sensus, *videbimus eum ita esse, sicut est in se*, quia videbimus ipsum esse Dei, quod est eius essentia, circa quam possunt tendere diuerso modo.

Ad 2. eiusdem & cum diuo Hyeronimo lib. 2. contra Iouin. August. lib. de sancta Virg. c. 26. & diuo Tho. p. 2. q. 5. ar. 2. per denarium in illa parabola Euangelica relata a Matthæo, intelligi quidem beatitudinem obiectiuam, seu obiectum beatificum, quod respectu omnium est vnum, & omnibus

bus æquale, non autem beatitudinem formalem, quæ cum sit operatio, qua formaliter Deus videtur, seu possidetur, non est omnibus æqualis:

Ad fundamentum Lutheri & si eius doctrina esset vera, omnes homines, non solum esse futuros æquales in patria, secundum beatitudinem, sed esse æquales in via secundum gratiam, quod ut erroneum ab omnibus rejicitur. Præterea omnes homines haberent gratiam infinitam, saltem in ratione valoris, adeoque eorum opera per illam dignificarentur in infinitum, & mererentur de condigno, sicut Christus Dominus, omne præmium consequibile, quod est maius absurdum.

## ARTICULVS. II.

*An inæqualitas intensiua visionum habeatur adæquatè ab inæqualitatè intellectuum naturalium?*

**V**idetur haberi, ut propugnant Scotus in 3. d. 12. q. 3. Durandus ibid. d. 14. q. 1. Molina in 1. p. q. 12. ar. 6. disp. 2. Caietanus 3. p. q. 10. ar. 4. ad 2. cum multis alijs, inter quos multi perperam trahunt ipsum diuum Thomam, eò quia hic ar. 6. dicat, visionum diuersitatem oriri ex diuersitate intellect<sup>us</sup> gloriosi. Cum ergo intellectus gloriosus sit ille, qui videt Deum, videtur talem diuersitatem refundere ad ipsam potentiam intellectiuam, secundum

diuersam naturalem virtutem considerata.

Eorum fundamentum est, quia duobus modis potest contingere, quod obiectum inæqualiter à pluribus videatur. Primò ex parte ipsius obiecti visibilis, quòd propter perfectiorem sui speciem, perfectiori modo in potentia vidente recipiatur. 2. Ex parte ipsius potentia visiuæ, quæ si sit perfectior alia, perfectius videt. Cum ergo Deus non videatur per sui similitudinem, seu specie impressam, sed per sui essentiam sit præses intellectui, non potest ex ipso obiecto haberi diuersitas visionum. Vnde colligunt, illam adæquatè haberi ex diuersa naturali perfectione ipsorum intellectuum.

*Conclusio, Inæqualitas visionum non potest adæquatè haberi ex inæqualitate intellectuum naturalium.* Est expressè diu Thomæ hic ar. 7. Et 3. con. Gen. c. 57. & aliorum communiter.

Probatur 1. Visio Dei vel est formaliter beatitudo, vel saltem illam formaliter constituit, vt videbimus suo loco. Sed est impossibile, quod hæc possit correspondere perfectioni physicae potentia naturalis. Ergo est impossibile, quod eius intensio, vel remissio sequatur proportionem potentia naturalis. Consequentia est euidens. Minor probatur, beatitudo datur in præmium meritorum, definiēte Florentino in litteris vnionis, quòd *iuxta meritum diuersitatem vnus alio perfectius videt diuinam essentiam.* Ergo eius intensio,

sio, vel remissio, non potest correspondere, perfectioni physicae potentiae naturalis; sicut enim scelestior potest esse ingeniosior, ita & melior in genere moris, potest esse obtusior, & hebetior in cognoscendo. Esset autem absurdum, quod scelestior, seu minus sanctus, esset beator, quam magis sanctus, ratione maioris physicae perfectionis. Ergo quia maior beatitudo consistit in visione interiori, non potest haec haberi per pure naturalia.

Neque est audiendus Molina, qui ut suam tueatur opinionem, ait quod posita meritorum aequalitate vel non datur aequale lumen ingeniosiori, vel saltem non datur aequale auxilium ad Deum videndum, ut videlicet defectus in naturalibus compensetur in supernaturalibus, ad seruandam beatitudinum aequalitatem, quoad aqualiter iustos; Nam Deus esset iniustus, si non retribueret lumen gloriae, iuxta proportionem meritorum, gratiae, & charitatis. Ergo si homo in instanti finali vitae habeat equalia haec omnia, cum alio ingenij obtusioris, habebit aequale lumen gloriae, nec poterit Deus illi denegare proportionatum concursum, ad visionem illi proportionatam, quae ratione solius excessus in physica perfectione ipsius videntis, fieret intensius maior visione alterius, quod est absurdum impugnatum. Praterquamquod excessus in perfectione naturali, faceret hominem deterius conditionis quoad dona gratuita, & supernaturalia, quod est.

peius absurdum. Ergo hæc Molinæ doctrina ſuſtineri non poteſt.

Probatur 2. In viſione Dei cōſideramus triplicem formalitatē obiectiuā, videlicet vitalitatem, ſpiritualitatem, & ſupernaturalitatem. Ad primas duas concurrit intellectus, vt eſt potentia naturalis, per proprias vires, & ad poſtremam concurrit lumen gloriæ. Quia tamen hæc tria prædicata phyſicè, & realiter ſunt vnum, & idē in viſione Dei, ideo hæc pendet ab intellectu, vt eſt actus vitalis, & ſpiritualis, non autem vt eſt ſupernaturalis; adeo vt eadem entitas eiſdem viſionis, pendeat indiuiſibiliter ab intellectu, & lumine, ſed ſub diuerſa formalitate metaphyſica. Quare principium adæquatum viſionis, neque eſt ſolus intellectus, neque ſolum lumen, ſed vterque ſimul, nempe intellectus illuminatus, ſeu informatus lumine. Non ergo eſt verum quod aliqui dicunt, has eſſe cauſas adæquatas ſingulas in ſuo genere, ſed dico eſſe cauſas ætherogeneas, ſingulas ſimpliciter in adæquatas, in ordine ad eandem viſionem, quæ eſt communis effectus; aliter vel tota viſio penderet ſimul à duabus cauſis totalibus, quod aduerſarij putant impoſſibile, vel ſingulæ producerent ſuam particulam effectus, & viſio eſſet formaliter composita ex pluribus partibus phyſicis, quod repugnat eius ſpiritualitati. Atq; adeo ſicut Sol, & homo concurrunt vt cauſæ partiales, ad productionem eiſdem hominis, licet ſint ætherogeneæ, ita intellectus,

lectus, & lumen ad visionem Dei. Hoc posito, quia inæqualis causa naturalis, necesse-  
sario producit effectus inæquales, cum in-  
tellectus sint inæquales, producant visio-  
nes sibi correspondentes inæquales, quoad  
vitalitatem, & spiritualitatem; & cum lu-  
mina sint æqualia, producant visiones æ-  
quales, secundum supernaturalitatem, quæ  
sola illis correspondet.

Ad auctoritatem diui Thomæ dico, il-  
lum fuisse locutum de intellectu glorioso,  
vt glorioso formaliter, & reduplicatiue, si-  
cut patet ex loco citato. Intellectus autē  
vt gloriosus reduplicat lumen gloriæ, ex  
cuius sola inæqualitate resultat visionum  
inæqualitas, vt sunt actus supernaturales,  
sicut videbitur.

Ad fundamentum oppositum patet re-  
sponsio ex nuper dictis. Siquidem visionum  
inæqualitas neque prouenit ex obiecto,  
neque ex sola potentia naturali, sed ex po-  
tentia gloriosa, vt gloriosa, hoc est vt af-  
fecta lumine gloriæ. Et ideo Diuus Tho-  
mas hic ar. 3. ad 3. ait, *diuersitas videndi non  
erit ex parte obiecti, quia idem obiectum om-  
nibus præsentabitur, scilicet Dei essentia, nec  
ex diuersa participatione obiecti per differen-  
tes similitudines, sed erit per diuersam facul-  
tatem intellectus, non quidem naturalem, sed  
gloriosam.*

## ARTICVLVS. III.

*Soluuntur alia argumenta contraria.*

**O**bjicies 1. cū Caietano in 3. p. q. 10. ar. 4. Facultas naturalis intellectus creati concurrit effectiuè ad visionem, aliòquin se haberet ad illam vel impertinenter, vel merè passiuè. Ergo est vera causa physica illius. Cū ergo causa perfectior producat effectum nobiliorem, intellectus perfectior eliciet visionem perfectiorem.

Gregorius de Valentia 10. 1. disp. 1. q. 12. puncto 4. negat postremam consequentiam, quia *licet tota perfectio causæ verè conferat ad producendum effectum absolute, tamen quantitas, & proportio effectus non respondet omni perfectioni, quæ sit de adæquata ratione causæ. sed solum attenditur secundum perfectionem ultimam causæ, quæ in proposito est lumen.* Sunt eius verba. Non dissimilis est responsio Durandi in 4. d. 49. q. 7. n. 6. dicentis, in ordine ad perfectionem effectus, solum attendi ultimam perfectionem causæ, quæ in casu nostro est lumen gloriæ.

Sed hæc responsio, quæ satis communiter admittitur à Thomistis, magnam patitur difficultatem ex eo, quod vel loquimur de tota perfectione effectus, comparando totum effectum adæquatè sumptum cum tota causa, adæquatè sumpta, vel effectum inadæquatè cum causa, inadæquatè sumpta? Si primum, quamuis  
tota



tota perfectio effectus non respondeat omnibus, & singulis constitutivis causæ, non tamen sequitur, quòd non respondeat toti causæ. Ergo per hoc quod quantitas, & proportio effectus attendat ultimam perfectionem causæ, non sequitur quòd non cognoscat ut verum sui principium, etiam alias perfectiones essentielles, & entitativas totius illius causæ, quæ influunt secundum illas. Si verò dicatur secundum, proportio effectus cum causa non consistit in hoc, quòd omnes, & singulæ partes, seu prædicata effectus respondeant omnibus, & singulis prædicatis causæ, quod est impossibile, sed solum quod singula prædicata effectus habeant prædicata sibi correspondentia in causa. Quamvis ergo ultima perfectio effectus non habeat correspondere, nisi ultimæ perfectiori causæ, non tamen sequitur, quòd secundum alias non habeat correspondere alijs prædicatis causæ.

R. igitur distinguendo primum consequens, intellectus est vera causa visionis, ut est actus vitalis, immanens, & spiritalis, concedo, ut est actus supernaturalis, nego consequentiam. Ex eo igitur quòd intellectus sit physicè perfectior, aliud non sequitur, nisi quòd producat visionem perfectiorem secundum vitalitatem, & spiritalitatem, non autem secundum supernaturalitatem.

Dices, supernaturalitas in visione non distinguitur physicè ab eius vitalitate, & spiri-

ſpiritualitate . Ergo ſi intellectus concurrir ad has,concurrir etiam ad illam.

Distinguo conſequens,concurrir etiam ad ſupernaturalitatem, identicè, & quaſi ſecundariò,& per accidens,concedo:formaliter,& primariò,& per ſe,nego conſequentiam.Sicut enim in Chriſto Domino humanitas concurrebat per accidens ad operationes cheantricas, quatenus per accidens erat vnita cum Verbo , cum quo potuit nō vniri; ita intellectus per accidēs concurrir ad affectum luminis gloriæ, a quo per accidens informatur,& poteſt nō informari.Quantitas autem effectus deſumi debet à cauſa primaria,& per ſe, non autem à cauſa ſecundaria,& per accidens, & multò minus à cauſa instrumentali , ſicut eſt intellectus reſpectu viſionis .

Obijcies 2.Inæqualitas intellectuum,ſecundum naturalia,impertinenter ſe habet ad viſionem Dei,quæ adæquatè fit à lumine gloriæ,non ſolum tamquam à virtute effectrice,ſed etiam vt à virtute , viſionis quantitatem determinante. Sed in data hypotheſi quod duo intellectus ſecundum naturalia inæquales , haberent æquale lumen , daretur in vtroque æquale determinatium viſionis.Ergo eſſet æqualis viſio, eò quia exceſſus vnius intellectus præ alio in perfectione phyſica , non faceret maius determinatium viſionis,vt viſio eſt.

Nego maiorem , quæ ſolum habet vim in ſententiâ Thomiſtarum admittente, lumen gloriæ eſſe totam rationē a genadi non  
autem

autem in nostra, in qua dicimus esse virtutem partialem, & inadæquatam. Quia ergo causa necessaria debite applicata producit effectum nobilissimum, quem potest, ideo ceteris paribus, intellectus perfectior, producet visionem perfectiorem. Et ratio a priori est, quia intellectus perfectior cum æquali lumine, facit principium adæquatum perfectius visionis. Sed principio adæquato perfectiori debet correspondere effectus perfectior. Ergo perfectior visio.

Dices, esset principium perfectius in alio ordine, non autem in ordine videtis, in quo solum attenditur principium proportionatum. Ergo non facit ad rem. Sicut enim gigas cum æquali virtute visiva, quamvis superet puerum in materialitate organi visui, non videt perfectius puero, ita nec intellectus perfectior cum æquali lumine.

Nego antecedens. Quamvis enim requiratur lumen, tamen illud non est totalis virtus, seu ratio videndi, sed solum partialis, & inadæquata. Cum ergo in intellectu perfectiori sit virtus naturalis perfectior, ideo in illo virtus adæquata ad videndum est perfectior, non ex parte luminis, sed ex parte virtutis naturalis. Vnde apparet disparitas de puero præ gigante. Quamvis enim gigas superet puerum in organi materialitate, non tamen superat in virtute, quæ non fundatur in organi materialitate, sed in eius perfectione, quæ aliquando est maior in minori.

Instabis, perfectio actus desumitur a principio proximo, & determinatiuo. Cum ergo hoc supponatur vtrique æquale, æqualis etiam sequitur visio.

Nego consequentiam, ex falso supposito. Et ratio est, quia cum principium proximum, & determinatiuum visionis non sit solum lumen (vt toties diximus) sed includat etiam virtutem naturalem illuminatam, seu gloriosam, ideo male supponitur esse vtrique æquale.

Dices 3. Lumen æquale in intellectu inæquali facit quidem principium perfectius *vt quod*, non autem *vt quo*. Cum ergo visio sequatur naturam principij *quo*, non est inæqualis in tali casu. Antecedens est euidenter ex paritate luminis. Cōsequētia probatur, calefactio sequitur naturā caloris, & nō calefactiui secundū se; & ideo videmus, quod non solū ignis maior cum minori calore minus calefacit, sed aqua feruens intēsius calefacit, quā ignis remissus, licet hic sit ex natura sua calefactiuus, & illa potius frigefactiua. Ergo effectus sequitur naturam principij, *quo*, & non *quod*; quod in casu nostro præsupponitur æquale.

Nego antecedens, quod solum habet vim in sententia Thomistarum, extra quā quia principium *quo*, includit etiam virtutem naturalem, ideo effectus debet etiam illi proportionari. Neque valet paritas de calore, quia cum hic sit tota virtus ignis, ideo non est mirum, si calefactio debet illi soli proportionari.

A R-

## ARTICVLVS. IV.

*An inæqualitas intensiua visionum habeatur adæquatè à lumine gloriæ?*

**V**idimus, ex diuersitate physica videndum, resultare quidem visiones inæquales; secundum vitalitatem, & spiritualitatem, non autem secundum supernaturalitatem, quatenus videlicet sunt formaliter visiones Dei per essentiam, & essentialiter dependentes à principio supernaturali. Videndum nunc est, an hæc inæqualitas visionum, ut sunt formaliter tales, habeatur adæquatè à solo lumine gloriæ, an verò partialiter ab illo, & partialiter à potentia naturali?

Videtur haberi partialiter, ut propugnât authores supra relati initio secundi articuli. Primò quia si Verbum diuinum assumpsisset naturam perfectiorè in cognoscendi perspicacia, cuiusmodi est Angelica, & habuisset æquale lumen gloriæ, quod habuit in natura humana, intensiorem eliciuisset visionem. Eius autem maior intensio tunc non potuisset provenire à solo lumine, quod fuisset æquale. Ergo partialiter ab illo, & partialiter à potentia cognoscitiua.

2. Visio Dei ut est formaliter talis, non minus pendet essentialiter à potentia intellectiua, quàm à lumine. Ergo sicut esset intensior, si proveniret à lumine intensiore, ita est intensior, si proveniat à potentia per-

perfectiore; atque adeo eius intensio habetur partialiter à singulis; & adquatè ab utroque. Antecedens patet ex dictis in 1. de generat. disp. 4. ar. 2. ubi probatum est, omnes actus immanentes pendere à suis principijs effectiuis, per actionem indistinctam, adcoque essentialiter, adeo ut ab alio principio pendere non possint, ut intulimus, & fusè probauimus in eod. lib. disp. 5. ar. 7. Probatur consequentia, quia effectus essentialiter pendens à pluribus simul causis partialibus, debet præcontineri in illarum virtute, tamquam in virtute adquatata. Ergo nulla est potior ratio, cur eius perfectio commensuretur vni ex illis, quam alteri. Ergo sicut per augmentum intensio-  
 nis, visio ut formaliter talis, commensuraretur luminis intensiori, ita debet per simile augmentum commensurari intensi-  
 oni virtutis in potentia cognoscitiua.

3. Intellectus perfectior cum eodem habitu fidei elicit actum fidei perfectiorem, sicut eliceret imperfectior cum habitu perfectiori. Et idem dico de voluntate, quæ sit secundum se perfecta ut 7. cum habitu charitatis intenso ut tria, elicit actum charitatis intensiorem, quam voluntas perfecta ut quattuor, licet habeat habitum charitatis equè intensum, nempe ut tria. Ergo etiam intellectus perfectior secundum se cum equali lumine elicit actum visionis intensiorem, quam imperfectior; immò si sit perfectus ut quinque, & habeat lumen, ut duo, intensius Deum videbit, quam al-  
 ter

ter perfectus ut tria, licet habeat lumen, ut tria. Idem dico de conatu; cum enim habitus subordinentur potentiae ad operandum, & haec cum equali habitu possit perfectius conari ad operandum, potest elicere actum perfectiorem. Haec autem non essent, si effectuum mensura desumeretur adaequatè à principio proximo. Ergo desumitur ab illo solum inadaequatè.

*Conclusio, Inaequalitas intensiva visionum, ut sunt formaliter tales, hoc est actus intrinsecè supernaturales, habetur adaequatè à solo lumine gloriae immediatè, illoque mediante, à divina essentia.*

Probat. 1. Visio ut formaliter talis, non reduplicat, nisi supernaturalitatem, per quam solam obiecto proportionatur. Ergo non respicit, nisi principium sibi proportionatum, cuiusmodi est solum lumen. Quamvis ergo entitatiuè, & materialiter pendeat etiam à potentia naturali, non tamen pendet ab illa, ut est formaliter talis. Atque adeo licet intensio secundum aliam praedicata, possit haberi per dependentiam à potentia magis, vel minus perfecta in genere physico, tamen intensio secundum supernaturalitatem, per quam solum habet ut sit formalis beatitudo, non potest haberi, nisi immediatè à principio supernaturali, cuiusmodi est solum lumen, & illo mediante, à divina essentia se liberè manifestante.

2. Statutum est disp. 2. ar. 4. lumen gloriae esse necessarium ad visionem Dei, ut pro-

imum, & vltimum determinatiuum quantitatis ipsius. Ergo quò maius, vel minus est lumen gloriæ, eò est maior, vel minor visio. Probatur consequentia, visio non potest esse intensior, vel remissior, quàm sit eius proximum, & formale determinatiuum, quod se habet respectu illius vt mensura omogenea. Sicut ergo visio corporea determinatur adæquatè ad esse tantam à specie visibili, quæ est eius vltimum determinatiuum; ita & visio determinatur ad esse tantam, vt est formaliter visio Dei, à lumine gloriæ, quod est vltimum, & adæquatum eius determinatiuum, & à quo solo habetur, tamquàm à speciali dispensatione, & priuilegio, vt intellectus finitus proportionetur Deo infinito. Vnde sequitur, quòd cum hoc determinatiuum non sit æquale respectu omnium, neque omnes omnium visiones sunt æquales.

Ad 1. distinguo maiorem. Verbum diuinum cum æquali lumine, in natura Angelica, elicuisset visionem intensiorem, secundum vitalitatem, & alia prædicata proportionata potentia naturali, concedo: secundum supernaturalitatem, vel secundum quod est formaliter visio Dei, nego maiorem. Et distincta eodem modo minori, nego consequentiam. Sicut enim intensio secundum vitalitatem, non potuisset provenire vllatenus à lumine, de se formaliter non vitali, ita intensio secundum supernaturalitatem, nullatenus prouenisset à potentia physica, ex se non supernaturali,

At-



Atque adeo sicut prima intensio fuisset adæquatè à virtute naturali, ita & secunda fuisset adæquatè à virtute supernaturali.

Ad 2. Nego antecedens. Ad cuius probationem dico, doctrinam assertam in loco citato, procedere de actibus immanentibus, in ordine ad perfectiones physicas illis connaturaliter debitas, non autem de indebitis, & supernaturaliter inditis. Cum ergo actui immanenti potentiæ naturalis cognoscitiuæ debeantur vitalitas, & spiritalitas, non autem supernaturalitas, ideo doctrina allata debet explicari, in ordine ad illas, & non in ordine ad hanc. Quamuis enim hæc sit realiter identificata cum illis, quia tamen formaliter distinguitur, ideo potest concipi per modum extrinsecus aduenientis, eo modo quo differentia concipitur accidere generi, cum quò est realiter idem. Sicut ergo Petrus non habet ex genere, ex quo essentialiter constat, quod sit formaliter discursiuus, sed ex pura, & sola differentia, ita & visio Dei non habet ex dependentia essentiali à principio cognoscitiuo, vt sit formaliter visio Dei, sed à dependentia à solo lumine gloriæ, quæ metaphysicè illi accidit.

Ad probationem consequentiæ dico, doctrinam procedere in ordine ad causas partiales omogeneas, nõ autem in ordine ad etherogeneas, quæ cum producant effectum virtualiter multiplicem, singulæ in illo recognoscunt prædicata sibi correspond-

pondentia. Et sic in visione possunt distinguere plures formalitates, nempe vitalitas spiritualis correspondens intellectui, ratio visionis correspondens diuinæ essentiæ, quæ est visio, qua Deus se videt, & ratio supernaturalitatis correspondens soli lumen gloriæ. Sicut ergo crescente intensione luminis, non crescit vitalitas, ita crescente perfectione potentiæ cognoscitiuæ, non crescit supernaturalitas.

Ad 3. Nego maiorem quoad omnes partes, si procedat de actibus supernaturalibus fidei, & charitatis, qui cum ut supernaturales pendant essentialiter ab habitibus supernaturalibus fidei, & charitatis, possunt, quidem secundum vitalitatem, aliaque prædicata communia actibus naturalibus commensurari potentijs naturalibus, non tamen secundum supernaturalitatem, ut diximus de visione. Ad postremam partem de conatu dico, vel nomine conatus intelligi actus præuios quomodocumque dispositiuos ad actus supernaturales, vel ipsos actus supernaturales? Si dicatur primum, dico huiusmodi actus aliquando esse naturales, ut est iudicium euidens de credibilitate obiecti, necessario prærequisitum ad actum fidei supernaturalis, & hos commensurari principijs naturalibus, & aliquando esse supernaturales, ut est actus spei, prærequisitum ad actum charitatis; & hos dico, non commensurari principijs naturalibus, sed habitibus supernaturalibus, qui dant illis simpliciter posse.

posse. Si verò dicatur secundum, cum conatus ad actus supernaturales non distinguatur ab ipsis actibus, de illo redeunt argumenta suprafacta; atque adeo numquā actus supernaturales, ut formaliter tales commensurantur potentijs naturalibus, à quarum physica inæqualitate neque partialiter sumunt inæqualitatem.

# ARTICVLVS. V.

*An inæqualitas intensiua luminum gloriæ habeatur ab inæqualitate charitatis?*

**V**idetur non haberi, Primò quia dictū est disp. 2. ar. 4. Deum se liberè Beatis manifestare, modò clariùs, & modò obscurius. Sin autem lumen gloriæ commensuretur charitati, hoc non esset, eò quia teneretur Deus, iuxta proportionem charitatis, infundere lumen determinatiuum ad quantitatem visionis, vnde sequatur ex parte Dei determinata manifestatio sui. Ergo quòd lumen sit intensius, vel remissius, non prouenit ex intensiōe, vel remissione charitatis, sed ex puro, & libero Dei beneplacito.

2. Dictum est disp. 11. ar. 8. lumen gloriæ esse speciem impressam Dei. Sed species impressa naturaliter emanat ob obiectu. Ergo lumen gloriæ non datur in præmiū charitatis, atque adeo eius intensiō non habet prò mensura intensiōem charitatis, sed potentiæ recipientis capacitatem.

Sed contra est, quia diuus Thomas 1. p.

q. 12. ar. 6. ait, *intellectus plus participans, de lumine gloriæ perfectius Deum videbit. Plus autem participabit de lumine gloriæ, qui plus habet de charitate.* Et affert rationē ingeniosam, quia ubi est maior charitas, ibi est maius desiderium, & desiderium quodāmodo facit desideratē aptum, & paratū ad susceptionem desiderati. Hoc autē posset virgeri, non solum quia qui desiderat aliquod, collit, & appetit illud, adeoque illud quodammodo sibi conciliat, & promeretur, sed etiam quia qui maiori fertur desiderio in aliquod, est paratus magis gaudere de illius possessione. Certum autem est, taliter dispositum mereri omnia ea, quæ conducent ad consecutionem talis obiecti. Ergo qui habet maiorem charitatem, adeoque maius desiderium se vniendi cum Deo, meretur maius lumen, per quod clariùs videndo Deum, illum perfectius consequatur.

*Conclusio, Inæqualitas luminū gloriæ habetur adæquatē ab inæqualitate charitatis.*

Probatur, beatitudo datur in præmium charitatis, ut docet fides. Ergo ubi erit maior charitas, ibi erit dispositio ad maiorem beatitudinem. Sed mēsurā omogeneā beatitudinis est lumen gloriæ, ut dictū est. Ergo tantum erit lumen, quanta charitas. Ergo quia charitas non est in omnibus æqualis, nec omnibus datur æquale lumen.

Ad 1 Nego maiorem, primò quia quantum lumen rependatur in præmium charitatis,

ritatis , non tamen amittit rationem specialis beneficii, eò quia ipsa etiam charitas sit beneficium gratiosè à Deo collatum , non solum quia procedit à gratiosa infusione habitus charitatis , sed etiam quia supponit gratiosam hominis ordinationem ad gloriam , & eleuationem ad ordinem gratiæ . Deinde quia determinatio, quam Deus accipit à charitate ad quantitatem luminis , est semper consequens ex libero , & liberali eius beneplacito , quo voluit se hominibus manifestare . Ergo quòd se manifestet, iuxta commensurationem luminis cum charitate , non tollit quòd se liberè non manifestet . Probatur consequentia, quia tota suppositio, vnde sequitur manifestationis determinatio, est illi omninò arbitraria, & posset ab illo simpliciter non poni.

Neque obstat, quòd in sensu composito cum tali suppositione, necessariò sequatur tanta manifestatio; nam hæc est necessitas consequens ad eius liberam promissionem, adeòque non pugnat cum eius libertate , vt fusè explicabitur in materia de gratia.

Ad 2. Distinguo minorem, species naturalis naturaliter emanat ab obiecto, cōcedo , species supernaturalis, nego minorem, & cum illa consequentiam. Disparitas est, quia cum species naturalis detur ad exigentiam naturæ , vt per illam potentia naturalis vniatur cum suo obiecto, circa quod naturali impulsu determinatur ad o-

perandum ; debet esse semper parata ex parte obiecti , nè potentia frustretur suo fine. Hoc autem non esset, si species naturali necessitate ex obiecto non emanaret, quia posset etiam in debitis circumstantiis non emanare; & sic oculus e. g. debite applicatus colori , ex defectu speciei , non posset videre colorem , quod vergeret in maximum incommodum, immò inverteret ordinem naturæ. Ergo ita obiecta natura determinauit, vt semper, & necessariò emittant sui species, per quas possint omnia & singula percipi à potentijs actiuis sibi proportionatis. Species autem supernaturalis quia est indebita, nec datur ad exigentiam naturæ, ideo debuit esse sub arbitrio, & potestate donatoris, vt possit per illam exercere actum specialis beneuolentiæ cum quocumque voluerit. Quia ergo lumen gloriæ, est species supernaturalis diuinæ essentiæ, ideo nō emanat ab illa naturali necessitate, sed liberè; iuxta mensuram charitatis. Et hoc non solum quia, Deus est liber ad operandum ad extra, in genere causæ efficientis, sed etiam quia est liber ad se manifestandum creaturæ, in genere causæ obiectiuæ; atque adeo concurrat liberè vtroque concursu ad sui speciem, nempe efficienti, & obiectiuo.

#### A R T I C V L V S. VI.

*An omnes visiones Dei sint æquales quoad perfectionem extensiuam?*

**V**identur esse 1. quia omnes visiones versantur circa idem obiectum beatifi-

tificum, quòd est Deus, clarè cognitum, aliòquin non essent formaliter beatifica. Deus autè clarè cognitus, & vt est obiectū beatificum videtur sicuti est in se, & ( vt ait Apostolus ) facie ad faciem. Ergo ab omnibus videtur secundū totū, aliter non videretur intuituè, vt summū bonū. Atq; adeo nulla visio extēditur ad plura, quàm alia ex parte obiecti visi, & per consequens non potest esse perfectior extensiuè.

2. Si vnus Beatus videret in Deo plura, quàm alius, qui videret pauciora, non esset beatus, eò quia cuperet videre quæ non possèt videre, & anxietur. Consequens est absurdum. Ergo & antecedens.

Conclusio, *Non omnes visiones sunt æquales quoad perfectionem extensiuam, sed vna videt in Deo p'ura, quàm alia.*

Scotus in 1. d. 8. q. 4. supponens, diuina attributa distingui formaliter ab essentia, probat hanc conclusionem per hoc, quòd vnus Beatus videat in Deo plura attributa quàm ali', supponēs vt certū, posse vnū clarè videri, nō visis alijs, sicut loquitur de personis. Sicut. n. potuit vna Persona vniri hypostaticè naturæ humanæ, non vnitis alijs, ita ait posse vnā videri, nō visis alijs.

Sed hæc ratio sustineri non potest, ex falsitate vtriusque suppositi, vt videbimus suo loco. Præ nunc non valet illatio ex vnione hypostatica ad visionem; nam vnio terminatur immediatè ad Personam, visio autem ad essentiam, quæ sola est ratio videndi Deum. Cum ergo ex vna parte sit

falsa suppositio de distinctione formali attributorum, quæ cum conueniant Deo ratione essentia, sunt omnibus communia, & ex alia exemplum vnionis hypostaticè non illi suffragetur, est vndequaque falsa hæc doctrina.

Alij confugiunt ad creaturas, tam possibiles, quàm actuales, & dicunt ab vno Beato videri plures creaturas in Deo, quàm ab alio, quæ licet sint objecta secundaria, quia tamen videntur in Deo, diuersificant in visione Dei eius perfectionem extensiuam.

Sed hæc ratio patitur difficultatem, primò quia vel procedit de creaturis possibilibus, vel de actu existentibus? Si primum, cum possibilitas omnium sit ipse Deus, non potest hic intuitiuè videri, quin videatur omnium possibilitas, adeoque omnes creaturæ vt formaliter, & reduplicatiue possibiles. Vel de actu existentibus, & hæc vel videntur in Deo vt in causa, & cum Deus sit causa omnium, deberent omnes simul videri; Vel vt in medio connexo cum illarum possibilitate, & adhuc omnes deberent cognosci, propter essentialem Dei connexionem cum possibilitate omnium; vel vt in medio cognito, & remanet explicandum quomodo Deus sit Beatis medium cognitum, respectu vnius creaturæ, & non alterius. Ergo hæc exigit peculiare examen quoad singulas partes, quod præstabimus disputatione sequenti.

Probatur ergo conclusio, præter essentialitatem,



tiam, Personas, & attributa, dantur in Deo terminationes libere non necessario denominantes. Sed quia hæ distinguuntur virtualiter intrinsecè ab essentia, possunt obiectivè præscindi à videntibus Deum. Ergo remanent in illius manu, ut ad libitum revelabiles cuicumque voluerit, iuxta determinationem luminis gloriæ. Ergo in ordine ad has, visiones non sunt æquales, quia una terminatur ad plures, quàm alia.

Vnde obiter confirmatur illa doctrina, quam statuimus in 1. ar. nempe beatitudinem non esse omnibus æqualem, quod patet sic, illa visio est perfectior, quæ maiorem facit beatitudinem. Sed maior est illa beatitudo, quæ maius efficit gaudium. Ergo visio allatiua maioris gaudij erit perfectior. Quod autem maius gaudium sequatur ex visione plurium terminationum liberarum, probatur quia qui plura videt in summo bono, perfectius cognoscit eius summam amabilitatem. Ergo magis de illo gaudet; semper enim maius bonum est excitativum maioris gaudij. Deus autem perfectius visus habet rationem maioris boni respectu videntis. Ergo est excitativus maioris gaudij. Præterea visio est possessio Dei. Quò ergo magis Deus per illam revelatur, eò perfectius possidetur. Quis autem dubitet, an perfectior possessio summi boni sit allatiua maioris gaudij? Ergo beatitudines non sunt æquales.

Ad 1. distinguo consequens, videtur Deus secundum totum, & totaliter, nego: & non totaliter, concedo consequentiam. Siquidem videntur omnia eius prædicata essentialia, & necessario denominantia, non autem terminationes liberae non necessario denominantes.

Neque obstat, quod huiusmodi terminationes non sint ratione sui formaliter perfectiones in Deo, adeoque non constituent diuinam essentiam, quæ est obiectum primum beatificum, sed sint veluti obiecta secundaria; nam etiam ut tales complent obiectum beatificum, quatenus est videntibus gaudiosum, ut nuper diximus.

Ad 2. Nego maiorem. Ad cuius probationem nego suppositum, quod nempe minus beatus possit cupere uidere in Deo omnia ea, quæ videt magis beatus. Et ratio est clara, quia sicut lumen gloriæ determinat quantitatem visionis (ut dictum est) ita visio de sua ratione intrinseca, & essentiali habet determinare potentiam volitiuam beati, ad hoc ut possit elicere tot species, & numero uolitiones, & non plures. Qui ergo habet visionem perfectiorem intensiue, potest exire in actum volitionis, quo velit scire plura, quæ sunt in Deo, in quem actum volitionis exire non potest qui habet visionem imperfectiorem. Atque adeo hic non potest e.g. cupere scire, an Deus habeat decretum creandi A, beatior autem potest. Posito autem quod hoc

hoc desideret, tenetur Deus vt obiectum  
summe fatiatuum, illi hoc reuelare, illū-  
que liberare ab hac nescientia, seu igno-  
rantia præcisiua, & non negatiua. Num-  
quam ergo beati possunt anxari, quia vel  
non possunt velle scire, nisi eas termina-  
tiones, ad quarum notitiam determinan-  
tur à visione; vel si possint, assequuntur  
intentum.

Dices, saltem anxiantur ex hoc, quod  
videant alios plura scire, quàm ipsi. Nego  
suppositum. Primò quia qui perfecte  
fatiatur secundum suam conditionem, ni-  
hil illi deest. Ergo licet cognosceret, alios  
fatiari per plura, non inde anxaretur, ea  
planè ratione qua paruus corpore ita gau-  
det vestibus perfecte sibi congruentibus, vt  
nō desideret vestes aptiores, congruentes ma-  
iori, secundum corporis molē. Excessus ergo  
cognitionis, quo superatur ab alio, vt sibi  
improportionatus neque illi est optabilis,  
neque eius priuatio est anxiativa. Deinde  
quia cū singuli beati videāt ī Deo, beatitu-  
dinem sibi correspondere in præmium  
meritorum, eò ipso quod videant, illam  
sibi rependi ad perfectam æqualitatem, &  
nihil sibi relinqui impræmiatum, immodò  
præmium per infinitum excessum esse me-  
ritis maius, ideo summam Dei admiran-  
tur munificentiam, eiusque liberali, & ius-  
tissima præmiorum distributione vsque  
adco delectantur, vt aliorum excessui non  
inuideant, sed illo vt proprio mirifice re-  
creantur, ex perfecta amicitia, qua illos

prosequuntur, ratione cuius eorum bonū, etiam proprii iactura (si fieri posset) vellent cumulare.

## ARTICULVS. VII.

*An omnes visiones Dei sint eiusdem speciei atomæ?*

**S**Tatuta visionum inæqualitate, videndum est, an hæc sit generica, seu specifica, vel solum numerica? Thomistæ cum pluribus sequacibus dicunt, omnes visiones Dei, siue hominum, siue Angelorum, quomodocumque inter se comparatas, esse eiusdem speciei atomæ, & solo numero ab inuicem distingui. Hoc autem probare possent.

1. Omnes visiones Dei habent idem obiectum formale, & materiale primariū; nam omnes vident eandem diuinam essentiam, quæ habet respectu illarum rationem obiecti formalis, & materialis primarij. Ergo omnes sunt eiusdem speciei atomæ, & differunt solo numero.

2. Omnes visiones Dei sunt eadem beatitudo quoad substantiam, & solum possunt formaliter constituere beatitudinem accidentaliter diuersam. Ergo non possunt differre, nisi numero.

3. Si visio beata Angelorum esset diuersæ speciei atomæ à visione beata hominū, qualibet visio, licet remissa, cuiuscunque infimi Angeli, esset ex natura sua perfectior qualibet visione, licet intensa, cuiuscum-

cumque hominis, quantumvis perfectissimi, in ordine meritorum, & sanctitatis. Sed hoc est absurdum, nam hoc admissio, numquam homo posset assumi ad æqualitatem Angelorum, quod ut erroneum rejicitur à diuo Tho. 1. p. 108. ar. 8. Ergo non sunt diuersæ speciei. Minor patet ex Lucæ 20. vbi dicitur quod filij resurrectionis erūt sicut Angeli Dei. Maior probatur, quia species sunt velut numeri. Ergo sicut numeri non possunt esse æquales, sed necessario vnus est maior alio, ita neque species possunt esse æquales, sed necessario vna est perfectior alia.

*Conclusio, visiones Dei vt formaliter beatificæ, possunt, & debent aliquæ differre inter se solo numero, & aliæ specie atoma essentiali.* Huic opinioni subscribit Alarcon hic disp. 3. c. 6. cum Riccardo, Maiore, Durando, Molina, Salas, Herice, alijsque penes ipsum, vt refert Gonet disp. 4. de visione ar. 1.

Probatur 1. Quotiescumque specificatiua sunt diuersa, debent esse diuersi specie effectus. Sed specificatiua visionum sunt inter se maximè diuersa; Ergo debent esse diuersæ specie visiones. Maior est euident, aliter possent duo esse eiusdem speciei atoma, quamvis habeant diuersa prædicata essentialia, quod repugnat. Probatur minor, visio Dei non solum specificatur ex obiecto formali, sed etiam ex ordine ad principium effectuum, à quo pendet essentialiter, vt probatum est in 1. de gener. dis.

4. ar. 2. Cum ergo principium effectuum visionis non semper sit idem specie, neque erit semper idem specificatum. Quod autem principium effectuum visionis beatificæ non semper sit idem specie, probatur non solum ex diuersitate specifica, immò a liquando etiam generica ipsorum intellectuum, cuiusmodi sunt angelicus, & humanus, sed etiam ex diuersitate luminum gloria, quibus tales intellectus confortantur; alioquin si lumina omnibus essent eadem, non esset inæqualis beatitudo, sed omnes essent æquè beati, cuius oppositum probauimus in 1. articulo.

2. Non omnis visio videt Deum eodem modo, non solum ex diuersitate intensiōnis, sed etiam ex diuersitate extensionis, vt asseruimus in ar. 5. & 6. nam vna videt in Deo plura, quàm alia. Ergo habent diuersum obiectum terminatiuum, adeoque diuersam tendentiam in illud. Est autem impossibile, reduci ad eandem speciem illas visiones, quarum vna terminatur ad plura, quàm alia. Ergo hæ visiones differunt specie attona, quatenus sub eodem genere proximo visionis vt sic, diuersam habent definitionem essentialem, vt probauimus in logicis. Nam vna dicitur visio Dei, vt reuelantis tria prædicata, & alia eiusdem Dei vt reuelantis quinque, vel sex, cum essentiali dependentia à diuersis principijs, & obiectis, & aliquando etiam à diuersis subiectis. Quis autem dicat, esse eandem specie visionem, quæ habet diuersitate

fitatē principij, obiecti, & subiecti, & quod pluris valet, diuersitatē obiecti formalis?

Vnde patet responsio ad 1. non solum quia obiectum formale visionis non est essentia Dei, sed modus tendendi circa essentiam, vt dictum est; sed etiam quia non omnes visiones habent idem obiectum materiale primum, quod cum sit diuina essentia, vt terminans visionem, & hæc nō terminet cum eadem extensione, sed modo secundum plures actus liberos, & modo secundum pauciores, non est idem respectu omnium.

Dices, actus liberi, & creaturæ possibiles spectant ad obiectum secundarium visionis. Ergo non diuersificant obiectum primum, adeoque neque specificatium.

Nego consequentiam. Et ratio est, quia specificatium desumitur, tam ex obiecto primario, quam ex secundario, dummodo vtrumque necessario, & essentialiter respiciatur. Sicut enim cognitio Petri, vt formaliter Patris Ioannis, specificatur etiam à respectu, quem habet ad Ioannem, qui est vltimus terminus talis relationis, quamuis ad Ioannem feratur secundario; ita & visio Dei, non solum specificatur à respectu, quem essentialiter dicit ad essentiam, sed etiam ab illo, quem dicit ad actus liberos. Probatur assumptum, nam per hoc distinguitur cognitio de Petro, vt hic est aliquod absolutum, à cognitione de eodem, vt est pater Ioannis, seu vt est aliquod relatiuum ad Ioannem, quia illa prima respicit vt

obiectum terminatiuum adæquatum solū Petrum, & hæc secunda respicit etiā Ioannem, sine quo non posset respicere in Petro paternitatem. Ita etiam vna visio specificatur ab alia, non per hoc, quòd tendat in diuinam essentiam, vt est cumulus omnium perfectionum simpliciter simplicium, siue vt est subsistens in triplici supposito, sed vt est volens hanc, vel illam creaturam. Nam primus respectus est communis omnibus, & ideo non potest esse distinctiuus, secundus autem est proprius singularium, & ideo est distinctiuus. Primus ergo respectus distinguit visionem Dei ab omni non tali, & ideo est distinctiuum genericum, transcendens per omnes species visionum; secundus autem distinguit vnā visionem ab alia, & ideo est specificatiuum ad speciem atomam, seu distinctiuum specificum.

Præterquamquod posset etiam negari antecedens, licet communiter admittatur. Et ratio est, quia cum actus liberi Dei, qui vulgò dicuntur terminationes liberæ, sint adæquatè intrinseci Deo, saltem identicè, & materialiter constituunt diuinam essentiam, licet ab illa distinguantur formaliter, & virtualiter intrinsecè. Est autem impossibile, quòd essentia sit obiectum primarium, & non sit secundum totum id, quod est cum illa realiter identificatum. Ergo tam diuinæ Personæ, quàm terminationes liberæ, immò & ipsa creaturæ possibiles, quæ vt formaliter tales nō sunt aliud, quam



quàm diuina omnipotentia, ingrediuntur physicè, & secundum entitatem materiale, rationem obiecti materialis primarij, respectu visionis. Verum quidem est, quòd sola essentia sit obiectum motuum visionis, non tamen illa sola, vt virtualiter intrinsecè præcisa à Personis, & terminationibus liberis, est obiectum terminatiuum. Et hinc sumitur ratio æquiuocadi. Quando enim quærimus specificatum visionum, non quærimus motuum, quod solū non specificat, sed obiectum adæquatum terminatiuum, in ordine ad quod desumitur ratio specificariua.

Ad 2. Nego antecedens. Cū enim visio non sit beatitudo obiectiua, quòd est solus, & idem Deus, sed formalis, potest ex modo tendendi circa obiectiuam, & ex alijs capitibus supra allatis, essentialiter diuersificari. Neque est nouum in scholis, quòd circa idem numero obiectum possint versari diuersi essentialiter actus. Nam (vt sistamus in genere visionis) visio canis de pariete albo A. non est eiusdem speciei atomæ cum visione hominis de eodem pariete. Ergo ratio specificæ distinctionis non est desumenda ex obiecto materiali terminatiuo, sed ex obiecto formali, & ex principio actiuo in illam influente, à quo vt actus immanens essentialiter pendet. Ergo quia in ordine ad visiones Dei habemus diuersitatem essentialem, non solū in obiecto formali, sed etiam in principio actiuo, & in ipso etiam obiecto terminati-

uo, non possunt omnes reduci ad eandem speciem atomam.

Ad 3. distinguo maiorem, qualibet visio Angeli, licet remissa, esset perfectior qualibet visione hominum, licet intensa, si loquamur de visione quatenus est beatifica, & possessio Dei, nego: quatenus est perfectio physica, respiciens intellectum, ut suum principium vitale, concedo maiorem. Et distinguo minorem, absurdum est, visionem beatificam per ordinem solum ad principium naturale, esse magis beatificam, & perfectiorem possessionem Dei, concedo; esse perfectiorem in genere physico, seu secundum entitatem naturalem, nego minorem. Et sub eadem distinctione nego consequentiam. Quia tamen hic non disputatur de perfectione, quam habet visio Dei, ut est actus vitalis naturaliter emanans a potentia naturali, sed de perfectione, quam habet ut est formaliter beatifica, id est ut est essentialiter respiciens beatitudinem obiectivam, quem respectum non potest habere ut naturaliter emanat a potentia sola intellectiva, ratione improprietatis, quam hac habet ad tale obiectum, ideo subtili consideratione. Ad argumentum nego simpliciter maiorem, quia sicut maior perfectio intellectus non facit illum minus distantem a Deo, in ratione proportionis; ita neque maior perfectio visionis, in ratione actus vitalis, facit illam perfectiorem in ratione beatitudinis, seu diuinæ possessionis, ut dictum est supra. Per hoc ergo pra-

præcisè quòd vna visio sit Angeli, & alia hominis, non sequitur, earum specifica distinctio, vt sunt formaliter beatificæ; atque adeo non sequitur absurdum inculcatum ab arguente.

## ARTICVLVS. VIII.

*An beata visio sit comprehensua Dei?*

**V**idetur esse, vt afferebat Eunomius, Augustinus de Roma Episcopus Nazarenus, & alij hæretici, quamuis potestrenus restringeret suum errorem ad solâ animam Christi Domini, à qua dicebat videri Deum tam intensè, & clarè, sicut est visio, qua Deus se videt. Eorum fundamenta possunt esse.

Primò, dicebat de se ipso diuus Paulus ad Philip. 3. *sequor si quo modo comprehendā*, hoc est videam Deum, vt dicunt expositores. Non sequebatur autem frustra, vt ipse testatur 1. Cor. 9. *sic curro non quasi in incertum*. Ergo contendebat videre Deum comprehensiuè. Et ideo hortatur etiam alios ibid. *sic currite, vt comprehendatis*. Ergo quia hortabatur ad visionem, hæc est comprehensio.

2. Dicitur 1. Ioannis 3. *videbimus eum sicuti est*. Ergo quantum Deus cognoscibilis est, quod est proprium comprehensionis.

3. Nihil Dei latet Beatos. Ergo ab illis comprehenditur. Consequentia patet ac definitione. Antecedens probatur, Deus est

est actus purissimus, & simplicissimus. Ergo non potest videri, quin totus videatur, & quantum visibilis est.

4. Non potest clarè videri Deus, nisi videatur etiam visio, quæ Deus se videt. Sed hæc est comprehensua Dei. Ergo non potest clarè videri, nisi videatur clarè comprehensio Dei. Est autem impossibile, clarè videri comprehensionem, nisi videatur eius terminus. Ergo per visionem beatam videntur omnia, quæ Deus videt per sui comprehensionem, adeoque Deus comprehenditur. Neque potest negari, videri talē visionem diuinam, quia cum hæc sit perfectio simpliciter simplex, & absoluta, constituit formaliter diuinam essentiam. Ergo non potest hæc sine illa videri.

*Conclusio, Nulla visio beata, siue Angelica, siue humana, quantumvis perfectissima, est comprehensua Dei.*

Probatur I. Si qua esset visio Dei comprehensua, maximè esset illa, quam habet anima Christi Domini, quæ ratione vnionis hypostaticæ cum Verbo, est omnium perfectissima, loquendo de actu existentibus. Sed hæc non est comprehensua. Ergo nulla visio actu existens est comprehensua. Consequentia est euidens. Maior est certa, quia cum comprehendere obiectum sit summa perfectio, quæ possit dari in tali genere, si alicui ex visionibus conueniret, utique conueniret visioni, quam habet anima Christi, quæ in genere visionū actu existentium est perfectissima. Probatur nū-

nor,

nor, in Concilio Basileensi, sub Eugenio 4. sess. 22. fuit damnata. ut erronea propositio Augustini Romani assertens, animam Christi videre Deum comprehensivè, hoc est tam intensè, & clarè, sicut Deus videt se ipsum.

Neque obstat, quòd hoc Concilium fuerit ab Eugenio reuocatum, & translātū prius Ferrariam, & deinde Florentiam, Primò quia hæc damnatio accidit añò 1435. biennio ante reuocationem, quæ successit anno 1437. Tunc autem Concilium erat legitimum, ut pote intimatum à Martino V. & continuatum præsidentibus Legatis ipsius Eugenij, quorum primus fuit Ioannes Franciscus Capolista Patavinus, insignis iurisperitus. Deinde quia Nicolaus V. Eugenij successor approbavit damnationem, & censuram dictæ propositionis, ut videre est in eius bulla, que recensetur in fine Concilij Basileensis. Ergo licet posset de authoritate Concilij aliquid dubitari, non tamen potest de authoritate Pontificis Romani, cuius anathemate ista fuit hæc assertio.

2. Si visio Dei, ut est formaliter talis, esset Dei comprehensiva, omnis visio Dei esset eius comprehensiva, cum respectu omnium militet eadem ratio. Sed hoc est erroneum, quia tolleretur visio inæqualitatem, quam ut de fide statuimus ar. 1. Ergo visio ut visio non est comprehensiva. Maior, & consequentia sunt evidentes. Minor probatur, cognitio non dicitur cō-  
pre-

prehensiuā, nisi habeat modum cognoscē-  
di commensuratum modo essendi ipsius  
obiecti comprehensi, vt docet diuus Tho-  
mas hic ar. 7. ad 3. quod videlicet cogno-  
ſcat quantum cognoscibile est, vt idem ex-  
plicat ibidem in corpore. Ergo cum mo-  
dus essendi Dei sit infinitus, eius compre-  
hensio haberet modum cognoscendi infi-  
nitum, adeoque esset cognitio infinita. Sed  
inter infinita non datur vnum maius alio,  
vt probatum est in 3. phys. Ergo omnes  
visiones Dei essent æquales.

3. Visio Dei, vt est formaliter talis, pen-  
det essentialiter à lumine, à quo habet spe-  
cificationem, & determinationem ad esse  
tantum. Ergo si esset comprehensiuā, debe-  
ret procedere à lumine infinito, vt inferit  
diuus Thomas ibid. Sed nulli beato de fa-  
cto datur lumen infinitum. Ergo neque  
datur comprehensio Dei.

Ad 1. dico, nomen comprehensionis  
accipi à diuo Paulo non stricto modo,  
quatenus significat vel inclusionem, vel  
adæquationem cognitionis cum obiecto,  
sed largo modo, quatenus significat con-  
secutionem, vel possessionem obiecti, vt  
docet hic diuus Thomas in resp. ad 1. In  
qua acceptione beati dicuntur comprehē-  
sores. Curabat igitur Apostolus compre-  
hendere, hoc est atsequi Deum, per amorē,  
& visionis possessionem. Et ideo subdit,  
*in quo & comprehensus sum à Christo Iesu*,  
hoc est fuit à Deo præoccupatus per amorē,  
quo persecutus eū fuerat, ad sui seruitiū,  
ad

ad quod specialiter per gratiā eleuauerat.

Ad 2. nego consequentiam. Et dico ly *sicuti* determinare modum visionis, ex parte Dei visi, ita ut faciat sensum, videbimus eum ita esse, sicuti est in se, non autem ex parte videntis, ita ut faciat sensum, quod ita erit perfectus modus videntis, sicut est perfectus in Deo modus essendi, ut optimè distinguit hic diuus Thomas ar. 6. ad 1.

Ad 3. Nego consequentiam. Quamuis enim totus Deus videatur, qui ratione suæ summæ simplicitatis, non potest videri per partes, non tamē videtur totaliter, hoc est quantum visibilis est. Dico igitur cum diuo Tho: hic ar. 7. ad 3. ly *totaliter* dicere modum obiecti, non quod totus modus obiecti non cognoscatur, sed quod modus obiecti non est modus cognoscentis. Et ideo subdit, *qui igitur videt Deum per essentiam, videt hoc in eo, quod infinite existit, & infinite cognoscibilis est. Sed hic infinitus modus non competit ei, ut scilicet ipse infinite cognoscat.* Hoc autem posset vltimius explicari, in præsentia Dei ad locum, ita enim Deus est totus hic, ut non sit totaliter hic, aliter non esset alibi, quod repugnat eius immensitati, cum ly *totaliter* dicat summam, & vltimam perfectionem in tali effectu formali, cum exclusionem cuiuscūq; alterius. Ita etiā quia per vnā visionē ita tot⁹ videtur, ut possit per aliā perfectius videri, ideo videtur totus, sed nō totaliter. Et hæc est ratio, cur licet indiuisibilis, possit terminare plures conceptus inadæquatos, licet

licet singuli ferantur ad totum Deum, ita ut inadæquatio non se teneat ex parte Dei visi, sed ex parte ipsius videntis.

Ad 4. nego postremam consequentiam. Et ratio est, quia sicut non sequitur comprehensio Dei, ex eo quod cognoscantur directe, & immediatè omnia prædicata constitutiva Dei; ita neque sequitur comprehensio per hoc, quod hæc cognoscantur in tali cognitione increata. Ratio à priori est, quia sicut illa constitutiva, & attributa possunt semper intensiue cognosci perfectius, & perfectius; ita & illa cognitio increata potest semper perfectius, & perfectius cognosci, & numquam cognoscitur quantum cognoscibilis est, sicut esset necessarium ad hoc ut cognosceretur comprehensiue.

Dices, vel Deus cognoscit illam cognitionem sui comprehensiuam per aliam cognitionem reflexam, vel per eandem? Si per reflexam, de illa redit argumentum, quia cum sit perfectio absoluta essentiae, debet cognosci per cognitionem intuitiuam essentiae. Si per eandem. Ergo sicut Deus per illam & se comprehendit, & suam comprehensionem; ita & Beatus illam intuitiue videndo, videt totum id, quod terminat comprehensionem Dei, & modum proprium talis comprehensionis, adeoque Deum comprehendit.

R. quod sicut omnis nostra cognitio est reflexiua supra se, ut probauimus in logicis, ita & cognitio diuina; adeoque  
per



per eandem cognitionem, & se comprehendit, & cognoscit se comprehendere. Beatus ergo videndo illam cognitionem diuinam, uidet quidem comprehensionem Dei, & modum quo se comprehendit, quia tamen illum non cognoscit infinito modo, ideo Deum non comprehendit, quia non cognoscit illum quantum cognoscibilis est intensiue, sed solum extensiue.

Instabis, non potest Beatus cognoscere modum, quo Deus se comprehendit, nisi comprehensio Dei fiat forma intelligibilis intellectus beati. Sed est impossibile, quod comprehensio Dei fiat forma intelligibilis intellectus beati, nisi beatus per illam Deum comprehendat. Ergo debet per illam Deum comprehendere. Probat maior, eodem modo Deus per talem cognitionem, tamquam per actum immanens, se cognoscit, sicut beatus tamquam per actum, seu formam intelligendi. Ergo sicut Deus se comprehendit, ita & beatus illum comprehendit.

Nego minorem. Et ratio est, quia sicut ipsa diuina essentia non fit forma intelligibilis intellectus beati infinito modo, sed solum finito, eo quia semper possit fieri forma intelligibilis modo perfectiori, & perfectiori in infinitum, ita & comprehensio Dei. Ergo sicut illa non determinat ad comprehensionem, ita neque hæc.

## ARTICVLVS. IX.

*An saltem sit possibilis visio creata comprehensua Dei?*

**V**idetur esse possibilis, ut multi propugnant cum Vasquez hic disp. 52. qui putant, diuinam incomprehensibilitatem assertam à scripturis, & Patribus esse ueluti eius inuisibilitatem. Sicut ergo hæc non habet locum in ordine ad absoluteam Dei potentiam, ita neque illa. Eorum fundamenta possunt esse.

1. Determinatio uisionis beatificæ habetur à lumine gloriæ, ut dictum est. Sed posset Deus infundere alicui Beato lumen infinitum. Ergo posset illum eleuare ad comprehensionem sui. Consequentia est euidens, & admittitur à diuo Thoma hic ar. 7. Minor probatur ex doctrina tradita, in tertio physicorum, quod uidelicet sit possibilis qualitas infinitè intensa. Ergo est possibile lumen infinitum.

2. Ad comprehensionem non requiritur, quod modus cognitionis, aut cognoscentis adæquet modum rei cognitæ, sed sufficit, quod ita cognoscat totum obiectum, ut nihil illius lateat cognoscentem. Ergo non requiritur quod sit infinita. Consequentia patet ex dictis. Antecedens probatur, id sufficit ad hoc ut cognitio sit spiritualis obiecti comprehensio, quod sufficit ad hoc ut una quantitas sit corpora

rea

rea comprehensio alterius. Ad hoc autem ut una quantitas sit alterius comprehensua, sufficit quod ita aliam contineat, ut nihil contentæ sit extra continentem. Ergo ad hoc ut cognitio sit comprehensua, sufficit, quod nihil obiecti cogniti illam lateat, quod coincidit cum definitione allata ab Augustino ep. 112. ad Paulinam c. 9. sub in 2. to. *illud comprehenditur, quod ita totum videtur, ut nihil eius lateat videntem, seu eius fines circumspici possunt.* Hoc posito, non solum de possibili, sed etiam de facto à Beatis ita Deus uidetur, ut nihil illius lateat videntem. Ergo comprehenditur.

3. Potest Deus facere, quod intellectus Beati se cognoscat per intellectionem diuinam, quam potest illi unire per modum intellectionis, sicut se uniuir per modum subsistentiæ cum natura humana. In tali casu Beatus Deum comprehenderet, quia illum uideret per intellectionem diuinam, nullo modo dependentem à lumine gloriæ determinante. Ergo potest simpliciter Deum comprehendere.

4. Potest dari qualitas infinita secundum intensionem, ut dictum est in 3. phys. disp. 2. ar. 10. Ergo etiam uisio Dei infinite intensa, adeoque comprehensua Dei.

Conclusio, *neque supernaturaliter, potest ab ullo intellectu creato Deus comprehendi; adeoque repugnat uisio creata comprehensua Dei.*

Pro-

Probatur 1. In capite *formiter de summa Trinitate* Deus dicitur incomprehensibilis, sicut & in cap. 32. *Ierem.* versu 19. & in multis alijs locis sacrae scripturae. Quamvis enim Vasquez hic disp. 52. conetur limitare testimonia ad comprehensionem actualem, ut propugnet possibilem, tamen à Molina, Suariorum, Exparsa, alijsque communiter extenduntur etiam ad possibilem; adeoque censetur erroneum, vel saltem temerarium, asserere, esse possibilem comprehensionem creatam Dei.

2. Illud comprehenditur, quod perfecte cognoscitur (ut docet hic diuus Thomas ar. 7.) Perfecte autem cognoscitur, quod adaequatè, hoc est tantum cognoscitur, quantum est cognoscibile. Sed Deus est cognoscibilis in infinitum, eò quia cum cognoscibilitas passiva sequatur rationem entis, est finita, vel infinita, iuxta conditionem obiecti cognoscibilis. Ergo non posset comprehendi, nisi per cognitionem habentem cognoscibilitatem actiuam infinitam. Est autem impossibile, quod cognitioni creatae, & creabili conueniat cognoscibilitas actiua infinita, respectu Dei. Ergo impossibile est, dari eius cognitionem comprehensiuam.

3. Comprehensio obiecti debet esse cognitio perfectissima, quam possit efficere obiectum. Posito. n. quod visio determinetur ab obiecto, si obiectum e.g. per species communicatiuas sui possit determinare intellectum videntis ad visionem ut 8. visio

fio vt 7. non erit illius comprehensio, eò quia non sit perfectissima, quam possit efficere tale obiectum. Sed Deus quacumque posita cognitione creata sui, potest semper efficere, per modum obiecti, cognitionem perfectiorem. Ergo nulla cognitio creata, vel creabilis potest esse comprehensua.

Dei. Maior patet, quia sicut cognoscens non potest perfectius cognoscere obiectum, quam comprehensiuè, ita obiectum non potest determinare cognoscentem ad cognitionem perfectiorem, quam sit comprehensio sui. Probatur minor, quia cum cognoscibilitas passiva Dei sit infinita, numquam potest exhaustiri à cognitione finita. Ergo qualibet posita cognitione creata, quantumuis perfecta, semper remanet infinito plus cognoscibilis, adeoque potest, per modum obiecti, concurrere ad cognitionem sui perfectiorem.

Et hæc est ratio, cur comprehendens nō possit esse imperfectius comprehenso, quia comprehendens debet videre obiectum, quantum illud exigit, & potest videri, ita vt visio impleat, & adæquet eius exigentiã. Est autem impossibile, quod visio possit adæquare obiectum perfectius suo principio actiuo, ex quo procedit; aliòquin cum hæc sit æqualis in perfectione obiecto perfectiori, quam sit videns, effectus erit perfectior sua causa, quod vidimus in physicis repugnare.

3. Pater Antonius Perez ita arguit, non potest comprehendi Deus, nisi videantur

V

in

in illo, non solum omnia prædicata constitutiva, & attributalia, sed etiã omnes, & singulæ terminationes liberæ, quas potest habere. Sed est impossibile, quod ullus intellectus creabilis videat omnes terminationes liberæ, quæ possunt esse in Deo. Ergo est impossibile, quod Deum comprehendat. Maior patet ex definitione, quia illud comprehenditur, quod ita totum videtur, ut nihil eius lateat videntem, ut dictum est ex Augustino in 3. argumento contrario. Probat minorem, quia una ex terminationibus liberis est, quod Deus nolit producere talem intellectum. Sed hæc non potest ab illo videri; cum enim hæc dicat necessariò non existentiam talis intellectus, si ab illo videretur, videretur sui non existentia, quod repugnat.

Sed hoc argumentum patitur primò difficultatem ex eo, quod diuinæ terminationes liberæ vel accipiuntur formaliter, ut actu denominantes, vel ut potentes denominare? Si primum. Ergo destruitur hypothesis, in qua supponitur, intellectum existere; si ustra enim quaeretur, an intellectus non existens possit Deum comprehendere, quem neque posset abstractiue cognoscere. Si secundum. Ergo cum non intelligantur completæ diuinæ terminationes, nisi actu denominent Deum uolentem, seu nolentem hoc obiectum, non debent videri in eius comprehensione. Præterquamquod cum terminatio nolitionis non denominans nihil sit aliud, quàm  
diui-

diuina essentia, quam solam dicit in recto, ut coniungibilem cum denominatione uolentis, seu nolentis, utique non dicit non existentiam intellectus, de quo est sermo, sed solum eius potentiam ad se ponendum, vel non ponendum. Ergo potest ab illo videri. Aliter Beati non viderent in Deo potentiam se destruendi, vel qua potuisset se non ponere, adeoque non possent excitari ad illi gratias reddendas, quod posuerit, & quod positos non destruxerit. Ergo ex hoc capite non repugnat comprehensio Dei. Deinde vel requiritur ad comprehensionem, quod non solum cognoscantur predicata intrinseca obiecti, sed etiam extrinseca, cuiusmodi esset non existentia talis intellectus, respectu Dei, vel non? Primum non potest dici, ut fuisse probauimus in 1. physicorum disp. 2. ar. 1. ad 2. Ergo non esset necesse, quod hic intellectus ut Deum comprehenderet, videret sui non existentiam. Si secundum. Ergo non ideo hic intellectus non comprehenderet Deum, quia esset illi impossibilis comprehensio, sed quia supposita denominatione nolitionis sui, non existeret. Atque adeo ex hac doctrina sequitur euidenter, comprehensionem Dei, ut formaliter talem, de sua ratione intrinseca non repugnare, quod directe pugnat contra conclusionem, sufficienter stabilitam argumentis supra allatis. Quare hac doctrina probaret contra intentum arguentis.

## ARTICULVS. X.

*Soluantur obiecta.*

**A**D 1. communiter respondetur à Thomistis negando minorem, quia cum negent possibilitatem infiniti categorematici, negant etiam posse dari qualitatem, adeoque lumen infinite intensum. Quia tamen nos in 3. phys. disp. 2. ar. 10. statuimus, esse possibilem qualitatem infinite intensam; ideo admissa possibilitate luminis infiniti, negamus ex illo orituram in Beato comprehensionem Dei. Et ratio est, quia hoc lumen non posset determinare, nisi ad visionem infinitam secundum quid; aliter si determinaret ad visionem infinitam simpliciter, & in omni genere, hæc esset visio diuina, & non creata. Ergo non posset adæquare obiectum, quod est infinitum in omni genere, sicut esset necessarium ad eius comprehensionem, ut optimè intulit Gregorius Ariminensis in 1. d. 43. q. 4. ad 2.

Neque obstat, quòd in loco citato, respondendo ad 5. visi fuerimus reprobare doctrinam Ariminensis, negando possibilitatem luminis infiniti, tamquam ex illo secuturam visionem strictè comprehensiuam diuini esse. Nam ibi locuti sumus in sensu Thomistarum; in obsequium diui Thomæ, clarè hic admittentis in ar. 7. ex lumine infinito orituram comprehensionem Dei. Et ideo diximus, vtrumque secutu-



cuturum, nempe Dei comprehensionem in aliorum sententia, & non secuturam in nostra. Rationem ibi attulimus, quia cōprehensio est illa, quæ exhaurit totam cognoscibilitatem passiuam obiecti; ita ut hoc non possit per modum obiecti cōcurrere ad cognitionem sui perfectiorem. Sed quacumque posita cognitione Dei creata, etiam infinita, potest Deus per modum obiecti concurrere ad cognitionem sui perfectiorem. Ergo nulla cognitio creata, licet infinita, potest adæquare, adeoque comprehendere diuinam essentiam.

Dices, si daretur cognitio perfectior infinita, daretur vnum infinitum maius alio. Hoc autem reiecimus ut absurdum in ead. disp. ar. 7. concl. 2. Ergo non posset dari visio perfectior infinita.

Distinguo maiorem, vnum infinitum esset maior alio, quoad multitudinem partium, siue formalium, siue virtualium, nego: quoad perfectionem entitativam illarum, concedo. Et distincta eodem modo minori, videlicet fuisse à nobis reiectum excessum vnius infiniti præ alio, quoad partium multitudinem, non autem quoad earum perfectionem, nego consequentiā. Et dico, quòd sicut infinitum Angelorum est perfectius infinito hominum, non quoad numerum, sed quoad partium entitatem; ita vna visio infinita Dei posset esse perfectior alia, quoad graduum intelligentium entitatem magis perfectam, non autem quoad numerum eorum. Cum enim

hi gradus in entitate spirituali, sicut est cognitio, non possint esse reales, sed solū virtuales, explicantur per æquivalentiam, ita ut illa cognitio contineat infinitos gradus, quæ æquivalet infinitis cognitionibus inter se distinctis, de infinitis Dei perfectionibus, & illa finitos, quæ æquivalet solū finitis. Sicut ergo illæ cognitiones, in ordine ad quas explicatur æquivalentia, possunt esse perfectiores, & perfectiores, ita etiam possunt esse in ipsa cognitione æquivalenti perfectiores, & perfectiores gradus.

Ad 2. Nego antecedens, si loquamur de comprehensione strictè, & rigorosè sumpta, quæ non venit in comparationem cū comprehensione quantitativa. Vnde corruius eius probatio. Ad authoritatem Augustini, dico postremis verbis explicari verum sensum suæ definitionis, hoc est quòd comprehendens debet ita cognoscere comprehensum, ut illius fines circumspiciat, non quòd possit inuenire terminos in Deo, sed quòd adæquet, & exhaustiat totam eius cognoscibilitatem, ita ut hæc non possit per modum obiecti concurrere ad cognitionem sui perfectiorem, ut dictum est.

Dices, si requireretur cognitionis adæquatio cum obiecto, Angelus superior non comprehenderet inferiorem, immò nullā substantiam creatam, eò quia cognitio sit in genere qualitatis, quæ numquam potest adæquare substantiam. Consequens

quens est absurdum . Ergo , & antecedens .

Nego maiorem, & dico, hanc adæquationē nō procedere secundum entitatem, ita vt comprehensio sit eiusdem perfectionis entitatuz cum comprehenso , quod est falsum, & alienum à nostra doctrina , sed in genere intelligibili , hoc est quòd intelligibilitas passiva comprehensi non excedat actiuam comprehētionis *vt quod, quod* coincidit cum eo, quod toties diximus, tunc obiectum comprehendi , quando cognoscitur quantum cognoscibile est , non solum secundum perfectionem extensiuam , sed etiam secundum intensiuam .

Ad 3. Primò distinguo minorem, Beatus Deum comprehenderet comprehensione increata, transeat: comprehensione creata, nego minorem, & consequentiam. Neque enim hic disputamus de comprehensione increata, & diuina , quæ cum sit idem cum Deo, à nullo negatur , sed de creata. Deinde nego simpliciter maiorem, primò quia cum cognitio sit perfectio potentiz, debet illam informare, per modum actus intrinsecè inharrentis , quod non potest conuenire diuinæ cognitioni. Deinde quia cognitio non potest excedere modum cognoscentis , cui debet proportionari. Ergo ad hoc vt intellectus creatus fieret proportionatus cognitioni diuinæ , deberet requirere modum essendi diuinū, quod est impossibile. Quævis ergo cōcederetur,

retur , poſſe diuinam comprehensionem vniri cum intellectu creato , per modum cognitionis , ſicut Verbum per modum ſubſiſtētiæ eſt vnitum cum natura humana , non tamen intellectus creatus per illā Deum comprehenderet. Et ratio deſumitur ex ipſa vnione hypſtatica , quæ licet vniat Verbum ſpirans cum Patre Spiritū Sanctum , non reddit naturam humanam ſpirantem Spiritum Sanctum , propter incapacitatem,quā inuenit in tali natura , ad huiuſmodi ſpirationem;ita neque vnio diuinæ comprehensionis cum intellectu creato , faceret illum comprehendentem Deum,propter ſimilem incapacitatem ad talem formam .

Neque obſtat communicatio idioma-  
rum in Chriſto Domino : nam hæc non  
facit quòd natura humana tranſeat in di-  
uinam. Ergo ſemper remanet, cum natura-  
li incapacitate ad diuinas operationes fa-  
ciendas, licet hæ tribuantur Chriſto Do-  
mino, in quo natura humana vnitur cum  
diuina, in vna, eademque diuina hypſta-  
ſi, vt docet fides, & explicat diuus Thomas  
in 3.p.q. 16.ar.3.

Dices , per hoc quòd natura humana  
vniatur cum diuino ſuppoſito, ſubſiſtit per  
illud. Ergo per hoc quòd vniretur cum  
diuina cognitione, cognosceret per illam.

Nego conſequentiam . Diſparitas eſt ,  
quia ſubſiſtentia de ſua ratione formali  
intriſeca, non dicit niſi puram termina-  
tionem naturæ in ſuo eſſe ; & ideo in crea-  
tis

ris est aliquid negatiuum, vt probauimus lib. 2. disp. inct. disp. 3. ar. 1. Ergo non est mirum, si eius effectus formalis possit eminenter haberi à subsistētia diuina. Cognoscere autem est actus vitalis, quo anima fertur in obiectum. Ergo non potest haberi, nisi per actum, seu formam illi immanentem, siue inhærentem, cuiusmodi non potest esse diuina cognitio. Quamuis enim suppleri possit à Deo vitalitas emanationis, per infusionem cognitionis, vt dictum est disp. 11. ar. 5. non tamen suppleri potest vitalitas immanentie, propter rationem toties inculcatam, quòd Deus possit quidem supplere defectum causæ efficientis, non autem defectum causæ formalis.

Ad 4. Nego consequentiam, propter peculiarem repugnantiam, quam traheret visio Dei infinitè intensa. Videatur locus citatus, nam ibi attulimus repugnantiam, contra Gregorium Ariminensem aliter sentientem, & concedentem visionem Dei infinitam secundum intensiōem, quam vocat comprehensiuam lato modo. Neque enim ea opus, est repetere.

## DISPUTATIO. XII.

*De obiecto terminatiuo Visionis beatificæ.*

**Q**uia toties vt certum supposuimus ex principijs philosophicis, & tandem hic disp. 8. per totam sufficienter probauimus, omnes, & singulos actus cuiuscumque potentie

V 5 cognos-

466 De obiecto terminatiuo Visionis  
cognoscitiuæ specificari per ordinem ad obiecta, ideo ut perfecte intelligatur quidditas visionis beatificæ, agendum est de eius obiecto terminatiuo. Queremus ergo primò, an Beati videntes Deum videant omnia, quæ sunt in Deo? Deinde an videant etiam creaturas, tã possibiles, quàm actu existentes? Et tandem an saltem per absolutam Dei potentiam possit dari aliqua visio, quæ terminetur ad essentiam, sine Personis, vel attributis, vel actibus liberis, vel ad unam Personam, seu attributum, vel actum liberum sine alijs? Quæ omnia singillatim singulis articulis enodabimus.

## ARTICVLVS. I.

*An omnis visio cuiuscumque Beati videat de facto omnia, quæ sunt in Deo?*

**V**idetur non videre, vt propugnant nonnulli cum Nominalibus, Primò quia diuus Thomas hic ar. 8. in corp. ait, nullus intellectus creatus videndo Deum potest cognoscere omnia, quæ Deus facit, vel potest facere. Ergo non videt omnia, quæ sunt in Deo. Consequentia est euidens. Antecedens probatur ab eodem ibidem, si Beatus videret hæc omnia in Deo, illum comprehenderet. Sed hoc est illi impossibile, vt probatum est ar. 8. disputationis 12. Ergo est impossibile, quòd Beatus videat omnia, quæ sunt in Deo.

2. Beatus non videt, nisi ea, quæ spectant  
:alt

ad rationem obiecti beatifici. Relationes autem, actus liberi, & creaturæ possibiles non spectant ad rationem obiecti beatifici. Ergo non videntur à Beato. Probatur minor, quia sola diuina essentia beatificat.

3. Diuinæ ideæ sunt infinitæ in Deo, utpote quæ singulæ correspondeant singulis creaturis possibilibus. Sed hæc nō possunt representari à lumine gloriæ, quod in se est finitum, & limitatum. Ergo neq. possūt à Beato videri; aliter videretur aliquid, quod non esset per lumen representatum, quod repugnat.

4. Attributa dicunt respectum rationis ad creaturas, cuiusmodi sunt omnipotentia, scientia, ars, & similia. Sed est impossibile, clarè, & quidditatiuè cognosci respectuum, non cognito termino respectus. Ergo non possunt hæc attributa intuitiuè videri, nisi videantur etiam omnes creaturæ, tam existentes, quam possibiles, quod traheret diuinam comprehensionem.

5. Angeli sancti de facto vident Deum, non tamen in illo omnia sciunt; aliter inferiores non indigerent purgari à nescientia per superiores, quod repugnat Dionysio c. 7. cal. hier. Præterea nesciunt futura contingentia, secreta cordium, &c. Ergo visio Dei non est necessariò omnium cognitio, quæ sunt in Deo.

Conclusio; *Omnis intellectus Beatus videt omnia, quæ sunt formaliter in Deo, nō tamen omnes eodē modo, sed unus aliò perfectiōis.*

Probatur 1. ex 1. 10. 3. cum apparuerit *similes ei erimus, quia uiuebimus eum sicuti est.* Non videretur autem sicuti est, nisi videantur omnia, quæ sunt in illo. Ergo debent omnia videri. Probatur minor, quia cum in Deo nulla sit potentialitas, quidquid est in illo transit in diuinam substantiam. Ergo quia tota substantia Dei debet esse obiectum terminatiuum visionis, aliter non videretur sicuti est, totum illud, quod est in Deo, debet spectare ad obiectum terminatiuum visionis. Dixi *formaliter*, nam quæ sunt in Deo eminenter, cuiusmodi sunt creaturæ, peculiarem exigunt tractationem, quam instituemus inferius. Ex quo sequitur, videri à Beatis, non solum diuina attributa, & omnes alias perfectiones absolutas, sed etiam relatiuas ad intra. An autem cum his videantur etiã actus liberi, siue denominationes contingentes, infra examinabimus.

2. In Concilio Florentino, in litteris vnionis, definitur, à Beatis videri Deum, ut vnum, & trinum. Sed ut vnus dicit totã quidditatem, naturam, & modum essendi Dei. Ergo dicit omnem perfectionem simpliciter simplicem, cuiusmodi sunt omnia prædicata absoluta ipsius Dei. Ut trinus autem dicit omnes perfectiones simplices, cuiusmodi sunt respectiue, ex quibus formaliter constituitur sanctissima Personarum Trias. Ergo per omnem visionem beatam videntur omnes diuinæ perfectiones, siue absolutæ, siue respecti-  
ua,



uæ , quæ sunt formaliter in ipso Deo.

3. Diuus Thomas 3. p. q. 3. ar. 3. ait, *intellectus dupliciter se habet ad diuina, vno modo ut cognoscat Deum sicuti est , & sic impossibile est, quòd circumscribatur per intellectum aliquid à Deo , & quòd aliud remaneat, quia totum quod est in Deo est vnum , salua distinctione Personarum.* Ergo cum omnes beati videant Deum sicuti est, debêt in illo videre omnia, quæ sunt in Deo. Probatur consequentia, quia esse diuinum est formaliter cumulus omnium perfectionum simpliciter simplicium. Ergo est formaliter bonitas, sapientia, æternitas, &c. Sed hæc omnia subsistunt in triplici supposito. Ergo in visione intuitiua Dei , non solum videntur bonitas, sapientia, æternitas, &c. sed etiam illa supposita, in quibus subsistunt.

4. Ad totum illud extenditur visio in Patria , ad quod in via extenditur fides. Sed hæc extenditur ad omnia, quæ sunt in Deo formaliter. Ergo, & illa . Maior est certa penès theologos, qui omnes vnanimiter asserunt, visionem dari in præmium, & mercedem nostræ fidei. Ergo quæ obscure creduntur per reuelationem diuinam à viatoribus, debent clarè videri à comprehensoribus. Probatur minor, quia omnia hæc, quæ spectant ad diuinam naturam, Personas, & attributa, proponuntur credenda, tamquàm articuli fidei. Ergo fides obscure extenditur ad hæc omnia.

Ad I. distinguo consequens, Beatus non videt

videt omnia, quæ sunt in Deo formaliter, nego quæ sunt in Deo eminenter, subdistinguo, secundum rationes proprias, & particulares singulorum, concedo: secundum rationes vniuersales, & pluribus communes, nego antecedens, & sub eadem distinctione etiam consequentiam. Et hoc modo est exponendum testimonium diui Thomæ, qui solum negat, posse ab intellectu beato specialiter, & distinctè cognosci omnes creaturas possibles, ita vt possit formare de Deo prò eodem instanti tot nomina, quot sunt creaturæ possibles, quod ait esse proprium comprehensionis stricto modo, non autem quod non possint cognosci omnia, secundum rationes vniuersales, vt infra patebit, & clarè colligitur ex textu citato.

Ad 2. primò admissa maiori, nego minorem; siquidem cum obiectum beatificū vt beatificans sit Deus vnus, & trinus, omnipotens, immensus, &c. includit formaliter essentiam, relationes, attributa, possibilitatem creaturarum, actus liberos denominantes, &c. Deinde nego maiorem. Quamuis enim solus Deus sit obiectum adæquatum beatificum, quatenus solus est obiectum motuum visionis beatificæ, tamen potest visio extendi ad aliquid aliud, tamquàm ad obiectum materiale terminatiuum, cuius cognitio ad augeat beatitudinem accidentalem videntis. Et ideo communiter admittitur à theologis, Beatos nō solum videre viatores, sed etiam damnatos,

tos , vt hinc eorum augeatur gaudium , quòd viâ particula cuaferint , & Inferni cruciatus, vt fusè prosequemur in tractatu de beatitudine.

Ad 3. Nego minorem, primò quia si lumen gloriæ non posset repræsentare diuinas ideas , propter earum multitudinem infinitam, neque posset repræsentare diuinam essentiam , quæ constat ex infinitis perfectionibus , & sic non posset determinare ad eius visionem, quod est erroneum. Sicut ergo repræsentat infinitatem diuinæ essentiæ finito modo , ita & repræsentat diuinas ideas. Deinde dico, diuinas ideas esse quidem inter se ratione distinctas, per diuersos respectus ad ideata, non tamen, esse formaliter plures, & infinitas, sed vnâ tantum, vtpote realiter identificatas cum vna, eademque diuina cognitione, vt probauimus contra Durandum in 3. phys. disp. 2. ar. 5. ad 2. & fusius in 2. phys. disp. 6. ar. 4. & 5. Ergo vel difficultas oritur ex earum quasi quantitatiua, & numerali infinitate, & hæc supponitur ablata per vnitatem asseritam talium idearum, vel ex earum infinitate perfectionis, & hæc retorquetur in diuinam essentiam. Ergo nulla est ratio, cur non possint diuinæ ideæ à lumine repræsentari, adeoque à Beatis videri, retento semper ordine maioris, vel minoris distinctionis in vidente, iuxta proportionem luminum, vt dictum est.

Ad 4. Distinguo minorem, non potest clarè cognoscere respectuum, nisi clarè cognos-

gnoscaturs eius terminus, claritate distinguente eius rationes proprias, & particulares, nego: claritate distinguente eius rationem vniuersalem, ab alijs rationibus vniuersalibus, concedo minorem. Et distinguo consequens, debent cognosci omnes creaturæ possibiles, sub rationibus proprijs, nego: sub rationibus vniuersalibus, concedo consequentiam. Ex quo non sequitur diuina comprehensio, vt toties dictum est. Quomodo autem visio clara possit ferri in obiectum, sub ratione tantum vniuersali, quin contrahat exinde confusionem, videbitur infra.

Ad 5. distinguo antecedens, Angeli inferiores nō sciunt omnia, secundum proprias rationes, concedo: secundum rationem vniuersalem, nego antecedens, & cum illo consequentiam. Dico ergo, inferiores purgari per superiores à nescientia particularium, non autem vniuersalium. Quod idem dico de futuris contingentibus, secretis cordium, &c.

Dices, cognoscere aliquid secundum rationem vniuersalem, est perinde ac illud non cognoscere, quia hæc cognitio non potest determinare intellectum, ad aliquid de illo affirmandum, seu negandum. Per hoc enim quod de Petro cognoscam solum quod sit ens, quid possum de illo affirmare, vel negare? Ergo vel Beati non cognoscunt hæc in Deo, vel illa cognoscunt secundum rationes particulares.

Distinguo antecedens, si sermo sit de

cognitione abstractiua confusa, concedo: si de clara, nego antecedens. Et ideo dixi in responsione tertij, visionem, beatorum in ordine ad hæc obiecta, esse quidem abstractiuam, non tamen confusam, non quòd clarè cognoscat omnia, & singula obiectorum prædicata, aliter non esset abstractiua, sed intuitiua, sed quòd in omnibus, & singulis obiectis clarè cognoscat aliquod prædicatum, de quo euidenter certificetur, quamuis hoc sit plurib<sup>9</sup> commune, cuiusmodi esset e.g. decretum Dei de concurrento cum Paulo ad actum fidei supernaturalem; nam in visione talis decreti cognosceretur clarè eius terminus, sub ratione actus fidei, quæ est communis omnibus actibus fidei, ita vt determinaretur videns, ad euidenter affirmandam in Paulo existentiam actus fidei, non tamen clarè cognosceretur de quo articulo esset hic actus, & ideo non cognosceretur distinctè, secundum propriam rationem.

Instabis, hæc visio confunderet actum fidei Pauli cum actibus fidei Petri, & aliorum: præterea cōfunderet actum fidei Pauli de obiecto A. cum actu fidei eiusdem Pauli de obiecto B. Ergo esset confusa, iuxta doctrinam traditam in logica lib. 2. disp. 1. ar. 6.

Nego antecedēs, quoad vtramque partē. Et quoad primam dico, visionem de tali actu fidei, clarè in illo videre eius essentialem dependentiam à Paulo. Ergo non posset illum confundere cum actibus Petri.

474 *De obiecto terminatio Visionis*  
tri. Quoad secundam dico, quòd cum hæc  
visio videret hunc actum in diuino decre-  
to, & hoc sit determinatè connexum cum  
hoc vt hoc, non potest illum confundere  
cum alijs actibus eiusdem Pauli.

Neque obstat quòd hic actus vt hic, di-  
cat essentialem respectum ad hoc obiectū;  
primò quia non est necesse, quòd hic res-  
pectus clarè cognoscatur, aliter hic actus  
cognosceretur intuitiue. Ergo satis est  
quòd cognoscatur sub ratione generica,  
respectus vt sic, ad obiectum credibile. De-  
inde quamuis admittatur clarè cognosci,  
non tamen est necesse, quòd etiam termi-  
nus clarè cognoscatur, qui cum sit purè  
extrinsecus, non ingreditur quidditatem  
talis respectus. Ergo satis est quòd cogno-  
scatur sub ratione generica credibilis vt  
sic, vt fusè probauimus in casu multo vr-  
gentiore comprehensionis, in 1. phys. dis-  
2. ar. 12. ad 2.

## ARTICVLVS. II.

*An videns Deum videat in illo omnes crea-  
turas actu existentes?*

**V**idetur quòd nullam videat creaturam  
actu existentem, primò quia vel hæ  
viderentur in Deo, tamquàm in causa, vel  
tamquàm in medio cònexo? Nò primum,  
quia quòd actu existit, est extra causas. Er-  
go non potest in illis videri. Neque secun-  
dum, quia Deus non connectitur essentia-  
liter cum vlla creatura existenti, vt exi-  
sten

flenti, aliòquin hac necessariò existeret, quod repugnat creaturæ. Ergo nulla creatura existens videtur in Deo.

3. Dies finalis iudicij est certò futura, vt docet fides in vndecimo articulo symboli Apostolorum. Ergo est præsens respectu Dei, vt docuimus in 4. phys. disp. 3. ar. 8. Sed hæc vt existens non videtur à Beatis, cùm dicatur Marci 13. *de die autem illo nemo scit, neque Angeli Dei in cælo*. Ergo actu existentia non videntur in Deo.

4. Quidquid actu existit est singulare, vt probatum est in logica lib. 2. disp. 1. ar. 3. Sed singularia non videntur in Deo, vt docet diuus Tho. hic ar. 8. ad 4. Et astringit rationem, quia *cognoscere singularia non est de perfectione intellectus creati*. Ergo eius naturale desiderium non tendit ad hoc. Ergo nihil actu existens videtur in Deo.

Conclusio, *Omnes creature actu existentes videntur in Deo, non tamen ab omnibus æquali claritate.*

Probatum 1. Non potest Deus clarè videri, nisi videatur vt intelligens, & cognoscens omnes creaturas actu existentes, & vt earum idea. Non potest autem clarè cognosci cognitio, seu idea, nisi cognoscatur cognitum, & ideatum. Ergo non potest Deus clarè cognosci, non cognitis omnibus creaturis actu existentibus. Et ideo diuus Gregorius Papa lib. 4. dialogorum c. 8. ait, *quid est quod nesciant qui scientem omnia sciunt?* Et exodi 33. sub finem, cùm Moyfes petijffet à Deo, *ostende mihi gloriam*

476 *De obiecto terminatio Visionis*  
*gloriam tuam, responsionem retulit, ego ostendam omne bonum tibi*, hoc est (vt plures interpretantur) dabo tibi cognitionem omnium rerum actu existentium. Cum enim omne ens sit bonum, & omne bonum sit ens, omne bonum est omne ens, hoc est omne actu existens.

2. Omnis homo desiderat naturaliter omnia scire, vt habetur ex 1. met. c. 1. Ergo vt quietetur eius desiderium, debet omnia in Deo videre; aliòquin etiam videns Deum esset miser, quia haberet desiderium inexplētū, vnde illi oriretur inquietudo, quod est absurdum?

3. Nihil potest existere, ad quod Deus non concurrat vt prima causa, vt probauimus in 1. de gener. disp. 3. ar. 2. & quòd idem non conseruet in esse. Ergo omne creatum pendet à Deo essentialiter in fieri, & conseruari. Ergo de omnibus, & singulis actu existentibus Deus habet specialia decreta, quibus velit illa existere, & posita conseruare. Cum ergo decreta Dei sint illi adæquatè intrinseca (vt patebit in loco) debent videri in visione Dei, aliter non viderentur omnia, quæ sunt formaliter in Deo, quod repugnat dictis in 1. ar. Est autem impossibile, videri clarè decretum de A. denominans Deum, non viso ipso A. Ergo est impossibile, videri clarè Deum, non visis omnibus actu existentibus.

Quòd autem non videantur omnia ab omnibus eodem modo, sed ab vno perfectius,



ctius,quàm ab alijs , vt asserimus in con-  
 clusione,probatur euidenter , quia cum  
 mensura perfectionis visionis defumatur  
 à lumine gloriæ , & hoc detur ad propor-  
 tionem charitatis ( vt supra statutum est )  
 ille perfectiùs videbit has creaturas , qui  
 perfectiorem habuit charitatem , vt docet  
 diuus Thomas hic ar.6.& 7.& 3.con. Ge.  
 c.57.Vnde communiter deducitur cum  
 eodem ex 3.p.q.10.ar.2.ab illis beatis per-  
 fectiùs videri illas creaturas, quæ spectant  
 ad proprium statum , hoc est illos homi-  
 nes, quos conuerterunt ad veram fidem ;  
 quorum fuerunt duces in via salutis , vt  
 sunt fundatores Religionum ; quos opti-  
 mis legibus,& doctrinis imbuerunt, vt sūt  
 Ecclesiæ Doctores,&c.Et ratio est, quia  
 sicut qui cooperati sunt ad malum aliorū,  
 merentur ex eorum sceleribus augmentū  
 pœnæ , cuiusmodi sunt hæresiarçæ , & ty-  
 ranni, qui vel deprauatis doctrinis , vel  
 armorum vi populos peruerterunt; ita me-  
 rentur augmentum gloriæ,qui ad aliorum  
 salutem fuerunt cooperati; atque adeo iu-  
 stissimus Iudex in præmiū bonorum ope-  
 rum , quæ patrantur ab aliquo regno , vel  
 natione,ob prædicationem,vel exemplum  
 alicuius viri sancti,illi dat tale lumen glo-  
 riæ,vt perfectè illi manifestet omnia , &  
 singula , quæ in dies factitantur à tali na-  
 tione. Idem proportionaliter dico de ijs ,  
 quorum curæ commissæ sunt ciuitates,vel  
 prouinciæ , vel quia ab illis fuerint in pa-  
 tronos electi,ob insigne aliquod receptum  
 bene-

beneficium, vel quia fuerint à Deo ad tale patrociniū destinati. Vnde infert diuus Thomas, *ad Christum, & ad eius dignitatem spectare quodammodo omnia, in quantum ei subiecta sunt omnia, & in quantum est omnium Iudex constitutus à Deo, quia filius hominis est*, vt videre est in loco ultimo citato.

Ad 1. dico, creaturas existentes videri in Deo, tamquam in causa, & tamquam in medio connexo. Probo primum primò quia licet creatura existens sit extra causas productiuas, non tamen est extra conseruatiuas, quæ semper remanent in potentia actiua ad illas conseruandas, vel non conseruandas. Cum ergo rei contingentis cōseruatio sit continuata eiusdem productio, vt toties probauimus in philosophicis, quod est productum prò tempore A. remanet in potentia prò tempore B. Ergo Deus est semper actu producens existentia, adeòque hæc videntur in eius actuali causalitate. Deinde Deus non concurrit ad productionem alicuius, nisi habeat actum volitionis, seu decretum de concurrendo. Sed hoc est necessariū in Deo in essendo, licet sit contingens in denominando. Ergo si semel denominauit, semper denominat, adeòque potest in illo videri terminus, ex quo denominatur. Probo secundum, Deus vt præcisus ab omnibus actibus liberis, nō necessariò connectitur cum creaturis, à quibus nullo modo dependet; connectitur autem essentialiter vt illas volens, non quòd

quòd ab illis dependeat, sed quòd per illas habeatur volentis denominatio. Quia ergo volitio Petri e.g. est diuina essentia, vt producens Petrum, ideo vt volens Petrum, essentialiter connectitur cum productione Petri, adeòque cum ipso Petro. Hinc tamen non sequitur, Petrum necessariò existere, quia sicut est contingens, quòd Deus denominetur illum volens, ita est contingens, quòd Petrus per suam existentiam sit terminus eius volitionis, & cum illa connectatur. Verum tamen est, quòd necessariò existat necessitate suppositionis, seu consequenti, per quam non habet quòd simpliciter existat, sed solum quòd in sèsu còposito quòd existat, nò potest nò existere, aliter simul existeret, & nò existeret, quòd repugnat. Vnde solo prostrantur oppositæ probationes.

Ad 2. Nego minorem. Ad cuius probationem dico, decretum de creatura actu existenti, iam Deum actu denominare, & ideò in Deo à Beatis videri. Alia decreta quæ non denominant, sed possunt denominare, quia sunt ipsa diuina essentia, ideo videntur materialiter; ad hoc autem vt videantur formaliter vt talia, debent à Deo liberè reuelari, iuxta proportionem luminum, & visionum. Quia tamen eorum termini sunt creaturæ possibiles, ideo de illis multò plura dicemus inferiùs.

Ad 3. Distinguo minorem subsumptam, dies finalis iudicij non videtur à Beatis, quoad substantiam talis mysterij, nego: quoad

quoad circumstantias loci, & temporis, concedo minorem. Et distinguo ultimam consequens, omnia existentia non videntur à Beatis, quoad omnes rationes particulares, & circumstantias accidentales, concedo: non videntur quoad substantiam, & propriam entitatem, nego consequentiam. Et iuxta hanc distinctionem, est exponendus locus diui Marci de nescientia talis diei. Prò cuius confirmatione quis dicat, non videri Petrum in Deo, e.g. si videatur tota eius quidditas, licet non videatur ut existens Romæ, ut vxoratus, &c. Vident ergo Beati, esse certò futuram illam diem, & in quo consistat actio talis diei, licet non videant ultimam illius determinationem quoad locum, & tempus. Idem proportionaliter asserit diuus Thomas in 1. q. 57. ar. 5. ad 1. mysterium incarnationis fuisse visum ab initio à Sanctis Angelis quoad substantiam, hoc est quod Verbum esset assumpturum humanam carnem, non tamen quoad omnes eius circumstantias loci, temporis, carnis, &c.

Ad 4. Nego minorem. Ad authoritatem diui Thomæ, dico, nomine singularium intelligi hic rerum substantias, ut affectas & circumstantiatis omnibus conditionibus accidentalibus, de quibus nuper, per quarum complexionem constituuntur in esse formaliter indiuidua physica, non autem rerum substantias quoad se. Aliter non potuisset asserere in 3. p. q. 10. ar. 2.

*Nalli*

*Nulli intellectui beato deest, quin cognoscat in Verbo omnia, quæ ad ipsum spectant* ; Nam inter hæc ueniunt etiam singularia, ut diximus de fundatoribus Religionum , ad quorum statum non solum spectat , quomodo se habeat vniuersa Religio à se fundata , sed etiam quomodo se gerant eius prò tempore succedentes Superiores , ijsque obediant omnes , & singuli eorum, subditi inferiores , ut possint illis præsto esse. Ergo diuus Thomas non est contra nos .

Neque obstat, quòd in loco citato , & alibi dixerit aperte , *non cognosci à Beatis omnia simpliciter, sed tantò plura , quantò perfectiùs vident Verbum* . Nam debet intelligi de visione rerum, secundum omnes earum circumstantias , quam nos non admittimus in omnibus Beatis , & quoad omnes creaturas actu existentes, sed solum quoad earum substantiam, & entitatem.

### A R T I C V L V S. III.

*An Beati videant in Deo omnes creaturas possibiles, etiam conditionatè ?*

**V**identur non videre , ut propugnat Vasquez hic disp. 50. c. 4. cum nonnullis alijs, Primò quia si Beati viderent in Deo omnes creaturas possibiles , viderent illum quantum cognoscibilis est. Sed hoc repugnat creaturæ. Ergo nullus Beatus videt in Deo omnes creaturas possibiles . Consequentia est euidens . Maior probatur,

X tur,

tur, eò perfectiùs cognoscitur causa, quò plures effectus in illa contenti cognoscuntur. Ergo cognitio terminata ad omnes effectus contentos in tali causa, est omniù perfectissima, adeòque cognoscit illam, quantum cognoscibilis est. Probatur minor, quia hæc cognitio esset comprehensio Dei, quam diximus repugnare creaturæ.

2. Non potest effectus cognosci in causa, nisi causa dicat essentialem respectum ad effectum. Sed essentia Dei nullum dicit respectum realem ad creaturas possibles. Ergo non possunt hæ in illa cognosci. Minor, & consequentia sunt euidenter. Maior probatur, effectus non cognoscitur in causa, nisi hæc manifestet effectum, & vt medium manuducat ad eius cognitionem. Nullum autem absolutum potest esse medium ad cognitionem alterius, cum quo nullo modo connectatur. Ergo, &c.

3. Creaturæ possibles sunt infinitæ. Ergo non possunt representari per lumen gloriæ, quod de se est finitum. Atque adeo ad illas manifestandas, requireretur lumen infinitum, quod repugnat creaturæ. Et idem valet de specie illas representante.

4. Cognitio omnium possibilium non fuit concessa animæ Christi Domini, vt docet diuus Thomas in 3. p. q. 10. ar. 2. ad 2. Ergo non debet concedi alijs beatis, qui sunt Christo inferiores.

5. Si omnes creatura possibles viderentur in Deo, vel viderentur in illo, tamquã  
in

in medio connexo, vel tamquam in medio cognito? Non potest dici primum, quia si hoc admittatur, qualibet implicante creatura, implicaret Deus, quod faceret Deum dependentem à possibilitate mufcæ, & cuiuslibet entis uiliffimi. Neque fecundum, quia sic creaturæ poffibiles, non viderentur in Deo immediate, vt funt in fe ipsis, fed per Deum, tamquam per fpeculum, quod eft absurdum. Ergo nullo modo uidentur.

6. Vel viderentur in Deo effectiuè, id eft in virtute omnipotentia caufantis cognitionem creaturarum, non per modum obiecti, fed per modum principij effectiui, vel per modum caufæ ipfarum creaturarū? Non primum, quia fic non viderentur in Deo, tamquam in fuma veritate. Neque fecundum, quia Deus referretur ad creaturas. Ergo nullo modo.

Conclufio, *omnes creaturæ poffibiles videntur in Deo, tamquam in medio connexo; ſaltem ſub ratione generali poffibilium; ſub rationibus autem ſpecialibus videntur, iuxta proportionem luminum, & viſionum.*

Probatur 1. Rerum contingentium, poffibilitas nihil eft aliud, quàm diuina omnipotentia, vt fuſè probatum eft in diſput. met. lib. 2. diſp. 1. Sed Deus neceſſariò, & eſſentialiter connectitur connexione identitatis, quæ eſt omnium maxima, cum ſua omnipotentia. Ergo eſſentialiter connectitur cum poffibilitate rerum omnium. Ergo qui videt Deum ſicuti eſt, vi-

det in illo connexionem ipsius cum omnibus creaturis possibilibus, vt formaliter possibilibus. Sed est impossibile, videri connexionem essentialem vnius cū aliò quin videtur vtrumque, vnum per modum recti, seu fundamenti, & aliud per modum obliqui, seu termini. Ergo est impossibile, videri Deum, quin videantur omnes creaturæ possibiles, vt formaliter possibiles. Dixi *vt formaliter possibiles*, quia ad hoc vt cognoscatur clarè connexio vnius cum aliò, non est necesse quòd cognoscatur terminus, quantum cognoscibilis est, sed solum secundum eam rationem, per quam habet vt sit formaliter eius terminus, cuiusmodi est sola ratio possibilitatis. Et ideo diximus in 1. physicorum, ad comprehensionem materiæ non requiri, quòd clarè, & distinctè cognoscantur omnes formæ, sub proprijs rationibus, ad quas illa essentialiter refertur, sed sufficere, quòd cognoscantur vt actus, seu sub ratione generica formæ vt sic, quæ in omnibus reperitur. Idem dico de possibilibus, quæ non terminant hanc connexionem, secundum vltimas, & proprias rationes, sed solum secundum rationem genericam possibilis vt sic. Ex quo sequitur, eorum proprias rationes non cognosci, ex vi visionis præcisè, sed ex vi talis visionis, quatenus habentis talem intentionem, vel e speciali Dei reuelatione, vt diximus de existentibus.

Dices, Omne possibile connectitur essentialiter cum possibilitate omnium aliorum.



rum . Ergo in quolibet possibili contingenti clare viso, poterunt videri omnia, & possibilium. Consequens ut absurdum rejicitur ab omnibus. Ergo hæc connexio non sufficit, ut omnia possibilium videantur in Deo.

Nego consequentiam. Primò quia connexio Dei cum possibilitate creaturarum, cum sit per identitatem, est omnium perfectissima (ut dictum est), & ideo quia nihil refertur ad seipsum, non est propriè relatio, sed superrelatio. Connexio autem creaturarum possibilium cum possibilitate aliarum, est imperfectissima, utpote fundata in physica distinctione, & dependentia, quam singulæ habent à possibilitate aliarum; & ideo est vera relatio transcendentalis, quæ cum sit ad terminum purè extrinsecum, non potest de illo parere cognitionem distinctam, sicut facit connexio identitatis. Deinde superrelatio illa diuina ad possibilitatem creaturarum, continet in se eminenter perfectionem omnium creaturarum, seclusis imperfectionibus, & omnium specierum impressarum possibilium, adeoque habet virtutem declaratiuam infinitam omnium rerum, secundum proprias rationes singularum, & non ænigmaticas. Connexio autem creaturarum cum tali possibilitate, neque continet perfectiones aliarum, neque specierum impressarum possibilium; & ideo non potest determinare, nisi ad cognitionem confusam, & ænigmaticam aliarum; secundum quam licet

concederetur consequentia, non video quid inde sequeretur absurdi, cum solum negetur à theologis, posse in vna creatura clare videri omnes alias.

Vnde obiter infer, nullam creaturam posse clare cognosci in alia, licet intuitiue, immò comprehensiuè visa. Et ratio est, quia omnis creatura dicit ratione sui formaliter aliquam perfectionem positiuam, per quam distinguitur ab omni alia. Hæc autem perfectio in nulla alia reperitur, aliter non esset illius propria, & singularis. Ergo saltem ratione huius perfectionis, quæ est formaliter constitutiua, & principalis, immò est distinctiua, vel specie, vel numero, non potest in vlla alia clare cognosci; aliter clare cognosceretur in sui negatione, quod repugnat. In Deo autem quia datur eminenter omnis perfectio dispersa in creaturis, potest clare cognosci omnis creatura, vt nuper dictum est, & in-nuimus disp. 9. ar. 5.

Probatur 2. Non pot est clare videri Deus, nisi videatur vt cognoscens, immò comprehendens omnes creaturas possibiles. Non potest autem clare cognosci cognitio alicuius obiecti, nisi cognoscatur eius terminus. Ergo cum terminus diuinæ cognitionis sint omnes creaturæ possibiles, debent omnes in illo cognosci.

Dices, si ratio diuinæ scientiæ manduceret ad cognitionem omnium possibiliū, manduceret ad cognitionem claram, & distinctam singulorum in individuo. Er-

ergo omnia sub proprijs rationibus cognoscantur, quod est proprium diuinæ comprehensionis.

Nego sequelam antecedentis. Et ratio est, quia ex vi visionis, non cognoscitur in Deo clarè, & distinctè, nisi ille terminus, qui habet quodammodo specificare, & discernere vnā Dei perfectionem ab alia, in esse formaliter talem, & in esse medium cognoscendi. Cum ergo diuina cognitio omnium possibilium, quam vocamus scientiam simplicis intelligentiæ, specificetur in esse formaliter talem, per creaturas possibles vt possibles, reduplicando rationem genericam possibilitatis vt sic, ideo debent hæc cognosci, sub tali ratione generica, ad quam nihil conferunt rationes inferiores specificæ singularum. Hoc non valet de scientia visionis, quæ cum specificetur ab alia per hoc, quod tendat ad actu existentia, ideo non potest clarè cognosci, nisi cognitis omnibus existentibus, vt formaliter existentibus.

Instabis, etiam scientia simplicis intelligentiæ de formica possibili, specificatur ab alia de equo possibili. Et scientia simplicis intelligentiæ de formica A. distinguitur ab alia de formica B. Ergo ad hoc vt illæ cognoscantur clarè, debent non solum cognosci hæc duæ species, sed etiam omnia, & singula earum individua, secundum proprias rationes.

Nego antecedens. Nam scientia simplicis intelligentiæ nō est multiplex in Deo,

sicut est scientia visionis, quæ ideo dicitur libera, & contingens in Deo, secundum denominationem, quia sequitur libertatē, & contingentiam actuum liberorum. Ergo Deus per vnum, eundemque actum necessarium cognoscit omnia possibilea; atque adeo potest clarè cognosci hæc diuina scientia, non cognitis clarè speciebus, & indiuiduis possibileum.

Probatur 3. Non potest clarè videri diuina essentia, nisi videantur omnia ea, quæ ab illa naturaliter repræsentantur. Sed ab illa, vt prima causa omnipotente, naturaliter repræsentantur omnes creaturæ possibile. Ergo omnes in illa videntur.

Dices cum Gonèt, diuina essentia repræsentat quidem omnia possibilea, intellectui diuino, non tamen creato, propter eius limitationem. Ergo debent ab illo videri, & non ab hoc.

Sed contra est, quia cum diuina essentia repræsentet possibilea ratione omnipotentia, quæ non constituit essentiam in esse, causam ipsius Dei, sed creaturarum, debet illas naturaliter repræsentare, non solum diuino intellectui, vt completiuo, seu directiuo talis infinitæ actiuitatis, sed etiam creato, vt illius cultori, & admiratori. Præterquamquod diuina essentia repræsentat intellectui glorioso suam omnipotentiam. Ergo illi eidem debet repræsentare eius terminum, qui sunt creaturæ possibile. Vnde elicio probationem conclusionis, quæ sic se habet.

Omnes

Omnes creaturæ possibiles non sunt aliquid difficilius cognoscibile, quàm sit Deus, quia cùm cognoscibilitas sequatur rationem entis, quod est in se perfectius, est etiam in se cognoscibilius, adcoque exigit cognitionem perfectiorem. Sed Deus de facto videtur à Beatis. Ergo videtur etiam omnium possibilium collectio, quæ cùm sit Deo imperfectior, imperfectiorem quoque exigit cognitionem.

Dices cum Gonèt hic n. 64. Collectio possibilium in se licet non sit difficilius cognoscibilis, quàm Deus, est tamen in ipso Deo difficilius cognoscibilis. Ergo ex eo quod cognoscatur Deus, non sequitur quod cognoscatur hæc collectio. Probat antecedens ex diuo Thoma hic ar. 8. ad 3. vbi ait, *licet maius sit videre Deū, quàm omnia alia, tamen maius est videre sic Deū, quod omnia in eo cognoscantur, quàm videre sic ipsum, quod non omnia, sed pauciora, vel plura cognoscantur in eo.* Vnde infert Gonèt, hæc fieri intelligibilia itelligibilitate Dei.

Nego antecedens. Cùm enim infinita Dei cognoscibilitas non obumbret, sed elucidet cognoscenda, non potest huiusmodi possibilium collectio fieri obscurior in ipso Deo, quàm esset in se. Ergo si in se extra Deum esset facilius cognoscibilis, quàm Deus, etiam in Deo est facilius cognoscibilis. Neque obstat ratio Gonèt, quod in Deo fiat intelligibilis intelligibilitate Dei, nam cum hæc supponatur visa à beato, hinc potius facilius cognoscere-

tur, tamquam per medium cognitum. Ad rationem diui Thomæ dico, quòd sicut complexum ex Deo, & creatura non est quid perfectius, quam solus Dens, ita complexum ex Deo, & collectione possibilium, non est quid intelligibilius, seu maius in esse intelligibili, nisi materialiter, & terminatiue, quatenus visio possibilium in Deo terminatur ad plura, quam visio solius Dei. Et in hoc sensu est exponend<sup>o</sup> Angelicus Doctor. Hoc autem non facit, quòd si possit beatus videre Deum, quod est maius, non possit videre in illo possibilia, quod posito primo, est multò minus, & velut additamentum prioris, in quo supponitur ablata maxima, & potissima difficultas, quæ inuenitur in visione Dei, & solum remanet tollenda difficultas, quæ reperitur in cognitione possibilium.

#### A R T I C V L V S. IV.

##### *Soluntur obiecta.*

**A**D I. Nego maiorem. Ad cuius probationem nego postremam consequentiam. Quamuis enim cognitio terminata ad omnes effectus, contentos in aliqua causa, sit illius cognitio perfectissima, secundum extensionem, eò quia ad plures illius perfectiones terminari non possit, non tamen est perfectissima secundum intensiorem, eò quia semper possit dari cognitio, quæ eodem effectus perfectius, & perfectius cognoscat. Ergo non cognosce-

fecerit causam quantum cognoscibilis est. Habemus evidentem instantiam in visione Patris æterni. Quamvis enim Beati per illam cognoscant in Patre filium, qui est terminus adæquatus eius potentie generatiue ad intra, non tamen Patrem comprehendunt, quia non cognoscunt filium adæquatè, & totaliter, licet cognoscant totum; ita licet Beati videant in Deo collectionem omnium creaturarum possibiliū, quæ est terminus adæquatus omnipotentie, quia tamen illam non cognoscunt totaliter, & adæquatè, ideo Deum non comprehendunt.

Dices cum Gonèt hic n. 64. in resp. 3. Si Beatus videret omnes creaturas posibles in Verbo, nihil remaneret in illo cognoscendum, quia ultra collectionem omnium possibiliū non remanet nisi impossibile. Ergo videret adæquatè, & quantum cognoscibilis est, adæquatum terminum omnipotentie.

Distinguo consequens, videret adæquatè adæquatione extensiuā, concedo: adæquatione intensiuā, nego consequentiam. Ad comprehensionem autem requiritur utraque adæquatio, quæ non sequitur in nostro casu.

Ad 2. Distinguo maiorem, non potest effectus cognosci in causa, nisi hæc dicat essentialē respectum ad effectum, si loquamur de causis secundis, concedo: si de prima, nego maiorem. Et ratio est euidens, nam cum nulla causa creata secunda sit

Potens adequatè producere vllum effectū, quem numquam producit totum, hoc est secundum omnes vltimas, & proprias rationes, ideo non potest illum repræsentare per suam virtutem effectiuam, sed per respectum ad illum. Rationem attulimus in prima probatione, hoc est quòd omnis creatura habet aliquam perfectionem, propriam, alteri incommunicabilem, per quam distinguitur ab omni alia. Secundum autem hanc perfectionem non potuit præcontineri in sui causa secunda, aliter non posset per talem perfectionem ab illa distingui. Ergo secundum hanc perfectionem non pendet ab illa, à qua non accepit hoc esse, sed à solo Deo.

Vnde obiter infer contra Durandum, nullum effectum produci posse, sine immediato concursu causæ primæ, quia sine illa non posset totus produci; aliter si fingatur produci, sequeretur contradictio, nempe quòd produceretur ex suppositione, & non produceretur, ex defectu prædicati essentialis. Hoc non valet de causa prima, quæ cum sit infinitè perfecta, & contineat eminenter omnem perfectionem, communicabilem creaturis, in eius actiua virtute elucet omnes creaturæ possibiles; & sic non indiget, illas per respectum manifestare, quas clarè manifestat per virtutem actiuam.

Ad 3. distinguo consequens, non possunt repræsentari infinito modo, concedo: finito, nego consequentiam. Sicut enim



enim de facto lumen gloriæ de se finitum repræsentat beatīs diuinam essentiam infinitā in ōni genere, ita potest repræsētare collectionē omniū possibiliū, quæ solū est finita in ratione numeri, seu multitudinis.

Ad 4. Distinguo antecedens, cognitio adæquata, seu comprehensua omnium, possibilium non fuit concessa animæ Christi, concedo: cognitio inadæquata, nego antecedens. Et in hoc sensu est intelligendus diuus Thomas in loco citato, vt euidenter patet ex ipso textu. Vnde miror, quomodo à Gonèt, & ab alijs ad sensum oppositum detorqueatur. Audiantur eius verba, *Horum autem quedam sunt in sola potentia diuina, & huiusmodi non omnia cognoscit in Verbo anima Christi: hoc enim esset comprehendere omnia, quæ Deus potest facere.* Ecce quomodo loquitur de comprehensione, supponendo quòd anima Christi comprehendat in Verbo omnes creaturas, quæ spectāt ad eius dignitatem. Vnde infert, *quod esset comprehendere diuinam virtutem, & per consequens diuinam essentiam, quæ consequentia non esset legitima, nisi in antecedenti sermo esset de comprehensione creaturarum.* Ita enim procedit argumentum, *essentia diuina, seu virtus diuina esset medium beatīs ad comprehensionē creaturarum possibiliū.* Ergo deberet ipsa prius comprehendī. Hoc autem luculentius patet ex ijs, quæ subdit, *quedam vero sunt non solum in potentia diuina, sed etiam in potentia creaturæ, &*  
huius-

*huiusmodi omnia scit anima Christi in Verbo.*  
Et affert rationem, comprehendit enim in Verbo omnis creaturæ essentiam, & per consequens potentiam, & virtutem, & omnia, quæ sunt in potentia creaturæ, hoc est quod ex comprehensione virtutis creatæ, beatus transit ad comprehensionem eorum, quæ continentur in tali virtute. Et in eodem sensu loquitur in responsione secundi, ut patet ex eius verbis. Vnde patet, argumentum processisse ex non penetrata doctrina diui Thomæ.

Ad 5. dico, omnes creaturas possibles videri in Deo, tamquam in medio connexto, ut dictum est. Quia tamen hæc est connextio identitatis, ideo si supponatur implicancia ex parte possibilitatis cuiuscunque entis, implicaret vtrumque extremum connexionis, eo modo quo implicante homine, implicaret animal rationale. Sicut ergo connextio identitatis inter hominem, & animal rationale, non infert dependentiam vnius ab alio; ita neque connextio Dei cum possibilitate cuiuslibet, infert dependentiam vnius ab alio.

Ad 6. dico, creaturas possibles videri in Deo, non per modum virtutis causantis cognitionem talium creaturarum, sed per modum virtutis, seu possibilitatis ipsarum creaturarum, seu (ut proprius loquar) per modum obiecti necessario connexti cum possibilitate omnium creaturarum. Præterquamquod videntur etiam in ipso, tamquam in summa veritate, verificante ab æterno

terno omnium possibilitatem , tamquam aliquid necessario connexum cum illis, vt possibilibus. Ex quo nulla sequitur in Deo vera relatio ad creaturas.

## ARTICVLVS. V.

*An beati videant in Deo omnes eius actus  
liberos de futuris contingentibus?*

**V**identur non videre, Primò quia Angeli superiores, licet comprehendant voluntatem inferiorum , non tamen cognoscunt etiam actus liberos, qui proinde ab illis liberè manifestantur . Ergo beati, qui vident quidem intuitiue, non tamen comprehensiue diuinam voluntatem, multò minus vident eius actus liberos. Antecedens supponitur ex materia de Angelis. Consequentia patet à fortiori , non solum quia visio beata non est comprehensiva, sed etiam quia actus liberi Dei non sunt de se minùs occulti, quàm creati.

2. Si omnes beati viderent in Deo omnes eius actus liberos, omnes eorum visiones essent æquales . Sed hoc pugnat cum dictis disp. 2. ar. 1. & 5. Ergo non omnes beati vident omnes actus liberos Dei.

3. Non potest videri actus liber Dei deponendo aliquo obiecto, nisi videatur hoc obiectum. Ergo si videantur omnes actus liberi , viderentur omnia futura contingentia . Hoc autem vt absurdum supra reieccimus, cum statuis, diem finalis iudicii

496 *De obiecto terminatio Visionis*  
dicij non videri à Beatis . Ergo neque videntur decreta libera .

4. Dicitur Thomas 1. p. q. 57. ar. 5. ait, *in visione beata, Angeli cognoscunt mysteria gratiæ, non quidem omnia, neque æqualiter omnes, sed secundum quod Deus voluerit eis reuelare.* Sed si viderent omnes actus liberos, viderent omnia mysteria gratiæ, quæ cum sint contingentia, pendent essentialiter singula à decretis liberis. Ergo non videntur omnes actus liberi.

Conclusio, *Omnes actus liberi denominantes videntur in Deo à beatis, non denominantes autem videntur solum iuxta proportionem luminum, & visionum, vel per reuelationem.*

Probatur prima pars 1. quia omnes actus liberi denominantes denominant per existentiam actualem obiecti voliti extra Deum. Sed est impossibile, videri in obiecto formam denominantem, & non videri ipsum denominatum. Ergo est impossibile, videri in Deo creaturas actu existentes, vt volitas quin videatur De<sup>2</sup> vt illas volens. Sed Deus vt illas volēs dicit actum liberū volitionis, vt formam intrinsecā denominantem, & ipsam creaturam vt terminum, seu formam extrinsecam. Ergo per cuiuscunque creaturæ visionem, videtur in Deo actus liber, quo illam vult. Atqui statuimus ar. 1. videri in Deo omnes creaturas actu existentes. Ergo videntur in illo omnes actus liberi denominantes.

2. Lumen gloriæ continet ciminenter  
totam

totam perfectionem luminis prophetici, vt docet diuus Thomas 2.2. q. 171. ar. 2. & ideo comparatur ad ipsum, sicut lumen principiorum ad ea, quæ deducuntur ex ipsis. Ergo manifestat principium earum veritatum, quæ manifestantur lumine prophetico. Sed hoc principium sunt actus liberi Dei, quibus vult veritates contingentes, vt formaliter illum denominantes volentem illas. Ergo manifestat actus liberos Dei denominantes; cum hoc discrimine, quod lumen propheticum, vt potest, non penetrans diuinam essentiam, illos manifestat solum per modum formæ transeuntis, lumen autem gloriæ per modum formæ perfectæ, & permanentis, vt loquitur Angelicus.

3. Qui videt clarè Deum, non potest errare circa prædicata intrinseca ipsius. Sed nisi videret omnes actus liberos denominantes, posset errare circa prædicata intrinseca ipsius Dei. Ergo videt omnes actus liberos Dei denominantes. Maior est evidens, quia sicut ex eo quod Deus sit summum bonum, non potest clarè videri à potente contra illum peccare, aliòquin non amaret illum summè; ita ex eo quod Deus sit summa veritas, eò ipso quod clarè videatur, tollit omnem potentiam proximam errandi circa prædicata intrinseca sui; nè aliòquin videatur ab errante circa primam veritatem. Probatur minor, si videns Deum, non videret e.g. decretum liberum de ponendo Antichristo, posset dicere. *Ergo*

*Deus*

498 *De obiecto terminativo Visionis*  
*Deus non habet hoc decretum .* Ergo cum hoc decretum sit adæquatè Deo intrinsecum, posset errare circa prædicata intrinseca Dei.

Dices, etiam actus liber non denominās est adæquatè intrinsecus Deo, & tamen potest Beatus circa illum errare. Ergo vel debent videri omnes actus liberi, etiam nō denominantes, quod negatur, vel hæc ratio non probat, videri denominantes.

Nego antecedens quoad secundam partem. Et ratio est, quia actus liber Deum denominans dicit essentialē connexionem, non solum cum possibilitate, sed etiā cum actuali existentia sui obiecti. Ergo se habet in ordine ad nostram cognitionem, ac si esset perfectio absoluta Dei. Actus autem non denominans licet connectatur cum possibilitate obiecti, & sit Deo penitus intrinsecus, quia tamen non connectitur cum existentia obiecti, ideo nihil habet, per quod à diuina essentia distinguitur, sed est cum illa etiam virtualiter intrinsecè identificatus, & ut ab illa impræscindibilis, videtur ut est formaliter essentia, non autem ut aliqua formalitas in illa, seu ab illa distincta. Atque adeo cum verè Beatus cognoscat clarè essentiam, nec possit circa illam errare, neque potest errare circa eius actum liberum non denominantem, qui solum est decretum in actu primo, fundamentaliter, & remotè, nec transit in esse formaliter decretum in actu secundo, nisi verè denominet, per  
exi-

existentiam actualem obiecti.

Deinde aliud est ignorare, seu nescire, aliquod, & aliud circa illud errare. Nam errare est cognoscere aliter ac est, & ideo est actus positivus cognitionis difformis obiecto; nescire autem est defectus cognitionis. Quamvis ergo Beatus ignoret actum liberum non denominantem, ex defectu obiecti, cum talis actus perinde se habeat, ac si verè non sit, potest quidem habere de illo nescientiam, non tamen errorem, hoc est iudicium falsum; aliòquin non perfectè possideret primam veritatem, potentem eum liberare ab omni errore.

Dices; ideo erraret circa actum denominantem, quia posset falsò affirmare de aliquo obiecto futuro, quòd Deus non habeat decretum de illo ponendo. Sed si non cognoscat omnes actus non denominantes, posset falsò iudicare, quòd Deus habeat decretum de ponendo aliquo obiecto, quòd verè non habeat. Ergo potest circa illum errare.

Nego minorem, quia cum Beatus videat omnes actus denominantes, & inter illos non inueniat actum de obiecto A. de quo est sermo, non potest habere de illo hoc iudicium falsum, aliter formidaret de possessione primæ veritatis, & sic illam perfectè non possideret, quod repugnat beatitudini. Præterea quia clarè cognoscit, omnes actus denominantes esse connexos cum existentia obiecti, cum qua non connectuntur non denominantes, non potest

ex

500 *De obiecto terminatiua Visionis*  
ex horum nescientia, formidare de existentia denominantium; & sic non potest circa illos errare.

Ad 1. Nego consequentiam. Disparitas est, quia cum Angeli non cognoscant, seu velint per suum esse, habent actus physicè distinctos a sua essentia, qui cum nullo modo pertineant ad eius constitutionem, sed illi omninò accidunt, non debent videri in eius cognitione, licet comprehensua. Deus autem quia intelligit, & vult formaliter per suum esse, ideo non habet actus distinctos à sua essentia, quæ proinde videri non potest sine illis; aliter videretur sine se ipsa, quod repugnat in terminis. Ad rationem fundamentalem admitto, diuinos actus esse simpliciter Angelicis occultiores, propter difficultatem naturæ insuperabilem, videndi essentiam Dei. Hac tamen superata per lumen gloriæ, nulla remanet difficultas prò eius actibus, qui sunt realiter ipsa essentia, vt patebit in loco.

Ad 2. Nego maiorem. Sicut enim visiones non sunt æquales ex vnitæte essentiæ, quam totam omnes respiciunt, propter diuersitatem modi, quo ad illam tendunt; ita nec sunt æquales ex vnitæte actuum liberorum, quam quidem omnes respiciunt sed vnus perfectius alio. Et ideo à nullo totaliter videtur.

Ad 3. Nego minorem subsumptam. Ad cuius probationem dico, in loco citato fuisse statutum à nobis, diem finalis iudicii



cij videri in Deo à Beatis quoad substantiam, non autem quoad omnes eius circumstantias accidentales loci, & temporis. Idem dicimus de alijs futuris contingentibus, quæ omnia videntur in Deo, tamquã in medio connexo, non tamen videntur quoad eorum circumstantias, secundum quas videntur, iuxta proportionem luminum, & visionum.

Vnde patet solutio ad 4. Siquidem diuus Thomas cum dixit, non videri omnia mysteria gratiæ, intelligendus est de visione, quæ terminetur, non solum ad substantiam, talium mysteriorum, sed etiam ad modum hoc est eorum circumstantias accidentales. Quod autem hæc videantur ab omnibus quoad substantiam, patet, quia cum actus liberi Dei sint adæquatè intrinseci ipsi Deo, debent in eius visione videri, aliter non videretur Deus, sicuti est. Sed est impossibile, videri volitionem Dei efficacem, de conferenda gratia Petro c.g. quin videatur ipsa collatio gratiæ, licet non videantur omnes, & singulæ circumstantiæ talis collationis. Ergo illa videtur quoad substantiam. Cum ergo eadem ratio militet pro omnibus alijs futuris contingentibus, hæc omnia videntur in Deo. Atque, adeo quia diuus Thomas cum suis docet, diuina decreta esse illi penitus intrinseca (vt videbimus in loco) non potest negare, omnia futura contingentia videri quoad substantiam; & cum dicit, non omnia videri, debet exponi de visione quoad substan-

stantiam, & modum cognoscendorum.

Probaturs secunda pars conclusionis, quia cum actus liberi non denominantes, nondum habeant proprium, & speciale, quasi specificatiuum, per quod vnus ab alijs distinguatur, nisi redigantur ad actualem terminationem ad futura contingentia, non habent singuli propriam cognoscibilitatem, qua vnus distinguatur ab alijs. Ergo nō possūt cognosci sub specialibus rationibus, ratione quarum imponantur singulis propria nomina. Ergo solum sunt cognoscibiles, secundum rationem vniuersalem actus liberi vt sic, nec possūt cognosci suis proprijs rationibus, nisi vel specialiter reuelentur, vel tale lumen Beatis tribuatur, quod habeat ex sua speciali perfectione, eorum aliquos manifestare in particulari.

## ARTICVLVS. VI.

*An videns Deum, videat in illo perpetuitatem suæ visionis?*

**V**idetur nō videre, primò quia Beati scilicet per vidēt noua, & noua in Deo, qui vt pote, infinitus exhauriri nō potest. Sed ad variationē obiecti, variatur visio. Ergo nō possūt in illo videre, vt perpetuò futuram hanc speciem visionem, & multò minus hanc vt hanc secundum indiuiduationem.

2. Si viderēt perpetuitatem suæ visionis, vel illam viderent vt perpetuò futuram, per durationem aliquam indiuisibilem  
infi-

infinitam à parte post, vel per durationem<sup>m</sup> diuisibilem? Non primum, quia cum sit de ratione temporis dicere prius, & posterius, non potest esse aliquid indiuisibile. Præterea cum ratio infinitatis sit propria Dei, non potest communicari creaturæ. Ergo hoc repugnat tam ratione indiuisibilitatis, quàm ratione infinitatis. Neque potest dici secundum, quia cum tempus sit essentialiter successiuum, non potest fundare stabilitatem, & perpetuitatem. Ergo, &c.

*Conclusio, Beatus videns Deum non potest videre necessariam perpetuitatem huius visionis in indiuiduo, sed solum in specie, vel genere.*

Probatur prima pars, quia cum visio sit actus immanens, & modalis superadditus agenti, & passio, est identificatus cum sua duratione, vt fusè probatum est in 1. de gener. disp. 4. ar. 2. concl. 4. Ergo variata eius duratione, non potest idem numero remanere, aliter sequeretur contradictio. Atqui duratio assiduò mutatur, & nunquam permanet eadem numero, vt probatum est in 4. phys. Ergo etiam visio assiduò mutatur. Quod si supponamus, illam durare per durationem indiuisibilem, vel hac esset finita, vel infinita? Si primum. Ergo sicut vna duratione indiuisibili deficiente, subsequeretur alia illi similis, ita & vna visione cum illa deficiente, succederet alia similis priori, adeòq; eadem numero non permaneret. Si verò dicatur secundum, tunc posset concedi, videri à Beato perpetui-

tuitatē suæ visionis in indiuiduo, quia videret illam identificatam cum duratione indiuisibili permanente per totam æternitatem à parte post. Quia tamen de hoc nulla extat reuelatio in sacris litteris, neque hoc requiritur ad essentiam beatitudinis, quæ semper remaneret eadem quoad substantiam, licet fieret variatio secundum visionum indiuidua, ideo dicendum est, à Deo non fieri cum Beatis hoc speciale miraculum, dando illis durationem indiuisibilem infinitam, adeoque eorum visiones assiduò mutari quoad indiuiduum.

Probatur secunda pars, nisi Beatus certò cognosceret, suam visionem in specie, vel saltem genere, esse futuram in æternum, non esset vndequaque beatus, quia posset prudenter dubitare de eius fine, adeoque esset miser. Ergo debet visio Dei esse reflexiua supra se, ita vt certificet videntē de sui æterna perpetuitate, saltem specifica vel generica, quod sufficit, ad hoc vt tollatur eius miseria, quæ posset resultare ex formidine de fine talis visionis.

Confirmatur ex opposito; nam probabilissimum iudico, damnatos in cognitione experimentalī sui infelicissimi status, reflexè certificari de perpetuitate futura suæ miseriæ, ita vt in omnibus, & singulis momentis, obuersetur eorum menti æternitas irreparabilis ad augendā eorū penā damni, unde illis resultat incōsolabilis desperatio. Ergo etiā probabilissimū cēseo, Beatos in omnib⁹, & singulis momentis, per cognitionem

tionem experimentalem sui perfectissimi status, quæ non distinguitur à visione Dei, reflexè certificari de perpetuitate futuræ suæ summæ felicitatis, ut hinc illis oriatur quies imperturbabilis, cū incremento beatitudinis, qua fruuntur in possessione sūmi boni, nulla habita ratione, quòd ipse actus possessionis mutetur ī indiuiduo, dūmodo sēper immobilis perseveret quoad substantiā, vel numericā, vel specificā, vel genericam.

Dices, posset aliquis Beatus specialiter affici ad hāc visionē, ut hanc. Ergo nisi videat perpetuitatem illius in indiuiduo, erit miser.

Nego antecedens. Ratio est, quia visio non est bona, nisi ratione termini, qui est summum bonum, & beatitudo obiectiua. Ergo dummodo retineatur similis tendentia ad eundem terminum, erit perinde utilis, & iucūda. Eo modo quo visio materialis pulcherrimi obiecti, siue sit eadem permanenter, siue sit successio plurium visionum similium, est æquē delectabilis, nihil conferente ad delectationem, quæ percipitur ex obiecto, permanentia visionis in indiuiduo, supra permanentiam visionis secundum speciem, ut patet experiētia. Quòd si aliquis obstinatè supponat, posse aliquem beatum amare hanc numero visionem ut hanc, tunc posset Deus illi satisfacere, dādo durationem indiuisibilem infinitam à parte post, per quā semper sit habiturus eādem numero visionem. Ceterū quia hoc est moraliter impossibile, ideo sufficit ad

506? *De obiecto terminatiuo Visionis*  
imperturbabilem Dei possessionem, quòd  
omnes Beati euidèter videant in sua visio-  
ne, vel hanc numero visionē non esse defi-  
turam, vel aliā necessariò successuram illi  
simillimam, cum infallibili certitudine,  
hanc visionum successionem esse in æter-  
num duraturam.

Ad 1. Distinguo maiorem, semper vidēt  
noua & noua, intra determinationē, & la-  
titudinem eiusdem luminis gloriæ, cōce-  
do: extra talem latitudinem, nego maiore.  
Et distinguo minore, ad variationē obiecti  
primo modo, variatur visio, subdistinguo,  
variatur specie, nego: variatur numero cō-  
cedo. Ad variationem secundo modo, va-  
riatur visio etiam secundū speciem, cōce-  
do minorem, & nego consequentiam. Ra-  
tio est, quia cum inæqualitas visionum ha-  
beat a luminū inæqualitate, determinā-  
tium ad tantam visionem, & non maiore,  
vt dictum est disp. 12. ar. 3. ideo semper in  
visione attenditur hæc mensura, qua retē-  
ta, semper est eadem visio secundū speciem;  
non enim qualibet variatio in obiecto fa-  
cit in visione varietatē essentialem. Quòd  
si arguens cōtendat, ad quamlibet vel mi-  
nimam variationem obiecti fieri diuersi-  
tatem specificam visionū, nè transferamus  
questionē, ex materia theologica ad phi-  
losophicam, vt liberaliter cum illo agam,  
dico, videri à Beatis, nō quidem perpetui-  
tatem visionis in specie, sed in genere,  
quòd mihi sufficit ī præsētia. Et ideo addi-  
di cōclusionē, videri eādē specie, vel gen.

Ad

Ad 2. dico, vtroque modo posse à Beatis videri suæ visionis perpetuitatem. Cū enim in 4. phys. d. 3. ar. 11. statuerimus, esse possibilem durationem creatam indiuisibilem, etiam infinitam, tam à parte ante, quàm à parte post, vbi fusè respondimus ad rationes oppositas allatas in argumento, posset Deus omnibus, & singulis Beatis communicare singulas durationes indiuisibiles infinitas à parte post, per quas viderent perpetuitatem visionum in indiuiduo. Quia tamen hoc non est necessarium ad rationem beati. udinis, vt nuper diximus, ideo sufficit, quòd Beati videant in suis visionibus successiuè futuris, perpetuitatem talis successionis, siue fiat per visiones eiusdem speciei, siue eiusdem generis, vt dictum est.

**A R T I C V L V S. VII.**

*An possit Deus videri, nulla visa creatura in particulari?*

**V**idetur posse, vt propugnat Gonèt hic disp. 5. ar. 6. Primò quia omnipotentia Dei est multò magis absoluta, & independens à qualibet creatura in particulari, quàm qualibet causa creata à suis effectibus, & potètia à suis objectis materialibus. Sed hæc possunt quidditatiuè cognosci nullo, illo viso in particulari effectū, vel objecto; vt patet in oculo, in cuius cognitione non inuoluitur color in particulari. Ergo à fortiori potest omnipotentia Dei, adeoque ipse Deus intuitiuè cognosci, nulla visa creatura in particulari.

2. Diuina essentia est ratio cognoscendi

creaturas posibles, sicut principium demonstrationis est ratio cognoscendi conclusionem; sicut enim hæc continetur virtualiter in illo, ita & creaturæ continentur eminenter in Deo. Sed principium demonstrationis potest clarè in se videri, nulla visa conclusione in particulari. Ergo etiam diuina essentia, nulla visa creatura possibili in particulari.

3. Nulla est potior ratio, cur debeat in visione Dei videri potius creatura A quàm B. Ergo si deberet necessariò vna determinatè videri, deberet omnes videri. Sed hoc est absurdum, quia traheret cõprehensionè Dei. Ergo nulla debet necessariò videri.

*Conclusio, Non potest Deus clarè videri, quin videatur aliqua creaturæ in particulari.*

Probatur 1. Omnis actus intellectus reflectit supra se, vt fusè probauimus in logica lib. 1. disp. 4. ar. 4. Ergo cum visio beata sit actus intellectus, reflectit supra se, & se ipsam cognoscit. Est autem impossibile, videri visionem Petri. e.g. quin videatur Petrus. Ergo omnis beatus videndo Deum, necessariò debet videre se ipsum, vt videt Deum. Præterea debet beatus necessariò videre suæ visionis perpetuitatem, vt probauimus ar. 6. Ergo debet necessariò videre in Deo, saltem se ipsum in particulari.

2. Qui videt clarè Deum in hoc rerum ordine, necessariò videt in illo, non solum decretum efficax de Verbo incarnando quoad substantiam, sed etiam eius efficacem determinationem, ad assumendâ hæc



carnem, ex tali matre. Ergo necessario videt in particulari eius terminationem ad talem humanitatem, & connexionem cum tali matre, adeoque videt vtramque.

3. Posito quod actu dentur creaturæ, non potest clarè videri Deus, nisi videatur eius connexio cum omnibus, & singulis actu existentibus in particulari, claritate proportionali perfectioni luminis gloriæ, vt probauimus ar. 2. Ergo visio Dei non potest separari à visione talium creaturarum in particulari. De creaturis possibilibus est alia quæstio, quia cum hæc nondum actu existant, non denominant Deum illas volentem. Ergo non connectuntur necessario cum Deo, nisi ratione possibilitatis, quæ cum sit vna, & eadem respectu omnium, non manuducit ad cognitionem claram, & distinctam singularum in particulari. Ergo non debent necessario cognosci, nisi sub ratione generali possibilium, vt statui- mus ar. 3. Vnde sequitur, posse clare videri, diuinam essentiam, nulla visa creatura possibili in particulari.

Ad 1. Concedo, Deum esse penitus independentem à creaturis, nego tamen esse magis absolutum, quam causæ, & potentia creatæ à suis effectibus, & obiectis materialibus. Et ratio est, quia Deus vt causa prima, & vniuersalissima cōtinet in se eminenter, non solum totam perfectionem, quam possunt habere, omnes, & singulæ creaturæ in ratione effectus, sed etiam in ratione obiecti, & in

quacumque alia ratione. Ergo connectitur essentialiter connexione identitatis, cum possibilitate omnium creaturarum, quod nulli conuenit creaturæ, quæ solum connectuntur cum possibilitate sui, & aliarum, connexionem dependentiæ, quæ consequitur vt effectus à ratione possibilitatis, quam nullo modo constituit. Præterea, quia ratione omnipotentia, eius libera decreta necessariò connectuntur à priori cū obiecto voluto efficaciter, ideo vt volens aliquam creaturam, necessariò dicit nō solum actum suæ volitionis, sed etiam terminum ex illo necessariò resultantem, quod non conuenit creaturis, sine considerentur vt causæ ad effectus, siue vt potentiæ ad obiecta materialia. Ergo per quamdam superrelationem est minus absolutus Deus, quàm creaturæ.

Vnde patet euidentis disparitas, cur possit clarè videri oculus; nullo viso colore in particulari, quia color non continetur in oculo, vt sui causa, vel possibilitate. Ergo oculus nullam habet cum illo essentialem connexionem, siue à priori, siue à posteriori. Neque obstat, quòd oculus dicat essentialem respectum ad colorem, primò quia hic respectus non fertur, nisi ad rationem coloris, vt potentem terminare suos actus. Ergo cū hac ratio æque bene inueniatur in hoc, atque in omni alio colore, nullum respicit in particulari determinatè. Deinde oculus non respicit colorem vt aliquod necessariū sibi ad existendū, sed

sed ad operandum. Ergo quia posset existere in tenebris, & non videre, posset etiā intuitivè cognosci, nullo viso colore in particulari. Deus autem siue consideretur ut possibilitas, siue ut causa prima, quia essentialiter dicit utrumque, ut perfectionem sui essentialem, non potest sine illis videri. His autē visis, nō possunt nō videri aliqua creaturæ in particulari, ut dictū est. Ergo hinc nō infirmatur doctrina allata.

Ad 2. Nego maiorem, primò quia divina essentia non manuducit ad cognitionē creaturarum, per modum præmissæ, sicut facit principium denominationis, sed per modum mediij connexi, ut dictum est. Deinde quia conclusio non continetur eminenter in principio demonstrationis, sed solum virtualiter, & inadæquatè. Ergo in tali principio non potest elucere tota eius perfectio, sicut elucet in Deo creaturæ. Ergo nulla est paritas.

Ad 3. Nego maiorem, propter rationes allatas in articulis 1. 2. & 3. Deinde licet admitteretur, cognosci in particulari omnes creaturas, tam existentes, quam possibiles, non proinde sequeretur Deum comprehendere, ut toties diximus, & speciatim ar. 3. eò quia non cognoscerentur adæquatè, & totaliter, ita ut perfectiùs cognosci non possent. Quamvis ergo Deus cognosceretur adæquatè, adæquatione extensiva, quia tamen non cognosceretur adæquatè, adæquatione intensiva, ideo non comprehenderetur.

## ARTICVLVS. VIII.

*An possit videri diuina essentia sine Personis?*

**D**E facto ab omnibus Beatis videri, cū diuina essentia, non solum omnes, Personas, sed etiam omnia illius attributa, est certum ex fide, vt definitum est in Florentino, in quo statuitur videri Deum vnū, & trinum. Questio ergo procedit solum de possibili.

Affirmat Scotus in 1. d. 8. q. 4. cum suis, Primò quia diuina essentia distinguitur virtualiter intrinsecè à Personis. Ergo potest ab illis obiectiue præscindi; aliòquin frustra admitteretur hæc distinctio. Sed prout obiectiue præcisa à Personis, illas formaliter non inuoluit. Ergo potest videri sine illis.

2. Ita se habet distinctio essentia à Personis, sicut distinctio Personarum ab essentia. Sed potest illa sufficere, ad hoc vt videamur Personæ sine essentia. Ergo & hæc vt videatur essentia sine Personis. Maior, & consequentia sunt euidentēs. Probatur minor à pari, ita se habet distinctio Personæ ab essentia, in ordine ad visionem, sicut se habet in ordine ad incarnationem. Sed potest ex vi illius incarnari formaliter persona, & non essentia. Ergo & videri.

3. Personæ non constituunt formaliter essentiam. Ergo potest hæc intuitiue videri sine illis, quia adhuc videretur secundum omnia constitutiuæ, adeoque secundum totum, quod est in se.

4. Non

4. Non repugnat vniri, & communicari naturam, vnione, & communicatione reali, sine Persona. Ergo neque repugnat, vniri vnione intelligibili naturam, seu essentiam, non vnita Persona. Consequentia est euident, quia vnio intelligibilis est extrinseca; vnio autem communicationis realis est intrinseca. Ergo si potest hec fieri, cum præcisione obiectiua vni<sup>9</sup> ab alio, à fortiori poterit fieri etiã illa. Antecedens probatur ex præcipijs fidei docētis, à Patre communicari filio totam naturam, non comunicata relatione Paternitatis, cum illa realiter identificata.

5. Essentia diuina non habet à Personis, vt sit summum bonum satiatium, sed ex se, ratione perfectionum absolutarum. Ergo potest sine illis terminare visionem beatificam. Probatur consequentia si non posset, vel proueniret ex eo, quod videatur intuitiue, vel quia est cum illis identificata? Non primum, quia videtur Petrus à longè intuitiue, sub ratione animalis, licet non videatur secundum omnia ipsius prædicata. Neque secundum, quia ratio hominis in Petro, identificatur cum ratione animalis, licet vna intuitiue videatur sine alia. Ergo ex nullo capite hoc repugnat.

Conclusio, *Non potest clare videri diuina essentia, quin clare etiam videantur diuinæ Personæ.* Ita Thomistæ communiter, ex diuo Tho. 2. 2. q. 2. ar. 8. ad 3. dicente, *summa bonitas Dei secundum modum, quo nunc in-*

514 *De obiecto terminatiuo Visionis*  
telligitur per effectus, potest intelligi absque  
Trinitate Personarum, sed secundum quod in-  
telligitur in se ipso, prout videtur à Beatis, nō  
potest intelligi sine Trinitate Personarum.

Probatur 1. Visio clara Dei debet esse,  
visio totius, quod est Deus. Sed Deus est  
trinus realiter in Personis. Ergo est etiam  
visio Trinitatis. Aliter non esset visio to-  
tius quod est Deus.

2. Non videtur aliquid clarè, nisi videa-  
tur eius subsistentia, ratione cuius sit hoc,  
& non aliud. Sed subsistentia diuina est  
triplex relatiua, constituens Personarum  
Trinitatē. Ergo non potest clarè videri di-  
uina essentia, non visis Personis. Minor, &  
consequentia sunt euidentia. Maior proba-  
tur, cognitio intuitiua non terminatur ad  
solam naturam, & quidditatem obiecti, sed  
ad illam vt est in se subsistens, & existens.  
Ergo terminatur etiam ad eius subsistentiā.

3. Visio beatifica debet esse perfectè qui-  
etatiua, & satiatiua. Non esset autem, nisi  
terminaretur ad Personas, sine quibus non  
cognosceret modum, quo existit diuina  
essentia, & subsistit in se. Ergo debet co-  
gnoscere etiam Personas. Maior est de fi-  
de. Minor probatur, quia Personis non co-  
gnitis, semper posset Beatus anxari, ex de-  
fectu cognitionis illarum. Ergo illas non  
videns, non esset visio perfectè quietatiua,  
& satiatiua.

Ad 1. Nego postremam consequentiam.  
Ratio est, quia distinctio virtualis intrin-  
seca facit quidem, quod possit vnum præ-  
scin-

vidi ab alio, etiam ex parte obiecti, ad eum  
videri precisive, seu imperfecte, non ta-  
men facit, quod possit vnum videri clare,  
intuitively sine alio. Quia ergo questio  
procedit de cognitione clara, & intuitiva,  
non debet ferri in totum id, quod est in se  
realiter obiectum, ideo distinctio virtualis  
intrinsicam nihil confert, ad hoc ut possit  
visio terminari ad essentiam, & non ad  
Personas.

Ad 2. Nego minorem. Ad cuius proba-  
tionem nego maiorem. Primum quia com-  
municatio realis, siue ad intra per proces-  
sionem siue ad extra per terminationem,  
seu unionem hypostaticam, non fit com-  
municando formam, quantum communi-  
cabilis est, sed iuxta capacitatem, & exi-  
gentiam termini, cui illa communicatur.  
Et ideo quia in filio datur capacitas ad re-  
cipiendam naturam Patris, & non ad eius  
paternitatem, per aeternam generationem  
filius recipit à Patre naturam, & non rela-  
tionem. Et in incarnatione quia humana  
natura habet capacitatem ad hoc, ut possit  
terminari à Persona Verbi, non autem ad  
hoc ut possit constitui per eius naturam;  
ideo recipit ab illo Personam, per quam  
subsistit, & non naturam, per quam intrin-  
sece communicetur. Hac non valent de visione,  
quæ cum exigit ferri in totum obiectum,  
ut est realiter in se, si terminaretur ad ali-  
quid illius, & non ad alia, non esset co-  
gnitio quidditiva, & intuitiva. Deinde in  
ordine ad incarnationem satis est, quod

Actur terminus sufficiens ad personandam humanitatem; adeoque cum hæc sufficiencia inueniatur in persona, sufficit, quod illa distinguatur virtualiter intrinsecè ab essentia; præsertim cū incarnatio sit actio ad extra, adeoque propria suppositi, & non naturæ. Visio autem quia debet attingere totum obiectum, vt est in se realiter, debet ferri ad omnia, quæ sunt realiter in obiecto, licet inter se virtualiter intrinsecè distinguantur.

Ad 3. Nego consequentiam. Quamvis enim relationes non constituent formaliter essentiam, quia tamen illam essentialiter terminant, & modificant, ideo illam realiter constituunt; atque adeo quia debet tota videri, vt est realiter in se, ideo debent in illa videri etiam Personæ.

Ad 4. Nego consequentiam. Et dico primo, repugnantiam non provenire ex parte Dei visi, perinde quasi non possit essentia obiectiue præscindi à Personis, sed ex parte visionis, quæ cum sit intuitiua, debet ferri in totum obiectum adæquatè, & si in aliquod illius non ferretur, esset, & nõ esset intuitiua, quod repugnat. Deinde unio, seu communicatio realis formæ fit per ipsam formam immediatè. Ergo si admittat in se multipliciter intrinsecam prædicatorum, ratione distinctionis virtualis intrinsecæ, potest fieri secundum vnum ex illis, & non secundum aliud; unio verò intentionalis quia fit mediante specie, debet ab illa determinari. Atque adeo cum

diui-



diuina essentia sit sui species, 'se ipsam representans, ut est in se realiter existens', & subsistens, debet determinare ad vnionem, quæ intentionaliter terminetur ad ipsam, ut existentem, & subsistentem, adeoque etiam ad Personas. Tertiò communicatio formæ, siue realis, siue intentionalis, non determinatur ab ipsa forma communicata, sed à termino illam terminante. Quia ergo potentia intellectiua habet capacitatem, ad terminandam vnionem intentionalem, tam naturæ, quàm Personæ diuinæ, ideo vnitur intentionaliter, per actum visionis cum vtraque. Filius autem quia opponitur relatiuè Paternitati, & non naturæ Patris, ideo potest intrinsecè terminare vnionem realem cum natura, & non cum Paternitate; & natura humana, quia habet repugnantiam ad naturam Verbi, & nō ad Personam, ideo potest vniri realiter hypostaticè cum Persona, per quam subsistit, & non cum natura, per quam non potest existere, tamquàm per formam substantia- liter diuinizantem.

Ad 5. Nego consequentiam, quia licet diuina essentia nō habeat à Personis, quod sit summum bonum, tamen sine illis non esset summum bonum, sed ex eodem principio, vnde habet quod sit summum bonum, habet etiam quod sit in se secunda, & subsistat in tribus Personis. Ergo quia sine illis non posset existere, & subsistere, ideo licet non habeat à Personis rationem formalem summi boni, sine illis non esset sū-

518 *De obiecto terminatiuo Visionis*  
num bonum. Eo modo quo anima rationalis non habet à specie, quòd sit intellectiua, tamen sine specie non posset intelligere. Ad probationem dico, prouenire ex utroque capite, nempe quod visio sit intuitiua, & quòd essentia identificetur realiter cum Personis. Et ratio est, quia cum visio intuitiua terminetur ad obiectum, vt est in se, si essentia est realiter identificata cum Personis, per quas subsistit, debet vt subsistens terminare visionem. Ad rationes inferiores dico, illas nihil euincere. Primò quia visio Petri, sub ratione animalis, est abstractiua, & confusa, eò quòd confundat Petrum cum omnibus animalibus, & dicitur solum improprie intuitiua, quatenus per oculum clarè videt accidentia, & proprietates talis gradus. Et deinde quia ratio hominis, in Petro non identificatur adæquè cum ratione animalis, & ideo hæc est potius inclusio, quàm identitas, vt dictum est in disp. metaphysicis.

#### ARTICVLVS. IX.

*An possit dari visio, quæ terminetur ad Personas, & non ad essentiam?*

**V**idetur posse, Primò quia Personæ nō sunt ad indigentiam diuinæ essentiæ (vt loquitur Nazianzenus) sed ad eius opulentiam. Ergo sunt extra rationem formalem illius. Sed totum illud potest concipi sine alio, quod est extra rationem formalem illius. Ergo possunt videri Personæ sine essentia.

2. Po-

2. Potest vna persona produci ab alia, nullo modo producta essentia, quæ est omnibus communis. Ergo possunt videri Personæ, vt producentes, & productæ, non non visa essentia.

3. Personæ sunt cōceptibiliter distinctæ ab essentia. Ergo possunt videri sine illa. Cōsequenter tenet, quia visio sequitur rationem visibilitatis obiectivæ. Ergo cum inter essentiam, & Personas sit diuersa conceptibilitas, adeoque visibilitas obiectiva, potest vna terminare visionem, quam non terminet alia. Antecedens probatur primò quia essentia est absoluta, & Personæ relatiuæ, Ergo non possunt esse idem conceptibiliter. 2. Intelligibilior est diuina Persona, quàm creata. Sed hæc potest intelligi sine natura. Ergo, & illa.

4. Ita se habent Personæ ad essentiam, sicut essentia ad Personas. Sed hæc potest concipi sine Personis, Ergo, & illæ sine essentia. Probatur maior, quia sicut Personæ, vt formaliter tales, non constituunt formaliter essentiam; ita neque essentia vt est formaliter absoluta, potest constituere proprietates notionales Personarum. Probatur minor, Personæ non dant entitatem essentiæ. Ergo neque intelligibilitatem ex illa consequentem. Sicut ergo per se est essentia, nec includit formaliter Personas, vt sui constitutiuas, ita est per se intelligibilis absque Personis.

Conclusio; *Non possunt videri Personæ, non visa essentia.* Probatur contra Scotū pri-

primò, diuinæ Personæ ratione sui formali-  
liter nullā dicunt perfectionē simpliciter  
simplicē, vt fusè probauimus in metaphy-  
sics. Ergo neq; habent entitatē, præter cō-  
munem essentiā. Sed est impossibile, quòd  
videantur clarè, & intuitiue, & non videā-  
tur secundū entitatem, vt toties dictum  
est, aliter non viderentur vt diuinæ, & vt  
sunt vnus, & idem Deus. Ergo non pos-  
sunt videri, non visa essentia.

2. Personæ vt formaliter tales, sunt ter-  
mini intrinseci, & modi essentialiter ina-  
dequati diuinæ essentiæ, in quibus illa sub-  
sistit. Sed est impossibile, videri formam  
essentialiter modificantem, & non videri  
modificatum. Ergo est impossibile, videri  
Personas, non visa essentia. Maior est de fi-  
de. Minor probatur, totum esse modifica-  
tium est ad modificatum, vt probauimus in  
metaphysicis. Ergo totum esse Personarū  
est ad essentiā, cum qua essentialiter cō-  
nectuntur. Sed fieri non potest, vt clarè vi-  
deatur, sicut est in se, quod intrinsecè, &  
essentialiter est ad essentiā, connexionē  
identitatis, non visa essentia, vt termino  
intrinseco talis connexionis. Ergo fieri  
non potest, vt clarè videantur Personæ,  
non visa essentia.

3. Pater vt Pater nō potest clarè cognō-  
sci, nisi cognoscatur vt generans filium si-  
bi consubstantialē, & similem in natu-  
ra. Ergo non potest clarè videri, nisi vi-  
deatur natura, quam communicat filio.  
Et idem dico de filio, & Spiritu Sancto,  
qui

qui non possunt clarè cognosci, nisi cognoscatur natura, quâ ille per generationem accipit à solo Patre, & hic per spirationem à Patre, & filio.

Ad 1. Nego minorem; nam correlatiua, licèt se inuicem non constituent, sunt tamen simul cognitione. Deinde licèt Personæ sint extra rationem formalem essentia, non tamen essentia est extra rationem formalem Personæ, quæ vt suppositum dicit formaliter subsistentiam, & naturam, vt probauimus in me;aphysicis. Ergo quidquid sit, an essentia possit videri sine Personis, de quo egimus in ar. 8. Personæ videri non possunt absque essentia.

Ad 2. Nego consequentiam, quia (vt nuber diximus) productio actiua dicit formaliter communicationem essentia, sicut passiuæ illius receptionem, aliter non esset productiones diuinæ. Ergo inuoluunt formaliter ipsam essentiam; adeoque sine illa videri non possunt.

Ad 3. Distinguo antecedens, sunt conceptibiliter distinctæ, in ordine ad cognitionem abstractiuam, concedo: in ordine ad cognitionem intuitiuam, nego antecedens, & cum illo consequentiam. Ad eius primam probationem nego consequentiã. Per hoc enim quòd essentia sit absoluta, & Personæ respectiua, non ~~conceditur~~ quòd vnum possit ~~cognoscere~~ <sup>accipere</sup> sine alio. Sicut enim hoc non tollit realem identitatem, ita neque tollit communem conceptibilitatem. Cum ergo essentia subsistat in Personis,

creaturas posibles, sicut principium demonstrationis est ratio cognoscendi conclusionem; sicut enim hæc continetur virtualiter in illo, ita & creaturæ continentur eminenter in Deo. Sed principium demonstrationis potest clarè in se videri, nulla visa conclusione in particulari. Ergo etiam diuina essentia, nulla visa creatura possibili in particulari.

3. Nulla est potior ratio, cur debeat in visione Dei videri potiùs creatura A quàm B. Ergo si deberet necessariò vna determinatè videri, deberèt omnes videri. Sed hoc est absurdum, quia traheret cõprehensionè Dei. Ergo nulla debet necessariò videri.

*Conclusio, Non potest Deus clarè videri, quin videãtur aliquæ creaturæ in particulari.*

Probatur 1. Omnis actus intellectus reflectit supra se, vt fusè probauimus in logica lib. 1. disp. 4. ar. 4. Ergo cum visio beata sit actus intellectus, reflectit supra se, & se ipsam cognoscit. Est autem impossibile, videri visionem Petri. e.g. quin videatur Petrus. Ergo omnis beatus videndo Deum, necessariò debet videre se ipsum, vt vidēt Deū. Præterea debet beatus necessariò videre suæ visionis perpetuitatem, vt probauimus ar. 6. Ergo debet necessariò videre in Deo, saltem se ipsum in particulari.

2. Qui videt clarè Deum in hoc rerum ordine, necessariò videt in illo, non solum decretum efficax de Verbo incarnando quoad substantiam, sed etiam eius efficacem determinationem, ad assumendâ hæc

car-

carnem, ex tali matre. Ergo necessario videtur in particulari eius terminationem ad talem humanitatem, & connexionem cum tali matre, adeoque videtur vtramque.

3. Posito quod actu dentur creaturæ, non potest clarè videri Deus, nisi videatur eius connexio cum omnibus, & singulis actu existentibus in particulari, claritate proportionali perfectioni luminis gloriæ, ut probauimus ar. 2. Ergo visio Dei non potest separari à visione talium creaturarum in particulari. De creaturis possibilibus est alia quæstio, quia cum hæc nondum actu existant, non denominant Deum illas volentem. Ergo non connectuntur necessario cum Deo, nisi ratione possibilitatis, quæ cum sit vna, & eadem respectu omnium, non manuducit ad cognitionem claram, & distinctam singularum in particulari. Ergo non debent necessario cognosci, nisi sub ratione generali possibilium, ut statuiamus ar. 3. Vnde sequitur, posse clare videri, diuinam essentiam, nulla visa creatura possibili in particulari.

Ad 1. Concedo, Deum esse penitus independentem à creaturis, nego tamen esse magis absolutum, quam causæ, & potentie creatæ à suis effectibus, & obiectis materialibus. Et ratio est, quia Deus ut causa prima, & vniuersalissima cōtinet in se eminenter, non solum totam perfectionem, quam possunt habere, omnes, & singulæ creaturæ in ratione effectus, sed etiam in ratione obiecti, & in

310 *De obiecto terminatiuo Visionis*  
quacumque alia ratione. Ergo connectitur essentialiter connexione identitatis, cum possibilitate omnium creaturarum, quod nulli conuenit creaturæ, quæ solum connectuntur cum possibilitate sui, & aliarum, connexionem dependentiæ, quæ cōsequitur vt effectus à ratione possibilitatis, quam nullo modo constituit. Præterea, quia ratione omnipotentia, eius libera decreta necessariò connectuntur à priori cū obiecto voluto efficaciter, ideo vt volens aliquam creaturam, necessariò dicit nō solum actum suæ volitionis, sed etiam terminum ex illo necessariò resultantem, quod non conuenit creaturis, sine considerentur vt causæ ad effectus, siue vt potentia ad obiecta materialia. Ergo per quamdam superrelationem est minùs absolutus Deus, quàm creaturæ.

Vnde patet euidens disparitas, cur possit clarè videri oculus, nullo viso colore in particulari, quia color non continetur in oculo, vt sui causa, vel possibilitate. Ergo oculus nullam habet cum illo essentialem connexionem, siue à priori, siue à posteriori. Neque obstat, quòd oculus dicat essentialem respectum ad colorem, primò quia hic respectus non fertur, nisi ad rationem coloris, vt potentem terminare suos actus. Ergo cum hac ratio æque bene inueniatur in hoc, atque in omni alio colore, nullum respicit in particulari determinatè. Deinde oculus non respicit colorem vt aliquod necessarium sibi ad existendū, sed



sed ad operandum. Ergo quia posset existere in tenebris, & non videre, posset etiā intuitivè cognosci, nullo viso colore in particulari. Deus autem siue consideretur ut possibilitas, siue ut causa prima, quia essentialiter dicit utrumque, ut perfectionem sui essentialem, non potest sine illis videri. His autē visis, nō possunt nō videri aliqua creaturæ in particulari, ut dictū est. Ergo hinc nō infirmatur doctrina allata.

Ad 2. Nego maiorem, primò quia divina essentia non manuducit ad cognitionē creaturarum, per modum præmissæ, sicut facit principium denominationis, sed per modum mediæ connexi, ut dictum est. Deinde quia conclusio non continetur eminenter in principio demonstrationis, sed solum virtualiter, & inadæquatè. Ergo in tali principio non potest elucere tota eius perfectio, sicut elucet in Deo creaturæ. Ergo nulla est paritas.

Ad 3. Nego maiorem, propter rationes allatas in articulis 1. 2. & 3. Deinde licet admitteretur, cognosci in particulari omnes creaturas, tam existentes, quam possibiles, non proinde sequeretur Deum comprehendere, ut toties diximus, & speciatim ar. 3. cò quia non cognoscerentur adæquatè, & totaliter, ita ut perfectiùs cognosci non possent. Quamvis ergo Deus cognosceretur adæquatè, adæquatione extensiva, quia tamen non cognosceretur adæquatè, adæquatione intensiva, ideo non comprehenderetur.

## ARTICULVS. VIII.

*An possit videri diuina essentia sine Personis?*

**D**E facto ab omnibus Beatis videri, cū diuina essentia, non solum omnes, Personas, sed etiam omnia illius attributa, est certum ex fide, vt definitum est in Florentino, in quo statuitur videri Deum vnū, & trinum. Questio ergo procedit solum de possibili.

Affirmat Scotus in 1. d. 8. q. 4. cum suis, Primò quia diuina essentia distinguitur virtualiter intrinsecè à Personis. Ergo potest ab illis obiectiue præscindi; aliòquin, frustra admitteretur hæc distinctio. Sed prout obiectiue præcisa à Personis, illas formaliter non inuoluit. Ergo potest videri sine illis.

2. Ita se habet distinctio essentia à Personis, sicut distinctio Personarum ab essentia. Sed potest illa sufficere, ad hoc vt videamur Personæ sine essentia. Ergo & hæc vt videatur essentia sine Personis. Maior, & consequentia sunt euidenter. Probatur minor à pari, ita se habet distinctio Personæ ab essentia, in ordine ad visionem, sicut se habet in ordine ad incarnationem. Sed potest ex vi illius incarnari formaliter persona, & non essentia. Ergo & videri.

3. Personæ non constituunt formaliter essentiam. Ergo potest hæc intuitiue videri sine illis, quia adhuc videretur secundum omnia constitutiuæ, adeoque secundum totum, quod est in se.

4. Non

4. Non repugnat vniri, & communicari naturam, vnione, & communicatione reali, sine Persona. Ergo neque repugnat, vniri vnione intelligibili naturam, seu essentiam, non vnita Persona. Consequentia est euident, quia vnio intelligibilis est extrinseca; vnios autē cōmunicationis realis est intrinseca. Ergo si potest hec fieri, cum praeiositione obiectiua vni<sup>9</sup> ab alio, à fortiori poterit fieri etiā illa. Antecedēs probatur ex p̄icipijs fidei docētis, à Patre cōmunicari filio totam naturam, non cōmunicata relatione Paternitatis, cum illa realiter identificata.

5. Essentia diuina non habet à Personis, vt sit summum bonum satiatium, sed ex se, ratione perfectionum absolutarum. Ergo potest sine illis terminare visionem beatificam. Probatur consequentia si non posset, vel proueniret ex eo, quod videatur intuitiue, vel quia est cum illis identificata? Non primum, quia videtur Petrus à longē intuitiue, sub ratione animalis, licet non videatur secundum omnia ipsius praeiicata. Neque secundum, quia ratio hominis in Petro, identificatur cum ratione animalis, licet vna intuitiue videatur sine alia. Ergo ex nullo capite hoc repugnat.

Conclusio, *Non potest clarè videri diuina essentia, quin clarè etiam videantur diuinæ Personæ.* Ita Thomistæ communiter, ex diuo Tho. 2. 2. q. 2. ar. 8. ad 3. dicente, *summa bonitas Dei secundum modum, quo nunc in-*

514 *De obiecto terminatio Visionis*  
telligitur per effectus, potest intelligi absque  
Trinitate Personarum, sed secundum quod in-  
telligitur in se ipso, prout videtur à Beatis, nō  
potest intelligi sine Trinitate Personarum.

Probatur 1. Visio clara Dei debet esse,  
visio totius, quod est Deus. Sed Deus est  
trinus realiter in Personis. Ergo est etiam  
visio Trinitatis. Aliter non esset visio to-  
tius quod est Deus.

2. Non videtur aliquid clarè, nisi videa-  
tur eius subsistentia, ratione cuius sit hoc,  
& non aliud. Sed subsistentia diuina est  
triplex relatiua, constituens Personarum  
Trinitatē. Ergo non potest clarè videri di-  
uina essentia, non visis Personis. Minor, &  
consequentia sunt euidentia. Maior proba-  
tur, cognitio intuitiua non terminatur ad  
solam naturam, & quidditatem obiecti, sed  
ad illam ut est in se subsistens, & existens.  
Ergo terminatur etiam ad eius subsistentiā.

3. Visio beatifica debet esse perfectè qui-  
etatiua, & satiatiua. Non esset autem, nisi  
terminaretur ad Personas, sine quibus non  
cognosceret modum, quo existit diuina  
essentia, & subsistit in se. Ergo debet co-  
gnoscere etiam Personas. Maior est de fi-  
de. Minor probatur, quia Personis non co-  
gnitis, semper posset Beatus anxari, ex de-  
fectu cognitionis illarum. Ergo illas non  
videns, non esset visio perfectè quietatiua,  
& satiatiua.

Ad 1. Nego postremam consequentiam.  
Ratio est, quia distinctio virtualis intrin-  
seca facit quidem, quod possit vnum præ-  
scin-

scindi ab alio, etiam ex parte obiecti, adeoque videri precisuè, seu imperfectè, nō tamen facit, quòd possit vnum videri clarè, & intuituè sine alio. Quia ergo quæstio procedit de cognitione clara, & intuitiva, quæ debet ferri in totum id, quod est in se realiter obiectum, ideo distinctio virtualis intrinseca nihil confert, ad hoc vt possit visio terminari ad essentiam, & non ad Personas.

Ad 2. Nego minorem. Ad cuius probationem nego maiorem. Primò quia communicatio realis, siue ad intra per processionem siue ad extra per terminationem, seu vnionem hypostaticam, non fit communicando formam, quantum communicabilis est, sed iuxta capacitatem, & exigentiam termini, cui illa communicatur. Et ideo quia in filio datur capacitas ad recipiendam naturam Patris, & non ad eius paternitatem, per æternam generationem filius recipit à Patre naturam, & non relationem. Et in incarnatione quia humana natura habet capacitatem ad hoc, vt possit terminari à Persona Verbi, non autem ad hoc vt possit constitui per eius naturam; ideo recipit ab illo Personam, per quam subsistit, & non naturam, per quam intus seè communicetur. Hæc non valent de visione, quæ cum exigit ferri in totum obiectum, vt est realiter in se, si terminaretur ad aliquid illius, & non ad alia, non esset cognitio quidditiua, & intuitiva. Deinde in ordine ad incarnationem satis est, quòd

detur terminus sufficiens ad personandam humanitatem; adeoque cum hæc sufficientia inueniatur in persona, sufficit, quod illa distinguatur virtualiter intrinsecè ab essentia; præsertim cū incarnatio sit actio ad extra, adeoque propria suppositi, & non naturæ. Visio autem quia debet attingere totum obiectum, ut est in se realiter, debet ferri ad omnia, quæ sunt realiter in obiecto, licet inter se virtualiter intrinsecè distinguantur.

Ad 3. Nego consequentiam. Quamvis enim relationes non constituent formaliter essentiam, quia tamen illam essentialiter terminant, & modificant, ideo illam realiter constituunt; atque adeo quia debet tota videri, ut est realiter in se, ideo debent in illa videri etiam Personæ.

Ad 4. Nego consequentiam. Et dico primo, repugnantiam non provenire ex parte Dei visi, perinde quasi non possit essentia obiectivè præscindi à Personis, sed ex parte visionis, quæ cum sit intuitiva, debet ferri in totum obiectum adæquatè; & si in aliquod illius non ferretur, esset, & non esset intuitiva, quod repugnat. Deinde unio, seu communicatio realis formæ fit per ipsam formam immediatè. Ergo si admittat in se multipliciter intrinsecam prædicatorum, ratione distinctionis virtualis intrinsecæ, potest fieri secundum unum ex illis, & non secundum aliud; unio verò intentionalis quia fit mediante specie, debet ab illa determinari. Atque adeo cum

divi-

diuina essentia sit sui species, se ipsam representans, ut est in se realiter existens, & subsistens, debet determinare ad vnionem, quæ intentionaliter terminetur ad ipsam, ut existentem, & subsistentem, adeoque etiam ad Personas. Tertiò communicatio formæ, siue realis, siue intentionalis, non determinatur ab ipsa forma communicata, sed à termino illam terminante. Quia ergo potentia intellectiua habet capacitatem, ad terminandam vnionem intentionalem, tam naturæ, quàm Personæ diuinæ, ideo vnitur intentionaliter, per actum visionis cum vtraque. Filius autem quia opponitur relatiuè Paternitati, & non naturæ Patris, ideo potest intrinsecè terminare vnionem realem cum natura, & non cum Paternitate; & natura humana, quia habet repugnantiam ad naturam Verbi, & nō ad Personam, ideo potest vniri realiter hypostaticè cum Persona, per quam subsistit, & non cum natura, per quam non potest existere, tamquàm per formam substantialiter diuinizantem.

Ad 5. Nego consequentiam, quia licet diuina essentia nō habeat à Personis, quod sit summum bonum, tamen sine illis non esset summum bonum, sed ex eodem principio, vnde habet quod sit summum bonum, habet etiam quod sit in se fecunda, & subsistat in tribus Personis. Ergo quia sine illis non posset existere, & subsistere, ideo licet non habeat à Personis rationem formalem summi boni, sine illis non esset sū-

num bonum. Eo modo quo anima rationalis non habet à specie, quòd sit intellectiua, tamen sine specie non posset intelligere. Ad probationem dico, prouenire ex utroque capite, nempe quod visio sit intuitiua, & quòd essentia identificetur realiter cum Personis. Et ratio est, quia cum visio intuitiua terminetur ad obiectum, vt est in se, si essentia est realiter identificata cum Personis, per quas subsistit, debet vt subsistens terminare visionem. Ad rationes inferiores dico, illas nihil euincere. Primò quia visio Petri, sub ratione animalis, est abstractiua, & confusa, eò quòd confundat Petrum cum omnibus animalibus, & dicitur solùm improprie intuitiua, quatenus per oculum clarè videt accidentia, & proprietates talis gradus. Et deinde quia ratio hominis, in Petro non identificatur adæquè cum ratione animalis, & ideo hæc est potius inclusio, quàm identitas, vt dictum est in disp. metaphysicis.

## ARTICVLVS. IX.

*An possit dari visio, quæ terminetur ad Personas, & non ad essentiam?*

**V**idetur posse, Primò quia Personæ nō sunt ad indigentiam diuinæ essentiæ (vt loquitur Nazianzenus) sed ad eius opulentiam. Ergo sunt extra rationem formalem illius. Sed totum illud potest concipi sine alio, quod est extra rationem formalem illius. Ergo possunt videri Personæ sine essentia.



2. Potest vna persona produci ab alia, nullo modo producta essentia, quæ est omnibus communis. Ergo possunt videri Personæ, vt producentes, & productæ, non non visa essentia.

3. Personæ sunt cōceptibiliter distinctæ ab essentia. Ergo possunt videri sine illa. Cōsequentia tenet, quia visio sequitur rationem visibilitatis obiectivæ. Ergo cum inter essentiam, & Personas sit diuersa conceptibilitas, adeoque visibilitas obiectiua, potest vna terminare visionem, quam non terminet alia. Antecedens probatur primò quia essentia est absoluta, & Personæ relatiuæ, Ergo non possunt esse idem conceptibiliter. 2. Intelligibilior est diuina Persona, quàm creata. Sed hæc potest intelligi sine natura. Ergo, & illa.

4. Ita se habent Personæ ad essentiam, sicut essentia ad Personas. Sed hæc potest concipi sine Personis, Ergo, & illæ sine essentia. Probatur maior, quia sicut Personæ, vt formaliter tales, non constituunt formaliter essentiam; ita neque essentia vt est formaliter absoluta, potest constituere proprietates notionales Personarum. Probatur minor, Personæ non dant entitatem essentiæ. Ergo neque intelligibilitatem ex illa consequentem. Sicut ergo per se est essentia, nec includit formaliter Personas, vt sui constitutiuas, ita est per se intelligibilis absque Personis.

*Conclusio; Non possunt videri Personæ, non visa essentia.* Probatur contra Scotū  
pri-

primò, diuinæ Personæ ratione sui formaliter nullā dicunt perfectionē simpliciter simplicē, vt fusè probauimus in metaphysicis. Ergo neq; habent entitatē, præter communem essentiā. Sed est impossibile, quòd videantur clarè, & intuitiue, & non videantur secundum entitatem, vt toties dictum est, aliter non viderentur vt diuinæ, & vt sunt vnus, & idem Deus. Ergo non possunt videri, non visa essentia.

2. Personæ vt formaliter tales, sunt termini intrinseci, & modi essentialiter inadequati diuinæ essentiæ, in quibus illa subsistit. Sed est impossibile, videri formaliter essentialiter modificantem, & non videri modificatum. Ergo est impossibile, videri Personas, non visa essentia. Maior est de fratre. Minor probatur, totum esse modificatiui est ad modificatum, vt probauimus in metaphysicis. Ergo totum esse Personarum est ad essentiam, cum qua essentialiter connectuntur. Sed fieri non potest, vt clarè videatur, sicut est in se, quod intrinsecè, & essentialiter est ad essentiam, connexionem identitatis, non visa essentia, vt terminus intrinsecus talis connexionis. Ergo fieri non potest, vt clarè videantur Personæ non visa essentia.

3. Pater vt Pater nō potest clarè cognosci, nisi cognoscatur vt generans filium sibi consubstantialem, & similem in natura. Ergo non potest clarè videri, nisi videatur natura, quam communicat filio. Et eadem dico de filio, & Spiritu Sancto qui

qui non possunt clarè cognosci, nisi cognoscatur natura, quā ille per generationem accipit à solo Patre, & hic per spirationem à Patre, & filio.

Ad 1. Nego minorem; nam correlatiua, licèt se inuicem non constituent, sunt tamen simul cognitione. Deinde licèt Personæ sint extra rationem formalem essentia, non tamen essentia est extra rationem formalem Personæ, quæ vt suppositum dicit formaliter subsistentiam, & naturam, vt probauimus in me; aphyisicis. Ergo quidquid sit, an essentia possit videri sine Personis, de quo egimus in ar. 8. Personæ videri non possunt absque essentia.

Ad 2. Nego consequentiam, quia (vt nuber diximus) productio actiua dicit formaliter communicationem essentia, sicut passiuæ illius receptionem, aliter non esset productiones diuinæ. Ergo inuoluunt formaliter ipsam essentiam; adeoque sine illa videri non possunt.

Ad 3. Distinguo antecedens, sunt conceptibiliter distinctæ, in ordine ad cognitionem abstractiuam, concedo: in ordine ad cognitionem intuitiuam, nego antecedens, & cum illo consequentiam. Ad eius primam probationem nego consequentiā. Per hoc enim quòd essentia sit absoluta, & Personæ respectiua, non sequitur, quòd vnum possit cognoscere clarè sine alio. Sicut enim hoc non tollit realem identitatem, ita neque tollit communem conceptibilitatem. Cum ergo essentia subsistat in Personis,

sonis, & hæc constituentur intrinsecè per  
essentiam, non potest vnum videri sine alio. Neque obstat quòd distinguantur virtualiter, nã hinc non sequitur, nisi separabilitas in ordine ad cognitionem abstractiuam, quod non facit ad rem. Ad secundam nego consequentiam, vtpore deducta ex puris particularibus. Disparitas est, quia Persona in creatis realiter distinguitur ab essentia, non autem in diuinis,

Ad 4. Primò nego maiorem, quia Persona non constituit formaliter essentiam, sed ab illa formaliter constituitur, vt dictum est. Deinde nego minorem, quam explosimus ar. 7. Ad probationem maiori, dico Personam vel accipi in abstracto, vel in concreto. Si primum, licet virtualiter distinguatur ab essentia, tamen cum illa realiter identificatur. Ergo tota eius entitas est essentia. Si secundum non solum Persona realiter identificatur cum essentia, sed ab illa formaliter constituitur, adeòq; Persona in concreto constat ex absoluto, & respectiuo. Ergo neutro modo potest videri sine essentia. Ad probationem minoris nego consequentiam. Et ratio est clara, quia licet Persona neque dent formaliter entitatem, neque intelligibilitatem essentia, quia tamen sunt realiter eius substantia, complent eius intelligibilitatem terminatiue, & materialiter, vt absque illis non posset intuitiue videri, vt existens, & subsistens in se. Sicut enim implicat, aliquod videri vt existens, non visa existentia,

tia, ita implicat, essentiam intuitivè videri, non visis Personis, sine quibus non posset existere, & subsistere in se.

## ARTICULVS. X.

*An possit videri una Persona, non visis alijs?*

**V**idetur posse, Primò quia Pater ut Pater non est correlativus Spiritus Sancti. Ergo potest videri sine illo. Antecedens patet, quia Pater ut Pater dicit solum esse principium generationis filij. Ergo non est correlativus, nisi filij. Probatur consequentia, prò eo signo, prò quo intelligitur Pater generare filium, non intelligitur producere Spiritum Sanctum, aliòquin paternitas confunderetur cum spiratione æterna. Ergo potest intelligi totus Pater, ut Pater, quin intelligatur Spiritus Sanctus, seu amor productus. Idem valet de filio, qui ut formaliter filius non opponitur, nisi Patri, à quo solo accipit esse. Ergo totus potest intelligi sine Spiritu Sancto, licet non possit intelligi sine Patre.

2. Pater in illo priori signo originis, in quo præcedit filium, intelligit se ipsum, aliòquin careret hac perfectione essentiali cognitionis sui, quam acciperet à filio, quod est erroneum. Sed in tali signo non nō cognoscit filium, quia non cognoscit divinam essentiam in Persona filij. Ergo Pater est cognoscibilis, absque Persona filij, & à fortiori absque Persona Spiritus Sancti. Sed potest dari visio creata, quæ termin-

524 *De obiecto terminatiuo Visionis*  
minetur ad Patrem se taliter cognoscēte.  
Ergo potest dari visio creata, quæ terminetur ad solum Patrem.

3. Essentia, & Paternitas differunt conceptibiliter ab eadem filiatione, & spiratione passiuā, nam verè dicitur, *essentia est Paternitas, Paternitas non est filiatio, seu spiratio passiuā*. Ergo differunt conceptibiliter inter se. Ergo sicut potest concipi paternitas absque essentia, & viceuersa, ita & potest concipi paternitas absque filiatione, & spiratione passiuā.

Conclusio, *Non potest clarè videri vna Persona, non visis alijs*. Est contra Scotum, & Scotistas.

Probat. 1. Non potest clarè videri vñ correlatiuum, non viso alio. Sed Personæ diuinæ sunt mutuò correlative. Ergo non potest vna clarè videri, non visis alijs. Minor est de fide, & si negetur, tollitur tota Trinitas Personarum, quæ fundatur in vñica earum ad inuicem oppositione relativa. Probat. maior, tota essentia relatiui est esse ad aliud. Sed hoc importat necessariò cognitionem termini. Ergo cognitio clara vni correlatiui importat necessariò cognitionem alterius, & ideo dicuntur à Philosopho esse simul cognitione, & alibi esse vnam cognitionem.

2. Est impossibile, videri aliquid intuitiue, & non videri secundum omnia eius constitutiuā. Sed Personæ diuinæ constituantur formaliter per essentiam, & relationem, vt supponimus ex tractatu de Tri-

ni-

nitate. Ergo est impossibile, videri vnā ex illis, non visa essentia, eiusque relatione. Atqui in essentia relucet omnes Personæ, vt dictum est, & in relatione relucet terminus. Ergo est impossibile videri Patrem, nō visa in illo generatione filij, adeoque non viso filio, & videri Patrem, & filium, non visa in illis spiratione actiua, adeoque non viso Spiritu Sancto. Et e conuerso est impossibile, videri filium, non visa in illo generatione passiua, per quam accipit esse à Patre, adeoque non videri Patrem, & videri Spiritum Sanctum, non visa in illo spiratione passiua, per quam accipit esse à Patre, & filio, adeoque non videri cum illo Patrem, & filium. Et ideo Augustinus lib. i. de Trin. c. 8. super illud Io. 14. *Pater qui videt me, videt & Patrem, ait, siue Ergo audiamus, ostende nobis filium, siue audiamus ostende nobis Patrem, tantumdem valet, quia neuter sine altero potest ostendi.*

3. Ex eodem loco habetur, non credis quia ego in Patre, & Pater in me est? Ergo vnā Persona est in alia per identitatem cū eadem natura, quam Theologi dicunt circuminseccionem. Sed fieri non potest, quod visa essentia vnius, illud non videatur. Ergo cū in visione cuiuslibet Personæ videatur essentia omnium aliarum, videntur in illa omnes alię.

Ad 1. Nego antecedens. Ad cuius probationem dico, quod licet Pater, vt formaliter præcisus à spiratione actiua, sub tali præcisione non referatur ad Spiritum Sanctum,

Etum , quia tamen vt clarè visus non cognoscitur sub tali præcisione , aliter visio esset præcisiua,ideo quia verè est principium cum illo Spiritus Sancti,vt est obiectum visionis, cognoscitur vt relatus ad Spiritum Sanctum. Vnde sequitur,quòd licèt admitatur antecedens,non tamen est vera consequentia,quæ facit transitum ex cognitione præcisiua ad intuitiuam , in ordine ad quam non valet distinctio signorum ficta à Scotistis. Quamuis enim Pater,vt formaliter generans,non sit spirans , & sub tali præcisione possit abstractiue cognosci, absque Spiritu Sancto;quia tamen cum essentia Patris sunt realiter idem generare , & spirare , ideo non potest clarè videri vt est realiter in se,quin videatur vt realiter correlatiuus filij,per generationem,& Spiritus Sancti per spirationem. Et idem dico proportionaliter de alijs.

Præterquamquod vt funditus corruat argumentum Scoti,dico non solum Patrem referri ad Spiritum Sanctum, in ratione spiratoris, sed etiam in ratione Patris , seu generantis. quod sic probo. Pater formaliter generat filium, Non posset autem illum generare , nisi ita illi ex vi generationis communicaret suam naturam, vt per illam daret incrementum in tali natura . Ergo refertur ad filium , vt propagantem naturam ad Spiritum Sanctum, tamquam terminum secundæ operationis intellectiue, sicut filius est terminus primæ , adeoque refertur etiam ad Spiritum Sanctum.



ior est de fide. Minor probatur, quia nasci dicuntur ea, quæ habent incrementum, per aliud, vel in se, vel in semine, ut fusè probauimus in tractatu de Trinitate. Ergo cum filius procedat à Patre ut natus, procedit, ut propagans naturam Patris ad Spiritum Sanctum.

Dices, Potest filius habere incrementum in se, absque eo quòd diffundatur ad aliud extra se. Ergo potest filius dici genitus, etiamsi non intelligatur propagare naturam Patris ad Spiritum Sanctum. Probatur antecedens, quia in creatis Petrus dicitur filius Pauli, quamuis non gignat filios, sed accipiat formaliter incrementum Patris. Ergo etiam filius æternus potest in se solo recipere incrementum naturæ paternæ, tanquam termino adæquato generationis.

Nego antecedens. Ad cuius probationem dico, Petrum in creatis dici filium Pauli, quia licet non gignat filios, tamen accipit à Paulo semen prolificum, seu potentiam generatiuam, per quam possit gignere, filios, & propagare ad illos naturam Pauli. At filius æternus nisi acciperet à Patre potentiam spiratiuam, per quam posset ad aliud extra se propagare naturam Patris, illam nullo modo propagaret, sed solum illam in se reciperet, tamquam constitutiuum intrinsecum sui. Ergo non procederet ut natus, sicut non procedit Spiritus Sanctus. Verum de hoc fusius in loco.

Ad 2. Nego minorem. Et ratio est, quia licet hæc signorum distinctio det nobis fau-

fundamentum tendendi in Deum, per varias cognitiones præcisiuas, seu conceptus inadæquatos, non tamen habet locum in ordine ad diuinam cognitionem, quæ cum tendat in se, secundum quod est à parte rei, & comprehensiuè, adæquando totum se, non potest in se respicere vnā formalitatem obiectiuam, quin respiciat omnes alias. Quia ergo verè Pater est principium generans, & spirans, non potest se comprehendere, nisi in se cognoscat terminum, vtriusque productionis. Atque adeo si clarè cognoscatur vt se intelligens, debet necessario in illo videri, non solum principium actiuum vtriusque processions, sed etiam terminus, nempe filius, & Spiritus Sanctus.

Ad 3. Distinguo antecedens, & consequens, differunt conceptibiliter, in ordine ad conceptus præcisiuos, & confusos, concedo: in ordine ad conceptum clarum, & quidditatum, nego antecedens, & consequentiam. Per hoc enim quod possit abstractiuè, & confusè cognosci Paternitas absque filiatione, non sequitur quod possit etiam cognosci intuitiuè, propter rationes allatas. Et præterea quia obiectum formale motuum cognitionis abstractiuæ est aliquod extrinsecum obiecto cognito; sūt enim e.g. species alienæ, vt sunt species patris creati, ad cognoscendum Patrem æternum; & ideo possunt repræsentare solum patrem. At obiectum motuum formale cognitionis intuitiuæ est ipsum obiectum cognitum. Cum ergo in Deo ratio motiua  
sit

fit essentia, quæ est in omnibus Personis, debet omnes repræsentare.

A R T I C V L V S. XI.

*An possit videri essentia sine attributis, & viceversa?*

**V**idetur posse, Primò quia nomine essentia intelligimus illud primum prædicatum, quod habeat rationē radicis, & fundamenti respectu ceterorum, quæ proinde dicuntur attributa, eò quod formaliter non constituent diuinam essentiā, sed illi iam cōstitutæ in suo esse quodammodo attribuuntur, tamquàm perfectiones adiacentes, & secundariæ. Cum ergo visio feratur ad obiectum, vt est in se primariò, & essentialiter, debet ferri ad constitutiva essentialia diuinæ naturæ, non, autem ad attributa, saltem de possibili, quid quid sit de facto.

2. Ratio motiua videndi Deum est sola essentia. Ergo sola essentia potest esse ratio terminatiua visionis. Sed attributa nō includuntur formaliter in essentia. Ergo potest illa videri, non visis attributis.

3. Obiectum primum potest videri sine secundariò, vt patet in visione materiali, per quam videri potest albedo e. g. non visa relatione, quam dicit in ratione similitudinis, vel dissimilitudinis cum alijs coloribus, eò quia entitas albedinis sit obiectum primum, & relatio secundariū. Sed essentia diuina tam in ratione motiui,

Z quam

530. *De obiecto ternatiuo Visionis*  
quàm in ratione terminatiui, est obiectum  
primarium visionis. Ergo potest videri sine  
attributis, quæ sunt obiectum secunda-  
rium.

*Conclusio, Non potest clarè videri diuina  
essentia, quin clarè videantur omnes perfe-  
ctiones absolutæ, quæ dicuntur attributales,  
neque possunt hæ videri, non visa essentia,  
neque vna sine alijs.*

Probatur prima pars, Primò quia non  
potest clarè videri diuina essentia, nisi vi-  
deantur omnia, & singula eius constituti-  
ua; aliter videretur constitutum sine consti-  
tutiuis, quod repugnat, eò quia videretur  
constitutum sine ipso constituto, quo ni-  
hil absurdus. Sed omnes perfectiones ab-  
solutæ constituunt diuinam essentiam; ali-  
ter non esset cumulus omnium perfectio-  
num simpliciter simplicium. Ergo omnes  
debent in illa videri.

2. Diuina essentia ratione sui formaliter  
excludit à se omnem imperfectionem, &  
defectum; aliter non esset diuina, quia es-  
set defectuosa. Sed defectus non possunt  
formaliter excludi, nisi per inclusionem  
perfectionum oppositarum. Ergo ratione  
sui formaliter includit omnem perfectio-  
nem. Ergo quia nō potest illas includere,  
per actualement distinctionem vt formas  
aduenientes debet illas includere per  
identitatem. Et autem impossibile,  
videri clarè vnum ex identificatis,  
non visis alijs. Ergo est impossibili vi-  
deri clarè diuinam essentiam; non visis  
om-

omnibus perfectionibus absolutis illius .

Probatur secunda pars , quia diuina essentia, vt virtualiter intrinsecè distincta a Personis, nihil est aliud , quàm cumulus omnium perfectionum absolutarum . Sed fieri non potest, vt videantur clarè omnia, & singula constitutiva , & non videatur constitutum, formaliter ex illis resultans . Ergo est impossibile, videri omnia diuina attributa, non visa essentia.

Dices, præter attributa , est etiam in essentia formale constitutum illius . Sed hoc non videtur in visione omnium attributorum . Ergo non videntur omnia, ex quibus constat essentia.

Nego maiorem. Quamuis enim nos ratione nostra ratiocinâtes, distinguamus inter perfectiones absolutas, vnâ tamquàm radicem, & aliam tamquàm fructum ab illa emanantem, tamen secundum realitatē , omnes sunt perfectiones absolutæ essentialis . Quid enim est magis perfectio in Deo, quàm obiectos, per quâ formaliter constituitur, hoc est distinguitur ab omni alio? Ergo implicat in terminis, cognosci omnes perfectiones absolutas, & non cognosci constitutum Dei ?

Probatur tertia pars, omnis formalitas diuina, vt virtualiter distincta ab omnibus alijs, excludit à se formaliter omnem defectum. Ergo includit omnem perfectionē simpliciter simplicem excogitabilem. Sed omne attributum est formaliter perfectio

simpliciter simplex . Ergo omnis formalitas diuina , vt virtualiter ab alijs distincta , includit formaliter omnem perfectionem simpliciter simplicem ; adeoque omne attributum includit formaliter omnia alia , attributa , & per consequens non potest vnum videri sine alijs .

Dices . Ergo etiam includit perfectiones relatiuas . Nego consequentiam , quia cum hæ non sint perfectiones simpliciter simplices , non opponuntur imperfectionibus , per quarum exclusionem formaliter includantur .

Ad 1. Dico , essentiam dupliciter accipi à theologis , primò ita vt significet totum illud , quod ingreditur rationem formalem deitatis , quæ cum sit vna transcendens per omnes Personas , facit illas vnum , & eundem Deum , & sub hac acceptione includuntur in illa omnes perfectiones absolutæ , quæ dicuntur simpliciter simplices . Secundò vt significet illud predicatum , quod ita sit in Deo , vt sit incommunicabile creaturis , adeoque sit distinctiuum Dei à non Deo , quod proinde vt prima radix ceterorum , sit primum positiuè , & negatiuè ; & sub hac acceptione non includit sapientiam , bonitatem , scientiam , aliasque similes perfectiones communicabiles creaturis , quæ proinde dicuntur attributales . Quia verò hæ abstractio , seu non inclusio est solum metaphysica , & per rationem nostram ratiocinantem , ideo nullam supponit distinctionem ex parte obiecti . Atq ; adeo est quidem utilis in ordine ad varias

præcisiones, seu conceptus inadæquatos, quos possumus formare de Deo, non tamē habet locum in ordine ad visionem, quæ cum sit cognitio intuitiua, debet ferri in obiectum, non vt à nobis concipitur, sed vt est realiter in se. Ergo diuina essētia, vt est obiectū visionis beatificæ, debet accipi primo modo, iuxta cuius acceptionē includit ōnia attributa, sine quib⁹ nō est visibilis.

Ad 2. Nego minorem subsumptā, propter rationem assignatam. Immo retorqueo argumentum, attributa includuntur formaliter in diuina essentia, quatenus est motiua per modum speciei ad visionem sui. Ergo etiam includuntur in illa, quatenus est ratio terminatiua, & per consequens non potest videri sine illis.

Ad 3. Nego suppositum, videlicet attributa esse obiectum secundarium, quod sine contradictione sustineri non potest. Et ratio est, quia posito quod essentia sit obiectum primum, utique debet esse tale secundum omnia, & singula eius constitutiua; aliter acciperetur sine suis constitutiuis, quod repugnat in terminis. Ergo cum omnia, & singula attributa sint constitutiua diuinæ essentiæ, ingrediuntur rationem formalem obiecti primi; atque adeo non potest absque contradictione asseri, illa esse solum obiectum secundarium.

Dices, attributa distinguuntur virtualiter intrinsecè ab essentia, & inter se. Ergo potest videri essentia sine illis, & vnum sine alijs. Consequentia est bona, quia ex

534 *De obiecto terminatio Visiōis*  
tali distinctione sequitur præscindibilitas  
objectiua, Antecedens probatur, potest ve-  
rè dici, *miseriordia vt formaliter miseri-  
ordia parcit, & non punit; iustitia vero vt for-  
maliter iustitia punit, & non parcit*. Præte-  
rea potest verè dici, *essentia vt puniens non  
parcit*. Ergo misericordia præscinditur mu-  
tuò objectiue à iustitia, & vtrique ab essen-  
tia. Sed præcisio objectiua non potest ad-  
mitti, nisi inter ea, quæ distinguuntur vir-  
tualiter intrinsecè, vt fusè probauimus l. 2.  
log. disp. 3. ar. 13. Ergo tam essentia distin-  
guitur virtualiter intrinsecè ab attributis,  
quàm hæc inter se.

Primò nego consequentiam. Siquidem  
ex objectiua præscindibilitate, non sequi-  
tur posse vnum videri sine alio, vt toties  
diximus, sed solum abstractiue, & præcisi-  
ue cognosci, quod non facit ad rem. Dein-  
de nego antecedens, propter huc vsque tra-  
ditas rationes. Ad eius probationem dico,  
huiusmodi reduplicaciones esse veras, si  
reduplicent rationem genericam iustitiæ,  
& misericordiæ vt sic, quatenus extēditur  
etiam ad iustitiam, & misericordiam crea-  
tas, sed tunc non inferunt distinctionem  
virtualem intrinsecam, sed extrinsecam, vt  
probauimus in disp. met. lib. 1. disp. 2. ar. 2.  
Sunt autem falsæ, si reduplicent differentiā  
diuinitatis, vt ibi diximus. Demum distin-  
guo antecedens, misericordia diuina vt  
includens formaliter etiam terminationē,  
& actum liberum, miseretur, & non punit-  
ta, & viceruersa iustitia punit, & non  
mise-



miseretur, quatenus ipse actus secundus  
punitiois non est condonatio, & e con-  
uerso, concedo: vt formaliter præcisa ab  
actu secundo libero, nego antecedens. Et  
dico, id quod est ex parte obiecti actus  
primus miserendi, esse realiter, & formaliter  
idem cum eo, quod est ex parte obiecti  
actus primus puniendi; adeoque in Deo  
hæc duo non distinguuntur virtualiter in-  
rinsè, neque vlla alia obiectiua distin-  
ctione.

## ARTICVLVS. XII.

*An visio Dei, & amor beatificus impediunt  
exercitium aliorum actuum vitalium?*

**V**identur impedire, Primò quia visio  
Dei absorbet intellectum, ob excel-  
lentiam obiecti, & trahit extra se. Ergo si-  
cut à sensibus abalienatus non potest ex-  
ercere vllum actum vitalem deliberatum,  
ita neque videns Deum.

2. Amans summè Deum per charita-  
tem supernaturalem beatificam, est tanta  
dulcedine inebriatus, ex infinita bonitate  
obiecti amati, vt non possit aliò se diuer-  
tere, & ideo communiter dicitur à theo-  
logis, Beatum esse moraliter necessitatum  
ad Deum amandum, vnde illi resultat im-  
peccabilitas. Ergo non potest exercere vl-  
lum alium actum vitalem, aliòquin posset  
reverti ab amore Dei ad amorem  
peccaminosum creaturarum.

*Conclusio, Videns Deum, illumque summè  
Z 4 amans*

536 De obiecto terminatio Visionis  
amans in Patria potest aquè bene exercere  
omnes illos actus vitales, ad quos habet na-  
turalem potentiam, dummodo non repugnent  
tali statui. Est diui Thomæ 3. p. q. 11. ar. 2.  
Riccardi, Egidij Lusitani, & aliorum.

Probatur 1. Christus Dominus in terris  
erat simul viator, & comprehensor, & ta-  
men nō fuit impeditus à possessione Dei  
per visionem, & amorem beatificum, quò  
minus posset conuersari cum Apostolis,  
docereturbas, per vicos circuire, & alia  
facere, quæ legimus in scripturis ab illo  
factitata. Idem dicimus de Angelis, qui li-  
cèt sint in termino, nos custodiunt, mouēt  
cēlos, mittuntur vt nuncij, non tamen de-  
serunt statum beatitudinis. Ergo neque  
visio, neque amor beatificus impediunt  
alios actus.

2. Deus non est obiectum disparatum,  
sicut potest esse vnum creatum respectu  
alterius, sed vt prima, & sūma veritas sum-  
mum tenet locum inter intelligibilia, quæ  
proinde omnia sunt illi subordinata. Ergo  
neque eius cognitio auocat intellectum à  
cognitione aliorum inferiorum, sed potius  
illum adiuuat, & illuminat ad illa cogno-  
scenda, tamquàm veritates sibi subordina-  
tas; Neque eius amor impedit amorem  
aliorum bonorum, immò illum adiuuat,  
si sint sibi subordinata, cuiusmodi sunt  
objecta omnium virtutum. Consequentia  
tenet. Antecedēs probatur ~~quod est sum-~~  
~~um in aliquo ordine~~, non est disparatum  
ad inferiora in eodem ordine. Sed Deus  
sicut

sicut in genere intelligibilium est prima, & summa veritas, ita est summum bonum in genere amabilium. Ergo neque ut visus est disparatus ad alia visibilia, neque ut amatus ad alia amabilia; & per consequens neque eius cognitio ut summi veri, impedit cognitionem aliarum veritatum inferiorum, neque eius amor ut summi boni, impedit amorem aliorum bonorum.

Excipiactus beatitudini repugnantes, quia obiecta uitiorum non sunt subordinata summo bono, sicut nec falsitates summo uero. Ergo sicut eorum amor non est compossibilis cum amore beatifico Dei; neque enim potest remanere habitus supernaturalis charitatis cum actu peccaminoso, idest cum conuersione uoluntatis ab obiecta illicita, quæ est formaliter auersio à Creatore, ita neque potest componi uisio Dei cum cognitione falsa de aliquo creato, quòd cum uideatur in Deo non potest a Deum uidente cognosci aliter ac sit in se.

Ad I. Nego antecedens; Nam absorptio non fit, nisi circa obiecta disparata. Et ratio est, quia cum potentia creata sint finita, & limitata, cum ad unum toto conatu conuertuntur, non possunt ad aliud simul conuerti, quod sit extra lineam sui obiecti. Quia ergo nulla ueritas est disparata Deo, qui est summa ueritas, adeoque primum in genere intelligibilium, neque ullum bonum est illi disparatum, qui est summum bonum, & primum in genere uolubilium,

538 *De obiecto terminatiuo Visionis*  
ideo neque eius uisio impedit cognitionē  
aliarum ueritatem, neque eius amor beati-  
ficus amorem aliarum bonitatum .

Ad 2. Distinguo antecedens, amans Deū  
non potest aliò se diuertere, extra lineam  
subordinatorum, cuiusmodi sunt obiecta  
uitiosa, concedo: intra lineam, nego ante-  
cedens. Et distinguo consequens, non po-  
test exercere alios actus de obiectis dispa-  
ratis, concedo : de obiectis subordinatis  
summo bono, nego consequentiam . Ad  
cuius probationem dico, taliter amantem  
non posse se diuertetur ad peccandum ;  
quia peccatum summo bono, quod amat,  
non est subordinatum, sed disparatum.

### A R T I C V L V S. XIII.

*An Visio Dei mensuretur æternitate ?*

**V**idetur mensurari, ut communiter as-  
serunt Thomistæ cum diuo Thoma  
1. p. q. 10. ar. 5. ad 1. & alijs in locis, ut fuse  
prosequitur Gonet disp. 6. ar. unico §. 2.  
Primo quia uisio Dei est omninò inuaria-  
bilis, non solum ex parte obiecti, in quo  
simul omnia semper uidet eodem modo,  
sed etiam ex parte subiecti, ut docet Augu-  
stinus ti. 15. de Trin. c. 16. dicens, *non erunt*  
*volubiles nostræ cogitationes, ab alijs in a-*  
*lia euntes, atque redeuntes, sed omnem scien-*  
*tiæ nostræ simul uno conceptu videbimus.*  
Sed nisi mensurare. ut æternitate, esset  
semper variabilis, quia vel mensuraretur  
tempore, & hoc assiduò variatur, vel æno,  
&

& hoc admittit aliquam successionem, & mutationem accidentalem, vt supponimus ex tractatu de Angelis. Ergo debet mensurari æternitate.

2. Omnia, quæ Beati vident in Verbo, vident per vnicam speciem diuinæ essentia. Sed hæc est omnino inuariabilis, per æternitatem essentialem. Ergo Beati vident inuariabiliter, per æternitatem participatam.

3. Felicitas Beatorum, cum sit perfectissima, non est habitualis, sed actualis, docete Philosopho co. ethic. felicitatem actualem esse semper perfectiorem habituali. Ergo debet consistere in vnico actu inuariabili, cuiusmodi non esset visio, non mensurata æternitate.

4. Omnis motus est in ordine ad finem. Ergo habito fine, quiescit. Sed vltimus finis intellectus creati est visio diuinæ essentia. Ergo debet in illa omnino quiescere. Non quiesceret autem, nisi hæc visio mēsuraretur æternitate, quia semper variata vna visione moueretur ad aliam. Ergo visio mensuratur æternitate.

*Conclusio, Potest quidem visio mensurari æternitate, vel æuo, non tamen illis de facto mensuratur, sed solo tempore.*

Probatur prima pars, statuimus in 4. phys. disp. 2. ar. 11. esse possibilem durationem permanētē infinitā, tã à parte ante, quã à parte post. Ergo si creasset Angelum ab æterno (quod probauimus esse possibile l. 8. disp. vnica ar. 5.) potuisset illi se ab æterno re-

uelare , ita vt eius visioni tribueret durationem permanentem vtrinque infinitam. Hoc idem posset Deus facere cum Beatis nunc existentibus , illis communicando durationem permanentem infinitam , solū à parte post ( quod etiam ibi probauimus esse possibile ) ita vt hæc duratio , non solū mensuret eorum substantiam , sed etiam , eorum visionem beatificam. Ergo hoc ex nullo capite repugnat ; atque adeo in primo casu visio mensuraretur æternitate essentiali , & in secundo participata. Ergo potest vtraque mensurari. Ad absurda , quæ contra hoc afferuntur à Gonet , & ab alijs , satis , superque , respondimus loco citato .

Probatur secunda pars , nomine eui ( quod est proprium Angelorum ) intelligimus durationem , quæ fit tota simul imperfectè , ad differentiam eternitatis , quæ est tota simul perfectè , vt fusè probauimus in 4. phys. disp. 3. ar. 16. Sed potest Deus communicare visioni alicuius Beati ( sicut de facto multi aiunt communicasse visioni Angelorum ) huiusmodi durationem. Ergo potest facere , quod illa æternaliter duret. Omnia sunt clara , & inibi probata .

Probatur tertia pars , quia licet visio sit essentialiter successiua , & mensuretur tempore , adhuc potest constituere beatitudinē stabilem , & permanentem . Ergo non est necesse confugere ad mensuram æternitatis . Consequentia patet , quia in tantum Thomistæ , & cum illis sentientes confugiunt ad talem mensuram , in quantum

putant, sine illa saluari non posse immutabilitatem, & inuariabilitatem beatitatis formalis. Ergo si possit hæc sine illa saluari, hæc mensura non est necessaria. Probatur antecedens, quælibet visio in individuo videt in Deo necessariam perpetuitatem sui, non quidem secundum numerum, sed secundum speciem, vel genus, ita ut quælibet visio videat connexionem necessariam sui cum alia sibi simillima immediatè futura, vel saltem non diuersa secundum genus, ut probauimus hic ar. 6. Sed posita huiusmodi reflexione visionum supra se, & sui perpetuitatem, non potest Beatus timere de stabili, & certa permanentia suæ beatitudinis formalis. Ergo licet visio sit individualiter successina, & mensuretur tempore, potest constituere beatitudinis permanentiam, ita ut illam singulæ visiones constituent partialiter, & inadæquatè, earum autem omnium collectio constituat adæquatè.

Ad 1. Distinguo maiorem, visio est omnino inuariabilis secundum speciem, concedo: secundum numerum, nego. Et distingo minorem, nisi mensuretur aternitate, assiduò numericè variatur, concedo: specificè, nego minorem, & cum illa consequentiam. Ad auctoritatem Augustini dico, ab illo duo statui, primum nempe, nostras visiones non fore variabiles, quoad obiectum, ita ut vna tendat in Deum, & alia in creaturas, seu alia obiecta disparata, sed omnes assiduò in Deum respecturas, & aliud,

aliud, quòd omnis visio sit respectura omnes alia post se consequentes, ita vt Beatus qualibet visione videre possit, totam visionum successionem in æternum futuram per illam reflexionem, quam attulimus ar. 6. vt patet euidenter ex illis verbis, *omnem scientiam nostram simul vno conceptu, videbimus*. Ergo authoritas Augustini, non est contra nos, qui cum illo sentimus.

Ad 2. Nego consequentiam, quæ non bene sequitur ex illis præmissis particularibus. Dico ergo ex inuariabili specie diuinæ essentiæ, semper sequi inuariabilitatem visionis quoad obiectum, & speciem visionū ( vt dictum est ) non autem quoad earum indiuiduationem.

Ad 3. Distinguo consequens, felicitas debet consistere in vnico actu, vnicitate & numerali, nego: vnicitate specifica cum extrinseca, concedo consequentiam. Sicut enim visio eiusdem coloris, eodem modo continuata, parit idem gaudium, licet fiat per plures actus distinctos eiusdem speciei ita, & visio beatifica.

Ad 4. Nego minorem subsumptam, primo quia ad visionem non est propriè motus, vt dictum est in 3. phys. Deinde quia, continuatio eiusdem actus secundum speciem, non est motus in fine, sed potius est possessio, & fruitio illius. Et ideo non fit per accessum, seu recessum, sed per stabilem, & permanentem continuationem actuum vnitiuorum cum illo, cuiusmodi sunt visiones.



## DISPUTATIO. XIV.

*De actu visionis, ut comparato cum vidente.*

**A**D perfectam intelligentiam visionis beatificæ, videndum superest, an sit ipsi videnti connaturalis, & an esset connaturalior, si fieret per speciem impressam distinctam à lumine? Quæ duobus articulis diluemus.

## ARTICULVS. I.

*An Visio beatifica sit connaturalis videnti?*

**V**idetur non esse, Primò quia quod est alicui connaturale, est illi debitum per naturam. Sed visio Dei nulli substantiæ creatæ potest esse debita, ut probauimus disp. 6. ar. 2. Ergo nulli substantiæ creatæ potest esse connaturalis. Maior patet ex dictis disp. 3. ar. 2.

2. Quod est intrinsecè supernaturale, nõ potest esse alicui connaturale, quod non sit intrinsecè supernaturale. Sed visio Dei est intrinsecè supernaturalis, ut probatum est disp. 2. ar. 4. & nulla est possibilis substantia supernaturalis, ut probatum est disp. 3. ar. 3. Ergo nulli substantiæ potest esse connaturalis.

3. Visio pendet principaliter à lumine, & instrumentaliter à potentia naturali, ut dictum est disp. 11. ar. 7. Ergo est actus proprius luminis, & per consequens non potest esse connaturalis potentia naturali; ali-

544 *De connaturalitate Visionis*

aliter esset connaturalis potentiae naturali, & supernaturali, quod repugnat.

4. Ille actus est cōnaturalis potētiae, qui emanat ex principijs proprijs, & intrīsecis illius. Sed visio nō emanat ex prīcipijs proprijs, & intrīsecis potentiae naturalis. Ergo non est illi connaturalis.

5. Quod non est naturale, non potest esse connaturale. Sed visio non est naturalis, eò quia non proueniat à natura. Ergo non potest esse connaturalis, quod idem sonat, atque secundum naturam.

Conclusio, *Visio beatifica est connaturalis videnti.* Probatur primò, signum infallibile connaturalitatis actus est delectatio, & voluptas, quæ percipitur in operando, vt docent Philosophus 2. ethic. c. 3. & diuus Thomas 1. p. q. 18. ar. 2. ad 2. Sed visio Dei est maxime deliciosa, & voluptuosa ipsi videnti, immò est ipsa formalis beatitudo. Ergo est illi connaturalis. Maior patet, quia nihil violentum est delectabile. Ergo quod est delectabile non est violentum, sed connaturale.

2. Intellectus concurret actiue ad visionē Dei, quæ proinde quatenus immanet ipsi suo principio actiuo, dicitur actus immanēs, & vitalis. Sed ōnis actus imanēs, & vitalis est cōnaturalis operāti, eò quia sit ipsa vita in actu secūdo, vt dictū est in 1. de an. disp. 1. ar. 2. Aliter viuens viueret per vitā sibi non connaturalem, quod repugnat. Ergo visio Dei est connaturalis videnti.

3. Visio Dei non est à principio extrinsecò,

feco, neque contra naturam videntis. Ergo non potest esse illi violenta. Neque potest esse praternaturalis ( vt diximus de motu coeli) quia non est omnino indebita, & extra naturam videntis, qui licet illam non exigat, vt actum intuitiuum diuinæ essentia, secundum speciem, illam tamen exigit secundum genus cognitionis vt sic. Ergo debet esse illi connaturalis.

Vnde patet responsio ad primum. Quāuis enim visio, vt visio Dei, non sit debita, per naturam, tamen est debita, vt cognitio secundum genus, quod sufficit ad eius connaturalitatem, vt patet in omnibus motibus naturalibus, non prouenientibus adæquatè ab ipsis mobilibus, qui licet non sint debiti vt tales secundum vltimam differētiā, & specieitatem, prouenientem adæquatè à complexu omnium causarum partialium, adhuc tamen sunt mobili naturales, vt patet inductione generationis, tractionis currus, calefactionis, &c.

Ad 2. Distinguo maiorem, quod est intrinsecè supernaturale, non potest vt tale formaliter, & reduplicatiuè esse connaturale, nisi substantiæ supernaturali, concedo: materialiter, & specificatiuè, nego maiorem. Et admissa minori, distinguo consequens, visio vt formaliter talis, & secundum eius vltimam differētiā, ~~connaturalis~~, esse potentia ~~connaturalis~~, con-  
~~materialiter sumpta~~, & secundum genus, nego consequentiam. Et ratio est, quia in visione materialiter sumpta con-  
fide-

fideramus, non solum supernaturalitatem, tamquam ultimam eius differentiam, per quam distinguitur, & specificatur ab omnibus alijs cognitionibus naturalibus, sed etiam rationem cognitionis, spiritualitatis, vitalitatis, & immanentiae, quæ cum transcendat per omnes cognitiones, etiam supernaturales, est generica respectu omnium. Ergo quia secundum hanc rationem pendet ut exigita, & debita à potentia naturali, ideo est illi simpliciter connaturalis.

Vnde patet responsio ad 3. Quavis enim visio, ut visio formaliter sumpta, secundum ultimam differentiam pendeat à solo lumine, cuius est actus proprius, tamen quia secundum alias formalitates pendet à potentia naturali, ideo adæquatè sumpta, neutrius seorsum est actus proprius, sed utriusque simul, videlicet intellectus gloriosi, ut loquitur Angelicus.

Ad 4. Distinguo maiorem, ille actus est connaturalis potentiae, qui emanat adæquatè ex principiis illius, nego: qui emanat inadæquatè, concedo maiorem. Et distinguo minorem visio non emanat adæquatè ex principiis potentiae naturalis, concedo: non emanat inadæquatè, nego minorem, & cum illa consequentiam. Quis enim dicat productionem herbarum non esse terra connaturalem, quia ad illam concurrunt ab extra Sol, & Deus? Quod idem dico de productione fructum respectu arborum, & de omnibus alijs effectibus sublunaribus.

Ad

Ad 5. Nego maiorem . Et ratio est, quia naturalitas dicit dependentiam adæquatā à natura, quod non convenit visioni beatificæ ; connaturalitas autem dicit dependentiam inadæquatam, eò quia dicat commensurabilitatem cum suo principio activo proximo, vnde cumque habuerit, quòd fuerit completum in esse proximum . Et ita dicimus, actus supernaturales virtutum supernaturalium esse connaturales operanti, quia licet non commensurentur potentia naturali nudè sumptæ, illi tamen commensurantur vt supernaturaliter confortatæ, per habitus supernaturales. Ergo quia visio debetur intellectui vt glorioso, est illi simpliciter connaturalis.

## ARTICULVS. II.

*An esset connaturalior visio Dei facta per speciem impressam, quam sine illa?*

**V**idetur non esse, Primò quia, connaturalior est Angelo visio sui; quàm visio altetius . Sed hæc fit per speciem distinctam, & illa sine specie . Ergo visio per speciem non est connaturalior.

2. Visio non accipit ab intellectu , nisi vitalitatem spirituales, cum supernaturalitatem accipiat à solo lumine . Sed hanc eodem modo ab illo acciperet, si fieret per speciem, atque de facto accipiat sine specie. Ergo esset æquè connaturalis.

3. Visio facta per speciem distinctam ab essentia , non magis pendet ab intellectu,

ctu, in genere causæ efficientis, quàm pendeat alia. Ergo non est illi magis proportionata in ratione actus, & potentia; adeoque non est illi connaturalior.

*Conclusio, Visio facta per speciem distinctam ab essentia Dei est magis connaturalis ipsi videnti.*

Probatur, illud est alicui connaturalius, quòd magis est secundum illius naturam. Sed visio per speciem magis est, secundum naturam intellectus videntis. Ergo est illi connaturalior. Maior, & consequentia sũt evidentes. Minor probatur, Si visio fiat sine specie, pendet immediate à diuina essentia, quæ vicem gerens speciei, & vt intimè præsens intellectui, ratione suæ immensitatis, non solum concurrat immediate vt obiectũ, sed etiã vt causa efficiens. Ergo minus ad illam confert potentia naturalis, si fermo sit de concursu immediato. Sin verò dicamus, dari speciem impressam Dei, diuina essentia non concurrat immediate, per modum obiecti, ad visionem sui, sed solum mediante specie. Cũ ergo hæc recipiatur in intellectu, intrinsecè augeat eius virtutem operatricem, & ipsa essentia, saltem *vt quod* non operatur. Ergo plus causalitatis, & efficientiæ immediatæ, relinquitur in tali casu ipsi intellectui, quàm illi conueniat, non data specie.

Ad 1. Distinguo consequens, est connaturalior Angelo cognitio sui sine specie, quàm cum specie, transeat: visio alterius à  
fe

se distincti, nego consequentiam. Quia, ergo comparamus visionem diuinæ essentiae per speciem, cum visione sine specie, ideo non debet admitti in comparatione visio, quæ intellectus se videt, de qua nullo modo procedit præsens quaestio.

Ad 2. Nego minorem. Quamuis enim verè in utroque casu acciperetur ab intellectu vitalitas spiritualis, non tamen acciperetur eodem modo, eo quia sine specie acciperetur ab intellectu per concursum immediatum diuinæ essentiae, & cum specie per mediatum, hoc est mediante specie, quæ cum reciperetur in ipso intellectu, faceret visionem illi magis connaturalem.

Ad 3. Nego antecedens. Quamuis enim potentia naturalis non accipiat à specie impressa Dei maiorem virtutem naturalem, quam haberet ex se, quia tamen fit per formam intrinsecam sibi inhaerentem, ideo in ordine ad concursum immediatum, in genere causæ efficientis, plus confert ad visionem Dei, ad quam diuina essentia non concurrat immediatè per modum obiecti, sed solum *ut quod*, mediante specie, quam diximus esse lumen gloriæ. At sine specie essentia concurreret immediatè *ut quo*, per modum speciei, & *ut quod*, per modum obiecti, ut dictum est. Cum ergo fit connaturalius potentiae concurrere ad actum per principia sibi intrinseca, & inhaerentia, quam per principia independentia, ideo per speciem connaturalius videt, tamquam per medium virtuale in se receptum;

550 *De Sensuum abalienationibus*  
tum; eo modo quo voluntas connaturalius  
elicit actum charitatis, per habitum super-  
naturalem in se receptum, quam eliceret  
sine habitu, per quodcumque adiutorium  
extrinsecum confortata, ut videbimus in  
loco.

DISPUTATIO. XV.  
*De Sensuum abalienationibus.*

**D**iximus in disp. 7. ar. 1. posse hominem  
viatorem per modum actus, eleuari ad  
videndum Deum, & desumpsimus præcipuum  
fundamentum ex diuo Thoma, dicente 1. p. q.  
12. ar. 11. ad 2. Moysen, & diuum Paulum  
fuisse à Deo ita à sensibus abalienatos, ut  
sensibus non videntes fuerint eleuati ad vi-  
sionem Dei. Quia tamen hæc doctrina aliqui-  
bus visa est duriuscula, & alijs impercepti-  
bilis, ideo operæ pretium duxi, ob speciale ob-  
sequium, quo prosequor Aquinatem, in eius  
assurgere defensionem doctrinæ, nonnulla su-  
per materia tam nobili, & curiosa, currenti  
potius calamo delibando. Neque enim abire  
futurum arbitror materiam de visione tot dif-  
ficultatibus, seu spinis obstam, iniecto hoc  
florum fasciculo, suauiter terminare. Priusquã  
igitur sententiam proferamus, multa congre-  
mus de somnijs eorumque obseruatione, & di-  
uinatione, de raptu, extasi, alijsque sensuum  
abalienationibus.



## ARTICVLVS. I.

*An omnia proueniant aliquando à Deo, vel  
dæmone.*

**V**identur non prouenire, Primò quia in lib. paruar. natural. disp. 3. ar. 1. dictum est, somnium esse passionem potentie sensitivæ excitatam in imaginatione, siue phantasia à phantasmatibus rerum exteriorum in ea relictis. Ergo semper sunt effectus naturales.

2. Si possent aliquando prouenire à Deo, vel Dæmone, non possent medici ex eorum frequentia conijcere somniantium habitudinem, & naturale temperamentum. Cōsequens repugnat dictis in loco citato ar. 2. Ergo non possunt prouenire à Deo, vel Dæmone. Minor, & consequentia sunt euidentēs. Maior probatur, intantum ex somnijs potest conijci interna corporis habitudo, inquantum sunt effectus illius. Sin autem possent prouenire ex alijs causis disparatis, non essent semper illius effectus. Ergo non posset ex illis fieri hæc coniectura.

I. Conclusio, *Deus aliquando nobiscum per somnia loquitur.* Est de fide. Nā sepe legim⁹ in scriptura vtriusq. testamēti id accidisse vt de illis, quę acciderunt Ioseph, Iacob, & Pharaoni. Et (vt de alijs taceam) celebris est illa diuina locutio, cū Samuele, quādo ter noctu per somnium à Deo vocatus ad Heli surgens accurre-

currebat, quoadusque ab illo edoctus Deo  
 vocanti respondit, *loquere Domine, quia au-*  
*di seruus tuus, vt habetur in 1. Regum c. 3.*  
 Eit in Euangelio multæ similes referuntur,  
 vt est illa quæ legitur in 1. capite Matthæi,  
*hæc autem eo cogitante, ecce Angelus Domini*  
*apparuit in somnis Ioseph dicens, Ioseph Fili*  
*Dauid noli timere accipere Mariam coniugem*  
*tuam, &c.* Et in 2. de sancto autem Herode,  
 ecce *Angelus Domini apparuit in somnis Io-*  
*seph in Agypto, dicens, surge, & accipe puerum,*  
*& matrem eius, & vade in terram Israel.*

Neque obstat, quod aliqui interpreten-  
 tur hæc, & similia loca, non de veris som-  
 nijs, sed de vigilijs nocturnis, ita vt sensus  
 sit, *apparuit in somnis*, idest *intempestæ no-*  
*ctis silentio*, quando alij solent somno in-  
 dulgere. Quamuis enim possemus hoc di-  
 cere de locutione cum Samuele, ita vt vo-  
 catus in somnis, vocem Domini audierit  
 excitatus, quæ prophetauit mortem Heli  
 summi Sacerdotis, sacerdotij ablationem  
 ab eius domo, & alia quæ euenerunt; tamē  
 de somnijs Ioseph non possumus hæc di-  
 cere, nisi extorquendo verba ad sensum  
 improprium, contra vnanimem sensum  
 Doctorum, & Patrum.

Confirmatur, quod Deus promissit, con-  
 ueniens fuit, vt aliquando compleret effe-  
 ctu. Sed Deus promissit, se aliquando per  
 somnia locuturum. Ergo conueniens fuit,  
 vt loqueretur de facto. Probatur minor  
 ex cap. 12. Numeri, vbi dicitur *descendit*  
*Dominus in columna nubis, & stetit in in-*  
*troitu*

*troitu tabernaculi, vocans Aaron, & Mariam, qui cum iſſent, dixit ad eos, accidite sermones meos, ſi quis fuerit inter vos Propheta Domini, in viſione apparebo ei, vel per ſomnium loquar ad illum. Et loelis 2. effundam ſpiritum meum ſuper omnem carnem, & prophetabunt filij veſtri, & filiae veſtre, & ſenes veſtri ſomnia ſomniabunt.*

Probatuꝛ 2. Somnium eſt paſſio potentiaſe ſenſitiua, excitata in imaginatione, ſive phantasia à phantaſmatibus rerum exteriorũ in ea relictis, vt dictũ eſt in lib. paru. natural. diſp. 3. ar. 1. Sed hæc phantaſmata poſſunt excitari à Deo, ad hoc vt ex tali excitatione ſequatur hæc, vel illa paſſio in imaginatione ſeu phantasia, ad hoc, vel illud manifeſtadũ. Ergo poſſunt à Deo induci ſomnia, vt per illa loquatur ſomnianti. Probatuꝛ minor, Deus poteſt ſe ſolo facere, in genere cauſæ efficientis, totum illud, quod facit cum creatã. Ergo ſi poteſt cum cauſa naturali excitare hæc phantaſmata, nulla eſt ratio cur ſolus non poſſit illa excitare. Præterquamquod licet admittatur, requiri etiam concurſum alicuius cauſæ naturalis, poterit Deus illã determinare, ad hoc vt ſecum concurrat ad talem excitationem taliter faciendã, prout viderit expedire ad hoc, vel illud manifeſtadũ.

2. Concluſio, *Aliquando ſomnia excitantur etiam à Dæmone ad malum finem.*

Probatuꝛ 1. ex eodem principio, quia poteſt Dæmon, Deo permittente, excitare phantaſmata ad inducendum ſomnium tali, vel tali modo. Ergo poteſt per illud aliquid ſomniandi manifeſtare, vt promoueat ſuos prauos fi-

nes. Consequentia est evidens. Antecedens probatur infinitis exemplis, quibus vndique scatent historiae, tum ecclesiasticae, cum prophanae. Huiusmodi erant illa, quae fiebant super lectisternia in templo Serapidis, seu Plutonis, ut discerent morborum remedia, vel ut perciperent dubiorum solutiones, ut fecere Rex Latinus penes Virgilium lib. 7. *aeneid.* & Apollonius Thianus in templo Aesculapij, ut refert Philostratus in eius vita, & Magistratus Spartani in templo Pasiphaes, ut ait Tull. in 1. Tusc. & 1. de diuin. & huiusmodi templa vocabantur *Psycchantea*. Videatur Martinus Delrio lib. 4. *disq. mag. c.* 1. q. 2. *sect.* 2. & c. 3. q. 6. ubi refert multa somnia Demoniacae, ut Epithelis Messenij, Elchij philosophi, Ptolomaei, Nestorij Atheniensis, Iuliani Apostatae, Lodouici Borbonij Principis Condai, aliorumque multorum, de quibus ait diuus Hyeron. penes eundem Delrio in loc. cit. *In delubris idolorum dormientes ubi stratis pellibus bestiarum incubare soliti erant, ut somnijs futura cognoscerent. Quod in sano Aesculapij usque hodie error celebrat ethnicorum, multorumq; aliorum.* Et idem Martinus Delrio refert in ead. q. 6. citata, fuisse Bruxellae quamdam mulierculam, quae in somnio videbat quemdam spiritum, instar ingentis luminis, a quo plura edocebatur futura, quae deinde fuerunt euentu comprobata, cuiusmodi fuere inter alia sexceta, quemdam nomine Spellium breui a furca suspensum moriturum, Requiesenium Belgij praefectum electo, in quo morbo detinebatur, non surrecturum, ex Consiliarijs plerosque in carcere de-

detrusum iri, & alia huiusmodi, quæ ad-  
mussim (vt ipsa prædixerat) acciderunt. Sed  
quia hæc omnia poterant sciri naturalibus  
causis, eò quia erāt de rebus præteritis, ita di-  
spositis ad hos euentus, ideo putat Delrio,  
hæc somnia fuisse dæmoniacæ, non solū ad  
illudendam semellam, sed etiam vt per eius  
decæptionem, plures alij in laqueos trahe-  
rentur, vt comprobauit euentus.

Vnde patet responsio ad 1.

Ad 2. Nego maiorem. Quamuis enim som-  
nia possint prouenire, & aliquando proue-  
niant à Deo, & Dæmone, quia tamen hoc ra-  
rissimè accidit, & plerumque sunt à causis  
naturalibus, ideo tamquàm illarum effectus,  
possunt quidem manuducere ad earum co-  
gnitionem, non vt certò, & infallibiliter exi-  
stentium, sed vt probabiliter existentium, quod  
sufficit, ad hoc vt Medici possint de taliter  
somniautibus, formare probabile, & conie-  
cturale iudicium, quoad eorum temperamē-  
tum, & internam corporis habitudinem.

## ARTICVLVS. II.

*An sit licita sōniorū observatio, & interpretatio?*

**V**idetur non esse, Primò quia in Leuitic.  
c. 19. versu 26. & Deuteronomio c. 18.  
versu 10. præcipitur a Deo, *non augurabimini,  
nec obseruabitis somnia*. Ergo vtrique est con-  
tra diuinam legem.

2. In 2. Paralip. c. 33. inter scelera Regis  
Manassis recensetur, quod *obseruaret somnia*.  
Ergo eorum observatio est illicita.

Conclusio, *Licita quidem est somniorum ob-  
servatio, quæcumque sint, non tamen est licita  
eorum interpretatio, nisi fiat à Deo, occulta ali-*

*qua revelatione, ad id specialis potestas.*

Probatur prima pars, omne somnium vel est effectus naturalis, vel excitatur à Deo, vel à Demone? Si primum. Ergo possumus per illud conijcere internam corporis habitudinē. Sed hæc coniectura fieri nequit, sine præuia somnij obseruatione. Ergo cum illa sit licita, est etiam licita obseruatio. Si secundū, cum Deus nihil faciat imprudenter, & temerè, aliquid per talè somnium vult indicare. Hoc autem sine obseruatione percipere non possemus. Ergo nè reddatur inutilis, & frustraneus finis Dei, debet esse licita eius obseruatio. Si tertium, cum Demon semper intendat malum, vtique per tale somnium intendit nostram decæptionem. Non possumus autem illam præcauere, nisi medium vt demonituum, & illusorium cognoscamus. Ergo debet esse licita eius obseruatio; aliter imprudenter per illud, & ineuitabiliter deciperemur, quod de summa Dei bonitate non est dicendum.

Probatur secunda pars, somnia naturalia plerumque sunt fallacia, vt videbimus infra. Ergo eorum interpretatio deciperet homines, & induceret in errores. Et ideo iure vetita est in lege ciuili *l. excepta c. de maleficijs*, & in iure canonico *c. non obseruatis* 26. q. 7. & passim contra illam clamant omnes Doctores, & Patres, vt fusè prosecuti sumus in *l. paru. nat. di. 3. ar. 2.* Dæmoniaca nō possunt interpretari, nisi illi, qui cum Demone per actum inierunt, vel fœdus pepigerunt, quod est omninò illicitū, vel saltē cū illo commercium habent, quod est peius. Alia  
som-

somnia, quæ Dei sūt nemo cognouit nisi spiritus Dei vt ait Apost. 1. Cor. c. 2. 11. Et ideo Daniel (vt habetur in eius lib. c. 2. 7.) interrogatus à Nabuchdonosor, vt interpretaretur somnium de statua illa famosa, respondit, *mysterium, quod Rex interrogat, sapientes, magi, arioli, & aruspices nequeunt indicare Regi, sed est Deus in cælo reuelans mysteria, quæ indicauit tibi, &c.* Et deinde, *mihi quoque non in sapientia, quæ est in me plusquam in cunctis uiuentibus, sacramentum hoc reuelatum est, sed vt interpretatio Regi manifesta fieret.* Ergo nisi habeatur à Deo specialis reuelatio, non est licita eorum interpretatio.

Probatur tertia pars, quia Deus aliquando ad nostrum documentum, illustrat mentem alicuius viri sancti, vt possit intelligere vim, & mysterium somni à se immissi, vt accidit Danieli in c. citato, *tunc Danieli mysterium per visionem nocte reuelatum est.* In tali casu, quia somnij interpretatio fit, Deo dirigente, nulli subest decæptioni. Ergo est licita. Et hoc modo fuerunt à viris sanctis declarata somnia, vt fuit illud, quod habuit Petrus Damianus, se esse lumine orbatū, quod interpretatus est sanctus vir Hildebrandus, eū esse amico priuatū, quæ vt pupillā oculi diligebat. Nec dissimiles fuerūt interpretationes aliorū de sōnijs Mauritijs, & Theodorijs Imp. Arnobij Rhetotis, Bardægi, & aliorū, quæ referuntur à Fulgoso l. 1. ex. c. 5. Barletio li. 1. Theodoro lib. 5. hist. c. 6. & 7. Hyeron. in cronol. Eusebio, alijsque non paucis.

Ad 1. Dico, in locis citatis prohiberi obseruationē sōmniorū, factā per inclinationē

animi, seu mētis cōsēsū, tāquā alicui, p quod vel futura aliqua præuidere, vel aliā occultā sciētīā lucrari valeamus. Nos autē loquimur de obseruatione somnij facta per simplicem illius cognitionē, seu aduertentiā, ad hoc vt cognito Demone, tāquā, sōnij authore, eius insidias caueam⁹. Hoc autē esse licitū præterquāquod patet ex honestate finis, probatur à Martino Delrio q.6. capitis 1. libri quarti.

Vnde patet respōsio ad 2. Siquidē Rex Manasses (vt dicitur in loco cit.) *observabat somnia, sectabatur auguria, maleficis artibus inserviebat, habebat secū magos, & incantatores, &c.* Ergo observabat somnia per mētis adhæSIONEM, falsa inductus decæptione, posse per illa prævideri futura, &c. quæ de simplici obseruatione non dicuntur.

A R T I C V L V S. III.

*An sit licita Somniorum credulitas?*

**V**ldetur esse, Primò quia aliter non posset Deus taliter nobiscū loqui. Si .n. sōnio credere non possumus, quomodo credemus Deo per illud loquenti?

2. Possunt sōnia vt effectus physici, & naturales indicare internā corporis habitudinē. Ergo saltem possumus illis credere, vt sunt effectus physici, & naturales.

Cōclusio, *Nō est licitū sōnijs credere, nisi clarè appareāt, vel illa esse à Deo, vel cōsiderentur vt effectus physici, in ordine ad alios effectus physicos.*

Probaturs prima pars, quia sōniorū credulitati nimīū indulgētes, facilē incidūt in superstitiones, & decæptiones, unde oriūtur gravissimæ calamitates, vt contigit Agamēnoni penēs



penès Homerū in iliade; Cyro Perfarū Regi  
penès Salustiiū l.6. Xerxi penès Herodotū li.  
7. Onomarco penès Diodorū Siculū l. 16.  
Antigono, & Pompeio penès Plutarcum  
in corū vitis. Vnde dicitur Ec.34. *multos er-  
rare fecerūt sōnia, & exciderūt sperantes in eis.*  
Sed adhibere fidem rebus de se captiosis, &  
fallacibus est actus sumæ imprudētiæ, utpote  
quod exponit credentem periculo proximo  
errandi, & incidendi in superstitiosas vani-  
tates. Ergo suo iure est illicitum.

Probatur 2. pars, quādo Deus immitit ali-  
cui sōniū, ut per illud aliquid illi manifestet,  
solet simul specialibus vijs somniantē certū  
reddere, hoc sōniū à se profectū, & celitus  
inmissū fuisse ad hūc finē, ut fusè prolequi-  
tur Martinus Destrrio dicta q.6. Ergo sōniāti  
nō relinquitur locus de opposito formidādi.  
Quoties ergo huiusmodi certitudo sōniā-  
tē non concomitatur, est euidentis signū, som-  
niū vel esse ex causis naturalibus, vel à Dæ-  
mone. Si à Dæmone, cū sit pater mēdaci, nō  
est illi credēdū, & nullū bonū potest ex illo  
sperari. Si à causis natura libus, quomodo  
possumus credere semimortuo, sicut est dor-  
miens, cū vix vigilantī credere possimus?  
Ergo credulitas esset imprudēs, adeoq; illicita.

Probatur 3. p. si sōnia considerētur, ut effe-  
ctus purè phyci, possumus ex illis arguere  
humorū tēpiē, vel intēpiē, adeoq; morbos  
exinde secuturos, præsertim si frequentētur.  
Et ideo Hyppocrates, Galen. alijque medici  
iubent, agrorū sōnia obseruari debere. Nā si  
somnia sint de rosis puniceis, crocō, hortis,  
choreis, cōplexibus iucūdis, volatu, acre, alijs.

que similibus lætis, signū est sōniātē abūda-  
re sanguine, ex cuius copia excitātur in illo  
phantasmata de rebus iucundis. Sin verò sō-  
nia sint circa nauigationes, aquas, balnea,  
submersiones, pondera aggrauantia, fugā in-  
tentatā, & impeditā, & alia similia, indicant  
phlegmatis copiā. Si versentur circa colores  
flauos, rixas, pugnas, incendia, &c. indicant  
excessū cholerae. Si circa fumū, caliginē, te-  
nebras, solitudines, nocturnas vagationes,  
mortes, & cades, tetra spectra, aliaque similia  
inducant excessum humoris melācholici. Si  
circa flores, celum, aliaque odora, & suauia,  
inducat humorū puritatē, & synceritatem. Si  
circa sordida, vt sunt cloacæ, cēnū, sepulchra,  
cadauera, feretra, &c. indicāt, humores esse  
sordidos, & faeuclentos, & indigere purga-  
tionibus. Si sint dolorifera, ita vt videantur  
somniautes cōprimi, & præfocari, significāt  
partes cereberi posteriores esse affectas, & ob-  
structas humore viscoso, & excremētis. Sed  
omnia hæc sunt effectus naturales, pertinētes  
ad artem medicā. Ergo sicut ex signis exter-  
nis cultus, manū, pectoris, ex voce, lingua,  
vrina, & facibus licet morbos, deprehendere  
cur etiā non licebit ex somnijs coniectare?

Quod si hinc fiat trāsitus ad effectus mo-  
rales, vel quia ipsa somnia inducantur mora-  
liter à causis ordinis superioris, vel quia cō-  
siderētur vt causæ morales aliquorū effectūū  
maximè pendentū ā nostra libertate, sōnio-  
rū credulitas est ōnino fallax, præstigiōsa, im-  
prudens, & illicita. Patet primū, quia somnia  
non possunt moraliter prouenire, nisi à Deo,  
vel Damone. Si à Deo, se vt talia manifestāt,

vt

vt dictū est. Ergo reddunt assensū licitū. Si à Demone, non possumus illis magis credere re, quàm ipsi Dēmoni. Sed illi vt mendacissimo credere non possumus. Ergo neque somnijs ab eo excitatis, ex quibns sc̃mp̃r prudenter timere debemus pręstigiosas decaptiones, & impulsū ad mala. Probatur secundū, effectus morales, nō pendent à causis physicis, & naturalibus. Ergo multò minùs possunt ex illis argui. Quid enim influit humorū hac temperies, seu asymethria, ad hoc vt fiā Pręsul, victoriā referā in bello, sententiā à ludice obtineā fauorabilē, gratiā Principis consequar, aliaque id genus quę humano ab arbitrio pendent, & de quibus tã frequēter sōniamus? Quare optima sunt monita Spiritus S. Exod. 5. *ubi multa sunt somnia, plurimę sūt vanitates, & sermones innumerī; tū verò Deū time.* Et Ec. 34. 1. *somnia extollūt imprudetes, quasi qui apprehendit umbram; & persequitur ventum, sic & qui attendit ad visa mendacia.*

Ex quibus patet solutio ad obiecta, de quorum solutione plura docemus ar. sequēti.

## ARTICVLVS. IV.

*Quid senserint veteres de somnijs, & an omnia sint fallacia?*

**D**E sōnijs narij varia. Arist. ait, omnia esse naturalia, & nullū à Deo immitti. Plato verò cuncta Dēmonib⁹ referebat. Hippocrates nōnulla Deo, & nōnulla naturalibus causis adscribebat. Epicurei ōnia cōtēnebant vt vana. Cōtra verò Stoici cuncta vt mysticis plena reuerebātur. Indi, & pręcipuē Brasilienses, in bellis capeffendis, pugnitq; in euadis sōnia cōsulebant, vt ex illis quid cūcturā

foret deprehenderent . Et ex Recentioribus Thomas Munzerus Anabaptista assererat , ōnia sōnia esse prophetica, & per illa futura prædici,putās verā Æthnicorū definitionem relatā à Macr.I.I.in somn.Scip. *Somnium est motus, aut figmentū animæ multiforme, futurorum bonorum,vel malorum significatiuum.*

Omnes tamē qui professi sunt,sōniorū interpretationibus indulgere, eorū naturā rimantes,uel ex rationibus physicis, & astronomis,uel à fabulosis Vatū narrationibus, vel ex cōsuetudine,& habitu,uel æthimologia,seu significatione nominū,vel ex rei hyeroglyphico, alijsque huiusmodi puerilibus nugamētis,nōnulla cēu axiomata statuebāt, vt fusè prosequitur supralaudatus author li. 4.disq.mag.q.6.initio.

Primū est,si aliquis somniet,se lumē à Luna petiisse,cæcus fiet,quia Luna propriū lumen nō habet, sed illud mutuatur à Sole. Secundū est,si quis somniat,se legere,vel audire nomen aliquod mortuale,vt Pluto, Orcus, &c.ille morietur.3.si ad templū se trahi, ille fiet sacerdos. Quartū,si sōniet aliquis,à se per orbē vagante suū filiū repertū in lsthmo, vel alio loco mari circumfluō,eius filius mergetur in mari.5.si somniet,se tractari iuxta suū institutum,prosperū autumant;si secus infelicitissimū.E.g.prosperum putabant militi ensē somniare,inaustum verò togato;& viceversa . Quia verò hæc nullum solidum habent fundamentum, sed videntur potius delirantium fragmenta,ideo fit.

Conclusio,pleraque somnia sunt naturalia, atque a deo,exceptis diuinis,omnia sunt fallacia,

*tia, illisque credere est lethale;*

Probatur 1. pars, causa naturalis debite applicata debet producere suum effectum, nisi cœlitus impediatur. Plerumque autē sōniorum causæ naturales sunt sufficientes, & expeditæ ad operandum, eò quia Deus plerumque nō faciat miracula, sed finat causas secūdas iuxta suas virtutes operari. Ergo plerumq; producunt somnia. Maior est physicè evidens. Minor probatur, causæ sōniorū sunt vel intrinsecæ, vel extrinsecæ. Intrinsecæ sunt cogitationes frequētatæ in vigilia, vnde dicitur Ec. 5. 2. *multas curas sequuntur somnia*; & patet experientia, nā sapissimè sōniamus ea, de quibus egimus interdium, & præcipuè paulò antequàm cubitum ierimus. Et in eius cōfirmationem optimè quadrat quòd scripsit Greg. Nyssenus, nempe huiusmodi *somnia esse censenda simillima cytharæ, cuius si des cessante manus impulsu, adhuc modicū extrema motione trepidant, ac tinniunt*; ita cessans mentis cogitatio vigilantis, adhuc trepidat in dormiente, ex cuius trepitatione proueniunt somnia. Sed harum cogitationum reliquiæ sunt sufficientes, & semper expeditæ ad somnia illis simillima excitāda. Et idem dico de reliquis causis intrinsecis, quas fusè prosecuti sumus in 1. paru. nat. disp. 3. ar. 1. Ergo plerumque causæ naturales intrinsecæ sōniorū sunt sufficientes, & expeditæ ad illa excitāda. Causæ extrinsecæ sunt duplicis generis. Primi generis sunt illæ, quæ licet sint extrinsecæ ipsi imaginationi, à qua proximè fit sōnium, non tamen sunt extrinsecæ somniāti, cuiusmodi sunt excessus illi humorum, quos

supra retulimus, Secundi generis sunt illæ , quæ sunt vtrique extrinsecæ, vt Deus, Celû, & Angeli. Sed omnes hæ causæ sunt sufficîentes, & expeditæ, & Deus plerûque nō excitat sōnia, immò impedit Dēmonē, nè se immisceat cū alijs causis naturalibus. Ergo plerûque sōnia proueniunt à solis causis naturalibus.

Probatur 2. pars, sōnia quæ proueniunt à Dēmonē, sēper ordinātur ad iram, cōcupiscētiā, aliūque malum finem. Ergo sunt fallacia, tanquā deuiantia ab ordinatione naturali. Quæ proueniunt a cēlo, & astris, quia nō pendent ab illis, nisi medijs causis intrinsicis naturalibus, sequuntur earum cōditionem, tāquā causę proximæ particularis. Ergo cum hæ nō habeant certā, & infallibilē cōnexionē cum tali euentu futuro (neque enim præuiæ cogitationes, vel excedentes humores cōnectuntur determinatē cum tali futuro contingenti) neque sōmnia ex illis deuiantia possunt habere talem cōnexionem, & per consequens omnis diuination, quæ fit ex illis, est vana, fallax præstigiōsa, & temeraria. Hoc autē non valet de somnijs diuinis, propter rationes allatas ar. 3. Ergo ex captis diuinis, omnia somnia sunt fallacia.

Probatur 3. pars, nō solūm ex prohibitionē positiua, sed etiā quia credere somnijs est summa imprudentia, trahens secum periculū proximi cadendi in errores, & præstigiōsas operationes. Ergo si seriō fiat, & aduertēter, est lathale.

Atque hæc de somnijs. Cetera qui videre, desiderat, consulat, locum citatum, vbi fusē egimus de somnijs, eorumque diuinatione.

A R.

*Quid sit extasis? Et in quo distinguatur à Raptu.*

**F**RATER Lucas Castellinus in par. 2. addita-  
menti vniuersalis de extasi c. i. ita ex-  
tasim definit, *est quædã voluptuosa eleuatio*  
*deuotæ animæ supra se, deserto exteriori homin.*  
*ad superintellectualem diuini amoris fontem*  
Quæ definitio desumitur ex diuo Thoma p.  
2. q. 28. ar. 3. in corp. vbi duplicem distinguit,  
extasim, alteram secundum vim apprehensiuã,  
& alteram secundum appetitiuã. Extasim se-  
cundum vim apprehensiuam tunc dicitur aliquis  
pati, quando ponitur extra cognitione sibi pro-  
prias, vel quia ad superiorem sublimatur, sicut  
homo dum eleuatur ad comprehendenda aliqua,  
quæ sunt supra sensum, & rationem, dicitur ex-  
tasim pati, in quantum ponitur extra connatu-  
ralem apprehensionem sensus, & rationis. Vel  
quia ad inferiora deprimitur, ut cum aliquis in  
furiã, vel amentiam cadit. Secundum appetiti-  
uam verò partem dicitur aliquis extasim pati,  
quando appetitus alicuius in alterum fertur, e-  
xiens quodammodo extra se ipsum. Sunt eius  
verba. Ex quibus patet, non semper extasim  
esse effectum diuini amoris, cum interdum  
proueniat ob alia causa. Hic ergo quatuor re-  
uocabimus in questionẽ. Primum est, an om-  
nis extasis sit vis apprehensiuã? Secundum an  
omnis extasis sit raptus? Tertium, an possit  
extasis à Demone prouenire? Et quartum, an  
omnis extasis sit ab amore? A quibus expe-  
diti, transitum faciemus ad resolutionem  
propositę questionis.

1. Conclusio, *Extasis tan pertinet ad vim*  
*appre-*

*apprehensiuam quàm ad appetitiuam.* Est diui Th omæ in loco cit.

Probatum cum eodem, extasis, facit, quòd amans cogitando solum de amato, moriatur sibi, quod pertinet ad vim apprehensiuam. Ex alia parte facit, ut voluntas ita ardeat, & aestuet, ut amore deficiat viribus, & optet pro amico mori, quod spectat ad voluntatem, hoc est ad vim appetitiuam. Ergo spectat ad utramque. Et ideo Dauid, cui erat familiaris extasis per apprehensionem, dicere solebat, *ego dixi in excessu meo, omnis homo mendax.* Et alibi, *ego dixi in excessu mentis meae, proiectus sum a facie oculorum meorum.* Ex alia parte Moyse Exodi 24. alio genere extasis eleuatus, vixit quadraginta dies, absq; vilo corporali cibo. Quod idem legimus 3. Reg. c. 19. d' Elia, qui pane sub cinericio, quadraginta dies iter còtinuauit perpetua extasi raptus, nò quidem quoad totalem sensuum abalienationem, sed quoad aliquam, nepe quoad suspensionem virtutis còcòtiua, & abalienationem mètis ab omnibus alijs obiectis creatis, defixa mente in solum Deum, ut optimè docet supra laudatus Castellinus in loco cit. n. 25. Quod idem proportionaliter possumus asserere de multis alijs Sanctis.

2. Conclusio, *extasis distinguitur a raptu, inquantum totum à parte.* Probatum cum diuo Tho. 2. 2. q. 175. ar. 1. vbi glossando illa verba diui Pauli 2. ad Cor. 11. *scio hominem in Christo raptum usque ad tertium caelum, ait, raptum, id est contra naturam eleuatum.* Et in ar. 2. eiusdem quaest. in resp. ad 1. docet, *Nam extasis importat simpliciter excessum à se ipso, secundum quem aliquis*

*extra*



*extra suam ordinationem ponitur. Sed raptus super hoc addit violentiam quādam.* Ergo raptus dicit totum illud, quod dicit extasis, & illi addit violentiam, tanquā sui partem constitutiua, & discretiua ab extasi, à qua proinde differt vt totum à parte.

3. *Conclusio, Potest Dæmon in nobis, Deo permittente, extasim, vel raptum excitare.* Est diui Thomæ 2.2.q. 175. ar. 1. Cui adhæret Martinus Delriolib. 2. q. 25. cum multis alijs.

Probatur, extasis est abalienatio à sēsis. Sed potest Dæmon in nobis inducere abalienationem à sensibus. Ergo & extasim. Maior patet ex dictis, sumendo extasim strictè, & nō quatenus significat quālibet emanationē in amatū. Minor probatur, potest Dæmon ligare, vel soluere sēsus exteriores hominum, vel obstruēdo meatus, quibus à cerebro spiritus sensitiui se diffundit in sensus exteriores, vt accidit somniantibus; vel eosdem spiritus è sēsis externis ad internos attrahēdo, ibique retinendo, ne ad externos iterum redeant. Ita enim fiet, vt ob nimiam internarum virium sensitiuarum applicationem; & spirituum sensilium confluxum ad organa sensuum internorum, adeo destituātur sēsus externi, vt non possint sua munera exercere, quibus ita torpentibus, corpus cadauer immobile apparebit; & extasim patiēs. Quod autem possit etiam raptus violentiā superinducere, patet ex infinitis historijs narratib<sup>9</sup>, passim in barbaris regionibus, Magos, & sagos à Dæmonibus in aera eleuari, inter quas celebris est illa, quæ narratur à Metaphrasto de Simone mago, qui raptus Romæ à Diabolo

centis, impossibile est, quod Deus videatur in via ista ab homine mortali non alienato à sensibus, Et affert rationem à priori, quia nullum phantasma, uulla imago est sufficiens mediū ad Dei essentiam ostendendam, ideo oportet, quod abstrahatur, & alienetur à sensibus.

Dices, hoc probat, extasim esse ab amore Dei in creaturas, nō autē ab amore creaturæ, in Deū extasim patientis. Ergo non probat, illam esse effectū amoris. Nego antecedens, quia cū Deus nō amet, nisi amante se, extasis nō solū est effectus amoris actiui ī Deo, sed etiā passiui, quo amatur ab extasi patiente.

2. Cōclusio, *Omnis amor summus extasim facit.* Probatur, omnis amor summus facit, quod amans in se quodammodo moriatur, & uiuat in amato. Vnde amans dicitur mori ut nō est, ut de se profitebatur Apost. ad Gal. c. 2. ī fine, *uino ego, iā non ego, uiuit uerò in me Christus.* Sed mori in se, & uiuere extra se est extasim pati. Ergo summe amare est extasim pati. Et ideo diuus Dyponisius lib. 1. de diu. nom. c. 4. ait, *diuinus amor extasim facit, & ipse Deus propter amorē passus est extasim.* Minor, & cōsequētia sunt euidentes. Maior probatur, summe amās paulatim definit de se cogitare, se curare, sibi prospicere, &c. Ergo cū hoc sit propriū mortui, uidetur, cū amato, illi prospicit, Ex alia parte ~~consequenter~~ amato, illi prospicit, illi bonum optat, quod est proprium uitæ. Ergo uiuit in amato. Et ideo ait, Philosophus, *amās magis est ī eo, ī quo amat, quā ubi anima.*

3. Cōclusio, *Amor amicitie directæ, & simpliciter extasim facit, amor autem concupiscentiæ solum indirecte, & secundum quid.* Pro-

Probatur cū diu. Th. i. 2. q. 28 ar. 3. in cor.  
*Nā in amore concupiscētię quodāmodo fertur a-*  
*mās extra se ipsū, in quātū scilicet nō cōtēt<sup>o</sup> gau-*  
*dere de bono, quod habet, querit frui extra se.*  
*Sed quia illud extrīsecū bonū querit si bi habere,*  
*nō exit simpliciter extra se, quia talis affectio in*  
*sine infra ipsā concluditur, eō quia quærat se*  
*ipsā, & suū bonū. Cōtra verò agēs de amore*  
*amicitię subdit. sed in amore amicitię affectus*  
*alicuius simpliciter exit extra se, quia vult ami-*  
*co bonū, & operatur, quasi gerēs curā, & proui-*  
*detiā ipsius propter ipsū amicū. Ergo amor a-*  
*micitię simpliciter, & directē extasim facit,*  
*alius autē solum indirectē, & secūdū quid. Et*  
*hac est ratio quare tā pauci inueniantur veri*  
*amici, quia pauci sūt, qui velint adequatē bonū*  
*amici, quia amici, & non quia hoc ipsum sit*  
*bonum suū, vt facit amor concupiscētię.*

Vnde patet respōsio ad obiecta; siquidem  
 extasis demoniaca nō est cōnaturalis patiē-  
 ti, sed violenta, & ideo dicitur abreptio, eō  
 quia nō sit voluptuosa, sed molesta, vtpote,  
 facta cōtra exigētīā causarū naturalīū. Quod  
 idē est dicēdū de alienatione ex morbo pro-  
 ueniēte, quæ est pura passio, qua miser agro-  
 tus violenter trahitur extra se, impetu morbi  
 predominatis. De his autē nō procedit quæ-  
 stio, quæ restringitur ad veras extases, qui-  
 bus patiens fert se quodāmodo extra se. Ne-  
 que obstat, quod aliquādo coniungatur cum  
 raptu; siquidē raptus diuinus, licet vt raptus  
 sit violentus, nō tamen est simpliciter violē-  
 tus, quatenus fundatur in extasi, qua amans  
 Deum se fert ad illum, & gaudet se trahi ad  
 illum, vt cum illo magis vniatur. Et ideo  
 est

est potius perfectio sui motus.

## ARTICULVS VII.

*An Somnus, & abalienationes magis disponāt  
ad diuinas reuelationes, & præuisiones fu-  
turatorum?*

**S**Cotus i 4. d. 45. q. 2. adeo vsque exsibilauit  
partem affirmatiuam, vt huiusmodi do-  
ctrinā Mahemeticā appellauerit, Fundamen-  
tum ipsius est, quia perditus Turcarū antesi-  
gnan<sup>o</sup>, cum epileptico morbo quateretur as-  
siduò, vt vel ex morbo proficeret, ad suā pro-  
mouendā vesaniā, hinc occasione[m] dicendi  
arripuit, se toties cum Angelis, Deoque mi-  
scere colloquia, quoties abalienatus à sensi-  
bus apparebat. Neque enim (vt ipse rudibus  
insinuabat) cœlestium spirituum lucem, &  
diuinitatis illapsum, sensu mortali poterat  
sustinere. Quod mēdacium vsque adeo cœcu-  
tientes inuenit Seythas, Arabes, Turcas, &  
Phanices, vt paulatim serpens per vulgus,  
ipsum etiā medicę facultatis lumen Auicēnā  
peruaserit, qui versipellis praeceptoris decep-  
tus infania, docuit in sua, quā edidit, meta-  
physica, petito semper exemplo à Maheme-  
te, plerumque sensuum alienationes oriri ex  
eo, quod sensuum imbecillitas superexcedē-  
tem praesentis diuinitatis lucem, eiusque illa-  
psum in animā tolerare nō possit. Nec defuit  
mēdacio extrinseca probabilitas ex eo, quod  
penes omnes nationes, Damonum Sacerdo-  
tes, Vates, arioli, augures, immò ipsæ Sybillę,  
& (quod mirum est) ipsi etiam veri Numinis  
prophete (vt sacra testantur pagina) futuro-  
rū oracula nō edebāt, nisi diuino quodā fu-  
rore, vel oestro perciti, extra sensus adigerē-  
tur.

tur. Legimus præterea in hist. Eccl. tot viros sanctitate cōspicuos, identidem fuisse à sensibus abalienatos, cum diuina mysteria, mente cœlitus illustrata, contemplarentur.

Conclusio, *Somnus, & alienatio à sensibus est multò aptior ad diuinas reuelationes percipiendas, quàm modus operandi per sēsus in vigilia.*

Probatur 1. p. cum di. Tho. 2. 2. q. 172. ar. 1. ad 2. vbi hæc habet, *cognitio futurorū, quæ fit in somnijs, vel est ex reuelatione substantiarū spiritualiū, aut ex causa corporali. Vtrūque autem maius potest fieri in dormientibus, quàm in vigilantibus.* Et assert rationem, *quia anima vigilantis est occupata circa exteriora sensibilia, unde minus potest percipere subtiles impressiones, vel spiritualiū substantiarū, vel etiā causarū naturaliū.* Hoc tamē limitat ad solā receptionem cognoscibilem. Et ideo subdit, *quantū tamē ad perfectionē iudicij, plus viget ratio in vigilando, quàm in dormiendo.* Et ideo Caiet. in 1. p. super ar. 11. quæstionis 12. initio citatæ, obseruat, ad cognitionem duo cōcurrere (vt docuit diu. Th. q. 12. de ver. ar. 9.) nēpe receptionem cognoscibilem, & iudiciū, Quo supposito, ita discurret, *quoad receptionem intelligibiliū abstractio à sensibus cōfert, quoad ad iudiciū verd, nō, quoniā impressiones subtiles superiorū quiescentes meliùs percipimus, sed iudicare perfectè nequimus nisi facta resolutione* (intellige taliū impressionū) *an consonent sensibilibus, vt dicitur 3. de cœlo, & ethic.* Et in hoc aduertit, diu. Th. semper castigatè locutum, unde littera semper utitur nominibus pertinentibus ad receptionem, scilicet *capacem esse, & percipere.*

Pro.

Probatur secunda pars cum eodem 2.2.q. 175.ar.4.in corp.vbi ait, *oportet autē cū intellectu hominis eleuatur ad altissimā Dei essentiæ visionē, ut tota mētis intētio illiuc aduocetur, ita scilicet, quod nihil intelligat aliud ex phantasmatis, sed totaliter feratur in Deum.* Et rationem supra attulerat, *quia essentia vel nō potest videri per aliquod phantasma, quin immo nec per aliquā speciē intelligibilē creatam* (limita dictum, idest connaturaliter) *quia essentia Dei in infinitum excedit, non solum omnia corpora, quorū sūt phātasmatā, sed etiā omnē intelligibilē creaturā.* Vnde infert, & *ideo intellectus hominis in statu vię necesse est, quod à phātasmatibus abstrahatur, si videat essentiā Dei.* Sed est impossibile, quod fiat abstractio à phantasmatis, & non fiat à sensibus, (vt dictum est) docente eodem, & *ideo in omni operatione, qua intellectus noster abstrahitur à phātasmatibus, necesse est, quod abstrahatur à sensibus.* Ergo concludendum est cum eodem, *impossibile est, quod homo in statu vię videat Deū per essentiā, sine abstractione à sensibus.* Atque adeo hæc abstractio, seu alienatio, nō solū est aptior, sed est omninō necessaria viatoribus, ad percipiēda arcana Dei, eiūque essentiā intuendā, licet nō sit omninō necessaria, sed utilis, & aptior ad percipiēda diuinas reuelationes.

Ad authoritatem Scoti dico, doctrinā diuī Th.hūc vsque laudatā nō extendi ad alienationes factas ex morbo, sicut erant Mahemeticæ, sed ad solas diuinas, quæ cū procedant per excessū amoris, nō sunt abreptitiæ, vt Demoniacę, neque ducunt ad furorē, seu insa-

faniā, sed solū depurāt animā à phantasmatis-  
bus, adeòq; illā reddūt aptiorē ad percipiē-  
das diuinas reuelationes. Ergo absque vlla  
ratione dicitur mahemetica. Ad fundamen-  
tū allatū dico, ex illo potius probari opposi-  
tum. Si enī ōnes viri Sācti in alienationibus  
prophetarunt. Ergo hę cōducunt ad prophe-  
tias; aliter Deus adhibuisset mediū ineptum,  
quod esset impiū. Quod si Mahemetes aliud  
finxit, hoc probat quidem eius mendacium,  
& iniquitatē, nō autem falsitatē doctrinæ di-  
uinæ Thom. quā vt verissimā propugnamus.

#### A R T I C V L V S. VIII.

*Soluntur alię Septi obiectiones, & statuitur  
doctrina diui Thomę.*

**O**BJECTIONES. Quò est profundior somnus, eò  
est maior abstractio à sēsis. Ergo ma-  
gis perciperentur diuinæ reuelationes, quod  
est absurdum.

Primò distinguo consequens, magis per-  
ciperentur diuinæ reuelationes quoad rece-  
ptionē cognoscibiliū, cōcedo; quoad iudicij  
perfectiōnē nego cōsequentia, iuxta doctri-  
nā Caiet. traditā in probatione 1. p. Deinde  
nego cōsequentia. Rationē affert Caiet. ibidē  
quia videlicet sōnus nimis profundus abstra-  
hit extrarationē intellectus in actu. At diuus  
1. h. loquitur de sōno, abstrahente quidē in-  
tellectu à phātasmatibus, sed intra latitudinē  
intellectus in actu, hoc est retēta aliqua eius  
actuali operatione, simul cū phātasia actu o-  
perante, eò quia oporteat intelligentem phā-  
tasmata speculari, vt ipse ait. Hoc autē vide-  
tur fundari in eo, quòd si sōnus sit adeo pro-  
fundus, vt tollat ōnē actualē intellectus o-  
pera-

perationē, etiā, imperfectā, utiq; tunc intellectus nō actu intelligens, futurorū reuelationē nō percipit, aliter cū eius perceptio sit cognitio, cognosceret sine cognitione, quod repugnat in terminis.

Ob. 2. Naturale est in vigilia habere vsum rationis, nō autem in somno. Ergo maius est miraculū reuelatio veritatis in sōno, quā in vigilia, dū intellectus nō est nimis intentus circa sensibilia.

Distinguo cōsequēs cū Caiet. ibidē, maius est miraculū reuelatio veritatis, id est iudiciū de veritate, cōcedo id est receptio specierum sēnsibiliū de veritate, nego cōsequētiā. Ratio est, quia cū talis receptio fiat per phātasiam actu operātē, quō magis hęc occupatur circa spiritualia, & min⁹ turbatur rebus sensibilibus, eō magis seruit intellectui, imittendo ad illam phātasinata subtiliora, quibus fit capacior itelligendi res superioris ordinis, prout phātasinata sunt magis, minusue disposita.

Dices, Ergo in sōno, & alienatione nō percipiūtur in actu 2. diuinæ reuelationes, sed solū disponitur intellectus in actu 1. ad illas formaliter percipiendas, & in actu secundo, dū excitatur à somno.

Cōcedo cōsequētiā, quę cōtinet eādē doctrinā, quā tradidim⁹ in probatione 1. p. cōclusionis. Dicitur ergo intellect⁹ in sōno percipere reuelationes, in quātū percipit phātasinata, & species aptiores, quib⁹ disponitur ad hoc, vt sōno excitatus facili⁹ possit de illis iudicare, id est habere iudicium de futuritione obiecti per tales species virtualiter reuelati.

Vrgebis, hęc doctrina repugnat experiētię.  
Nam



Nā legimus, multos ī sōnis verē iudicasse de rebus futuris, quas sōmniātes alijs reuelabāt. Ergo sōniū nō solū disponit in actu 1. ad receptionē sensibiliū, sed etiā in actu 2. ad iudiciū formale de rebus futuris reuelatis.

Nego suppositum. Siquidē hęc nō fuerūt. Somnia naturalia, sed extases, & raptus diuini. Quōd si aliquādo sōniātes loquūtur, tūc certē futura prędicere nō valet, sed potius delirāriū instar, temerē multa dicūt, & absōna, si sōnia sint naturalia. Sin autē sint diuina, eō ipso quōd pręter perfectiorē iudicandi modū, nō sūt āplius mera somnia, sed trāsūt in extasim, vel raptū, vel sūt aliquid mixtum ex vtrisque. Quare vt pura somnia numquam disponunt intellectum, nisi in actu primo, ad reuelationes futurorum.

Neque obstat, quod quidā Marc. Ant. Moccenigus relatus à Delrio lib. 2. q. 25. asserat raptū, & extasim esse liberos. Nā falsitatis ab illo cōuincitur, nō solum ex diuo Tho. supra citet ex definitione raptus, sed etiā multis exemplis, & pręcipuē vnius Virginis sibi notæ, quæ Burgis in Castella anno 1585. quotidiē post captā eucharistiā, in diurnū raptū eleuabatur, ad eō inuitē, vt assiduō Deū oraret, vt se liberaret ab illa gloria. Et statim post raptū rubore plena in partes penitissimas domus cōuolabat, nē ab alijs videretur, quasi illā puderet, fuisse visā à sēsibus alienatā, & in aerē eleuatā. Nec poterat de eius sanctitate dubitari, quia erat humillima, & virtutum exemplar.

Ex dictis collige, verissimā esse doctrinā diui Th. supra relatā de somno, & alienationibus, si bene intelligatur, neque in illam valere iacula subtilissimi.

Atque hęc dicta sint satis de hac materia cuius reliqua tradidimus in libro paru. natural. & de visione Dei, quæ omnia cedant in eius gloriam, vt nos dignetur disponere ad visionem sui.

# I N D E X 477

DISPUTATIONVM,  
Et articulorum, qui continentur in  
tractatu de Visione Dei.

- A** Alienatio à sensibus. Est aptior ad diuinas re-  
uelationes. 572. Non tamen ad iudiciū. ibid.  
Absorptio. Nō fit nisi circa objecta disparata. 537.  
Actio immanens. Non est ad opus extra se. 340.  
Accidēs naturale. Sēper est debitū alicui nature. 86.  
Actus liberi Dei. Sunt illi adequatē intrinseci. 73.  
Spectant ad objectum primarium visionis. 444. Non  
omnes videntur ab omnibus. 437.  
Actus liberi Dei denominantes. Videntur omnes.  
in Deo. 496. Non tamen non denominantes. 502.  
Ægidius Romanus. Quomodo demonstret diui-  
nam existentiam. 3. Confutatur. 5. Illam probat à  
priori, & laudatur. 21. In quo sensu admisit, cogni-  
tionem esse speciem. 318.  
Æternitas. Dicit negationem formalem succes-  
sionis possibilis, non obiectiuam. 214.  
Amatum. Quomodo sit in amante. 329.  
Amici. Cur pauci inueniantur. 570.  
Amor amicitie. Directē, & simpliciter facit exsta-  
sim. 569. Amor autem concupiscentie solum indi-  
rectē, & secundū quid. 569.  
Amor summus in patria. Non impedit exercitiū  
aliorum actuum. 536.  
Amor summus. Semper facit extasim. 569.  
Angeli. Sunt debiti rerum vniuersitati. 87. In  
comprehensione hominis cognoscunt solum inde-  
terminatē, eius beatitudinē esse visionem Dei. 158.  
Est possibilis Angelus complebilis per actum ma-  
terialem. 337. Intelligendo se gignunt verbum. 332.  
Angeli inferiores. Sciunt omnia secundū rationes

vnuerſales. 472. Et purgantur à ſuperioribus à neſcientia particularium. Ibid. Cur in ſui comprehenſione non cognoscantur à perfectioribus eorum actus liberi. 300

Anima Chriſti. Non videt Deum comprehenſiue, 448. Neque omnia poſſibilia, quæ cognoscit ſolum inadæquate. 493

Anima rationalis. Cur non ſpiritualizet, corpus. 107. Reſiſtit ſeparationi à corpore. 137

Anima ſeparata. Cur non poſſit naturaliter corpori reuniti. 64. Poſſet tamen hoc naturaliter appetere. 136. Etiam innatè. Ibid. Eius reunitio cum corpore eſt intrinſecè ſupernaturalis. 136. Eſt in ſtatu violento. 137

Appetitus elicitus naturalis conditionatus. Quid ſit. 126. Poſſet ferri ad aliquod ſupernaturale. 126. Immò ad ipſam viſionem Dei. 128. Inefficaciter tamen. 130

Appetitus elicitus naturalis abſolutus. Poſſet ferri ad aliquod ſupernaturale. 127. Eſt allatiuus ſpei naturalis, non autem ſupernaturalis. Ibid. Eſt inefficax. 130. Non datur, niſi in agēte libero. 146. Præſupponit innatum, in quo fundatur. 148. In quo diſtinguatur ab obedientiali. 151. Non ſpecificatur per ordinem ad cauſam à qua inditur. Ibid.

Appetitus innatus inefficax. Quid ſit. 126 & 143. Poſſet naturaliter ferri ad aliquod ſupernaturale. 135. Et ad viſionē. 143. Vel eſt potentia, vel connectitur cum illa. 146. Eſt pondus naturæ. Ibid. Cur nō poſſit ferri ad vnionem hypſtaticam, & viſionem Trinitatis. 146. Non eſſet fruſtraneus, licet Deus nos non ordinaret ad viſionem ſui. 149. Eius obiectum adæquatū nō eſt beatitudo naturalis. 157. Eſt in inſelectu, vt eſt potentia actiua, & paſſiua. 160

Appetitus innatus efficax. Non poſſet naturaliter ferri ad viſionem Dei. 143

Argumentum ab hypothēſi impoſſibili. Quando concludat. 208. Eſt falſum. 217

Attributa. Nō possunt in Deo videri sine essentia. **531.** Neque potest videri vnum attributum sine alijs. Ibid. Omnia constituunt essentiam. Ibid. Omnia in singulis includuntur. Ibid. Nō tamen includunt perfectiones relatiuas. **532.** Sunt obiectum primatum visionis. **533.** Non distinguuntur virtualiter intrinsece ab essentia. **534**

Attributa negatiua. Non dicunt negationem obiectiuam, sed formalem. **212. & seqq.**

Auditio. Potest fieri à solo Deo. **233.** Et tribui oculo.

Ibid. Non tamen oculus per illam audiret. **234**

## B

**B**eati. Non omnes vident omnia in Deo. **53.** Videndo Deum fiunt deiformes, & quodammodo Deus. **54.** Non vident Deum naturaliter. **177.** Formant verbum videndo Deum, **348.** Non tamen illum vident mediatè, in ratione obiecti. **351.** Possent videre Deum per visionem insulam. **371.** Ad quam proportionantur in actu secundo. **372.** Et hæc visio esset actus videntis. **373.** In quo sensu dicuntur comprehensores. **450.** Non possunt Deum comprehendere comprehensione creata. **455.** Neque increata. **463.** Licet posset hæc vniri cum intellectu ipsorum. **464.** Vident omnia, quæ sunt in Deo formaliter. **467.** Et ideo vident omnes perfectiones absolutas, & relatiuas. **468.** Et quæ sunt eminenter in Deo. **470.** Vident etiam viatores, & damnatos. **470.** Et diuinas ideas. **471.** Et creaturas possibiles. **472.** Et actu existentes. **475.** Vide Creatura. Vident omnes actus liberos Dei denominantes. **496.** Non autem non denominantes. **502**

Beati. Non possunt errare circa prædicata intrinseca Dei. **497.** Neque circa actus liberos non denominantes. **498.** Vident omnia futura contingentia quoad substantiam. **501.** Et mysteria gratiæ. **502.** Non vident perpetuitatem suæ visionis in indiuiduo. **503.** Sed solum in specie, vel genere. **504.** Vnde illis resultat certitudo de æterna sua felicitate. **505.**

Semper vident noua in Deo, intra latitudinem eiusdem luminis. 506. Et ideo non variatur visio secundum speciem. Ibid. Non possunt videre Deum, quin videant aliquas creaturas in particulari. 508. Non possunt videre essentiam sine personis. 513. Neque Personas sine essentia. 519. Neque vnā Personam sine alijs. 524. Neque essentiam sine attributis. 530. Neque attributa sine essentia. Ibid. Neque vnum attributum sine alijs. 533

Beatorum visio. Non est æqualis in omnibus secundum intensiōem. 409. Est inæqualis quoad modum, & aliquando quoad substantiam. 412. Hæc autem inæqualitas non potest haberi ex inæqualitate physica intellectuum. 416. Licet habeatur secundum vitalitatem, & spiritualitatem visionum. 418. Non tamen quoad supernaturalitatem. 419. Et 421. Et 422. Et seqq. Secundum quam inæqualitas habetur ad æquātē à lumine gloriæ. 427. Et huius inæqualitas ab inæqualitate charitatis. 434. Nec sunt æquales quoad extensionem. 435. Vna videt in Deo plures actus liberos, quā alia. 437. Omnes vident totum Deum, sed non totaliter. 438. & 451. Qui videt pauciora non anxietur. 438. Hæc inæqualitas alia est numerica, & alia specifica. 441. Non tollitur ex æqualitate extēsiuā obiecti. 500

Bruta. Non possunt eleuari ad videndum Deum. 32 & 63. C

**C**AUSA adæquata. In quo sensu sit perfectior complexo ex se, & effectu. 6

**C**AUSA formalis. Quem debeat præstare effectum formalem. 107. Non retinet esse talem, nisi in subiecto capaci. 109. & 103.

**C**AUSA formalis constitutiuā. Est prior cōstituto. 22

**C**AUSA prima. Per suam virtutem manifestat omnes creaturas possibiles, quod non potest causa secunda. 492

**C**AUSA secunda. Potest producere effectum ultra suam durationem. 294. Nulla habet ex se actum pri.

primum completum ad operandum. **366.** Sed completur in actu secundo per concursum Dei, Ibid. Nō potest operari sine immediato cōcursu Dei. **ibid.**

Cæcus supernaturaliter illuminatus non videt naturaliter quoad modum. **177**

Cælum cæli. Quid sit, iuxta mentem Augustini. **178.** Quid significaret penes Manichæos. **180.** Non est creatura naturaliter videns Deum. **181**

Christus. Non habuit fidem formaliter, sed radicaliter. **50.** Est compositum ineffabile. **238**

Cognitio. Vide intellectio. Potest esse evidens, & abstractiua. **315. & 473.** Realiter differt à specie impressa **317.** Non est ad terminum intrinsecum, sed extrinsecum. **339.** Quem non efficit, sed contem-platur. Ibid.

Cognitio comprehensiva Dei. Vide comprehensio Dei.

Cognitio Dei. Non potest esse distincta, & abstractiua **42.** & **313.** Sequitur modum essendi. **60.** Potest tamen esse evidens, & abstractiua. **311.** Potest esse infinita, & non comprehensiva. **461.** Potest esse perfectissima extensivè, non autem intensivè. **490**

Cognitio intuitiva. In quo sensu dicatur quid ditatiua. **71.** Vide Visio. Potest ferri in obiectum sub ratione vniuersali **472.** Non potest facere præcisionem in obiecto. **516.** Differt in obiecto motiuo ab abstractiua. **528**

Color. Non est obiectum formale visus. **225.** Sed eius modus tendendi. **226.** Est tamen ratio formalis quæ. **230.** Non est extra obiectum autis metaphisicè adæquatum. **241**

Comestio. Potest à Deo solo fieri in Petro, sine eius concursu actiuo, non tamen sine passiuo. **383**

Complexum ex Deo, & possibilibus. Non est intelligibilius, quàm solus Deus. **490**

Comprehensio Dei. Neque supernaturaliter est possibilis. **455.** Deberet adæquare totam cognoscibilitatem passiuam Dei. **461.** & modum essendi Dei

cogniti. 462. Non potest comparari cum comprehensione quantitativa. 462. Debet adæquare Deum adæquatione extensiva, & intensiva. 491

Comprehensio materiae. Potest haberi, licet non cognoscantur distinctè omnes formæ. 484

Comprehendens. Non potest esse imperfectus comprehensio. 457. Debet adæquare totam intelligibilitatem passivam comprehensi. 462

Connexio. Potest clarè cognosci, non cognito clarè termino. 484

Conservatio. Est continuata productio. 478

Corpus. Non impedit animam à visione Dei. 196  
In quo sensu resurgat spirituale. 197

Corpus gloriosum. Erit matériale. 197. Et attinget objecta per phantasmata. Ibid.

Continentia eminentialis. Quid sit. 107

Creatio mundi. Non fuit supernaturalis. 95. Licet indebita. Ibid.

Creatio animæ, & Angelorum. Est naturalis, quia debita. 95

Creatura. Nulla potest perfectè cognosci in alia. 307. & 486. Neq; contineri. 491. Cur qua libet creatura implicante, implicaret Deus. 494

Creatura æquivalens complexo ex intellectu, & lumine est impossibilis. 173. Comprenderet Deum. 174. Et haberet esse divinum. 175

Creaturae possibiles. Videntur omnes in Deo ut in medio connexo. 483. Non cognoscuntur difficilius, quàm Deus. 489. Etiam in ipso Deo. Ibid. Licet in illo sint cognoscibiles intelligibilitate Dei. 489. Videntur in illo per modum objecti necessario cōnexi cum omnium possibilitate. 494

Creature actu existentes. Omnes videntur ab omnibus beatis. 475. Non tamen eadem claritate. 476. Videntur in Deo tamquam in causa, & medio connexo. 478. Sunt semper in potentia ad cōservari. 479

D

Damnati. Videt reflexè perpetuitatē sui status. 504

De-

2. Demonstratio propter quid. Non potest fieri de diuina existentia.

Demonstratio quia. Quomodo fiat à diuo Thoma de diuina existentia. 2. Quomodo fiat ab Egidio. 3. Et à Cardinali Pallauicino. 5. Reijciuntur. Ibid.

Deus. Non habet ultimam differentiam. 16. A nullo effectu adæquatur. 17. Et in nullo clare cognoscitur. 18. Nullas habet veras causas. 16. Sed solum intrinsecas secundum rationem. Ibid. Est simpliciter visibilis per essentiam. 29. Non habet quantitatem virtutis. 37. Non potest facere intellectum æquiualentem complexo ex intellectu, & lumine gloriæ. 39. Nod potest cognosci distinctè vt absens. 42. & 69. Non potest naturaliter videri. 47. Non potest videri vt vnus, quin videatur vt trinus. 49. Quomodo sit finis hominis. 74. Non potest naturaliter videri in comprehensione Angeli comprehensoris. 78. Est naturalis in essendo, & supernaturalis in operando. 97. & 100. Non est supra totam naturam. 99. Non habet naturam formaliter, sed virtualiter. 101. Potest naturaliter cognosci vt supremus dominus. 111. Potest naturaliter loqui clare. 114. Cur non semper faciat miraculum, exaudiendo nostras preces. 115. Potest naturaliter cognosci vt liber. 117. Non potest facere creaturam æquiualentem complexo ex intellectu, & lumine 173. Est extra obiectum intellectus physicè adæquatum, non tamen metaphysicè. 190. Essentialiter connectitur cum possibilitate omnium rerum. 211. Ad quam dicit respectum rationis. 215. Magis distat ab intellectu creato, quam oculus à igne. 231. Non potest cognosci ab omnibus creatis. 257. Potest etiam supernaturaliter tangi, palpari, audiri, &c. 262. Supernaturaliter est sensibilis. 268. Est lucidissimus in se, non autem quoad nos. 286. Et ideo per speciem sit intelligibilior. 295. Potest vt obiectum gignere speciem sui sibi non adæquatam. 301. Non potest clare videri in vlla creatura vt in medio cognito.



Deus. Non potest representari ut absens. 314. Potest infundere Beato visionem sui absque actu ipsius influxu. 371. Potest infundere scientiam tam actualem, quam habituales, quæ posset successivè acquiri. 374. Potest se solo facere actum meritorium secundum entitatem physicam, non autem secundum moralitatem. 282. Potest etiam facere comestionem Petri sine eius concursu actiuo, non tamen sine passiuo. 383. Videtur totus, sed non totaliter. 451. Et ideo non comprehenditur. 455. Non potest supplere vitalitatem immanentiae. 465. Est semper actus produciens existentia. 478. Ut volens creaturas connectitur essentialiter cum illis. 478. Est minus absolutus, quam causæ secundæ. 509. Non potest videri, nulla visa creatura in particulari. 508. & 511.

Deus. Aliquando loquitur nobiscum per somnia.

Deus ut trinus. Non potest euidenter probari pure philosophicè. 19. Sed solum implicite, & confusè. 20. Nullam dicit perfectionem simpliciter simplicè. 19. Et 25.

Dei independentia. Dicit negationem dependentiae possibilis. 212. Non tamen obiectiuam; sed formalem.

Dei existentia. Demonstrari non potest demonstratione propter quid. 9. Neque demonstratione quia. 10. Neque euidenter probari à posteriori. 18. Sed solum à priori.

Dei quidditas. Non potest via naturali clarè cognosci per effectus.

Dies finalis iudicii. Videtur à deatis quoad substantiam, non tamen quoad circumstantia locis, & temporis. 479

Dispensatio legis naturalis. Est intrinsecè supernaturalis.

Dispositio. Non semper prærequirit dispositionē. 66

Distinctio virtualis intrinseca. Est naturaliter cognoscibilis. 117. Fundat quidem præcisionem obiectiuam

etiam, non tamen visionem præcisivam.

485

514

E

**E**ffectus. Nullus est proportionatus Deo. 3. Neque adæquat eius virtutem. 17. Neque apparet lumine naturali ut essentialiter conexus cū Deo. 18. Nec evidenter manuducit ad eius existentiam. Ibid.

Eleutabilitas. Cadit supra actum primum, & non supra secundum. 265. Et ideo semper supponit potentiam. Ibid. Quomodo fiat. 270. Cur non detur in lapide ad visionem Dei. 387

Elevatio. Debet esse perfectiva, & non destructiva potentiae. 386

Entia contingentia. Omnia dicunt essentialē connexionem cum possibilitate omnium. 205. Et etiam cum Triuitate. 216

Epistola. Non dicit de formali quod sit ad absentem. 393. Sed quod sit locutio alterius. 394

Essentia Angeli. Immediate cōcurrit, ad visionem sui. 279

Essentia Dei. Fit forma intelligibilis illam videntis. 54. Hoc autem non potest fieri naturaliter. Ibid. Nō potest videri nisi clarè. 121. Quomodo fiat forma intelligibilis videntis illam. 275. Potest per se ipsam immediate concurrere ad visionem sui, ut sui species. 278. Non tamen ut sui vicaria. 281. Neque per informationem, Ibid. Potest videri per speciem impressam. 285. Et etiam per expressam. 343. Licet realiter distingueretur ab intellectu. 344. Repræsentat omnia possibilis etiam intellectui creato. 488. Non potest videri sine personis. 513. Licet possit sine illis communicari. 515. Cur possit persona terminare naturam humanam formaliter, & non essentia, tamen hęc terminare visionem sine illa. 516. Potest communicari realiter sine relatione, non tamen intentionaliter. 516. Est sui species. 517. Sine Personis non est summum bonum. 517. Debet terminare visionem ut subsistens. 518. Non potest videri sine attributis. 550

Bb

5

Eui-

Euidencia. Non dicit necessariò intuitionem obiecti. 311. Dicit tamen aliquam claritatem obiectiuam. 312

Euidencia physica. In quo fundetur. 111

Existencia. Potest clarè cognosci, non cognita clarè essentia. 72

Extasis, Spectat ad vim apprehensiuam, & appetitiuam. 565. Distinguitur à raptu, vt totum à parte. 566. Potest fieri etiam à Dæmone. 567. Non semper est effectus diuini amoris. 565. Si tamen proueniat à Deo, semper est effectus summi amoris. 568

Extasis Dæmoniaca, vel ex morbo. Non est connaturalis, sed violenta. 570

## F

Fides diuina. Non potest esse de obiecto euidenti. 312

Filius, & Spiritus Sanctus. Quomodo se intelligendo gignant verbum. 333

Filius æternus. Cur procedat vt natus. 527. Etiam vt filius refertur ad Spiritum Sanctum. 527

Futura contingencia. Videntur omnia in Deo quoad substantiam. 501

## G

Gratia. Quomodo sit causa principalis actuum meritoriorum. 86. Non est tota virtus ad actus meritorios. 388

Habitus supernaturales. Non sunt vitaliter in recipiente. 377

Homo. Non ordinatur intrinsecè ad visionem Dei. 92. Potest naturaliter appetere tam elicite, quam innatè aliquod supernaturale. 135. & 126. Immo ipsā visionē Dei. 128. & 144. Inefficaciter tamē. 130. Et felicitatē supernaturālē. 130. Nō potest naturaliter mereri visionem Dei. 164. Vnitus hypostaticè Deo naturaliter exigit videre Deum. 182. Non continet eminenter humilitatem. 307

Homo viator. Potest simpliciter videre Deum. 195

**I**Deæ diuinæ. Repræsentantur à lumine gloriæ.  
 471. Sunt plures ratione. Ibid.

Imago Dei. Non repugnat.

351

Impeccabilitas. Non potest vlli creaturæ communicari.

171

Impossibile. Non includit contradictoria formaliter, sed virtualiter. 210. Vno admissio impossibili, non sequeretur, quòd omnia illi coexisterent, & non coexisterent.

209

Incarnationis mysterium. Fuit visum ab Angelis quoad substantiam, non autem quoad circumstantias loci, temporis, & carnis.

480

Independentia. Vide, Dei independentia.

Infinium. In quo sensu potest admittere excessum vnius supra aliud.

461

Intellectus creatus. Habet proportionem ordinis cum Deo, non tamen arithmeticam, seu geometricam. 36. Non potest æquivalere complexo ex se, & lumine gloriæ. 39. & 406. Intellectus physicè perfectior videt Deum perfectiùs intensiùe, non tamen extensiùe. 53. Habet ex se capacitatem infinitam radicalem, non formalem. 57. Est de se insufficiens ad visionem. 59. Et improporcionatus. Ibid. Licet ex se habeat proportionem remotam. 60. Est potentia naturalis ad visionem, non tamen terminatiùe, sed entitatiùe. 67. Quæ de se est insufficiens. 68. Est immediatè dispositus ad lumen gloriæ, non tamen ad visionem. 76. Nisi à Deo infundatur. 77. Non eleuatur intrinsecè per lumen gloriæ. 103. Sed solum quoad modum operandi. 104. Non concurrat ad visionem vt causa principalis, sed vt instrumentum luminis gloriæ, seu Dei. 184. & seqq. Sicut concurrat instrumentaliter ad prophetiam, 186. Se tamen mouet ad illam. 187. Etiam vitaliter per propriam virtutem. 188. Eleuatam. Ibid. Quæ pròinde dicitur obedientialis. 189. Connaturaliter elicit visionem Dei. 191. Cur sit potentia vniuersalior sensu. 268.

Cognoscit Deum ut potentem se noluisse, vel positum destruere. 299. Non potest esse illi connaturalis species impressa **Dei. 309.** Nō habet ex se virtutē sufficientem ad visionem. 360. Sed complebilem per adiutorium supernaturale. Ibid. Potest fieri sufficiens ad visionem absque vlla forma intrinsecē inhærente. 364. **Non** debet habere virtutem completam in actu primo. 366. **Sed** potest compleri in actu secundo. Ib. Et per sufficientiam extrinsecam. 367. Posset videre Deum vitaliter per purum **pati. 379.** **Est** de sufficienter dispositus ad recipiendum lumen gloriæ. 381. Non potest iuari, nisi per principia assimilatiua. 394. Fit intentionaliter omnia per eorum imagines. 395. Non est possibilis intellectus, cui sit connaturale lumen **gloriæ. 404.** **Quomodo** concurrat ad supernaturalitatem visionis. 422

Intellectus intelligens In quo sensu fiat intelligibiliter obiectū. 274. & 316. & 386. **Potest** fieri tale per ipsam intellectionem. 275. Connaturaliter videt Deum per speciem increatam. 276. Licet connaturalius videret per creatam. 277

Intellectio. Vide Cognitio. Est verā actio immans. 347. Est motus metaphysicus. 328. Est assimilatio intellectus cum obiecto. 336. Non distinguitur realiter à verbo. 335. **Non** agit verbum, nisi in genere causæ formalis. 342

Instrumentum. Est causa principalis actionis proximæ, & immediatæ. 187. Etiam se mouet ad illam. Ibid. In quo distinguatur naturale à supernaturali. 188.

Ius naturale. Non potest competere, nisi enti naturali. L 310

**L** Apis. Non potest eleuari ad videndum Deum. 264. & 371. & 386.

Libera arbitrium. Concurrit solum instrumentaliter ad actus meritorios, qui principaliter sunt à gratia. 186. Et 192. Concurrit partialiter per propriam virtutem ut eleuatam à gratia ad actus supernatu-

naturales. **388.** **Ad** quos non concurrit merè passiue,  
vt aqua ad calorem. **389**

Lumen gloriæ. Est instar tubi optici. **55.** Est adop-  
tio in filium Dei. **56.** Non est pura dispositio, sed  
virtus **intellectus. 57.** Et cōmprincipium **efficiens. 58.**  
Faciens Deū veluti præsentem intellectui. **59.** Nō est  
debitū intellectui vt eleuato. **92.** Nō supponit, sed  
facit eleuationē intellectus. Ibid. Est proprietas **Dei. 99.**  
Non eleuat intellectum quoad substantiam, sed quo-  
ad modum operandi. **103.** Quomodo modifcet  
eius modum essendi. **105.** Et quem præstet in illo ef-  
fectum formalem. **106.** Quomodo sit causa princi-  
palis visionis. **186.** Non est simpliciter necessarium,  
vt est formaliter lumen. **355.** Requiritur solum cu-  
mulatiue, & non priuatiue. **355.** & **356.** Non vt dis-  
positio, sed vt virtus formalis. **358.** Non impedit, sed  
perficit virtutem naturalem. **361.** Non requiritur  
vt qualitas intrinsecè inhaerens. **362.** Non est prin-  
cipium vitale. **368.** Non est virtus, seu ratio agendi  
visionem. **385.** Eleuat intellectum excitando, & per-  
ficiendo eius virtutem naturalem. **388.** Non est spe-  
cies expressa **Dei. 391.** Est veluti species impressa di-  
uinæ essentia. **392.** Quam solum extrinsecè immu-  
tar, illam intellectui proportionando. **398.** Magis  
pendet ab obiecto, quā species naturalis. **399.** Tollit  
improportionem inter Deum, & intellectum. **400.**  
Non potest esse connaturale vlli potentia creatæ.  
**404.** Est altioris ordinis quā vlla substantia crea-  
ta. **407.** Est proximum & vltimum determinatiuum  
quantitatis visionis. **428.** Non emanat ab essentia  
necessariò, sed liberè, iuxta mensuram charitatis. **434.**  
Possit esse infinitum. **460.** Non tamen determinare  
ad comprehensionem Dei. Ibid. Repræsentat diui-  
nas **ideas. 471.** Repræsentat obiectum infinitum mo-  
do finito. **492.** Continet omnem perfectionem lu-  
minis prophetici. **496.** In quo differat ab illo. **497.**

Luminum inæqualitas. Facit visiones inæquales.  
**437.** Habetur ab inæqualitate charitatis. **432**

Me-

**M**Emoria visionis . Non est visio: 100  
 Meritum naturale. Non potest cſequi viſionē  
 Dei. 165. In quo diſtinguatur à ſupernaturali. 168

Modus operandi ſequitur modum eſſendi. Quo-  
 modo ſit intelligendum. 32. & 89. & 105. & 172. &  
 266. Variatio in modo operandi uon inducit varia-  
 tionem in modo eſſendi. 90

Modus tendendi in actu primo, vt eſt reſpectus  
 ad obiectum terminatiuum eſt obiectum formale  
 potentia. 232. Eiſque cōſtitutiui ſpecificatiui. 232.

Modus tendendi auris per quid ſpecificetur à  
 modo tendendi oculi. 246. Si extenderetur ad colo-  
 rē, non amitteret reſpectū eſſentialem ad ſonū. 246

Moyſes. Adhūc viator vidit Deum, 196. Non ta-  
 men fuit ſimpliciter beatus. 199. Licet nullam ha-  
 buerit in raptu miſeriam actualem. Ibid.

Myſteria gratia: Videntur omnia in Deo quoad  
 ſubſtantiam, non tamen quoad modum. 501

**N**aturale. Semper eſt debitū alicui naturæ 86  
 Nefcientia. Nō eſt idē ac error. 499. Et ideo il-  
 la poteſt cadere in beatum, & non hic, Ibid;

**O**biectum. Immittit ſui ſpeciem vt cauſa effici-  
 ens illius. 398

Obiectum adæquatum. In quo ſenſu circumscri-  
 bat potentiam. 243. Poteſt fieri inadæquatum in  
 alio ordine. Ibid.

Obiectum adæquatum phyſicè non eſt adæqua-  
 tum metaphyſicè. 190. In quo differant. 234. & 243.

Obiectum beatificū. Eſt Deus vnus, & trinus. 470

Obiectum motiui. Eſt extrinſecum cognito re-  
 ſpectu cognitionis abſtractiua, intrinſecum autem  
 reſpectu intuitiua. 528

Obiectum formale . Eſt ſpecificatiuum potentia.  
 222. Non ſunt rationes obiectales, coloris, & ſoni,  
 ſed formales. 223. Obijcitur potentia vt quo, non

ut quod 219. Aliud est ratio formalis quæ, & aliud ratio qua, seu sub qua. 230

Obiectum formale visus. Non est color, sed eius modus tendendi in colorem. 226

Obiectum terminatum visionis. Vide Beati.

Oculus corporeus. Potest supernaturaliter videre coloratum infinitum. 30. Potest eleuari ad videndum sonum. 234. Non tamen illum audiret. 245. Sed videret per suum modum tendendi. 247. Solum accidentaliter mutatum. 248. Perciperet sonum ut visibilem, & sub ratione formali coloris. 248. Potest eleuari ad videndum Angelum. 243. & ipsum Deum 249. & seqq. Physicè tamen non potest videre, nisi coloratum. 267. Potest clarè videri, nullo visq colore in particulari. 510

Ordo supernaturalis. Potest naturaliter cognoscere ut possibilis. 110

P

Pater diuinus. Non potest videri, nisi ut generas filium. 520. Ut formaliter generans, non refertur ad spiritum S. 525. Non tamen ut talis terminat visionem sui. 526. Etiam ut formaliter Pater; refertur ad spiritum S. 526

Patris æterni cognitio increata. Tendit ad se secundum omnem formalitatem. 528

Paulus Apostolus. Vidit Deum adhuc viuens. 196. Non tamen fuit simpliciter beatus. 199. Licet nullam habuerit in raptu miseriam actuaalem. Ibid.

Peccator. Non potest elicere actus supernaturales, nisi fidei, & spet. 169

Persona creata Realiter distinguitur ab essentia. 522

Personæ. Non possunt videri siue essentia. 519.

Non habent entitatem, nisi essentiam. 520. Sunt termini intrinseci, & modi essentiales inadequati essentia. 520. Includunt formaliter essentiam. 521. Licet sint extra rationem formalem illius. Ibid. Complent eius intelligibilitatem. 522. Non potest videri vna

siue alijs. 524

Po-



Potentia obedientialis . Est intrinsecè naturalis ;

155.

Philosophi gentiles . Non cognouerunt Deum per propria , & euidenter . 70

Pœna damni . Non est eadem formaliter in omnibus damnatis , sed solùm terminatiuè . 413

Possibilitas rerum . Est sola omnipotentia . 205

Potentia actiua . Non potest extendi ad operandum extra suum obiectum formale . 222 . Neque potest ab illo præscindere . 224 . Potest eleuari ad operandum extra obiectum materiale physicè adæquatum , non tamen metaphysicè . 235 . Hoc autem potest fieri etiã naturaliter . 242 . Non debet proportionari cum actu indebito . 244

Potentia obedientialis actiua . Non est principium formale quo , sed radicale quod visionis . 191 . Debet omnino admitti in intellectu , ad hoc vt possit eleuari ad visionem Dei . 390

Potentia remota . Non semper connectitur cum proxima in eodem ordine . 62 . Non tamen est superflua . Ibid . & 63 .

Potentia videndi Deum . Non potest fundari in connexionē essentiali intellectus cum possibilitate visionis . 202

Preces quas fundimus Deo . Cur non sint remediarie , neque superflue . 116

Præcisio obiectiua . Fundat quidem diuersitatem in cognitionibus abstractiuis , non autem in intuitiuis . 534

Priuariatio boni . Non semper est dolorifera . 124

Processus infinitus in causis subordinatis . Est possibilis . 13 . Et admittitur defacto ab Aristotele . Ibid .

Productio actiua in diuinis . Dicit formaliter communicationem essentiae . 521

Proportio geometrica . In quo differat ab arithmetica . 36 . Neutram habet intellectus creatus cum Deo . Ibid .

Proportio ordinis . Datur inter intellectum , & Deum .

Deum. 36. Explicatur quid sit. Ibid. & 65.

R

**R**aptus. Addit ætati violentiam. 567. Potest fieri etiam à Dæmone. Ibid.

Ratio hominis potius includitur quàm identificatur cum animali. 518.

Relationes diuinæ. Non constituunt formaliter, sed realiter essentiâ; & ideo debent cū illa videri. 516.

Resurrectio mortuorum. Vt possibilis naturaliter cognoscitur, non tamen ut futura. 140. Qua ratione fuerit cognita è gentilibus. 141.

Rennio animæ cum corpore. Naturaliter appetitur ab anima separata. 136. Est intrinsecè supernaturalis. Ibid.

Revelationes diuinæ. Facilius percipiuntur in somno, quàm in vigilia. 572. Non tamen quoad iudicium de veritate, sed quoad perceptionem specierum sensibilium. 575.

S

Scientia simplicis intelligentiæ; Non est multiplex in Deo. 487.

Scientia visionis. Est contingens, & libera, & ideo multiplex in Deo. 488.

Sensus. Gignit suum terminum. 330. Non potest formare similitudinem obiecti, nisi secundum accidentia. 331.

Singularia. Videntur in Deo quoad substantiam, non autem quoad circumstantias accidentales. 488.

Somnus. Est multò aptior quàm vigilia, ad percipiendas diuinas reuelationes. 572. Non tamen valde profundus. 574. Disponit in actu primo ad diuinas reuelationes, non autem in secundo. 576.

Somnia. Aliquando excitantur à Deo. 551. Et aliquando à Dæmone. 553. Sed plerumque sunt à causis naturalibus. 555. Et ideo, exceptis diuinis omnia sunt fallacia. 562. Quid significarent penes veteres. 562.

Somniorum frequentia, Arguit corporis habitudinem.

dinem. **559. Nunquam** tamen effectus morales. **560**

Somniorum observatio. Est licita. **555**. Nisi sint per inclinationem animi, & consensum. **558**

Somniorum interpretatio. Est **illicita. 556**. Nisi fiat à Deo specialis potestas. **557**

Somniorum credulitas. Non est **licita. 558. & 563**. Nisi clarè appareat, illa esse à Deo. **559**. Vel considerentur ut effectus physici, in ordine ad alios effectus physicos. **Ibid.**

Species abstractiva. Potest evidenter repræsentare Deum. **311**. Non tamen clarè, & distinctè. **313**

Species expressa. Vide Verbum mentis.

Species expressa abstractiva Dei, crescente perfectione intellectus, posset fieri intuitiva. **292**

Specificatum actuum. Sumitur ex obiecto primario, & secundario. **443**

Species impressa. Debet prius manifestare seipsam quam obiectum. **283** Est similitudo obiectiva. **Ibid.**

Quam convenientiam habeat cum obiecto. **289**. Extenditur ad totam durationem motui, & obiecti. **293**.

**Commenfuratur** virtuti, & eius actui. **300**. Realiter differt ab intellectione. **317**. Facit obiectum præsens in habitu, & non in actu. **320**, Et ideo tendit in illud ut virtualiter cognitum. **Ibid.** Quænam sint eius proprietates. **393**. & **394**.

**Non** se tenet ex parte obiecti, sed potètiæ. **356**. ab obiecto ut à causa efficiente. **339**

Species impressa Dei. Nullo modo est necessaria ad visionem Dei. **273**. Non est necesse quod sit informativa potentie. **279**. Non potest physice dari, potest autem supernaturaliter. **285**. Est intelligibilitas passiva, & obiectiva Dei. **290**. Est veluti semen diuinæ essentiae illam intentionaliter propagans. **291**. Non facit Deum cognoscibilem quoad se, sed quoad nos. **294**. Non est medium formale, sed virtuale visionis. **295**. Posset disiunctivè repræsentare veritates oppositas, non tamen **simul. 296**. Et Deum ut potentem se destruere. **297**. **Non** esset imago formalis,

malis, & similitudo Dei. 302. Multò minus esset formaliter Deus. 306. Nulli intellectui potest esse con-  
naturalis. 309. Datur defacto, & est lumen gloriæ.  
392. Non est ex indigentia objecti, sed intelle-  
ctus. 400. Non debet habere ultimam determinatio-  
nem obiectiuam. 402.

Species rei inferioris eleuata potest representare  
rem ordinis superioris. 288.

Species supernaturalis. Non procedit ab obiecto  
naturalis necessitate, sed liberè. 434. Nec datur ad  
exigentiam naturæ, sed gratiose. Ibid.

Substantia naturalis. Est semper debita alicui na-  
turæ. 86. Repugnat substantia intrinsecè supernatu-  
ralis. 98. Non potest habere cognitionem, quæ sit  
perfectior comprehensione sui. 171.

Subsistentia. Non est constitutiva, & specificatiua  
substantiæ. 232.

Supernaturale. Nō bene explicatur per hoc quod  
sit supra totum creatum, & creabile. 81. Neque per  
hoc quod superet vires totius naturæ. 83. Quotuplex  
sic. 84. Quomodo explicetur. 86. Potest naturaliter  
appeteri, tã absolute, quàm conditionatè. 126.

Supernaturale quoad substantiam. Est omnino  
indebitum omni naturæ particulari. 86. Quid sit ef-  
se indebitum. 90. Non potest esse, nisi accidens. 98.  
In quo sensu sit supra totum ordinem substantiæ ut  
sic. 99. Est supra totum creatum in ratione effectus,  
non autem in ratione entis. 100. Superat vires Dei  
ut est causa prima, seu natura vniuersalis. Ibid. Non  
autem ut Deus est, 101. Quomodo dicatur entis  
ens. 407.

Supernaturale in operando. Non semper est su-  
pernaturale in essendo. 88.

Supernaturalitas actus. Non exigit principium  
adaequatum supernaturale. 390. Commensuratur  
virtuti eleuata. 390.

## T

Trinitas Personarum. Est naturalis quoad sub-  
stan-

stantiam. 98. Potest naturaliter cognosci ut possibilis. 113. Immo ut existens, sed obicure. Ibid. Cur non possit physice cognosci clare. 333.

## V

**V**erbum diuinum. Distinguitur realiter à cognitione Patris, non ut est cognitio, sed ut est diuina, & notionalis Patris. 340. Erratione diuinæ fecunditatis. Ibid.

Verbum mentis: Quid sit. 321. Quæ sint ad illud requisita. 322. Dicit respectum ad principium, & obiectum. 323. Quotupliciter vocetur. 324. Debet necessariò admitti. 326. Non distinguitur realiter ab intellectione. 335. Sed solum formaliter. 337. Est proles intellectus fecundati à specie impressa. 335. Non est medium cognitum obiecti, sed medium cognoscens ut quo. 337. Est terminus intrinsecus intellectione. 337. A qua non fit nisi in genere causæ formalis. 342. Licet realiter distingueretur à visione, adhuc posset esse medium quo ad videndum Deum, non tamen medium formale, quod 345. Nec obiectum motuum specificatum. 346. Formatur à Beatis. 348. Non in ratione obiecti, sed imaginis formalis. 351.

Verum. Non est obiectum formale intellectus, nisi sumatur formaliter. 224. & 227.

Videre. Non conuenit solum in principio actiui visionis, sed etiam receptiui 193. Non est solum percipere sensibiliter colorem ut colorem. 246 & 245. Non est formaliter elicere visionem, sed illam recipere. 383.

Videntes Deum. Vide visio Dei, & Beati. Non possunt errare circa prædicata intrinseca Dei. 497. Nec peccare. Ibid.

Viator. Vide, homo viator.

Visio Dei. Nō impedit exercitium aliorum actuum vitalium. 536. Impedit tamen circa obiecta disparata. 537. Est connaturalis videnti. 544. Est debita secundum genus. 545. Non tamē est naturalis. 547. Si fiat.

fiat per speciē distinctā, est vidēti cōnaturalior. 458

Visio corporea. Potest supernaturaliter terminari ad sonum. 236. Et ad Angelum. 243. Si ponatur in lapide, nō facit illū vidēre. 265. Et ad ipsū Deū. 249.

Visio Dei per essentiā. Est supernaturaliter possibilis. 29. Est hōminis beatitudo. 30. Cū non sit infinita ex infinitate obiecti? 34. Non debet adæquatē coexistere obiecto viso. 44. Est exercitium amicitiae diuinæ. 49. Si fieret naturaliter, esset cōprehensiva 50. Hoc non accidit supernaturali. 51. Necessariō est visio Trinitatis. 72. Non tamē actuum liberorum. 73. Potest naturaliter cognosci vt possibilis. 118. & 147. Immo & naturaliter appeti. 120. Nō est formaliter locutio Dei. 123. Nō est consequibilis. 164. Supponit gratiam adoptionis. 165. Non potest esse naturaliter debita vlli creaturæ. 170. Trahit necessariō amicitia cum Deo. 172. Est impossibilis cum Fide actuali, nō cum habituali. 198. Non potest fieri per auxilia Deī generalia. 201. Potest immediatē pendere à diuina essentiā effectiuē, & obiectiuē. 282. Quomodo representet Deum. 302. Est formatiua verbi. 348. Indistincti realiter ab ipsa. 349. Non pendet essentialiter à lumine gloriæ vt formaliter tali. 355. Posset à Deo infundi absque actiui concursu videntis. 371. Cuius tamen esset actus proprius. 373. Et vitalis. 395. Pendet indiuisibiliter ab intellectu, & lumine, vt causis partialibus. 418. Eius determinatiuum non est solum lumen, sed etiam virtus naturalis. 422. Licet sit secundū supernaturalitatem. 428. Haber à solo lumine vt sit formaliter visio Dei. 429. Non sunt omnes æquales secundū irēfionē 409. Immo nec secundū extrēfionē 435. Vna videt plura in Deo, quā alia. 437. Vna differt ab alia specie, & alia numero. 441. Specificatur non solum ex obiecto formali, sed etiam ex ordine ad principium. 441. & 445. Eius obiectum formale non est diuina essentia, sed modus tendendi in illam. 443. Non est comprehensiva Dei. 448. Licet videat comprehensionem increatam, & eius modū.

452. Non est possibilis visio comprehensiva 455.  
Nec infinite intensa. 465

Visio<sup>n</sup>um aequalitas, vel inaequalitas. Vide Beatorum visio.

Visio, qua Deus se videt. Potest cognosci naturaliter ut possibilis. 123

Visibilitas. Est obiectum formale potentiae visu<sup>ae</sup>, 228.

Visio<sup>n</sup>is obiectum. Vide Beati.

Vnio hypostatica. Non reddit humanitatem supernaturalem, 103. Neque diuinam, 464

Visio<sup>n</sup>is perfectio. Desumit mensuram à lumine gloriae. 477

Visio<sup>n</sup>is mensura. Potest esse aeternitas, 539. Vel æuum, 540. Tamen de facto est tempus. Ibid. Non tamen est variabilis. 541

Visio<sup>n</sup>is permanentia. Non potest esse secundum individuum, 503. Sed solum secundum speciem, vel genus. 504

Visio Petri sub ratione animalis solum improprie dicitur intuitiva. 618

Vitalitas actus. Potest haberi, licet à solo Deo gigneretur, 377. Eius tamen immanentia suppleri non potest. 465

Volitio. Efficit suum terminum intrinsecum, 329. Licet innominatum, 330

Voluntas. Vide, liberum arbitrium, Concurrit actiue, licet instrumentaliter ad actus meritorios, 192.

Voluntarium. Est in nobis, & à nobis. 359

**F I N I S.**



# ERRATA CORRIGE.

499

Pagina	Malta.	Corrige,	Multa
Ibid.	alienius.		alienis
50	Dei quam.		quem
57	Sicut etiam.		sicut ergo
Ibid.	explicato		explicatio
93	exigentia.		exigentiam
146	Ad omne actum.		omnem
147	sub finem, si hæc.		si hic
158	Determinata.		determinatè
169	non potest elicere actus.		nisi actus.
173	filatione.		filiatione
176	necessariò supponi.	si necessario supponit	
187	Calefaciendū ignē.		lignum
193	In principij.		principijs
201	At Deo confortata.	à Deo confortatas	
Ibid.	sub proprio conceptui.		conceptu
212	Dici negationem.		dicit negationem
208	Proportionem.		propositionem
214	Ratio boni.		ratio boni
245	nilius præcipuè.		nilius
246	specificatus.		specificatur
Ibid.	modus tendi.		modus tendendi
Ibid.	se extenditur.		si extenditur
251	si per eis.		per eos
252	sic non Deum.		sic nos Deum
Ibid.	no visuros.		nos visuros
254	Hoc obex.		hic obex
256	Innocescat.		innotescat
325	est aio immanens.		est actio
241	in fine, volabat.		volebat
365	in fine, goe.		ego
407	efficere immediatè.		afficere
411	Disces.		Dices
421	Perfectioni.		perfectioni
471	Via particula.		pericula

In



Pag. 473	in respōsione tertij. Corrige,	quarti
475	Deest hoc secūdū argumētū.	Si viderentur in
	Deo omnes creaturæ actu existentes,	viderētur in illo
	omnes actus liberi, quib. eas Deus vult.	Sed hi videri
	nō possunt, quia nō omnes illū denomināt.	Ergo &c.
511	Denominationis.	demonstrationis
514	sunt euidens.	euidentes
522	maiori.	maioris
524	esse vnam.	esse vnum
526	cum illo.	cum filio
Ibid.	impossibili.	impossibile
531	obeitos.	ascitas
538	Aliarum veritatem	veritatum
Ibid.	se diuerteretur.	se diuertere
539	coethic.	io ethic.
542	omnes alia.	omnes alias
Ibid.	cum extrinseca.	seu generica
550	Abire.	abire
551	An omnia.	an somnia
553	Auidite.	audite
556	Demonituum.	dæmoniacum
Ibid.	Per actum.	pactum
557	Que vt pupillam.	quæ vt pupillā
Ibid.	Theodorijs.	Theodori
560	Indicat humorū puritate.	puritatem
Ibid.	seculentos.	seculentos
561	Plura docemus.	plura dicemus
569	mori vt nō est. mori vbi est, &	viuere vbi nō est
Ibid.	Vbi anima.	vbi animat
570	Prædominatis.	prædominantis
572	malcus.	melius
573	Percipienda.	percipiendas
574	Diuinæ Thomæ.	diuī Thomæ
576	non valet.	non valent
Ibid.	Post hæc verba. quod præter, desunt hæc,	subtiliores species, inducunt etiam
Ibid.	citter.	citato
Ibid.	statum,	statim





